




67
VII
22

12
12
d
24







CORPORIS
H V M A N I
DISQVISITIO
ANATOMICA;

I N Q U A
SANGVINIS CIRCVLATIONEM



in quavis Corporis particula plurimis typis
novis, ac Ænygmatum Medicorum suc-
cinctâ dilucidatione ornatam
prosequutus est

NATHANAEL HIGHMORUS

Artium & Medicinæ Doctor, nuper è
Societate Sanctæ Trinitatis

O X O N :

Accessit Index duplex, alter Capitum, alter
Rerum & Verborum locupletissimus.



Proliet. Schol.

Licet, J. Pantat.

HAGÆ-COMITIS,

Ex Officina SAMUELIS BROUN
Bibliopolæ Anglici.

M. DC. LI.

ex lib. Alph. Norellij

1740
1741

1742
1743

1744
1745

1746
1747

1748
1749



FRONTIS PHYSIOGNOMICA DESCRIPTIO.

SISTE LECTOR.

POrtūque consule, antequam domum scrutaris,
priusque sionem explora, quam hominem legas;
Per frontes legitima naturas, & index est domus Porta:
Hic vide Epinoetū Epinomes, & Microcosmum Microcosmi.

Anatomix
primò aspice Delubrum: Hic regnas Crancorum Pallas
vera, Existorumque Estulapia, manibus suar
Monarchiz vibrans Symbola. Ad dextram deprinde inflauratos
Reginæ Secretarios, Artuspices naturæ iustos,
nostrorumque

Corporum Intelligentias. Hic hic in Ius
vocamur Spirituum symphoniz,
Febrilisque calorū intemperies, mendacii hic arguitur
Pulsus; Infermitatū Delphos & Sybilla, Naturæque
Claudicantis

hic revelantur errores. Ad lævam spectā
Contemplationem expunctam, Velo negatam
Influentia Delubri. Hic Phæbi instat sub nube tumulati
Harmonizque faciei flammeo castigatæ, suo

• Sepultus est
Musæo; vultu induus negotiāni
sitūque fixas erudio. Delece de tuo
Iam Lector oculo, & vide duos rationalis rugiū
Petros; Medicorum perspicilla, pelagique anatomici
uictique Typhus.

Hi sunt naturarum Censores acuti,
Corporumque Amphiones, modulari venas
Neruoque quasi viventis Lyæ dissonantes. Hi suis
Senpitis tanquam Ariadnæ filis, nos ducant in Labyrinthum
Homini. Vno

apophthegmate suo proclamante: Sine hæc
Microcosmographia non esse Loipe-
dant in Medicinā & Vulcanos, non Apollines. Altero
aphorismo suo limato, monstrante. Hæc vita redditur
Nchoriana,

Arti compendioria, Iudicium epodorum,
tuta Mæandri Expēntia. Tum Valvæ

Cuticulæ sublevantes, quasi duo fluitantes Collegii
turtures, nobis ostendunt novam Microcosmū Britanniam
Hominiæque

Architecturam. Sub dextra aspice *Ἰδαίαν*,
Corporis tigna & fundamentum. Sub lævā
Musculos vide, reclusa domus & regulæ. Iam jam pingenda est
Hominiæ Geographia: ubi primò iudicium oculi iuvare
Vix Faber

Cordisque antlia. Hic spiritus Membrorum Organizæ,
Scimitræ Iovis, & quasi manus e celo
descendens, & lecore, Hominiæ Mare rubrum, putresq; rosarum
purpureas hauriunt aquæ. Ostiumq; in grandæ evomunt Antennæ
Canalicque

Corporis amplum. Arteria hic tanquam fixus
Causæ Cysternus, suas detrusu sanguinis
Caractas, telescopicque Mixandros, irrorare Asiā
hominiæ minorē, animæque provincias distantes
Cursum donec

peracto, rivis suis in Magna experimunt
alveos Venarū, purpureumque hominiæ Danubium,
perpetuo rotari lapsu, necumque osculare Musice triduum
Iecoris Oceanum; caloremq; ex antliā renovare
vivificantem.

Revolutionem jam deprendere, Molinoscm
Naturæ casum, metuens hic diluvium;
ripā opposita suos sublevavit obices, tumentem
calthigat rivum, Nilumque phlebotomiā revocare scientem.
Dum peritus


Naturæ Timon, corporisque agricola
Detravit, demersum larunæ hominiæ
pratū, cruoremque hione suo siccat pallorem.
Depingi tandem sequitur Oculis artis thalamique
Sensilis hic

vidimus naturæ simiam, Oculique
Oedipus, nobis demonstrans sensus antichem
Visusq; *Ænigmata*, dum lineā ad amulum rectā quercum recipit
iortiam, radioque Phæbi laborante passus miratur,

Cætera intus habes

LECTOR.

Ingredere.



EXCELLENTISSIMO ET
ORNATISSIMO VIRO,

D^o. DOCTORI HARVEO.

*Collegii Medicorum Londinensium Socio dignissimo,
Anatomiae Professori Oculatissimo, Regiae Ma-
jestatis nuperrime Medico Serenissimo,
& Amico suo singulari*

S. P. D.

NE mireris Clarissime D. Har-
vee, nomen tuum nostro præ-
luxisse libello. In quo tuam *San-*
guinis Circulationem, modulo à te
delineatam habes exstructam;
prolemque tuam hic adultam
singulas Microcosmi regiones
perambulantem videas. Quam licet vestitu,
propriaque spoliata formâ invenies, te tamen
Parentem vendicat felicem & Patronum; cu-
jus manus tanta cum famâ, liberales, nequa-
quam sobolem propriam, quamvis nudam aut
alienis obnubilatam vestibus exponi, convi-
tiisve malignantium lacerari jubeant. Octo
jam effluxere anni ex quo primum lucubratio-
nes hasce primaque nostra conamina (jussu so-
lertissimæ vestræ dignitatis) publicæ censuræ
exponendas in animo habuimus. Sed fatali
nescio qua necessitate, inter publicas ruinas se-
A pulta

pultæ latuerunt, dumque ferri funesta licentia,
& gladiis data libertas grassetur, in tanto re-
rum discrimine, illas non solum periclitari, sed
& perpetuis, inter jacentum agmina, damnari
tenebris metuimus. Neque jam dum reducis
exordia diu expectavimus pacis, silent arma,
aut clementioris fortunæ spes est relicta; nisi &
tua solertia hanc meam qualemcunque opel-
lam, meque, non tantum ex creperis hisce ma-
vortiis strepitibus, sed & ab iniquis malevolo-
rum morsibus tutum & securum vendicet.

Liceat itaque ut nostro larvata amictu tua
circulatio in lucem prodeat, ac cui vitam olim
& esse felicissimè contulisti, nunc benè esse, tu-
telam ac famam contribuere non pigeat. Quæ
ideò erit illustrior, quod tuum in fronte gerat
insigne, & eo nomine forsan placebit: adeò li-
cet hæc nostra fabrica nihil habeat quo sibi Le-
ctor placere poterit, si Nomen vestrum, ve-
stramque circulationem (jam per totum orbem
celebrem) aspiciat, quidni etiam apud eum &
nostra *Disquisitio* speret gratiam; splendorem
indè assequuta majorem quam propriis meritis.


Non tam officii mei itaque, sed & justitiæ ef-
fe credidi hoc observantiæ & officiosæ gratitu-
dinis testimonium tibi, (solertissime) cum de-
bitâ veneratione consecrare, & ad favoris ac
Patrocinii aram suspendere. Hunc igitur la-
borem nostrum sub tuo assume vexillo

Sberbornia Durotrigam
4. Decembris 1650.
Syl. Jul.

Tuumque

Solertissimæ oculatissimæque
vestræ Excellentię servum
devotissimum

Nathanaelem Highborum.



LECTORI CANDIDO.

Pæclara hæc Medicinæ Pars, cuius commoda satis decantare nec valeo, nec velim; cum laudes omnium ita superet, ut Elogiis aliquid semper perdiderit, nec Detrectatores unquam habuit majores, quàm suos Encomiastes: Diu sanè figmentis vestita latuit, & erroribus crassis sepulta. Dissectionem enim aversati veterum nonnulli, in Cathedris suis sedentes, Hominem imaginatione sibi confingunt, atque inde disputationibus satis perplexis, figmenta confirmantes, veritatem adeò obnubilant, ut jam Homo in ipso homine quærat: tantum à veritate scripta illorum alienantur. Alii perperam & oscitanter Sectionem aggredientes, quæque partium sit connexio, & situs non observantes, nescio quas ementiantur. Alii sibi persuasum habent, omnia tam plana, tam perfectæ, & absoluta à majoribus esse tradita, nihil ultra solliciti, ut nobis nihil ulterius cogitandum, & perpendendum reliquerint, sed in beato quodam otio collocaverint, quod totum suis scriptis tantum cognoscendis sit impendendum. Alii non tam veritatis quàm gloriæ cupiditate inflati, novitati student; idque unice agunt, ut etiam optimè à majoribus dicta convellant. Atque hæc sunt quæ animos à veritate abducunt, & Hujus, omniumque disciplinarum obsteterint incrementis.

PRÆFATIO LECTORI.

*Non multis jam retro annis satis sæliciter Artem hanc assiduus laboribus adornavit Divinus Vesalius, Hunc sequuti sunt Fallopius, Bauhinus, Placentinus, Spigelius, & alii optimè de Republica Anatomica meriti. Et jam è cineribus & orco quasi resuscitata exuvias deponit, iterumque reviviscit. Sunt tamen in illa (liceat dicere) desiderata adhuc quædam, interposita quædam figmenta, & veritatis nescia. Illorum tamen studium, & diligentia qui nobis ad eruditionem, & veritatem viam monstrarunt, non solum non vituperio, sed etiam laude, imò admiratione digna sunt. Et certe nunquam quisquam ita benè subactus ratione ad vitam fuit, quin res, ætas, usus aliquid apporet novi, aliquid admoneat, ut illa quæ te scire credas, nescias, & quæ tibi putaris prima, in experiundo repudies. Si itaque novi aliquid nobis *αὐτοψία*, & experientia assidua, licet non cana, nec annis onerata monstravit; hunc (candidè Lector) nostrum laborem boni consule (quod te faciliè facturum confido, si eum animum ad legendum attuleris, quem ego ad scribendum; veritatis nimirum, tibi que inserviendi cupidissimum. Non vanum enim & ambitiosum scribendi cacoethes me possidet, neque temerarium novandi studium proritat, non vulgi acclamationes ambio, nec contemptus metuo, sola mihi placet veritas, hæcque nostra conamina, nisi amicorum preces penè extorsissent, in ipso partu periissent, & ne invidiæ reum, Artis que filium degenerem insimulassent, quasi quæ matri decus & incrementum asferre poterant, tenebris eram damnaturus opus hoc Mavortius armorum fremitibus, variisque rerum mutationibus diù interpolatum,*
jam

PRÆFATIO LECTORI.

jam ad umbilicum perduximus, & tuæ potestatis hoc quale quale sit, fecimus. In quo quæstiunculas quasdam controversas, & perplexas satis inspersi, non ut legentium animos tricus involverem, sed ut potius, ex his quæ impedimento ipsis esse possint expedirem. Sunt tamen quæ ab *Anatomicis Demonstrationibus* dependent, ut hinc facilius illustrentur; & forsan huic parti de circulatione sanguinis nonnihil tribuendum est, ut intelligantur. Aphorismos plurimos *Hippocratis* qui deficiente *Anatomicæ* scientiâ, semper ænygmata erant permansuri, exposui; observationes etiam præcticas plurimas inserui. Et ut cum utili dulce aliquod admisceatur, asperiora, minúsque grata, *literarum* condimentis, experimentis plurimis tam *Philosophicis*, quàm *Anatomicis*, ac *Tabulis* novis quàm plurimis dulcoravi; ut te paulatim ad severiora (eo nomine fortassis declinanda, si nuda prorsus & solitaria relicta fuissent) sollicitarem. Publicum enim palatum nunc dierum ferè omnia ægrè gustassent, nisi hujusmodi blandimentis condita fuissent; & fame potius quidam emorituri essent, quàm aliquid ejusmodi, vel primis quidem labris tetigissent. Stylum sumsi, non excultum, & luxuriantem, sed paulò negligentiore, quò me duxit *Genius*, & *materiæ* capacitas; neque enim æqualem omnis *literaturæ* pars cultum admittit.

Nonnulla, quibus *Volumina Anatomici* sua infarciunt, libenter omisi; tractatione etiam de ossibus, *Musculis*, & artubus abstinere malui; quia hæc in parte multi alii ad curiositatem usque penè varii fuerunt. Adeò ut ne volumen librique pretium nimis

PRÆFATIO LECTORI.

excederet, tēque tædio afficeret, paginæ seriem constrinxi.

Ab aliis forsā antea prolata, nonnulla hic invenies; sustine tamen dentem paulisper, plus uno. Verum non est, nec multiplici prole luxuriavit veritas: itaque ubi aliorum vestigiis insistere videar, illa solum vel methodi gratiā, vel quia à plerisque aut ignorantur, aut negliguntur, excerpſi: nonnulla tamen invenies, quæ tibi forsā antea ignota fuerunt, quæ si à majoribus recedant; hoc te scire velim, solam antiquorum auctoritatem, pro veritatis lege, & normā non esse habendam, sed rationem & experientiam. Quapropter ubi vel ratio evidens, vel experientia manifestè convincant, majores à veritate aberrasse, & bonum quandōque dormitasse Homerum, puta. Eorum enim errata dissimulanda non sunt, ne nos etiam posteritati imposuisse videamur.

In toto igitur hoc opere nihil præter veritatis irreſtigationem spectavi; quam si Dei beneficio fuerim affectus, est quod gaudeam: Si in his quæ in profundo latent hallucinatus fuerim, Humani aliquid mihi accidisse agnoscam, meque extra humanam sortem non esse positum, parum dolebo. In hoc ferè totam impendi operam, ut sanguinis cibique circulum, ab ore ad extrema usque in quavis parte indigitarem. Per Circulum hunc connexionem partium inter se, partesque plurimas antea non tam dilucidè descriptas, Tabulis delineavimus; Quæ omnia si tibi grata fuerint illis bonis
avibus

PRÆFATIO LECTORI.

*avibus frueri ; Interim salvis tuæ summè sollicitum
habebis.*

NATHANAELEM

HIGHMORVM OXO-
nienſem.

Errata

Errata sic corrigenda sunt ab amico Lectore.

P Ag.9.lin. 8. pro calorem lege colorem. l.14.leg videtur pinguedo. p.13. l.36. pro Tab.VI.fig.4. e.e. lege Tab.VII. *Id.* l.3. *.*.*. p.14. l.17. pro constituit, inferius of-
sibus pubis, & ilium reliquis &c. lege constituit, inferius ofsibus pubis &
ilium reliquis. pag.16. lin. 11. pro ut obælis lege & obæsis. pag. 21. lin. 3. lege reci-
pit os. p.11.l.40. pro itinere lege itinere. l. 47. pro vi. d. leg vi. s. p.22.l.9. pro vi.
e.e.c.l vi. p.c. p.26. Lult. pro orificio lege officio. p.27.l.11. pro Tab.III.fig.2.d.f. lege
Tab.III.fig. 12. 1.1.e.& Tab. V. fig.22.C.f. lin.23. pro causatur lege causat. p.38. l.13.
pro semper lege semper. p.41.l.14. pro longum Tab. lege longum, subiectus. Tab.p.40.l.
penult. pro tempus discernatur lege tempus à dissectione & ulterius discernatur. l.21.
pro intestinum implantatur, lege intestinum, in cholidochum implantatur. p. 43.
l.16. pro ejus parte lege Pancreatis parte. p.45. l.23. pro A. 12. lege E. 12. lin.27. lege pars
in 22. p.46.l.34. pro commonstrabit lege commonstravit. p.47. l.16. pro dorpo lege
torpore. p.49. l.41. pro modo formentus lege modo delincentur. lin. 43. dele quæ.
l.44. pro perfecte consistit, lege perfecte primo consistit. p.54. l.37. dele immediatæ.
pag.58. lin. 35. pro Spigelius expressis terminis mentionem facit cervicem, &c. lege
Spigelius mentionem faciens, cervicem (inquit) arctissimam &c. lin.37. lege licet. Ne.
que revera valvulæ sunt, sed tunicarum corrugationes ab arctiori fibrarum contra-
ctione factæ. lin.47. post 1.e.e. lege Insertio horum sit inter binas vesiculæ tunicas,
adæd ut interior ejus tunica valvulæ vicem subeat, ac refluxum omnem impediverit.
p.59.l.26. sic lege, emiserunt: quæ facilè & leniter facultatem expultricem ad chyli, cum
foecibus promotionem provocat: Et postquam totus à Lacteis exugatur chylus, tunc
vesicula suam similiter bilem deponit, quæ expultricem ad foeces expellendas stimulat.
lin.33. post separatur. lege Atque ideo illorum excrementa non tam citò excernuntur,
sed calore corporis aridiora & duriora facta scabulosa prodeunt. p.60. l.45. pro puni-
cia lege pumicia. p.64. l.41. pro professionibus lege professoribus. p.74. l.21. lege artin-
gere chylum. p.75. l.12. *εσχνα* lege *εσχνα*. p.79. l.1. pro densior est lege densior
&c. p.80. l.16. dele cum. p.111. l.6. pro Tab.IX. fig.1. d. lege Tab.X. fig.1. E. l.45. pro di-
spolitio lege disposito. p.100. l.23. pro quisque lege quibus. p.102. l.19. pro Quorum
lege Quarum. p.108. l.21. lege continuè arripiunt. p.121. l.41. lege reddatur foetus.
p.137. l.14. dele illud. p.145. l.12. lege doctissimus Harvejus. p.149. l.14. lege perlustravi.
p.151. l.26. pro partibus lege partitus. p.158. l.20. pro invenitis lege invenietis. p.174.
l.12. pro Hæce lege Hanc. p.180. l.36. dele videmus. p.200. lege causant. p.210. l.47.
pro Tab.XII. lege Tab.XV. p.216. l.1. pro corio lege color. p.231. l.2. pro calore lege
colore. l.33. pro hypebolis lege hyperbolis. p.232. lin.21. dele Ad.

CORPORIS HVMANI DISQVIVITIONIS ANATOMICÆ LIBER PRIMVS.

CAPVT I.

De Naturâ & diuisione partium Corporis.

QUamvis varia in artibus scientiisque tractandis graviter ob-
stent, quo minus accuratè perdiscantur; nihil majus dispen-
dium adferre arbitror, quam pinguem, & crassam nimis Sub-
jecti Disquisitionem. In Medicinâ non minus interest Medici,
ejus subjecti, sci: *Humani Corporis* cognitio. Nec decantatum illud apoph-
thegma, *γνώθι σεαυτόν*, hâc in arte minus corpori, quam animo referri
oporteat, neque incuti minus insimulari potest, cujus in Anatomia fa-
tiscit diligentia, quam qui animum incultum proorsus & neglectum
habeat. Ac licet partium hujus corporis *supputata* & proportio sit mi-
rabilis, multumque habeat majestatis, hic non acquiescat Medicus ex-
ternis lineamentis; superficialis non sufficit (pictorum modo) perlu-
stratio: paulo altius inquirendum est, corpulque *ἀναρίπνστα*, & in
partes dividi oportet,

Quæ vulgariter in Similares, & Organicas dividuntur. Similares
sunt quæ in partes sibi similes possunt dividi, & numero sunt decem, Os,
Cartilago, Ligamentum, Membrana, Fibra, Nervus, Arteria, Vena,
Cutis, Caro, quarum definitiones passim apud Anatomicos extant.
Quæ ex his conficiuntur Organicae dicuntur, ut pes, manus, brachium, &c,
Similares sunt vel reverà tales, quæ in alterius naturam dividi ne-
queant, vel sensus judicio, quæ sensibus apparent esse tales, sed reverà
non sunt: ut venæ, ex fibris & membranis compositæ; sic Arteriæ, quæ
tamen similes dicuntur, quia sic sensibus apparent.

Differunt inter se vel ratione materiæ, vel ratione formæ. Illarum
materia sunt semen & sanguis maternus. A semine parentum, prima fi-
lamentum partium tanquam stamina constituuntur, quæ sunt tanquam
fundamenta totius.

In Filamentis hisce residet cœlestis ille calor natus ac humidum primige-
nium; animæ primaria organa: quibus omnes vitæ actiones obit, & quic-
quid

quid salutare in nobis, & in generatione utile, nutritione ac alimentorum confectione perficitur, exequitur quibus natura morbos, eorumq; causas depellit.

Calor hic naturalis, humidumque primigenium per semen à parentibus ad foetum traducuntur, & in spermaticis hinc partibus à primo ortu fundantur, cuilibet parti suum calidum & humidum proprium, illarum actionum effectrices. Hæc in foetu ex sanguine materno, in adultis ex proprio aliquid cognatum eliciunt, quod sibi apponunt, & assimilant. Adeo ut in perpetuum foret duraturum, si membra concoquentia partesque assimilantes rectè fuerint semper disposita. Appositè itaque oculatissimus Verulamius, Histo: Vitæ & Mort: *Medicos imperitia ac levitatis arguit, quod calidum hoc, humidumq; in solidum non reparari posse existiment: Sed fieri jam usq; ab infantia appositionem quandam degenerem, non reparationem justam, quæ sensim cum ætate depravatur; & demum prævum deducunt ad nullum. Omnia in animali sub adolescentiâ, & juventute integrè reparantur, quin etiam ad tempus quantitate augentur, qualitate meliorantur, ut materia reparationis quasi æterna esset, si modus reparationis non deficeret.* Sanguis, ex quo partes nutriuntur, augmentur, humidumque illud & calidum semper instaurantur, etiam post declinationem & ætatis decursum facile reparatur. Ex hoc sanguine perfectum generatur semen, & cum semine hoc, uti diximus; & fusiùs probat Sennertus, in foetus generatione traducitur calidum, humidumque, & perfectum generatur foetus, calidumque perfectum. Calidum hoc in semine fit ex partibus sanguinis cognatis, virtute quadam testibus insita, elicitis, & ex calido illorum proprio alteratis, concoctis, perfecteque assimilatis. Iam vero si calidum illud quod ex semine senili foetui impertitur, est perfectum, cur non & senile calidum in testibus, & in aliis partibus perfectum etiam diceretur? nihil dat quod ipsum non habet, & si pater in generatione filii, calidum non habuit perfectum, de calidi perfectione in foetu multum dubito. Quamvis etiam pater in generatione de proprio, hoc est insito, non largiatur, sed ex partibus sanguinis elicitis, à calido insito tale efficiatur, illud tamen perfectum esse consentiunt omnes; quod tamen fieri non potest, nisi & illud etiam ex quo fit, esset perfectum; quod tale efficit, est magis tale. Pater itaque quamdiu semen prolificum generat, calidum progignit, non minus perfectum quam sui ipsius prius fuit insitum calidum. At si tale calidum etiam in senectute generat, quod principium alterius hominis fieri potest, & est æque perfectum ac illud, è quo ipse pater constituebatur, certe & ipsum calidum nativum parentis, ab illo, ei prius à suis parentibus communicato & traducto, non degenerat. Pergit Verulamius. *In hoc itaq; causa mortis non est querenda, sed in illis partibus, quæ difficiliter reparantur, quales sunt scilicet & porosiores, ut Membrana, Vena, Arteria, Nervi, Ossâ, etiam viscera pleraq; omnia; Quæ cum ad illas alteras reparabiles partes, actu reparandas omnino officium suum præstare debeant, activitate sua ac viribus imminuta, functiones suas amplius exequi non possunt, (aut saltem debilius operantur, & materiam nutritionis minore quantitate concoquunt & particulis præbent.) Ex quo fit ut omnia ruere incipiant, & illa ipsa partes, quæ suâ natura sunt reparabiles, deficientibus machinis, & organis reparationis, nec ipsa similiter commodè reparentur. Sed minuuntur & tandem deficiunt.*

Principatus hujus calidi nativi & humidi radicalis in corde residet, in partibus scilicet spermaticis; habent & aliæ partes etiam suum quæque proprium

proprium calidum, & principium seminale independentè à Corde: at in illo major hujus calidi portio stabulatur, quod ex majori quantitate humoris spermatici, & solidiori & fibrosâ magis substantiâ constituitur. Et hinc calor influens cæteris partibus communicatur, quo insitus ille in partibus sopitus suscitatur ac fovetur. Atque ob hanc rationem Galenus Cor *ισίαν τῶ ἐμφόρου ἡπατος* focum calidi innati nominat.

In partibus hæc Similaribus Humidum hoc & calidum etiam post animæ secessum, diu adhuc etiam sæpè persistunt, undè plantæ emortuæ suas peculiaries in Medicinâ vires conservant; sicuti & in corporibus animalium, & plantarum, quæ hominibus, & brutis cibi loco sunt, persistunt, etiam quibus illorum calidum, humidumque radicale conservantur, & restaurantur.

Alterâ materiæ Humani corporis portio *Sanguis est Maternus*, qui inter filamenta illa *Spermatica* affluit; cujus affluxu subtegmen oritur corporis investiens fabricam, & inania solidarum partium spatia infartiens.

Ex duplici hæc materiâ triplex exoritur substantia, ex sanguine, carnosa, ex semine, membranola, ac fibrosa; unde etiam partes aliæ *Spermaticæ*, aliæ *sanguinæ* dicuntur, alia ex utrisque mixtis oritur, ut *Cutis*. *Spermaticæ* partes si dissecantur, rarè conjunguntur. *Hip. aphor. 19. scet. 6. Vbi præsens est Os, aut cartilago, vel nervus, aut gena pars tenuis, vel præputium, neq, augetur iterum, neq, coalescit.* *Sanguinæ* verò, si disrumpantur, aut dissecantur, iterum renascuntur ob copiosam materiam, & conjungendi facilitatem, ut in vulneribus carnis videre liceat.

Dissimilares partes seu *Organicas*, ne aliorum vestigiis nimis insistere videar, breviter percurram. Dissimilares sunt quæ in partes non sibi similes secari possunt, ut manus, non in manus secatur, sed harum aliæ minus sunt compositæ, aliæ magis. Hæ vel principes sunt, vel inferioris subfellii; principes sunt quæ universum corpus regunt, quibusque mutatis, totius corporis mutatur constitutio; Quarum aliæ ad Individui conservationem conferunt, cerebrum sc. cor, Hepar, ventriculus, &c. aliæ ad conservationem speciei, ut Testes, &c. Partes inferioris ordinis, sunt quarum mutationibus non dependet harmonia humanæ reipublicæ, non mutatur corporis constitutio. Hæ vel originem ducunt à principibus, vel non: quæ ex principibus oriuntur, & illis originem debent, ministrantes dicuntur, quia usum præbent principibus illis solis, vel toti corpori: toti corpori ministrant Nervi, qui è cerebri medullâ oriuntur, spiritusque animales per universum corpus deferunt, illudque movent: à Corde similiter arteriæ, spiritus vitales, ac sanguinem, corpori universo distribuunt; Venæ, ad Cor sanguinem rursus reducant: Quæ principibus solis inserviant, sunt Auriculæ, Cordi, Venæ I. & c. Hepati: Ælophagus stomacho, aspera arteria pulmonibus, sinus quatuor capiti; vasa seminaria Testibus &c. ministrantes.

CAPVT II.

Hæc de partibus corporis constituentibus in genere dicta sunt. Iam corpus ipsum constitutum aggrediamur; & methodo analyticâ illud disjungere, partesque ejus separare nunc opus est nostrum.

* Corpus in communi Anatomix administratione dividitur in tres Ventres, (qui sunt, inferior naturalium; medius vitalium, supremus animalium domicilium) & Artus, sub cujus nomine veniunt membra, ex trunco exprorecta; Superiùs, brachia & manus, Inferiùs, crura & pedes. Nostro verò discursui terminos imponunt ventres, & Infimus, hujus primi libri estò subiectum, Medius secundi, Supremus tertii. Solent Anatomici, observationes suas anatomicas describentes, ossium tractatione incipere, quia ad illorum imaginem, ceteræ omnes finguntur partes. Sed liceat mihi à tam notis vestigiis aliquantulum deviare, cum plurimi perinsignes anatomici, Galenus, Vesalius, & alii usque ad curiositatem, in illorum disquisitionibus laborarunt, ita ut jam difficile sit, quid cognitu dignum addere. De cæteris verò quæ trunco absconduntur, magisque latent, non tam facilis est illarum cognitio, adeò ut si aliquid, majoribus ignotum, produceret experientia, non incuriæ statim infirmulari debent. Sed illorum diligentia, quæ nobis ad eruditionem viam monstrarunt, non solum laude, sed & admiratione digna est. Ossâ igitur, & musculòs, nè acta agam, missâ facimus, & ad partes magis abditas contendo; Et primo à Ventre inferiore (uti soleant Methodo Anatomicâ) incipiam.

CAPVT III.

De Ventre.

VEnter inferior est totum illud spatium, quod cartilagine ensiformi; utrinque costis, & ossibus pubis circumscribitur.

Dividitur in partem superiorem, seu Hypochondriâ; mediam, seu regionem Umbilicî; inferiorem seu Hypogastrium. Hunc constituunt partes continentes & contentæ: Continentes sunt communes, vel propriæ; Communes, quæ toti etiam corpori inserviunt, sunt cuticula, cutis, pinguedo, panniculus carnosus, & musculorum omnium tunice propriæ. Propriæ sunt quæ hujus solummodò parti necessariæ sunt, ut musculi abdominis, & peritonæum.

CAPVT IV.

De Cuticulâ.

Cuticula, ex efflorescentia sanguinis nata, substantia tenuissima est cuti supernascens; ac corporum tenuioribus ac pellucidis respondens involucris. A vapore sanguinis efflorescente, calore corporis intenso, pertruso (si fides sit Bauhino) & aeris frigidityte condensato fit.

Hujus generationis modum illustant nonnulli per cutem anguium, quam quotannis deponunt. Cum enim anguium frigiditas maxima sit, præcipue versus exteriora; hæc frigiditas spiritus & vapores tenuissimos erumpentes coerct sub cute. Hi sic restricti novam construunt cutem

cutem, veteremque supplantant, ita ut facile exui poterit. Sed (in exemplo hoc) frigus externum, causa cuticulæ non est, neque vera cutis ejus depositionis causa redditur. Observatio eadem est in insectis familiaris: ut in crucis, unde fiunt papilioes; Ratio utrobique est; sc. cum paxillum habeant calorem, & anguis, & eruca, urgente hieme, spiritus, caloris vehicula, se versus interiora reducunt: unde fit ut cutis quæ pars est frigori magis objecta, spirituum influxu destituatur, hinc illius sequitur mortificatio. Redeunte verò Sole spiritus etiam ad exteriora revocantur; naturaque sui semper sollicita, in partium tutelam aliam reformatur cutem, cum prior jam desit esse sua. Hinc vere insequente, veterem exuit anguis cutem, eruca crustam. Causa igitur depositæ cutis est frigus externum, non vero cutis renata. Cuticula itidem non à frigore generatur. In utero enim materno cuticulâ vestitur fœtus, at non à frigore externo causam petit, ob omni enim injuriâ ab extrâ, membranis propriis, musculis abdominis, & aliis tutè defenditur. Ridiculum etiam est hisce cuticulam (cum nonnullis) denegare: Æque enim ad fœtus perfectionem requiritur ac cutis, aut aliæ partes. At fœtum omnes partes necessarias in ipso utero habere nemo negavit; Cuticulam verò necessariam esse fœtui in utero esistenti, ejus usus demonstrabit. Hæc enim corpori conceditur, ut per universum venarum oscula extrema tegat, illâ enim avulsa è venarum orificiis sanguis profluit. Præterea ubicunque corpus desinit esse continuum, ibi natura illud cuticulâ, etiam in locis calidissimis, quæ minimè frigori opponuntur, investivit.

Non itaque à frigore condensatur, sed in fœtus formatione, à particulis feminis, ut aliæ partes, in utero formatur, à particulis cognatis postea nutritur, & nova, cum continuas ejus solvatur, generatur.

Tenuissima est nisi labore continuo callosior reddatur, uti sæpè in volis manuum, & plantis pedum evenire solet. Cute densior est & compactior, quare humores aquei qui ad extrema propelluntur, facillimè cutem permeant, cuticulâ verò finibus continentur, unde pustulæ variæ exoriuntur. Sensus est omnimodo expers, unde fit Tactus medium. Venarum oscula tegit, ut dictum est: Et albedinem gratiosam toti corpori concedit.

CAPUT V.

De Cute.

Cuticulam, ordine Anatomico, sequitur cutis omnium partium corporis indumentum, corpori, instar nativi tegumenti, obductum; Græcis *diærs* dicitur; substantia ejus nervea est, ex substantia albâ, nervis similima, sensu prædita, ex nervorum filamentis, Venis & Arteriis conflata. Ideoq; Vesalius cutem dicit esse quasi nervû, sanguine præditum, perinde ac si ex mistis utrisq; constitueretur. Et Varolius eam fieri ex nervis mollioribus, ad corporis superficiem delatis, in exilitates expansis, ac in cutem degenerantibus, concurrente sanguinis additione affirmat. Ex utrisq; naturis conflare, spermaticis, ac sanguinis

guineis sensibus apparet, cum nec planè exanguis sit, ut Nervus, nec omnino sanguine abundans, ut Caro; Ex sanguineis tamen partibus constare, patet, quod dissecta, iterum agglutinabitur, quod Spermaticis non convenit. Quod etiam partes Spermaticæ ad illius constitutionem suum symbolum conferunt, inde constat quod non adèd exactè ut partes carnosæ, sed mediante cicatrice coalescat. Naturaliter albicat, nisi ubi tenuis est, carnique quam proxima, ut in facie, & in aliis partibus, rubet. Pro ratione tamen humorum abundantium, & subsectorum corporum colorem variat. In aliquibus etiam partibus durior, in aliis mollior; quædam etiam est inter duritiem & molliciem media; ut ea in volâ manus, & plantis pedum, & digitorum apicibus, ideoque optimo sensu prædita est. In homine nisi in fronte immobilis, partibus adnæscitur. In aliis animalibus ad libitum moveri potest: in Elephantæ adèd mobilis est, ut illius corrugatione muscas apprehendere potest: sic & Cervis, Equis, aliisque animalibus ad fugandum quicquid illis molestum fuerit.

Cutis sit immobilis in humine.

Hujus rationem reddunt nonnulli quod in homine cutis proxime connectitur pinguedini, hæc Panniculo carnosæ. In aliis animalibus, interjacet Panniculus ille carnosus, cui non tam firmiter conjungitur, quin ut faciliè separari ac sine impedimento, ad placitum moveri poterit: His vero addi debet, quod villas quasdam, musculorum instar, plures habeant, quam humana cutis.

Continuè universum corpus investit nisi meatibus naturalibus, partim manifestis, certoque numero definitis, ut foramina oculorum, narium, oris, &c: nemini ignotis; partim obscuris, & infinitis (quos poros nominant) perforetur. Exiguus hæc foraminulis undique refertissimæ est, ad liberam transpirationem, quibus tertix coctionis excrementa repurgantur. Horum restrictio calidam intemperiem excitare valet. Corpus enim nostrum omnisque calor in genere perpetuam ventilationem, & liberam expirationem requirit, ut calidæ fuligines à calore corporis intenso suscitata expellantur. Si verò cutis spiracula occludantur, calidi vapores æterni, & expelli non possunt. Ideoque in corpore retenti, nimium, ob copiam & compressionem incalêscunt, accenduntur febres Ephemeræ, & Putridæ; juxta vaporis retenti, & corporis, & humorum conditionem; in iis præcipuè corporibus, quæ multis fuliginosisque vaporibus abundant.

Cutis febris ex conspersione pororum generatur.

Quod ad illius temperiem spectat, Galenus de temp. cap. ult. omnium extremorum, calidi, frigidi, humidi, sicque verè mediam esse scribit. Et si quidpiam (inquit) est in corpore quod ad temperamentum ad pondus æquale proximè accedat, cutis est, præsertim ea quæ in volâ manus est, quæ callum non contrahere. Hujus Elogium ulteriùs hóc modo prosequantur Medici. *Esti verò aliæ partes in corpore sint digniores, & nobiliores edant actiones, & proinde nobiliore temperamento ad Iustitiam, seu aptiori, ad hominis actiones convenientes edendas, sint prædita, quam cutis: tamen si pars quædam temperatissima, ad quam, tanquam Medium reliquæ conferantur, constituenda est; nulla in toto corpore talis existit præter cutem.*

Verum enim verò an Medium sit ad pondus æquale, difficile est certò statuere. Hoc vero pro rato habeamus per illam extrema, & quamlibet differentiam Tactilium, & impressionem percipermus, licet aut frigidior esset, aut calidior. Calorem enim & frigus, & cætera perceptibilia

billia sentimus, quatenus vel calorem nostrum excedunt, aut Tactus organ- *Quomodo*
 is nostris frigidiora, duriora, vel molliora sentiuntur. Ideoque Ma- *causilla per-*
 gaus Verulianus, libro de forma calidi ait; *Calidum, quatenus ad sensum, & ta-*
ctum humanum, res varia est & respectiva; adeò ut aqua tepida, si manus frigore occupa-
tur, sentiantur esse calida, si manus incaluerit, frigida.

An verò Tactus sit organon, multum inter Anatomicos & Philoso-
 phos jactatum est. Aristoteles & alii carnem esse organum sensus existi-
 mant; quia si aëri exposita sit, magis doceat, quàm cutis; & alia hujusmo-
 di proferunt argumenta, Alii contra, nervum, alii pinguedinem vo-
 lunt. Laurentius & Bauhinus, cuti officium hoc attribuunt. Ac Sen-
 nertus 1. Institut. cap. 12. concludit, membranas, verum, proprium, &
 adæquatum esse Tactus organum; omnesque partes quæ sentiunt, mem-
 branarum beneficio sentire. Ac quod obijciunt, carni per se sensum
 inesse, falsum est: non enim per se sentit, sed quatenus *fibras nervosas seu*
membranas habeat; quæ per totam musculi longitudinem progrediuntur.

Caro verò viscerum & glandularum non sentit, quia tales fibras non
 habet. Et cum Galenus dicit, quod omnis pars quæ nervorum est parti-
 ceps, sentire possit, id saltem verum est, quatenus nervi ipsi in villas
 membranas per illam partem dispersi sint: partem enim in corpore in-
 venire licet, nervis ditatas, quæ tamen sensum non obtinent, ut Hepar,
 Lien &c. quia in fibras membranas non dissecantur nervi, qui solum
 etiam sentiunt quatenus membranosæ sint: Alias verò ipsi non sunt pro-
 priè instrumentum immediatum Tactus, sed canales, animali spiritui in
 corpore reliquum è cerebro vehendo, dicati; quæ ratione non magis
 Tactui, quàm reliquis sensibus inserviunt, aut motui. Quod verò nervi
 sentiant à membranæ accidit, ut manifestè in eorum vulneribus, præci-
 pue magnorum, animadverti poterit, quorum medulla sine omni dolore
 tangi & extrahi potest; membrana verò illorum si tangatur exquisitissi-
 mi dolores excitantur. Hoc experimento constat nervorum membra-
 nam duntaxat sentire, contra illos, qui existimant illorum medullam esse
 Tactus instrumentum primum, ob substantiæ similitudinem cum
 cerebro; falsò innitens fundamento structura, facilè diruitur: existi-
 mant nervos idè sentire, quia substantiam (medullam sc: illorum) esse
 cerebrum productum percipiunt, ideoque iidem frui privilegii cum
 cerebro, æque etiam sensibiles esse nervos, ac cerebrum ipsum cogita-
 runt; sensum enim animale formaliter residere in cerebri substantiâ
 pro concessio ab omnibus haberi asserunt, ergo, & in medullâ nervo-
 rum, ejusdem naturæ (ut dictum est) cum ipso cerebro, etiam sensus in-
 venire necesse est: Quod falsum esse medicorum observationes facile
 testantur; Licet enim spiritus animales in substantiâ cerebri conficiantur,
 cerebrum tamen ipsum non sentit, hoc est, tactilium differentis non
 afficitur: Sæpius enim sine dolore, in vulneribus capitis extrahi partes
 quamplurimas, asserit Guiliel: Fabricius in obs: Chirurg: & alii pluri-
 mi. Si itaque cerebrum non sentiat, neque & medulla nervorum, cerebri
 proptago sentire poterit. Medulla siquidem in ossibus nullum omnino
 sensum obtinet, tenui verò obtegatur membranâ sensus acutissimi.
 Per medullam fateor derivari spiritus è cerebro, quibus perficitur sen-
 satio, & de objecto judicatur, ipsa tamen membrana facilius & vhe-
 mentius externarum rerum differentis afficitur, quàm medulla; cum
 organum

Tactus or-
ganum im-
mediatum
est membra-
na.

Cui visera
non sen-
tiant.

organum Tactui magis conveniens sit mediocri temperaturæ inter calidum & frigidum, molle & durum; at talis non est medulla, cum nimium mollis sit, & vel multo calidior in ossibus, vel frigidior in cerebro sit membranæ.

Sennertus itaque à cute non omnem tollit sensum; præcipuum enim illius esse *instrumentum*, non *adæquatum* concedit: nam licet cutis per totum corpus circumducatur, ut externa objecta, & injurias undecunque ingruentes, percipiat; tamen aliis etiam partibus ad injurias, illis obvias discernendas, etiam tactu opus est. Longè ergo latius diffusus est sensus tactus, eademque de causâ membranæ per totum corpus dispersæ sunt; partibusque etiam internis, isque acutissimus inest. Quamvis verò membranæ interiores non tam exactè tangibilem differentias, ut manus, aut digiti, discernant; non statim ab organis Tactus membrana est prorsus excludenda. Cum enim ob internarum situm, omnes tangibilem differentiarum iis offerri nequeant, de illis recte dijudicare ut partes externæ nequeant, satis est, si noxâ à juvantibus distinguantur, in quo sensum habere exquisitissimum ex doloribus variis satis manifestum est. Neque mirum est si partes internæ tangibilem differentias non exactè dignoscant, cum nec illæ, quas summis elogis pro exquisitissimis sensibus decantarunt (digitorum sc. apices) hoc calidum, illud frigidum, hoc durum, illud molle, naturaliter cognoscere possint, sed experientia quotidianè hoc ipsum illis suggerit.

Hic itaque distinguendum est inter sensum externum nudum, & sensum internum, qui de objectis dijudicat, cujus vis & perfectio plurimum dependet ab experientia & anticipatis notionibus; licet enim sensus Tactus in omnibus membranæ innotescat de objectis tamen dijudicatio & distinctio illis solùm convenit, quibus continuò offeruntur, & cæteris paribus, si huic parti, non illi objecta tactilia offerri soleant; ea per hanc potius quàm per aliam dijudicamus; Unde per volam manus, & digitorum apices perfectior sit sensatio, quàm per plantam, aut digitos pedis, aut aliam partem, licet eadem spirituum proportio, sensusque externus omnibus pœne æqualis insit. Si itaque membranæ internæ objecta etiam varia ac diversa sentirent, æque de illorum differentiis judicarent, ac cutis. Unde tandem concludere liceat præcipuum Tactus organum esse cutem, & illam præsertim quam obtinuit manus, ut instrumentum commune rerum omnium apprehensioni dicatur: adæquatum verò membranas; quarum beneficio, & aliæ partes, ac cutis ipsa, (ut ex Galeno de nervorum disseminationibus loquente, 9. de usu partium cap. 15. colligi poterit) hunc sensum obtinent. Galeni verba hæc sunt. *Ipsa sc. cutis propagines paucas, cunæ, raras, agrè confectum insit atroxen rarisimam filorum ex omnibus subjectis partibus recipit.*

CAPVT VI.

De Pinguedine.

Tertium jam succedit corporis tegumentum, quod à Græcis *πρωτεῖν* dicitur, pinguedo, seu adeps. In homine sub cute latet; quod nunquam (inquit Vesalius) in quadrupedibus præter porcum & ericium occurrit. Ex tenuiore, oleosâ exquisitè elaboratâ sanguinis portione è venis tenuioribus, roris instar exudante, caloris inopiâ, seu potius, à membranarum (à quibus calorem accipere ajunt) densitate & qualitate in seipsâ figente coalescit; eo modo quo in distillationibus vapores condensari videmus; Ubi licet caput alembici sit calidissimum, vapores tamen vi ignis sublati, ad latera ejus conspantur, & in aquam condensantur. Partes enim illic tenuiores rarefactæ, coguntur, & priorem naturam induunt, & in aquam redeunt. Non secûs membranis accrescere videtur, quàm fuligo caminis; quæ, vi ignis in stipitibus accensi, oleosas ligni, aut carbonum partes crassiores, & viscidiores, rarefaciente, per latera caminæ ascendens, amisso jam calore rarefaciente, iis adhæret, & coagulatur. Ad eundem modum vapor ille (quem Spigelius ex aëre maximeq; laudabili alimentî parte, cõctione perfici, & butyrosa substantia in lacte respondere asserit, unde animalia pingua plus butyri in lacte continent, quam iuacra) oleosus, & sulphureus, postquam ex venis, calore corporis rarefactus in spatia vacua seorsim elapsus est, facilè se ad densitatem aliquam (mediis partibus constringentibus, & qualitibus figentibus, quas habet) reducit.

De naturâ ac modo illius generationis magna est inter Philosophos, & Medicos contentio. Aristoteles 3. de hist. animal. scribit adipis materiam esse calidam, & agens calidum, & calidos producere effectus; ut demonstrare etiam conantur Veiga, Ioubertus, & Argenterius: sed hos Laurentius Galenum defendens, in quæstione de adipe subvertit: Eam enim frigore coalescere ait, per frigus verò minus calidum intelligit, ut (ex gr:) plumbum liquefactum à frigore cogi dicitur, non quod sit actu tale, siquidem plumbum jam coactum, manum admotam urit; non igitur actu frigidum, sed minus calidum; causam hujus concretionis rectè assignasse Laurentium, ait Sebastianus Bassi, naturam verò malè explicasse, cum adipem frigidam esse affirmat. Neque minus Aristoteli adversatur, quod à calido hanc concretionem fieri existimat; calor (inquit) eam liquefacit, & quod calore liquecit, per eundem non condensatur. Nec naturam ejus satis rectè assignasse ait, cum eam calidam esse dixit. Neq; enim tota est frigida, nec tota calida, sed partibus constas aliis calida, aliis frigida, ut ut frigida calidus in se concludant.

Quod verò calore pinguedo non condensatur, vel hoc probare potest, quia vitalium regionem cordi vicinam, in quâ maxime viget calor, adipem vacuum videmus: Et animalia calidiora minimè pinguiâ sunt; sed potius quibus calor deficit, ut castratis, fœminis, frigidis, & iis qui vitam desidem degunt, ubi calor torpet; quod nequaquam fieret, si adeps adustione generetur; neque vero in generatione prorsus deesse calorem

existimamus; cum (ut diximus;) per calorem vapores hos oleosos rarefieri, & elevari necesse sit. Quod verò (contra Laurentium & Galenum) ex materiâ frigida solum non fit; ejus inflammabilitas docere potest. Quod dubium non tollit Laurentius, (cum ait) ideò eam flammam concipere, quia materiam pinguem, & aëream habet; At quæritur, cur si ex pingui materiâ fiat, non sit calida? si ex aëreâ, quomodo comburatur? aërem enim flammam concipere negamus: cum nihil aliud sit quàm aqua rarefacta, quæ inflammari nequeat.

Verisimilius itaque videtur illud Bassonis, quod *materiam habet & calidam, & frigidam*. Siquidem & ad generationem ejus, & calorem, vapores suscitantem, & partes frigidiores, viscidiores, calidas figentes, conferre existimamus. Cum enim partes habeat adeò calidas, ut facile accendantur & in flammam effugiant, ad illarum retentionem necessarium est vinculum frigidi ambientis; & quò rei cuiusvis partes magis igneæ fuerint interiùs, eò copiosius haberent frigidum externum, ut cohibeantur. Inde fit quod adeps, licet igneæ sit naturæ (& ideo stomacho debili prodesset) nihilominus concoctu est perdifficilis, ventriculoque multum nocens; nec mirum, si partes illas frigidas & crudas, figentes calidas, easque ambientes ventriculus vincere nequeat; cum non nisi ad moto igne, eoque longo temporis tractu, superentur.

Quod corpora contrarias hujusmodi partes, qualitativis contrariis indutas, contineant; ita tamen ut una qualitas sit libera, altera ligata, nec mirum est, nec impossibile: Sicuti Sebastianus Basso acutè satis & ratione, & experientiâ in philosoph. suâ cont. Arist. demonstravit, cui referimus. Illustrationem verò unam vel alteram proponere statuimus. Piper, mentha, absinthium, &c; ad tactum frigida sunt, nemo tamen illorum nescius est caloris. Siquidem ex rosis, non solum tactu frigidis, sed apud Medicos pro frigidis in primo gradu æstimatis; Ex illis tamen solâ distillatione aquam eliciunt, quam spiritum nominant; caloris & inflammabilitatis sulphuris merito æmulum. Quod ipsum mœa mater non sine periculo est experta; admoto enim carbone ori exhausti Recipientis, manentibus adhuc guttulis aliquot duntaxat hujus liquoris; tam subito in flammam abierunt, ut magna vi, simul ac strepitu eruptum è manu vitrum, in altum tolleretur. Videte jam rationem tantæ illarum frigiditatis, nimirum ut tanto calori sit frenum, ac illum cohibeat. Partes enim calidæ in tali modo à frigidis coercentur, ligantur & cohibentur, ut ne minima caloris particula sentiatur. Sed frigida in statu libero existentes, calorem restringentes, vires suas passim enunciant, donec arte separentur, & à suo carcere calidæ particule liberentur. Ex aliis verò herbis calidioribus, menthâ, absinthio, &c. spiritus tantæ inflammabilitatis extrahi nequeat, licet inter calidissimas penè numerentur: sed ideò rosis esse calidiores dicimus, quia calidæ partes tam multæ non sunt, ideoque nec tantæ adsunt frigida particule, ut calorem constringant; sed calidæ partes aliis terrestrioribus partibus, cum paucis crudis, figentibus admixtæ, magis in plantis illis illustrantur, & se magis manifestant. Et hinc stomacho multum conducunt, non tantum calidis ejus particulis, sed quia partes frigidas & crudas (stomacho prorsus invincibiles, ei que inimicas) paucissimas habent. Ad eundem modum ex papavere, quod summam refrigerandi vim habere dicitur, aqua maxime

ximè inflammabilis eliciatur, unde Quercetanus contra vulgatam opinionem valde calidum esse affirmat. Idem ulterius ex sulphure confirmat; quod cum admodum igneum sit, & subito flammam concipiat, in prunas tamen injectum, eas à quibus accenditur extinguat, ita ut vix postea ignescant: quippe partes frigidae. (quas tantò potentiores & plures esse necesse est, quantò plus ignis in sulphure continetur) prunarum poros subiectos, igni exitum suà densitate praecludunt. Et jam conciliatas habetis Aristotelis & Galeni sententias; sicut & pinguedinis naturam satis experientià & rationibus illustratam.

Adipis etiam natura quæ circa cordis basin invenitur, ex dictis etiam facile innotescat. Fernelius album illud (ut vocat) cordi adherens, non adipem esse veram, sed quid inter adipem & carnem probare conatur; quia non, ut adeps, liquatur; causam verò hujus rei assignat; quia partes subtiliores ob caloris vehementiam abierunt, aqua tamen illa in pericardio, & ipsius membranz densitas, partes alias terrenæ magis naturæ participant, cohibent, ita ut concrecentes speciem quandam adipis retineant. Sed quidni & hæc substantia circa cordis basin, etiam sit adeps? & eandem cum adipe in aliis partibus originem habeat? quod non liquefeat, inde fieri potest, quia cum in loco tam calido coalescat, non ob remissionem caloris fieri, sed ob virtutem partium figentium insignem; quæ licet in regione tam calidâ sit, ut illinc omnes tales procul abigantur vapores; tanta tamen est figentium vis & efficacia, ut etiam fugientes apprehendat vapores, & ante fugam coerceat, & condenset; Atque ob hanc illarum partium contumaciam, & cruditatem, tam difficilis, aut nulla per calorem diffusio: Neque hoc solum huic pinguedini proprium est; sed & in adipe bovis etiam, non raro partes invenies, quas nullo modo, aut saltem exiguam ejus partem liquefeas, ob partes crudas figentes, ignis viribus resistentes. Et forsitan ob pinguedinis hujus fixitatem circa cor, ignis viribus resistentem, cor Germanici Cæsaris cremari non potuit, referente Suetonio, & Seneca; licet Seneca à veneno hoc accidisse voluit, cui & Spigelius in epist. ad Sohierum ad stipulatur; veneno sc. sanguinem in cordis ventriculis figente & condensante, totum flammis inde repugnans fecit; quibus non multum dissentiam; hoc tamen addere liceat, si talis qualitas igni resistendi à veneno solum sanguinem figente ventriculis cordis communicetur, quid obstat, quin parietes ejus comburerentur, nisi à pinguedine tali (de quâ jam sermonem fecimus) eos incrustari dicimus, atque inde ignis furorem effugerent?

Quod verò minus pinguis sit media regio, circa cor scilicet, causa est caloris ibi vehementia, quâ omnes partes tenuiores, & subtiles, vi ejus caloris dissipantur, & in remotiores corporis provincias, minusque calidas abiguntur, ibique concrescunt; ut circa renes: Atque hinc etiam qui calidioris sunt naturæ, sunt macilenti; quia calor adeo poros tam membranarum, (circa quas concreescere solet) quàm cutis dilatat, ut vapores illi oleosi facile caloris vi per poros apertos profugantur & evaporentur, nec moram tam longam circa partes illas, ut figantur, & condensentur, permittit: Remissa verò caloris intensione, ætatis progressu, vel alio quovis modo, & ipsi postea pinguescunt.

Pinguedinis usus est ut spatia vacua inter musculos & vasa impleat, *Pinguedinis usus.*

totumque corpus pulchrum, molle, album & æquale reddat. Hinc in ætate, aut morbo confectis, corpora rugis sulcantur, demptâ pinguedine, quæ spatia illa inania implebat. Vestis instar calefacit, non tam proprio calore, quàm à frigore externo defendendo; ut patet historiâ illâ Galeni. 4. de ul. partium 11. ubi narrat hominem dempto omento, ejus vicem supplere lanâ, & aliis vestibus circa ventrem. Tandem secundum Galenum, & alios, ut in inediis in alimentum convertatur. *Cum enim lignatur* (inquit Bauhinus) *formam vaporis sanguinei rursus concipit, in venâ remigrat, & inediis extremis, in alimentum partium cedit, partes semper humidæ conservans.* Atque hoc in dubium vocari, nec sine ratione potest: Etiam si à vero alienum non sit, tales colliquationes à calore fieri, tamen id in ventriculum non confluit, nec in chylum, neque ex hoc in sanguinem mutatur; sed vel per ambitum corporis, & cutem, insensibiliter discutitur; vel in ventrem confluit, & per alvum excernitur. Et si in sanguinem rursus remearet, pro alimento cujusvis partis haberi non poterit: nullæ enim partes eâ nutriti possunt, sed ut excrementum à reliquo alimento separatur, si in sanguinis massâ maneret, calore hepatis & cordis in partem ejus biliosam converteretur, si per musculorum spatia inania, & cutem post colliquationem divigaretur, & cutem & musculos eroderet, & exulceraret, de cujus naturâ vide Hofmanum libro de ichoribus. In inediâ hujus dissipatio & colliquatio accidentalis est, non ex naturæ instituto, ut in reliquarum partium substantiam mutaretur. Sed quia in inediâ ob defectum humiditatis, quod ab alimentis restauratur, calor partium non temperetur, sed magis indies incalescat; inde inusitato more in adipem, dissipatu facilem, agens, eam citissimè absument. Cur partem esse corporis negant Fernelius & Laurentius, in ipsis perspiciatis, satis hæc à nobis de pinguedine dicta sunt.

CAPVT VII.

De Panniculo Carnoso.

Panniculus carnosus est membrana ex semine pronata, cuti & pinguedini in homine subiecta, universum corpus ambiens. Oritur circa dorsum; cuticulâ longè robustior crassiorque; fibris quibusdam raris musculis, qui illi substernuntur, adhæret; cuti verò non tam pertinaciter in homine, ac in aliis animalibus per venas, arterias, & nervos committitur. Ideoque hominis cutis facilius illâ membranâ dividitur. Hic non eandem in universo corpore crassitiem obtinet, verùm quibusdam corporis sedibus fibris adaugetur; ideoque carnosus efficitur, ut musculi nomine & penè naturâ donetur; ut in collo, fronte, &c. & in quibusdam animalibus undecunque ferè carnosus, seu, ut magis propriè loquamur, fibris nervosis carne vestitis oppletur. Et ob hanc rationem tam acuto sensu donatur, ut in rigore in febribus, & ante sudorem criticum percipiamus. Rigor autem est motus æqualis virtutis expultricis, & validus à re molestâ, ab interioribus ad ambitum corporis motâ, & expultricem in hæc membranâ stimulante. Hunc sic expressit Galenus 1. de sympt. caus. cap. 5. *Quoties aliquid per corporis habitum violentè agitur, necesse est, dum car-*

*Rigor quid
& quomodo
in febribus
fit.*

nem permeat, omnia in qua incidit, pungat, stimulet; quod autem omnis causa mordax, sive calida, sive frigida, animal in rigorem ducit, exemplis plurimis illustrari poterit: si sano corpori ferventem aquam infundas, statim horrore vexabitur. Et in febribus tertianis, quæ omnium maximè sunt biliosæ, multùm rigore infestantur, non à frigore accidentali antecedente, ob caloris ad partes vitales recessum; sed à vaporibus acribus ad extra emissis; Atque hoc in symptomaticis videre liceat, quibus sine frigore præcedente, rigore vexantur; A frigore etiam rigor accidit, ut in hyeme; & post missionem sæpè aëre frigido derrepente in vesicam irrum-pente, ejus membranas vellicante, per consensum expultricem in toto hoc panniculo facultatem & horrorem quandam excitat.

Bauhinus illud idè esse à naturâ factum, ut *pinguedinis liquefactionem à continuò musculorum motu impediret*. Usus sanè nunquam à natura ordinatus; in macilentis enim, & iis animalibus, in quibus pinguedo huic subternitur, nullius esset usus, quod ipsum natura abhorret, nihil enim frustra fecit: Alium itaque usum inquiramus. Vasa ad cutem aberrantia fulcit. In Brutis etiam, præter porcum & ericium suâ densitate & crassitie, sanguineos vapores retinet, ita ut intra illum retenti ac condensati, in pinguedinem figantur; Cujus solum gratiâ Spigelius eum à naturâ factum voluit. Præter hos verò alium nec inferioris ordinis usum assignare possumus, scilicet ut musculos singulos in suis locis propriis contineat, totumque corpus æquale ac planum reddat.

CAPVT. VIII.

De partibus continentibus propriis, in infimo ventre.

De Musculis abdominis.

HÆc de partibus communibus continentibus, quibus totum vestitur corpus. Sequuntur jam propriæ, quæ ventri inferiori inserviunt, quæ sunt muscoli, & peritonæum.

De musculis ab Anatomicis satis dictum est, eos solum nominare sufficit. Musculi qui inferiorem ventrem obtegunt, quinque constituunt paria. Primum par oblique descendens, ob fibras ejus obliq; descendentes, dictum; totum abdomen tegit. Secundum par, oblique ascendens, ob fibras contrarii situs, dictum: primo pari proximè subternitur. Tertium par rectorum est, ob fibras longas, rectas, medium ventris, per longitudinem, percurrentes; & sub hoc excurrunt venæ & arteriæ à mammis & utero; ibique manifestis anastomasis conjunctæ, ut Tab. V I. figura 4. c. e. c. tam insignem mammarum cum utero & abdomine pariunt consensum. Quartum par sunt pyramidales, ob figuram sic dicti: Rectorum infimis tendinibus incumbentes. Quintum par, transversî, situ infimi; numerando sc. introrsum à cuticulâ ad peritonæum.

Hi ad fœcum expulsionem, & thoracis motui vario inserviunt, atque sic respirationi ministrantur. Aliquando tumoribus atolluntur, medicisque sæpè imponunt, & pro viscerum habentur affectibus.

CAPVT IX.

De Peritonæo.

PERITONÆUM Græcis *περιτόναιον*, à *τῷ περιτόνῳ*, dicitur, quod omnibus partibus in ventre inferiore circumscinditur; Figuram habet ovalem, omnium membranarum est amplissima, ex filamentis spermaticis, & materno sanguine enata.

Substantia ejus membranosa, tenuis, sed admodum valida est & densa; sub umbilico verò densior est, quàm supra, contra Laurentium, ut intestinorum, & viscerum pondus meliùs sustentet. Hujus geminum esse principium confirmat Fallopius, quem sequitur Spigelius, à primâ & tertiâ lumborum vertebrâ, quibus valide adnæscitur, à nervis illic procedentibus oritur; tunica enim à durâ & tenui meninge cerebri, omnibus nervis communicata, hoc in loco, in membranam hanc expanditur. Atque hinc consensus ille insignis inter membranas omnes, partesque iis obiectas, cum cerebro ejusque membranis, durâ & tenui.

Annæscitur superiùs diaphragmati, ejusque tunicam inferiorem constituit; inferius ossibus pubis; & ilium reliquis partibus infra musculos abdominis perrepat. In aliquibus partibus duplicatur, in quibus vasa securè incedunt, & fulciuntur, præcipuè circa lumborum vertebra, pro venæ cavæ, & arteriæ magnæ processu; & anteriùs pro vasis umbilicalibus, & in hypogastrio, ubi uterus & vesica interjacent. Perforatur superiùs in parte dextrâ, venâ cavâ; sinistra œsophago, arteriâ magnâ & vena sine pari; inferius circa anum, & pro urèthrâ, & anteriùs pro vasis umbilicalibus. Processus etiam duos in superiore parte ossis pubis, utrinque unum, non minus in feminis, quàm in maribus obtinuit. Productiones sunt oblongæ, tendines musculorum obliquorum, & transversorum perforantes; in viris, exitum præbentes vasis spermaticis, ad scrotum tendunt, in feminis autem, ad inguina producuntur, & in vulvæ elatiorem sedem terminantur, in quibus uteri ligamenta rotunda, quæ in latam, & nervosam exilitatem utrinque supra pubis os degenerant, cui *clitorum* alligatur, descendunt. Interior hujus tunica arctissimè vasis descendentibus, in viris adhæret, quæ si rumpatur, aut laxetur, fit hernia; descendente omento, vel intestino, vel utroque. In feminis arctiùs ligamentum uteri constringit, & processus sunt breviores, ideoque rariùs herniâ inguinali corripiuntur. In aliis verò ejus partibus, sc. supra umbilicum, ubi tenuior est membrana, novi feminas, ex conatibus magnis in partu, herniosas fieri.

Quæ dicta sunt usum ejus satis indicant: nimirum ut intestina visceraque omnia contineat & conservet, omnibusque partibus in ventre inferiori contentis & tunicam præbeat, & ligamentum: undè fit ut hoc intemperie correpto, afficiantur & omnes illæ partes. Ejus interior superficies levis est, & lubrica, aquoso humore à vaporibus condensatis semper madida,

*Peritonæi
Officium.*

LIBRI PRIMI

PARS SECUNDA.

CAPVT I.

De Partibus Contentis.

A Blatis omnibus tegumentis methodo anatomicâ, sequuntur partes in infimo ventre contentæ. Quæ vel ad individui conservationem, vel speciei, inserviunt.

Ad individui conservationem, aliæ sunt ad nutritionem necessariæ, aliæ adjuvantes, ut omentum & pancreas. Inter illas ad nutritionem necessarias, aliæ chylicationi, aliæ sanguificationi inserviunt. Chylicationis agens præcipuum est uenterculus, distribuentes verò partes & perficientes, sunt intestina.

Hæmatoscos partes aliæ chylum ex intestinis exugunt, ut venæ lacteæ, quæ chylum attractum ad hepar deferunt, ubi in sanguinem mutatur; aliæ confectum distribuunt, ut vena cava, ad cor pro ulteriore cōctione deducit. A corde verò universo corpori per arterias distribuitur. Aliæ excrementa recipiunt, ut vesicula fellis, lien, renes, & vesica.

Ad speciei propagationem facientes, sunt partes viriles, ac muliebres. Viriles aliæ sunt deferentes, ut arteriæ; aliæ partem eliciunt & elaborant, ut parastatæ; aliæ superabundantem sanguinem regerunt, ut venæ spermaticæ; aliæ semini vim tribuunt prolificam, ut testes; aliæ semen deferunt & conservant, deferentia vala dicta, & prostatæ, ac vesicula seminalis. Muliebres sunt omnes illæ, quæ in viro supradictæ sunt, & uterus.

CAPVT II.

De Omento.

O Mentum inter nutritionis adjuvantia enumeratum, quia prius in dissectione post peritonæum se visui offert, primum in tractatione locum obtinet. Græcis *ἐπίπλουν* dicitur. Membrana est ampla, duplicata in modum marsupii aucuparii, in anteriore parte sita ad fundum ventriculi; & deorsum super intestina ad umbilicum, rarius ad os pubis usque expanditur in homine, (ut ajunt Anatomici) in cane verò omnia tegit intestina, ut sæpius vidimus in illorum viva dissectione. Quod autem

autem ad umbilicum tantum in homine pervenerit, putarunt nonnulli ex nimia corporis contractione fieri; de hac re verò audi Vesalium, lib. 5. cap. 4. *Omentum quod intestinis obvolvi debeat rarò ultra umbilicum descendere conficitur, sed maxima sui parte sinistrosus lienem versus retrahi, & convolvi, quod cum in hominibus laqueo suffocatis, primò observarem; ex concussu, motuq; corporis hoc evenisse arbitrabar, sed postea id ipsum in aqua suffocatis, & capite truncatis, aut morbo alio quopiam mortuis, & in iis etiam quibus viventibus abdomen aperiebatur animadverti; ad pubis os descendere rarò comperi. In dissectione verò humani corporis anno 1638, Martii 6. laqueo suffocati, omentum usque ad os pubis super intestina delatum vidi. Et Spigelius id sæpe ad os pubis porrigi in homine, scribit, mulieribus tamen magis, quàm viris, ut obesis, quàm macris. Et contra Vesalium aph. 46. sect. 5. Hipp. militat, quo mulieres idè sterilefcere denuntiat, quod omentum inter vesicam, & uterum decidens, ejus cervicem gravitate, ex pinguedine natà nimis comprimit. At quomodo hoc fieri poterit, si ad umbilicum duntaxat descendat? sic sæpe hernix causa est, ut Vesalius sæpe se conspexisse dicit; & leviter detractum ad os pubis usque descendere posse postea fatetur. Omenti itaque ambæ membranæ sibi incumbentes, si intestinorum sedem duntaxat, quæ supra umbilicum consistit, operiant, revolutæ admodum, & in spiras collectæ apparent: Si verò ad hunc modum non implicentur, facilè ad pubis os usque descendere possunt.*

Formam habere marsupii aucuparii diximus, cujus orificii rotundi anterior membrana, ventriculi fundo, (à cujus tertià tunica, à peritonæo mutuata, initium sumit) cavo hepatis ac lienis annectitur. Inferior membrana à peritonæo ad dorsum, itatim sub diaphragmate oritur; Quæ hepatis cavo (sed rarius) diaphragmati, dextro ventriculi lateri, lienì & duodeno ferè toto, adnascitur, adeò ut ipsi mesenterii loco sit: posterior clatius anteriore ascendit.

Venas habet plurimas, tam errabundo ductu variè inter se excurrentes, ut retium chordas æmulentur; quæ in venam portam se exonerant; in cavam verò nullæ; à superiori membranà, in duas, ventriculi fundum petentes, gastroepiploem dextram & sinistram, feruntur; ab inferiori in ramum splenicum multiplices ducuntur. In his omnibus valvulas plures reperi ad splenicum, & gastroepiploas spectantes, easque ad venarum ostia positas, nè à dictis ramis, in has minutilas refluat, & illas violaret sanguis.

Arterias habet venarum comites, à celiacà, quæ sanguinem ad omentum deferunt, & per anastomales venis communicant. Nervos etiam habet à sexto pari. Pinguedo circa vasa hæc, in obasis plurima, in macilentis modica adnata æernitur; in intermediis spatiis inter vasa nulla observatur.

Officium omenti est calorem ventriculi, & intestinorum fovere; ideoque procudubio in plicas se involvit, ut magis circa ventriculum contrahatur, & majorem calorem illi inducat. Alium Hippocrates assignat usum, scilicet, ut humidum fœculentum in prima concoctione segregatum depascatur: indè mappa corporis vocatur: Pinguedo etiam illa non tam pura est quàm in aliis partibus, sed cœnosa, fœculenta, & facilè putrescens: Hinc si propter vulnus aliquod è corpore deciderit, illicò corrumpitur; ut docet Hippocrates aph. 58. sect. 6.

Officium
Omenti.

CAPVT III.

De partibus nutritioni dicatis.

De Ventriculo.

Cum continuâ caloris depradatione consumatur pabulum illud vitæ, humidum sc: radicale; adeò ut diu vivere nequeat homo, nec speciem propagaret, nisi restauretur humidum, conservato in debitâ proportionem calore depradante. Ad hoc munus exequendum, Natura humidi reparationem, novi semper additione excogitavit: quam reparationem nutritionem vocamus, quâ partes deperditæ perpetuò restaurantur. At hæc sine debitâ materiæ præparatione fieri nequeat, nec hæc sine organis debito modo constitutis, absolvi poterit. Huic ergo munciri destinatur ventriculus, qui cibum assumptum concoquit, & in cremorem quendam convertit; quo peracto leviter se constringendo, in intestina protrudit. Cujus pars tenuior, & optima à venis lacteis exugitur; & fertur ad hepar, ubi fit coctio secundâ; ubi ab ejus parenchymate in sanguinem convertitur; unde per venam cavam ad cor deducitur, ibique ulteriore concoctione perficitur, & aptum ad alendum redditur, hincque per arterias toti corpori dispensatur; arteriæ rursus in venas, per anastomases quasdam sanguinem refundunt, venæ rursus ad cor deferunt. In hac perpetuâ sanguinis circulatione per universum corpus, partes sibi conveniens alimentum attrahunt. Quod ut rectius faciant, in iis insita est alimenti necessarii, & cognati appetentia, & sensus quidam, quo defluxus, & inde alimenti defectus ad reparationem, percipiatur, qui etfi toti corpori & singulis particulis insit, maximè tamen viget in ventriculo, & præcipuè in orificio ejus superiori, ob nervos insignes, à sexto nervorum pari illic implantatos. Galenus itaque 1. de sympt. causl. cap. 7. quinque, sese ordine in appetitu alimenti sequentia, recenset. Primum est dissipatio substantiæ corporis per continuum illum effluxum. Hinc, secundo, oritur *φυσική όρεξις*, naturalis, quo corpus nutriatur & restauretur, appetitus. 3. suctio venarum inanitarum in toto corpore, quâ venæ minores à majoribus, & hæ ab aliis, donec tandem ad ventriculum, ut cibi promptuarium, deventum est. 4. Sensus est in ventriculi superiori orificio; quod tactu maximè valet. Et tandem 5. Appetitus animalis, quo animal vellicationem in orificio ventriculi percipiens, ad famem & sitim explendam, quarendumque cibum & potum, se confert.

Cum tantus itaque sit hujus partis usus; ejus constructionem, ac naturam paulò altius investigemus, & primo de œsophago, quo cibum ad ventriculum ducitur, quia ventriculo annexitur, & cum eo ejusdem esse naturæ apparet, aliquid dicendum esse existimamus; licet in medio ventre situs sit, atque ideo secundum expectaret librum.

Gula itaque seu *οισοφάγος* ab *οίσι* & *φάγναι*; quo cibum ferre significat, dicitur: pars illa teres est, quæ ab ore ad ventriculum descendit, initium sumens à faucibus, ad linguæ radicem; statimque inter asperam arteriam, cui substernitur, tum vertebrae colli & thoracis, quibus insidet, rectâ descendit; ubi ad quintam thoracis vertebrae pervenerit, *ο έσophagus
histeria.*

œsophagus, aortæ trunco cedens, ad dextrum nonnihil flectitur, deinde ad nonam usque deductus, paululum à vertebra elevatus, aortamque supergrediens, diaphragma à laevo latere pertransit, & circa undecimam thoracis vertebra, ventriculi orificio sinistro inseritur.

Constat ex tribus membranis, ut ventriculus, quarum una communis est, à peritonæo, ut volunt nonnulli, alii à ligamenti vertebrarum, quibus adhæret, deducta est, & cæteras proprias includit: duæ propriæ: harum prima & externa carnosa est, & crassa, fibris transversis donata, quæ ad cibi depressionem optimè inserviunt. Altera interna, membranosa, fibris rectis constans, quæ totam interiorem ventriculi partem, palatum, os, fauces, & labia tegit ac investit; unde tantus inter hæc partes consensus, ut ex labiis futuri vomitus signa appareant: labiorum tremor & palpitatio vomitum præcedit; ideoque etiam quicquid ori est ingratum, nauseam & vomitum ciet, & in gutture quasi hætebit; œsophagus suas fibras contra restringens.

Arterias habet ab intercostalibus, & cœliacæ, quæ coronariam constituunt, hæc ad nutritionem sanguinem adducunt, & quod à nutritione relinquatur, per anastomases ad venas, (quas à sine pari, & coronariâ accepit) emandatur. Nervos habet à sexto nervorum pari: Glandulas etiam duas, gulæ & laringi communes, tonsillas dictas, accepit; alias duas in medio à posteriore ipsius sede.

Hic nonnunquam ita angustatur, ut omnem præne tollat deglutitionem, cujus rei historiam satis memorabilem refert D. Hechitæterus, dec. 3. obs. cal. 5. de rustico quodam, cujus gula à potu vini malvatici, in quo radix consolidæ majoris infusa fuit, ita constringebatur, ut præne fauces præcluderentur, nec sine maximâ difficultate degluteret.

Aliquando relaxatur à catarrhis descendentibus, ac vomitu frequentiori, quo adeo debilitatur, ut fibras suas contrahere nequeat. Accidit interdum ut solida & dura facili, liquida verò difficulter, & non sine metu suffocationis deglutiantur; cujus rei historiam refert Guliel. Fab. cent. 5. observ. 34. causam hujus mali statuit, esse in epiglottide paralyti laborante, ita ut asperam arteriam exactè obtegere nequeat; hinc liquida in asperam arteriam inciderint, & suffocationis metum excitarent: duriuscula verò ratione ponderis epiglottidem depressisse, & proinde sine difficultate per epiglottidem descendisse. At rediis ut mihi videtur, hujus mali causam assignare possumus debilitati fibrarum tunicæ secundæ œsophagi, ciborum detrusioni inservientium. Quæ debilitatæ, ea quæ strictam fibrarum contractionem requirant, qualia sunt liquida apprehendere nequeant; sed in superiorem œsophagi partem ex ore delapsa, ibi insistant, quia fibræ ejus debilitatæ, se constringere tam arctè ad depressionem nequeant; quin illarum impetum effugientia, vel sursum rursus impelluntur, vel illic in summitate œsophagi permanentia, & laringem compremmentia, suffocationem minitantur. Solida verò, si vel minimis fibrarum conatibus aggrediantur, illarum vim effugere nequeunt, nec tam strictam œsophagi compressionem requirunt, quia si pars aliqua motu depressivo fibrarum deprimatur, cum omnes partes sint continuæ, facili descendunt à debili & quasi inchoato motu compressa.

Ventriculus κατὰ δὲ dicitur, in corporis medio præne positus, proximè sub

sub diaphragmate, inter hepar, & lienem Intestinis continuatur. In dextro latere nusquam septum attingit, sed jecoris duntaxat cavo subtenfus, tantum à septo distat, quanta jecoris est crassities. In sinistrâ verò & elatiorē sede, diaphragma contingit: Ideoque ventriculus admodum repletus, septi motum impediendo, dyspnæam causat. Lien ad latus sinistrum in parte ejus nonnihil posteriore, iüsternitur. Anteriùs nudus est, sed vice omenti aliud hic obtinuit subsidium, præter peritonæum, & nâsculos abdominis, venam scilicet ab umbilico deductam, quâ fortis nutrimentum accipit, quæque post partum exanguis efficitur, & in ligamentum abit, huic multa pinguedo, non in omnibus tamen copiosa, adnascitur, & supra ventriculi partem anteriorem, unâ cum pinguedine ad hepar ascendens, aliquid ventriculo auxilii præbere potest: Sed hoc loco facili frigore afficitur; quàm malè itaque salutis suæ consuluerunt, qui vestes, de more, deducunt à pectore, & ventriculum semper nudatum habent. Posterius sunt spina dorsi, velut propugnaculum quoddam densum; & lumborum muscoli, ac pancreas. Ideoque in luxatione vel concussione vertebrarum (præcipuè undecimæ) appetitus dejicitur, cibi indigesti vomitus, & sitis adsunt; Ejus rei historiam assert Gulliel: Fabricius cent. 5. obser. 65. Inferiùs intestinis & omento adjacet, huicq; colon intestinum, omenti intervntu per totam ejus inferiorem partem connectitur. Inde utriusq; consensus in colico dolore; cum enim colon illo modo multum subtendatur, turbatur ventriculus, & hinc vomitus sæpiùs excitatur.

*Cor communi
in colicâ.*

Formam habet rotundam, circa latus sinistrum, ad dextrum verò oblongam, tibiz utricularis rusticorum figuram referens. Magnitudo itidem varia est; si eximatur & infletur, multò major est, quàm in corpore esse potest. Notavit Spigelius in viri cadavere ventriculi cavitatem quatuordecim aquæ libras cepisse: In foeminis tamen minor est, quàm viris, quia minus edunt. In illis enim qui longam inedia sustinentur, ventriculus adedò contractus apparet, ut non facili ab intestinis discerni possit. Ex oris longitudine sæpè capacitatem ejus dignoscimus, & grandiore habere ventriculum, quibus os majus est, dicimus. Ex amplitudine etiam spatii à cartilagine ensiformi, ad umbilicum, si majus sit spatium quàm faciei, vel pectoris, capacem esse ventriculum judicamus. Hippocrates quinq; palmorum longitudine definitum esse ait, sed quantacumq; sit ejus amplitudo, & sive multum, sive parum contineat, totum id ita proximè complectitur, ut nihil vacui relinquat quo rectius concoctio perficiatur.

Orificiis duobus in elatissimâ sui regione donatur. Sinistrum, sive superius dictum, penè in medio ventriculi, circa undecimam vertebram thoracis, œsophago continuatum, diaphragmati annectitur, & partes posteriores respicit. Hinc ad dorsum majori cum successu, in stomachi debilitate, applicantur emplastra. Græcis *καρδία* dicitur, cor, à quo dolores in eo *καρδιαγίαι*, & *καρδιωγμοί* vocantur, quòd maximus, ob nervorum sexti paris communionem, inter cor & ipsum sit consensus. Huic duo inferuntur nervi insignes à sexto pari nervorum per œsophagi latera decurrentes, utrinq; unus; qui se in multos minuiiores fûculos dividunt, & ob hos sensus illic exquisitissimus, ut totius corporis indigentiam perferat, quæ vim appetendi excitat, ut animal ad cibum potumq; perveniat.

*Quo in loco
emplastra ad
debilitatem
orificii supe-
rioris ven-
triculi sunt
applicanda.*

*Vnde con-
sensus ven-
triculi cum
cordis.*

novum quærendum impellatur; Fibris carnosis circularibus donatur, ut alimento intra ventriculū recepto, exactè claudatur; cū plurimum in concoctione referat fuliginum & caloris retentio; ne fumi etiani eleventur, ac vapores cor vel cerebrum petentes, vertiginem, dolores in capite, & fortidum anhelitum causarentur. Quibusdam (inquit Bauhinus) ob microrrem ita constringitur, ut cibos solidos deglurire nequeant.

Alterum ventriculi orificium cibos in cremorem mutatos, ad intestina transmittit, unde πύλωρ[Ⓢ] dicitur, Iamtor, os dextrum & inferius, quamvis non minus in clarissimā sede sit positum: sed veteres à quibus hoc nomen accepit, ante Vesaliū, in inferiore ventriculi regione situm crediderunt, sed malè; oportet enim ut cibis, cū exactè in cremorem sit mutatus, ventriculi potius excernendi robore, quā cibi pondere in intestina propelleretur. Huic orificio, præter fibras transversas quas in tunica ejus externā habet, intrinsecus spissior crassiorque circulus circumjectus est. sphincteris musculi in modum: ut refert Spigelius. Sed non tam sphincterem repræsentat, quā quasi valvulam crassam, ac densam ad ventriculū intus spectantem, qualem in initio coli invenire liceat; non tamen exactè orificium claudit, cum ad chyli emissionem dilatetur; sed cū ad retentionem fibræ constringantur, orificium exactè claudit. Per has eminentias orificiorum in superiore parte ventriculi, cavitas quædam in medio efficitur, quam non exactè complet hepar superstratum: & in hac, Spigelius locum assignat, ubi humores plurimos contineri voluit Hippocrates, causas multorum malorum existentes. In aph. 54. sect. 7. inquit; *Quibus inter diaphragma & ventriculū pituita intercluditur, & dolorem adfert, in aliter utrumque ventrem viam non habens, in per venas in vesicam versa pituita, morbi fit solutio.* In qua etiam sæpius observavit Spigelius, aquam, pituitam, statumque plurimos coacervari, quæ per poros & insensibiles meatus membranarum illic resperant.

Substantia ejus membranosa est, ac nervosa, quæ, ventriculo corrugato & contracto, densa est; dilatato verò tenuis. In iis qui crapulæ dediti sunt, ad eò tenuis redditur, & debilis, ut corrugari amplius non possit; quæ sæpè diuturnioris imbecillitatis ventriculi causa exiit. Ex tribus constat membranis sive tunicis, quæ triplici fibrarum genere intertextæ sunt. Rectis, quibus (ut statuunt anatomici) ad se cibum attrahit; obliquis, quibus quod accepit retinet; Transversis, quibus expellit. Sed rectis forsā dici poterit, has fibras solū ad robur & firmitatem conducere; sicut sportulæ quo pluribus intextuntur viminibus, eo fortiores redduntur, præsertim cū aliæ partes absque fibris ejusmodi nervosis, attrahunt, retinent, & expellunt. Fallopius etiam in observationibus anatomicis probat, motus hosce in aliis nullis esse tunicis ventriculi, nisi in secunda; nulla enim (inquit) attractio, aut retentio, ab internā tunica ventriculi, aut intestinorum fit; quia tota nervosa ac membranosa est, carneâ, prorsus destituta, ac motus isti solummodo fibræ carnosæ conveniunt. ut usus probat. Tunica verò interna ventriculi fibras hasce omnis generis habet, sed non carnosas; nec, ut exterior, se movere poterit: cum enim contrahatur exterior tunica propriâ; ad eundem modum non contrahitur interna, sed corrugatur, & complicata semper in vacuis ventriculis invenitur. Non itaque à fibris hisce, quatenus fibris, motus hosce accepisse arbitramur; sed fibras eo nomine ad hunc modum esse intextas, ut partes firmiores, & robustiores fierent,

Interna

Interna tunica nervosa est, & licet omni fibrarum genere texta sit, tamen quia carnosæ non sunt, seipsam non movet. In hanc terminantur vasa omnia, quæ ad ventriculum feruntur, & cum tunica interiore œsophagi, & oris est eadem; quare nihil quod ventriculo sit ingratum recipit. Unde tam magnus illorum consensus, ut quod palato non placeat, in ventriculo sæpe nauseam & vomitum moveat: Propter quem consensum (inquit Bauhinus) caput per palatum evacuare non possumus, quin simul etiam ventriculum evacuemus. Rugosa est ob crustam (inquit Bartholinus) carnosam sibi adhaerentem, ut melius ab ingestis durioribus defendatur, quæ crusta ab excrementis tertie coctionis ventriculi provenit: Sed rectius mihi videtur, rugas illas à magnitudine ejus originem ducere: cum enim amplitudine multò externam superet, ob exterioris includentis angustiam, ad propriam amplitudinem se dilatare, neque ad exterioris extensionem se contrahere poterit, necesse est ut plicas & rugas habeat.

Exterior tunica constat ex fibris carnosis omnis generis, sed præcipue transversæ. Hæ mediocriter contractæ, cibum amplexantur & retinent; sin autem validè se stringant, ipsum expriment. Hinc Fallopius motum solum expressionis esse in ventriculo, statuit. cum scilicet exterior tunica seipsam per transversum, obliquum, rectum validè contrahat: & tunc solum continere dicitur, cum pylorus seipsam constingat, atque tunica exterior cibum leviter complexa, supra ipsum quiescat. Ideoque retentionis munus non esse obliquoarum fibrarum, sed pylori ipsius, qui stringitur, exitumque impedit.

Tertia & extrema tunica, quæ & communis dicitur, à peritoneo, ubi diaphragma superius ejus orificium succingit, pronata est; quæ propriis tunicis robur addit, cum omnium, quæ à peritoneo prodeunt, sit crassissima.

Tunicis hisce alimentum suppeditant arteriæ à cœliaca arteria ortæ, ab officio nomen mutuata, quia sanguinem *κοιλίῃ*, ventriculo transmittit; at verò licet ab officio hoc nomen accepit, omnibus etiam partibus penè in inferiori regione famulatur, & sanguinem pro illarum nutritione aptum ab aortâ suppeditat. Hujus arteriæ dexter ramus, antequam hepatis ingreditur, in itinere, ex parte elatiore, in medio ductu duos ramos pyloricos disseminat, in posteriorem pylori sedem pluribus ramulis dispersos. Ex inferiore sede, Gastroepiplois dextra, paulò insignior, ad dextrum fundi ventriculi latus defleat; & superiore omenti membrana suffulta, in anteriorem & posteriorem ventriculi sedem soboles quasdam spargit. Sinister ramus, arteria splenica, ad Lienem progreditur, & ex superiore parte, in itinere *Gastricam* emittit Tab. V I. b. quæ in medianam posteriorem ventriculi partis. quâ dorso incumbit, porrigitur; & inde ascendens ventriculi sinistram orificium coronæ instar cingit, & furculos, sursum, in œsophagi sinem, & deorsum, cœlique majores & frequentiores, in ventriculum dispergit, sicque arteriam constituit *Coronariam*. Ex superiore ramo arteriæ splenicæ, lienem jam ingrediente, *Gastroepiplois sinistra* Tab. V I. f. f. f. in sinistram fundi ventriculi sedem derivatur; & *vas breve arteriosum* Tab. V I. d. ad sinistram ventriculi latus & orificium deducitur. Per quas arterias cum succo melancholico maximè abundaverit sanguis; aliquantulum ad lienem (ejus receptaculum) affatim affluens. in ventriculum eructari poterit.



Venas habet arteriarum comites, à Porta & Liene, ut vulgariter habetur; quarum una magni apud Anatomicos olim fuit pretii, *Ves* scilicet *breve* Tab. VI. c. c. c. per quod succum melancholicum in ventriculū, ad ciendum appetitum, refundi ajunt; de cujus veritate infra plura dicentur. Venæ autem istæ quas à liene provenire existimantur; reverà non à liene, sed à ramo splenico originem ducunt, vel potius in illū inhiant, cū arteriis per anastomases junguntur, & sanguinem superfluum, à partis nutritione, reducunt. Cum pyloricis arteriis unitur vena Gastrica, seu Pylorica (uti eam vocat Spigelius) quæ à pyloro ex variis ramulis in posticā ejus parte dispersis collecta, descendit, & in venam Portam, statim antequam hepar ingrediatur se exonerat. Reliquis arteriis venæ ejusdem nominis adjunguntur per anastomases, & per illarum latera excurrentes, omnes in ramum splenicum inhiant, & sanguinem superfluum à nutritione in eum refundunt, ut ad fontem caloris reducantur: quibus omnibus valvulæ sunt affixæ, ad ramum splenicum spectantes.

Nervos itē à sexto pari nervorum duos, ad orificium ventriculi superum sive sinistrum, habet: quorum unus in partem dextram, alter sinistram, pluribus ramis, reticuli instar, diffunduntur, atque ita orificium cingunt, ut ex nervis totum constare videatur. Et à ramo, in dextram partem implantato furculus quidam secundum elatiorem ventriculi regionem ad Pylorum defertur. Quamobrem mirum non est, tantum esse inter hunc & cerebrum consensum, adeo ut percusso affectoque cerebro, ventriculus turbetur & vomitiones fiant; atque vicissim, malè affecto ventriculo animale etiam facultatem languere: Hip. apho. 50. sect. 6. quibus præceditur cerebrum, his febris & vomitus biliosus supervenit.

Ventriculi
actio.

Actio ventriculi coctio est, quam *χολασις*, chylicationem appellant. Hæc (inquiunt Anatomici) calore duntaxat non perficitur, sed propriā ac ingentē ventriculi proprietate. Non enim calore, licet validus sit, hoc efficit, quia tunc quod validior esset calor, eo magis vigeret vi illa chylica, quod falsum est: quia calor ignis est intensior ullo calore in corpore, non tamen chylicat & concoquit, sed perurit; & è contra, Struthiocameli stomachus ferrum digerit, quod vix igne domatur; nemo tamen diceret in illo majores esse caloris gradus, quàm in igne. In genita itaq; facultate inest ventriculo, hujus actionis chymista præcipuum.

Verū enim verò nondum adhuc nobis constat, cur non calore tantum humido, hoc est, menstruo proprio, animæ tanquam instrumento, opus hoc perficiatur, cum coctio nihil aliud sit quàm putrefactio, & partium separatio; At hæc in administrationibus chymicis hoc solummodo efficiēte, calore scilicet in corpore humido, in particulis corporis insinuante producat, ut in maceratione, digestionē, putrefactione, & fermentatione & quibus operationibus à calore humido mistum aliquo modo dissolvitur, vel compage naturali solutū, ad artificialem solutionem aptius redditur, quæ operationes in omni separatione, vel singulæ, vel altera earum præmittuntur. Ita in distillatione, partes oleosæ & spirituosæ facili eliciuntur, quæ neglectā maceratione, & putrefactione elici vix possunt. Et quænam in his operationibus inest differentia? Finis in omnibus penè est idem, separatio scilicet partium. Chymicus ut spiritum, oleum, essentiam, &c. ex plantis eliciat, eas macerat, calore humido, & digerit, partēque ejus

ejus menstruo proprio separat, ut particula exoptatæ à partibus terrestrioribus eliciantur. Sic in concoctione in ventriculo sufficit solummodo partium solutio, ut per lacteas succi benigni ab excrementis, facilius & accommodatior fiat separatio. Neque ulla alia in ventriculo apparet operatio. Assimilationem illi attribuant veteres Anatomici; sed male, hæc enim solum nutritionem, & augmentationem præcedit, non præparationem, qualis tantum est chylicatio: sed ventriculus chylo non nutritur; uti infra probabitur; ergo nec assimilatione opus est. Quod ad argumenta spectat; 1. quod, si à calore fieret, quod fortior is esset, eo felicius foret coctio, dico non omnem calorem cuilibet actioni convenire, calor enim moderatus gallinæ aut fornacis in *Aegypto*, ex ovo pullum producit; validior ignis, aut aquæ incalcescentis allat, & indurat. Sic in istis antè enumeratis actionibus chymicis macerationis, digestionis, & fermentationis, calor moderatus opus optatum perficit; fortior verò calcinationem, & cinerificationem produceret. Sic in ventriculo calor moderatus cibos in chylum mutat, hoc est, partes solvit & separat; at violentior, aut intensior calor, ut in febribus, omnia adurit, humores & spiritus solvit; Adeo ut ventriculi actio non solum depravetur, sed proflus penè amittatur. Siquidem mel in seniorum ventriculis, minus calidis (referente Galeno lib. de natur. facult.) rectè coquitur, illisque multum prodest: in calidioribus verò adurit, statim amarescit, & in bilem vertitur: Hoc ex agente aliquâ facultate in ventriculo non fit, sed ex calore; hoc idem enim efficitur coctione artificiali: si diutius enim mel concoquatur, nigrescit, & penitus amarescit, quod, in corpore si esset, bilem vocaremus. At verò si proprietatem aliquam ventriculo ex diversitate substantiæ necessario inesse contendunt, sit illa caloris, virtutisque illius quæ, tingatur menstruum seu humidum, quo calor in cibos agens, in particulas illorum penitiores felicius insinuet, illasque comminuat ac dividat, atque hæc forsân ex vitrioli aut tartari naturâ participat, quibus chymici ad faciliorem separationem semper usi fuerunt. Hocque multum suadet acida vomitio aut eructatio, quæ, licet in cibis ingestis non invenitur qualitas, à ventriculo facile potenter parti communicari posse videamus; ventriculus enim vituli lac contactu solum coagulat, & in hunc finem à mulierculis expetitur, ut innatâ suâ aciditate humidiores lactis partes tenniores, ut facilius à crassioribus dissolvant, efficiat. Hoc ipsum in ciborum concoctione fieri verisimile est, talemque proprietatem in ventriculo inveniri libenter concedimus. Fateor etiam non quemlibet caloris gradum hoc efficere, sed talem, qui huic actioni sufficeret; imò cuilibet ventriculo certum & proprium esse caloris gradum; alios enim ventriculos habere frigidos, alios calidos, alios temperatos dicimus; & quod calidiores sint ventriculi, eo citius cibos, eosque coctu difficiliore concoquunt; leves & coctu faciles adurunt, magisque ventriculo noxii tales sunt, quàm duriore & crassiores; contrarium accidit ventriculo frigido: & à differentibus caloris gradibus, coctionis facilitas, aut difficultas oritur. Quod Struthiocamelus ferrum digerat, nobis de experimento nondum constat, quod ferrum frangat, devoret & comminuat, libenter concedam, sed an digerit, hoc est, an particularum solvit compagem, ita ut partes facile separari, apponi & assimilari possint, multum dubito. Accipitres non diù vivere, nec

capones;

capones impinguescere, nisi silices, aut pannum, aut arenula præsto sint, cognoscimus: non quòd ea digerant, iisque nutrantur; sed quòd iis ventriculum, & intestina mundificent. Quidni & Struthiocamelus idem efficiat; ferro duntaxat eum nutriri non asserunt. Quod verò sturni cicuta, & cornutices veratrum coquunt & mitigant, nobis prorsus indomita, & inimica; non à proprietate aliquâ ventriculi accidit, sed potius totius corporis, præcipue vitalium; qui talem totius habent constitutionem, ut quod huic speciei totâ substantiâ adversatur, & qualitate aliquâ notâ, vel occultâ sit inimicum; alteri pro alimento habeatur. Studiosum quendam Oxoniensem novi, araneas innoxie devorare solitum: hoc non ex proprietate aliquâ ventriculi, ab aliis hominibus differente, illarum venositate tundente; sed quia talis vitalium fu erat alexipharmaca dispositio, ut nullam illis inferant noxam. Venenata quælibet proculdubio si ex ventriculo in venas non se insinuant, nec spiritibus communicantur, non tantum adferrent periculum: Innoxie enim hydrargyrum in ventriculum sumimus, cum citò naturam ad excretionem sollicitet; at verò si eo inungamur, gravia multa symptomata, nonnunquam mors, sequuntur: (cum sc. venositas ejus spiritibus communicetur) quæ verò in ventriculo excitare, ob celerem ejus evacuationem, non poterit.

Non itaque aliud agens externum concoctionis esse videtur, quàm calor moderatus, & blandus; non ille tantum qui substantiæ ventriculi innatus est, aut à corde indefinente fluxu suppeditatur; sed & quem circumstantes partes suo fotu suggerunt; cujusmodi sunt in dextrâ & superiore parte, secur; in sinistrâ Lien, superius diaphragma, inferius intestina, ante omentum, retrò aortæ & cavæ trunci. Calor hic, ciborum humore sat multo permixtas partes liberans: ipsæ se separant & vinculis quæque alienis liberant, quod ipsum est coctio & putrefactio. Nihil enim amplius requiritur ad putredinem, hoc est, dissolutionem partium, quàm particularum, aliunde fixarum, liberatio, & homogenearum unio; quod fit humore tenui & penetrante particulis misto, & calore blando externo agente, ac cum interno unito, unde fortior evadens, compagem solvit; reliqua particulis ipsis cognatis permittuntur, quæ se facili, soluto vinculo, uniunt. Neque tamen proprietates, quasdam, aut occultas qualitates à ventriculo prorsus excludimus. Quare enim alii cibi aliis magis appetantur, alii respuantur magis, ab occultis proculdubio qualitatibus, quæ in propriâ cujusque temperie inveniuntur, oriri, existimandum est.

Restat jam ut de nutritione ejus aliquid reponam: an chylo vel sanguine nutriatur, multum disputatur. Veiga & Ioubertus chylo ali affirmant, pluribus argumentis illud probare conantes, præcipue vero quòd statim assumpto cibo cesset fames. Sed quàm malè, vel ipsa ventriculi constructio convincat: arteriis enim & venis æque ac alix partes donatur, quæ se vel in interiorem ejus tunicam spargunt, sed cui bono, ac usui? nisi ad illud commune cum cæteris partibus officium assignentur, scilicet ut illi sanguinem pro alimento deferant. Si sanguis sit ejus alimentum, tunc chylus non est. Sed cur fames cessat? quia fames illa, quæ ab assumpris cibis tollitur, est fames illa animalis, sensus ille attractionis venarum in orificio ventriculi sinistro. Sensus verò ille, seu dolor qui in ventriculo

ventriculo percipitur, fit à contractione nimia fibrarum, ob inanitam ventriculi capacitatem; Sennertus eum vocat sensum divulsionis, quo cessante, hoc fit repleto rursus ventriculo, sedatur fames: quomodo præterea ventriculus infantis in utero adhuc chylo nutriretur? certè non alio nutritur modo in utero; alio in adulto.

Excitatur nonnunquam appetitus hic, seu sensus animalis in orificio sinistro ventriculi, per succos acidos, ut aceto, & hujusmodi, qui dolorem hunc quasi convulsivum, ac erodentem effingunt; ut in caninâ appetentiâ, per humores acidos, & erodentes convellitur stomachus; & animale illum in stomacho æmulatur; nec à ventriculi repletionē sedatur, quia tunicis ejus fortiter adhæret, & perpetuò erodit & divellit. Si verò humores alias habent qualitates, aut saporem ingratum, nausæam, vel vomitum excitant, ut bilis, quæ continuò expulsiivam facultatem irritat: alii humores, ut pituita falsa, vel insipida, quia minus stomacho sunt infesti, diutius in illo hædere possunt; sed appetitum, sc. sensum animale, omnimodo tollunt; quia cum sint mucosi, & viscosi, tunicam ventriculi interiorem adeò illinant, ut spirituum activitas in eâ prorsus retundatur, nec ejus latera tam proximè constringi poterunt, ut in se concidere, & humiditatem exhaustam sentire possint.

CAPVT IV.

De Intestinis.

IN cremorem jam mutatis cibis, ac illorum compage solutâ, ob putredinem ingrati jam ventriculo fiunt; itaque se validius constringit, & Pylori fibris laxatis, in intestina tanquam inutile pondus excludit. In intestinis verò motus quidam *πυλωατικός* chylum in ea expressum promovet; quo itinere, ulteriore elaboratione majorem acquirit perfectionem. Optima exinde & subtilior pars cremoris per venas exugitur, quod reliquum est, feces appellant, & per anum, beneficio musculorum abdominis, & motus illius intestinorum, extruduntur.

Intestina Græcis *έντεα* dicta, quòd in intimâ corporis sede posita sint: Initium ducunt ab ipso dextro ventriculi orificio, eique, ut œsophagus sinistro, continuantur. Ab hoc, cum ventris longitudinem plurimum superent, ut in eo contineantur, variis modis invicem convolvuntur.

Hæc mesenterii beneficio invicem connectuntur, dorsoque alligantur. Corpora sunt oblonga, sexies, plus minus hominis cujus sunt, longitudinem superant, æquare statuit Vesalius ulnas Italicas ut plurimum 14. & dimidium: concava sunt, sed non æque capacia. Substantia illorum ventriculi substantiæ non absimilis, cum tribus consent tunicis; una communi, & duabus propriis, à pyloro continuatis. Clysteres itaque injecti, & lumbrici, aut humores acriores, internam intestinorum tunicam erodentes, per consensum cum ventriculo, vomitum excitare possunt. Communis à peritonæo, mediante omento, & mesenterii membranis, exoritur. Dux propriæ sunt, molliores & tenuiores quàm in ventriculo, quia hic duriora, & inconcocta excipit; illa verò ut pluri-

*V'sus pini-
vosa materia
in intestinis.*

*De part.
symptomat.
& morb.
lib 6. cap. 9.*

mum cocta, & attenuata complectuntur. Harum prima & exterior membranosa est, ac valida, pluribus donata fibris, quas à superiore parte, hoc est, à pyloro ad anum usque constringendo, feces expellit. Altera interior, longior exteriori, itaque rugosa in tenuibus, quæ ruga in colo in cellas expansa, delabentem chylum moderatè remorentur; ut à venis commodè exugatur; nervea est, & intus mucosâ quâdam substantiâ, excrementitiâ, pituitosâ, viscidâ obducitur, quâ intestina quasi invitantur, ut alvi feces lubricitate promotæ, ex corpore promptius depellantur. Quæ verò aliquando ex cibis frigidis, & viscidis, & intestinorum debilitate augetur, & cumulat: & si diu ibi hæreat, ita crassatur, & indurescit, ut cum evacuetur, intestini tunicam amuletur, cujus rei duo exempla refert Fernelius, de Imperatoris Caroli V. Legato, qui per sexennium valetudinarius injecto postea acriori clystere, ipsi durum ac firmum quippiam, medio ductu pertusum, pedis longitudine deductum est: quod ille intestini portionem esse metuebat. Idem etiam de clarissimo Lipsio extat in vita Heurnii, quod nihil aliud erat quam materia hæc mucosa, totam intestini cavitatem illinens, concreta; per quam excrementa præterlabentia cavitatem illam in medio efformarunt.

Inter tunicas hæcæ intestinorum vasa, arteriæ, venæ, & nervi disperguntur. Arteriæ partim à celiacâ, quæ sanguinem ad duodenum, & jejuni initium deferunt; (ab his superfluum reducit vena mesenterica dextra, & in portam evomit): partim ab utraq; arteriâ mesentericâ. Jejuni reliquum ileon, cæcum, & coli partem dextram, mesenterica arteria superior; coli partem sinistram, ac rectum intestinum, mesenterica arteria inferior, quæ ad extremum podicem descendens, arteriam constituit hæmorrhoidalem, sanguine benigno & concocto irrigavit. Ab his vena mesenterica dextra, ad quam hæmorrhoidalis vena interna tendit; ac sinistra mesenterica vena sanguinem in portam, & vena hæmorrhoidalis externa, in cavæ ramum hypogastricum reducant. Nervos habent à sexto nervorum pari; à ramo, qui ad pylorum tendit, in duodenum ramuli sparguntur; In reliqua plurimi utrinque à ramo, radicibus costarum porrecto, disseminantur furculi: In recti finem, seu podicem quatuor à quintâ conjugatione ossis sacri. Atque hinc tam exquisitissimi sensus intestinorum, in colo, & recto malè affectis.

Licet ab orificio dextro ventriculi ad anum usque continuum ac idem sint corpus, tamen cum substantiâ, figurâ, officio, situ, magnitudine, & anfractu numero variant, diversa sortiuntur nomina: sicut unus idemque fluvius, ob magnitudinem, aut locos quos percurrit, variis signatur nominibus. Idcirco ratione substantiæ duo constituantur intestinorum genera; Tenuia & crassa. Tenuia, ob membranarum tenuitatem ita dicta, partem ventris inferiorem occupant; secus quam in canibus. Unde Veteres illorum exemplo tenuia vocarunt superiora, crassa inferiora, quod in hominibus falsum est. Sed ad mediam sedem magis accedunt, & totam penè umbilicalem regionem occupant; quia viciniora esse debent centro mesenterii, ne nimis longo ductu prolata vasa injuriis nimis essent obnoxia; ideoque quam proxime à mesenterio venas & arterias recipiunt.

Intestinum gracile, seu tenue, est unus continuus ductus ab orifici-
ventri-

ventriculi ad colon, quod ter nomen, ac si tria essent, variat. Primum, totà illà intestini parte quæ ab inferiori ventriculi orificio, rectà quodammodo eousque, ubi intestinum prius in anfractus convolvi incipit, constituitur, & duodenum dicitur, à duodecim digitorum longitudine nomen accepit. Venæ lacteæ præter cætera vasa huic innumera conceduntur. Secundum jejunum dictum, quod ut plurimum vacuum reperiatur, ob flavæ bilis vim acrem, facultatem expultricem suâ acrimoniâ stimulantem: principium sumit à dextris, sub colo, ubi duodenum desinit, & intestina convolvi incipiunt, supra umbilicum; cujus totam ferè regionem occupat: longitudine palmas duodecim, & tres digitos æquat. In initio ejus inseritur porus biliaris, & inter duas ejus membranas paulò excurrit, adeò ut tunica interior, vicem valvulæ subeat (ut in Tab. III. figu. 2. d. f. videre liceat) quo bilis sincerioris acrimoniâ irritentur intestina, ad fæces contentas expellendas, & ad piruitam lentam adhærescentem, deturbandam insurgant.

Tertium ileon, seu volvulus, à frequentibus quibus involvitur anfractibus, ad longiorem cibi moram utilibus: subter umbilicum, ad ilia & coxas utrinque situm est, in crassi intestini principio desinit; ubi verò initium sumit, Vesalius ignorare se dicit, quia nullum manifestum discrimen inter hoc & jejunum esse, judicare potuit. Vulgaris Anatomicorum sententia est, illic initium sumere, ubi pauciores inseruntur mesaraicæ. Omnium longissimum est, palmam unam & viginti excedens. Hoc est illud quod in scrotum decidens, herniam intestinale causatur.

Tenuia hæc motum habere obscurum antea diximus, quo chylum à superis ad inferiora promovet; qui aptissimè comparatur lumbricorum terrestrium motui, qui partes corporis successivè movent. Ex hoc notatu docet Spigelius rationem ilei morbi, qui solis competit tenuibus, quòd crassa (inquit) hoc motu careant. Motus hic intestinorum naturalis, sit à parte superiore ad inferiora, (ut dictum est) ut chylus per universum intestinorum ductum distribuatur. In ileo verò motus hic inversus est, ob quem via, per quam alui excrementa deorsum feruntur, interceptitur, ita ut fæces nec flatus ullus per alvum emittantur, sed per vomitum magno ægri fastidio rejiciantur. Motus autem invertitur, cum fibræ, quæ se, à pyloro incipientes, constringentes, ad anum versus fæces deorsum depellant; jam econtrà ab ano motum suum incipiant, & versus superiora se constringant. Et tunc omnia fursùm exprimant. De quo historiam videas memorabilem in Mathæo de Gradibus, de quadam puellâ clysteres & glandes filis alligatas, ruptis filis per os rejiciente, unâ cum filis.

Crassa intestina ita dicuntur, quia crassiores tunicas habent, & crassam chyli partem continent. Illorum initium est, ubi à dextris instar globi cujusdam prægrandis extuberant; unde appendix, quæ crassorum est primum, propendet; Τυφλόν dicitur, Cæcum, ab obscuro usu (inquit Bauhinus) nomen habet; coli initio enascitur. In homine tenue, oblongum, & crassiori lumbrico convolutum simile est, cæteris omnibus intestinis angustius & arctius, longitudinem quamor digitorum, & latitudinem pollicis æquans: Reni dextro, mediante peritonæo à mesenterio liberum, adnectitur. In canibus multò amplius, facibusque semper repletum, in hominibus verò semper inane reperitur. At Laurentius multa

Quæstio de
motu inte-
stinorum pe-
ristalticum.

Illece pas-
sion capite.

Crassa in-
testina uno
dicta.

Intestinum
cæcum.

multa asserit in illo quandoq; acervari, non per dies tantum, sed per menses; sic cerasorum nucleos, post quartum mensem rejectos vidit. Cur vero in quadrupedibus tanto majorem obtinuit magnitudinem, quam in homine, ob hanc rationem fieri docent Anatomici: nè cum prona incedant, in maximis ad anteriora motibus, feces ad tenuia recurrant. Sed quem usum illi in homine tribuere, videamus. Galenus hunc assignavit; ut si quid in transitu per tenuia intestina distributionem seseclerit, & venas mesaraicas sit praterlapsum; id omne diuturnè in cæco morè exugatur. Et in hanc sententiam juravit Archangelus, & Laurentius, qui in omnibus, Galeni partes agit. At Bauhinus aliud exquisivit officium; scilicet dùm fœtus in utero contineatur, ut feces, quæ plurimæ ac liquidiores, & pluribus mensibus sunt collectæ, excipiat. In adultioribus verò quia feces in colo minori copia colliguntur, hujus appendicis usus cessat. Alii Anatomici his contenti rationibus, difficultatis succumbunt oneri, ac usum ejus penitus ignotum fatentur. Sed antequam nostram opinionem proferamus, Anatomicorum opiniones paulò perpendamus. 1. Galeni opinionem convellit eorum experientia, qui dicunt semper inane existere, ergo chylum non continet. Præterea intestina nullo modo chylum ab excrementis separare possunt, & certè sine fecibus ipse in cæcum recedere non potest. Deinde nulla cogit necessitas ut illic acervetur, donec exugatur. Mesaraicæ enim multæ in colon inferuntur, quæ chylum etiam si illic deflueret, separant: hoc certè scio, multas in illud, & in rectum etiam ad anum usque inferi venas lacteas, quas tempore distributionis chylo plenas invenire liceat: quæ tamen frustra à naturâ essent comparatæ, si chylum omnem anticiparet cæcum. Ad Bauhini sententiam quod atinet, dico si solum fœtui in utero existenti inserviret, sicut vena umbilicalis, cur in adultis non exarsceret, ut vena umbilicalis, & arteriæ in infantis corde? Cur in adultis, imò etiam senibus, cavum reperitur? Cui bono, aut usui manet illa cavitas in adultis? Aliud igitur querendum est officium; quod si post tot doctissimorum decertantes opiniones, nostram liceat proferre, tale assignarem.

Coli principio valvula est apposita, quæ à ventriculo ad anum spectat; ita ut excrementa ex ileo in colon facile ascendant, e contra verò à colo ad ileum, ne flatus quidem pertransire poterit; ut infra docebitur. (Ascendere ex ileo in colon dico, quia ilei finis, & coli principium in inferiori parte ventris sita sunt, & colon sursum ad ventriculū usque producitur.) Supra hanc valvulam, ad coli initium immediatè annectitur cæcum, cujus orificium quàm proximè ad valvulam in hunc finem, apponi judicamus. Si fortè colon flatibus, aut fecibus exsiccatis, à diuturnâ alvi astrictione, (quæ sæpius eveniunt) prematur, nè nimio illarum impetu retrocedentium, violeetur valvula, ac flatuum refluxu deorsum in ileum violenter prementium, disrumpatur: adest quasi diverticulum quoddam, quo recedant flatus isti, & valvula illorum liberetur violentiâ. Ideoq; in infantibus majus apparet, quia dùm in utero existit fœtus, & diu excrementa accumulāntur, ad valvulæ præservationem in illud recedant, & distendant. In adultis non adeo distendatur nec semper flatus urgeant; ideoq; in minus se contrahit spatium. In canibus magnum est, quia fortasse ad continendas feces vicè suppleat coli: in quibus parvum, aut penè nullum est colon. Sed hæc clariùs ex situ coli apparebunt.

Colon

Cæci intestini usus in homine, secundum Galenum etc.

Cæci officium veterum.

Cur in infantibus majus sit quam adultis.

Colon est intestinum crassum secundum, à καλὸς, retardo, nomen mutuatur, quod ratione cellularum, quibus variè extumescit, fœces remoretur. Hujus principium amplum est, & multò capacius, quàm in aliâ parte, in dextro ileo situm, hinc ad renem dextrum ascendit, cui membranis adnæscitur. Deindè sursum, sub hepate reflectitur, ubi folliculo fellis nonnunquam adnæscitur, ejusque contactu, luteo tingitur colore. Uterius transversim pergit sub ventriculi fundo. E sinistrâ, membranæ tenuibus lienî jungitur: mox in posteriora reflectitur ad renem sinistrum, cui firmiter alligatur. Hinc fit quod sæpè dolor colicus cum nephritico confundatur, nec mirum; utriusque enim renibus annexum, malè si quodammodo afficiatur, faciliè illorum dolores effingat. Hinc ad os sacrum descendit, ac sinistrorsum se reflectens, illic quasi ad umbilicum ascendit, & in rectum desinit; à quo angustia quâdam, veluti strictim premente vinculo, disjungitur. Hoc in loco à flatibus subitò restrictis, dolores colici sunt gravissimi. Totum penè abdomen circumdat; omniumque intestinorum est amplissimum: quo flatuum, tam in ventriculo, quàm intestinis gonitorum, ac primæ coctionis excrementorum, sit receptaculum; ne fœcibus egerendis homo, animal studiosum, multisque negotiis occupatum, continuò interpellatur: sicut animalia illa quæ hoc intestino carent. Longum est communiter palmas septem, vel octo, & in latitudine, pugni magnitudinem æquat; ligamenti duobus fortibus donatur, altero quo superius, altero quo inferiùs partibus validè alligatur, & per membranam inferiorem omenti dorso jungitur. Substantia coli cæteris est carnosior, pluribus cellulis, quibus fœces contineri possunt, donatur. Ne verò cellule dissolvantur, per hujus mediam, & superiorem partem secundum ejus longitudinem, latitudine medii digiti, vinculum quoddam excurrit; quo laxato, vel rupto, statim dissolvuntur; ubi ad rectum accedit, teres redditur.

*Similitudo
dolorum co-
lici & ne-
phritici un-
de.*

*Cur dolores
colici circa
umbilicum
cruciant
magis.*

Ob diversas hujus intestini conversiones sursum & deorsum, nè fœces ex musculorum abdominis compressione, deorsum in ileum rursus relaberentur; chylique distributionem perturbarent; ad coli initium valvula apponitur, crassa & valida; De cujus numero certant anatomici. Archangelus tres (ut in corde) voluit. At unam duntaxat demonstrat autopsia. Quæ in canibus figuram semilunarem non habet, ut in hominibus invenitur: Membrana enim non est, ut cæteræ valvulæ; sed crassa & orbiculata, in modum sphincteris; adeò ut cum aperitur intestinum, ac expanditur, striga quædam transversa eminet, neque aliter quàm ruga apparet. Eandem penè rationem in structurâ habet cum nassis ex viminibus textis, quæ faciliè ingressuros admittant pisces, nullos verò egredi permittant. Verùm licet naturaliter omnem refluxum ad ileum prohibeat, sæpenumerò adeò laxatur, ut aër inflatus in ileum pertranseat, imò fœces, clysteres, & glandes: ut in historia supra allatâ ex Mathæo de Gradibus, & continuâ experientiâ, in iliaca passione, & colicâ videre liceat. Et hujusmodi casibus ruptam, vel malè affectam esse valvulam, est credendum; vel muco, aut pituitâ crassâ ita oblitam, ut colo quasi agglutinari, existimandum est, ut sæpius se observasse attestatur Spigelius.

Tertium crassorum, Rectum, à recto ductu dicitur. Principium habet ubi intestina circumvolvi desinunt; & à summo ossis sacri, rectà deorsum, ad extremum usque coccygis; quibus peritonæi interventu firmiter connectitur, nè decidat. In viris peni, in mulieribus uteri cervici connascitur. Hinc maxima est illarum partium sympathia: Stranguria enim ex Recti inflammatione sæpius originem ducit. Undè illud Hippocratis, aph. 58. sect. 5. *Recto intestino, vel utero, inflammatione obsecus, urina stulticidium supervenit.* Ob vicinitatem enim in consensum trahuntur vesica & rectum. Et fit hæc stranguria vel à resolutà facultate retentrice vesicæ, vel urinæ acrimoniâ, à calore præternaturali partis vicinæ, ortâ. Sed major in mulieribus uteri, & Recti est consensus; adeo ut exulcerato intestino, sæpe per pudendum rejiciatur excrementum. Siquidem aph. 27. sect. 7. *Si ingravidata mulieri tensus supervenerit, abortiri eam facit.* Trahitur enim in consensum uteri vis expultrix. cum expultrice Recti; cuius etiam retentrix facultas, crebrâ desidendi necessitate, fatiscit. Longitudine, palmam unam cum dimidio æquat, latitudine tres digitos, habens appendices pingues exterius adnatas. Hujus fini musculus orbicularis circumjicitur, qui orificium constringat: quem *σφιγκτηρ* Hippocrates vocat, nè nobis invitis fœces excidant, sed solum voluntariâ compressione exprimantur. Idè resolutus per paralyin, aut hujusmodi læsus, fœces involuntariè excidere; siquidem læso vesicæ sphinctere, lotium involuntariè effluere videmus. Hujus tunicæ paulò crassiores sunt, & carnosiores, ex quo fit, ut vulneratum, rursus consolidetur, præter cæterorum naturam. Fibras plurimas transversas, rectas paucas, obliquo-pauciores habet.

Ulus horum communis est, (ut ajunt Anatomici) ut sint instar terræ, partibus alendis. Ut enim interrâ est alimentum plantarum cognatum, & confusum, unde suis radicibus, quod necessarium est, attrahunt; Sic in intestinis, chylus cum excrementis est confusus, alimentum aptum, quod radices corporis, lactæ exugunt, ut partes nutriantur. Deinde ut fœces, & quæ suctioni inepta sint, retineant, donec excernantur: præterea in his uberior coctio fit; ut quæ prius in ventriculo inchoata fuit, in his absolvatur.

CAPUT V.

De Mesenterio.

Q Via dorso, interventu mesenterii, intestina colligantur, & per illud vasa illa, venæ lactæ, chylum ut hirudines, exugentes, producuntur: de illius natura aliquid prius dicemus, quàm chyli progressum ad hepatis subeamus.

Mesenterium ergo seu *μειντήριον*, à situ dictum, quod sit *ἡ μέση τῶν ἰντερῶν*, ad posteriorem intestinorum sedem est locatum: cujus beneficio intestina invicem, & ad dorsa colligantur, ut homini tantum usum, ad quem sunt destinata, securius, ac magis feliciter præstent. Membranam constat substantiâ, ex duobus mutuò attensis, & accumbentibus membris,

branis, à peritonæo originem ducentibus, conformatur. In canibus, in spatiis ubi vasa non admittit, ita connata sunt, ac si simplici membranâ constaret. Initium sumit ad primam, & tertiam lumborum vertebra. Hujus figura circularis planè in plicas contracta; circa initium angustum est, in medio amplum, & in lateribus, præcipuè sinistro, ubi ad rectum intestinum descendit, oblongum est. Neque in hoc solum, quo validiùs dorso intestina adnecteret, membrancum est, ac tam validum efficitur, verum etiam ut venas, & arterias ad intestina excurrentes, securè suffulciat.

Glandulæ in illo plurimæ sunt, quæ vasorum divaricationibus interjectæ, vasa suffulciant, & compressionem impedian, nè chyli distributio inde impediatur: undè his aliquando schirrum patientibus, totius corporis consumptio sequitur. De illarum usu plura infra de Pancreate dicturus, docebo.

CAPUT VI.

*De venis Mesaraicis vulgatis,
& vena Portâ.*

AD intestina jam perductus chylus; si ibi permanferit nullo modo in corporis alimentum abire potest. Corporis enim particulæ licet sensiles, non commune cum quadrupedibus, & cæteris animantibus habent privilegium, qui huc & illuc vagantes, quod illis magis placeat excerpunt. Sed potius (plantarum instar) illud quod terra præbet à vicinis partibus exugunt per radices; hoc munus in corpore mesaraicis assignarunt Anatomi, venis scilicet in mesenterio conspicuis; sed veriùs forsàn, (si modo illis notæ fuissent) lacteis tribuissent. Sed cum tantorum virorum consensu de illis talis invaluit opinio, priùs illarum examine-mus naturam & structuram, quàm verum chyli progressum per lacteas persequamur.

Mesaraicæ à portâ deduci narrant, quas Galenus radices vocat; Portam arbori assimilans, quæ chylum exuctum, sursum per truncum in ramos, per hepatis distributos defert, & inde (per anastomases, cum ramis aliquibus venæ cavæ adjuncta) sanguinem confectum, per cavam, toti corpori distribuit. Portam itaque, nominarunt truncum harum venarum, quia *ἡ ἑστὴ πύλη*, ad hepatis portas situs sit. Arabes venam lacteam nominarunt, quia chylum lacti similem allicitat. Hanc in truncum, & ramos dividunt; rami sunt superiores in hepate, vel inferiores mesaraicæ. Truncus oblique descendens, sub duodeno fertur, & inter ventriculum, & intestina distribuitur. Superiores ejus rami per totum jecoris corpus sparguntur. Ante divisionem in ramos inferiores, duos parvos emittit ad vesiculam bilis, aliam ad ventriculum, gastricam dextram dictam: mox sinistram inclinantem, in ramum elatiorem, sinistram, seu splenicum, & inferiorem, seu mesentericum dividunt. Splenicus etiam bifariam divisus superiorem & inferiorem lienis partes aggreditur; sed ante divisionem ramos duos ad ventriculum, gastricam mino-

rem

rem & majorem spargit, quæ postea coronariam constituit; duos etiam inferiores ad omentum & pancreas emittit: post divisionem splenici, à ramo superiori enascuntur plures in lienem delati, & vas breve, magni (apud Anatomicos) nominis, in sinistram fundi ventriculi partem insertum; de hoc plura infra. Ab inferiore ramo lienis partem humilioris petente, plurimæ aliæ venæ ventriculum adeuntes, enascuntur, ut gastroeiplois sinistra, &c: unam item ad omentum mittit, epiploem sinistram, alteram etiam deorsum ad intestinum rectum, secundum totam ejus longitudinem progressam, in podicem usque plurimis furculis terminatam, emittit; quæ hæmorrhoidalis interna dicitur. Mesentericus ramus ante divisionem ejus ad ventriculum mittit venam gastrociploem dextram nominatam; alteram, quæ ad duodeni medium, & jejuni initium fertur, intestinalem sc. spargit. Postea in plurimas divisus, mesaraicas constituit, quæ inter duas mesenterii membranas, oblique feruntur. Et ab intestinis chylum exugere, & pro hepate præparare docent. Sed quàm multis, hæc Anatomicorum sententia de illarum usu, difficultatibus urgetur, in sequentibus videbitis.

Illas chylum attrahere hepaticis, deferre ajunt. Sed hæc alias generavit difficultates, & in plurimas germinavit soboles, quarum prima est: *an illis hæmatosis attribui poterit?* sed de hac, cum de jecoris officio, locuturi sumus. Altera est: *an per ramum splenicum expurgetur sæculentus sanguis?* Sed hanc capite de officio lienis agitabimus. Altera est: *an per illas chylum ad hepar feratur, & sanguis ab hepate remeet ad intestina?* Quam acriter defendunt Laurentius & Fernellius.

Quod ad hepar chylum deferant, consentiunt penè omnes Anatomici, uno excepto Asellio: plurimis tamen non vacat difficultatibus. Si à mesaraicis exugatur chylus, in ventriculo & intestinis, omnium consensu, albescens: qui fit, ut statim in ipsis venarum orificiis ruborem contraxerit? cum hæmatosis jecoris proprium sit. Ut verò hunc evadant scopulum, vim sanguificam, etiam venis inesse, ajunt nonnulli; alii verò jecori solum illud officium pertinere existimantes; cum tamen priore difficultate maximè urgeantur, ad hoc confugiunt asylum; scilicet ruborem illum per sanguinem, ad intestinorum nutritionem descendentem, acquiri. Sed de hac statim nostram proferemus sententiam.

Ad dubii hujus solutionem varias excogitarunt vias, quibus se difficultatibus hisce expediant. Alii enim ad chyli & sanguinis transportationem diversa vasa esse dicata, asserunt, aded ut aliquæ chylum deferant ad hepar, aliæ sanguinem ad intestina. Sed hocce speculatorios Anatomicos satis refutavit experientia. Omnes enim mesaraicæ rubræ sunt, quod non fieret, sed aliquæ albæ, colorem chyli referentes, fuissent, si ad ejus distributionem essent dicatæ. Alii magis autopsiæ fidem habentes; per eadem vasa ajunt utrumque ferri, sed diversis temporibus: Sed quam verè, judicet vel minimè in Anatomia versatus. Cum enim nutritionis nulla sint certa tempora, sed ut diuturna partium sit absumptio, sic perpetuè opus est restauratione; trahuntque partes toties quoties se exhaustas sentiant: nonnunquam ergo eveniret, ut eodem tempore essent hepar & intestina famelica; eodemque momento hoc chylum, illa sanguinem allicerent, ergo & uno eodemque tempore mesaraicæ contrarias ederent actiones, chylum ad hepar, & eodem tempore

pore ab hepate sanguinem ad intestina transportarent; quod pro absurdo à nonnullis non habetur, sed viriliter à Laurentio, & Fernelio defenditur. lib. 6. physiolog. cap. 2. Omnes enim (inquit) *unâ sanè, & communis conditione servituti utuntur, nec ulla opera varietas illas sejunxit, sed singuli utrumq; datum est, tum ut in jecur chylum transportent, tum ut ex hoc in intestina sanguinem resendunt; neq; id quidem temporis, & officiorum quadam vicissitudine, sed simul unâ eademq; humorum congressione.* Et postea causam reddens tam diversæ actionis; ait: *Rapiunt autem jecur scilicet & intestina, ob convenientiù ejusdam facultatu communionem; sed transvectioni celeritatem addunt alia causa, scilicet vasorum ampliudo, succi tenuitas, & facultatu attrahenti robur: & quamvis isdem veni permisceatur sanguis & chylus, transentium tamen partium uentra & desideria, causa sunt, quod diversa diversa proleptent.* Hanc ulterius illustrat per alimenta medicamentosa. *Dum enim (inquit) alimentum nonnihil facultatu purganti admisceatur, uno eodemq; temporis momento fiet ueritio, & infestis humoru secretio.* Sed pace tanti viri liceat dicere, hæc non adeò veritati sunt consentanea: Fateor equidem proprietate quidam ingenitâ particulas, quæ sibi sunt cognatæ, attrahere; at verò suis utuntur instrumentis, & in hoc consentiunt omnes Anatomici, fibras rectas propter attractionem corpori donari, & per has fibras chylum mesaraicas attrahere, docent; quod verò jecur cremorem lacteum, non quid alienum attrahat, illud habet à propriâ facultate, quod verò attrahat, illud per venarum fibras agit, quæ illis manuum officium præbent. Actio verò fibrarum est, sese versus illarum principium contrahere, ad principium scilicet se dilatant, & ad partem à quâ exungunt, se constringunt, adeò ut partes chyli tenuiores, per minutilla illa vasorum officia constricta, se insinuare cogantur; ut posteriores partes vasorum dilatatæ repleantur: atque inde se contrahunt fibræ, & ad principium illarum, versus partem scilicet cujus sunt instrumenta, compellit. At quomodo actio hæc duabus inserviret partibus, & fibræ eadem plura haberent principia plane contraria, mihi non constat. Præterea, quando trahunt rectæ fibræ, laxantur transversæ, quibus expellunt; itaque si laxentur, quomodo sanguinem exprimere ad intestina poterunt? Præterea cur sanguinem expelleret hepar, si chylum ob cognationem, & qualitatum similitudinem tam avidè appeteret; cum in sanguinem sit conversus, majores cognationis gradus acquisivit, & penè assimilatur; ideo multò avidiùs ab hepate appeteretur. Deinde quomodo per eodem canales, adeò minutos, diversa corpora sine mutuâ penetratione peragrarè possunt? nisi forsan canalem dividant, & chylo ascendenti latius unum, alterum sanguini descendenti attribuant. (ut Historiographi de quibusdam fluviiis invicem confluentibus scribunt) sic partim lactei, partim sanguinei coloris referrent. Sed hoc expressis verbis negat Galenus lib. 5. de Hip. & Plat. decret. cap. 4. ubi docet, *naturam non isdem vasis, nec isdem meatibus ad materias semicollas, & planè confectas nisi solere.* Idem asserit Riolanus capite de Splene. Præterea si in eodem vase misceantur sanguis & chylus, secundum receptam Anatomicorum opinionem, multò diluor esset sanguinis color in mesaraicis, quàm in cæteris venis. Sed nec in vivorum dissectione, nec cadaverum, ullam unquam inveni differentiam, nisi forsan ab humoribus cænosîs, hæc à naturâ ad evacuantum propulsus, contaminaretur; imo potiùs crassior nigriorq; in hisce fuisset sanguis, quàm in aliis venis, ob rationem modò allatam.

Quod de alimentis medicamentosis urget Fernelius; Quod simul sit nutritio distributio, & pravorum humorum excretio. Ipse solvit, cum vasis inferioribus humorum excretionem attribuere, superioribus chyli distributionem, videtur. Superiores (inquit) vena ventriculo, & intestini tenuis concessa, minus sanè quàm inferiores, humoribus è venis, & jecore, purgandis destinantur. Sed minimè urgere hanc difficultatem mihi videtur; cum in alimento medicamentoso nutritionis distributio, & humorum excretio, eodem tempore non fiant: sed medicamentum prius exugi & ad hepar deferri oporteat, quàm in jecur aut alias partes agere possit, ut humores expellat excrementitios.

Ad opinionem hanc confirmandam, Fernelius aliud proponit dubium: scilicet, si distributio trahendo duntaxat perficiatur, quomodo mente concipimus corporis habitum, & venas extra modum impleri, nulla siquidem tum partibus abundè saturatis, inest appetentia, quæ trahendi desiderium stimulet. At verò plethoræ causam attractioni partium non ascribunt Medici, sed ad calidam, aut bonam hepatis constitutionem, tanquam causam efficientem referunt, quòd tam validè attrahat, ac in venas excludat; sanguinem vero sic genitum cumulant, ac detinent venæ, quia partes parùm aut nihil absument: Et hoc accidit vel ob otium, aut somnum immoderatum, aut ob suppressas sanguinis evacuationes consuetas; Iecur verò si robustum nimis sit ac validum, cremorem semper exhaurit, licet à partibus non absumatur.

Deinde Fernelius plura forsitan prospiciens incommoda, ad rationem confugit. Qui (inquit) unum sensum estimatorem, indicemq; adhibuerit, mesenterii venas, ventriculi, & intestinorum nutritioni; non autem chyli distributioni, esse destinatas contendit; quod omnes rubro semper, non albo succo conferta videntur; quodq; in ventriculi, & intestinorum substantiam, se figant, neq; ad interiorem capacitatem apertæ sint. Veruntamen quoniam alia nusquam ex intestinis directè in jecur feruntur, per quas alimentum influat; ratio magis quam sensus convincit, eas etiam ad distributionem accommodari. At insignissimè Ferneli, quia sensus aliam ex intestinis monstravit viam, ad hepar satis apertam; & sensus, & ratio convincunt, has esse ad aliud officium destinatas, & alia vasa nutritionis distributioni accommodata magis, sequens caput demonstrabit.

Asellius (primus lactearum inventor) cum officium hoc mesaraicarum vulgatum abdicaverit, aliud illis attribuit, ut crassiorem scilicet sanguinis partem ex hepate attraherent, cum vena cava partem puriorem excipiat. Quod tamen nec vero consentaneum videtur: Si enim hæ attractioni duntaxat sanguinis crassioris à puriore, qui ramulis venæ cavæ separatur, inservirent; quid agunt tot anastomases, & inosculationes inter cavam & portam? nullus sanè esset illarum usus, nisi ut per illas porta sanguinem in cavam refundat, aut cava in portam. Et sanè separatio illa multò esset commodior sine istis inosculationibus, quibus certè natura commercium intendit.

Restat jam ut aliquid certi de mesaraicarum officio adjungamus. Probabilius hoc est; ut sanguinem ad intestinorum nutritionem ab arteriis prolatum, & ab illis non consumptum, ad jecur iterum revehant: unicuique enim arteria à ramo mesenterico tanquam socius in peragrationse adjungitur. Ab arteriis hisce per anastomases sanguinem recipiunt venæ dictæ mesaraicæ, à quarum capillaribus ramusculis, quod illorum nutritioni aptum est, vi cognationis attrahunt intestina: reliquum per vasa
majora

majora, & hinc per ipsam portam, vi quadam à corde impulsivâ per arterias communicatâ, sursum in hepar impellitur. Ubi cum venæ cavæ surculis inosculatæ in eam, quicquid reliquum sit, evomunt, adeo ut in perpetuo illo fluxu novum semper alimentum singulis particulis offeratur.

Per has etiam totum expurgari corpus possibile est, ideoque sentinam corporis dicimus hanc partem ubi sparguntur; quia cernosa omnia, & fæculentâ, quæque vel toti, vel aliquibus particulis sint obnoxia; hisce in alvum emandari possunt; ideoque natura nullas his donavit valvulas, ut per illas facilius descendant humores. Atque hoc evacuationis genus concessit Hippocrates aph. 14. scilicet. 6. ubi ait. *Ab hydropse decento, si aqua à venis, ad ventrem conflaverit, morbi fit solutio.* Si à mesaraicis scilicet aqua in intestina conflaverit. Sed rectius forsitan hic dicere possumus, per arterias humores ad intestina confluere: Per venas enim non sine mutato, aut saltem perturbato cursu sanguinis, descendere possunt. At verò à locis vicinis, hepate, liene, pancreate, &c. etiam per has fiat humorum excretio, contra motum, vel saltem represso sanguinis motu, in magnis illis naturæ luctibus, cum medicamento & humore à sanguine separato, & unito, ubi ad excretionem (cum illi jam maximè sint inimici) omnes intendit nervos viamque brevissimam adorat. At licet contra sanguinis motum fiat naturalem, tamen non ideo statim via hæc excretionis est explodenda; motus enim ille naturæ in humorum expulsionem, est præter naturam, & violentus, viamque non semper illi consuetam quærit, sæpiusque & alix actiones naturales naturæ necessitati cedunt; ut in vomitu, qui motus naturæ præternaturalis est, œsophagi & ventriculi fibrarum motus invertitur, & quæ modò versus ventriculum constringebantur, sin pharmaci absorptione; jam ventriculo, eo malè affecto, ad os magnâ cum violentiâ, & naturæ perturbatione propellitur. Idem in venis hisce fieri potest; nunquam enim sine dolore, ventrisque torminibus purgamur.


Quod contra hanc sententiam objici poterit, breviter percurram. Si ad hunc duntaxat usum, & non ad chylum exugendum fuerint destinatæ, quid tanto opus est venarum numero? cum pauciores ad nutritionis reductionem, & purgationem sufficerent. At verò ad intestina non major numerus venarum, cæteris paribus, quàm ad ventriculum, aut alias partes, ubi multum alimenti, & caloris requiritur præsentia, deducitur. Neque multò minor est arteriarum numerus intestinalis concessus; quibus venæ per anastomases uniuntur? At si tanto arteriarum numero opus est, & his in furculos divisis; ut cuilibet illorum particulæ alimentum, ac calor vegetus ac validus, spiritibusque vicens, ad illorum insitæ caloris fomentationem, communicentur: cum totum illis absorberi nequeat, necesse est etiam, ut venæ sint plurimæ, è quarum tenuioribus tunicis partes cognatas, particulæ intestinorum eliciant, & statim reliquum, priusquam spiritus omnes amiserit, ad hepar deferant. Deinde jejunum ideo forsitan pluribus donatur venis, & arteriis, quia in illo maximè perficitur concoctio, ac separatio, cum plurimæ lactes in illum inferantur: Ideoque & majore indigeat calore.

CAPVT VII.

De Venis Lacteis.

Cum itaque repudiantur mesaraicæ, ad lacteas procedam, quæ in illarum substituantur vicem, quartum vasorum mesaraicorum genus, quod primus Casparus Asellius Anatomicus Ticinensis propalavit, anno 1622. cum fortè fortuna in cane, quem vivum secundum sumpserat, occurrissent; totum se postea earum investigationi dedit, ut nulla ferè hebdomada, nullus certe mensis abierit, sine vivâ, unâ & alterâ sectione, non canum tantum, sed & brutorum aliorum plurimorum, felium, agnorum, porcorum, vaccarum, imo equorum.

Quæ ergo de hoc quarto vasorum genere *avrosia* primò percepi, & postea ex ejus libello plenius didici, hic proferre non gravabor.



Cum

Tabulae I. Declaratio.

Stomachum subversum, ut feliciter appareat Mesenterium, ejusque vasa, & Pancreas, ac venarum lactearum plexus, depingit; sicuti & intestinorum cum ventriculo connexionem.

A. Plexus Lactearum in Pancreate.

B.B.B. Lactea ab Pancreas ab intestinum per mesenterium decurrentes.

C.C. Mesenterium.

D.D.D. Vasa nigricantia, sunt vena

mesaraica vulgares, qua cum arteriis per mesenterium feruntur.

E.E.E. Vasa adhuc magis nigricantia, sunt arteria mesaraica.

F.F. Intestinum Duodenum, & Jejunum.

G.G. Ventriculus.

H.H. Vena, & arteria epigastrica.

I. Omenti pars ventriculo substrata.

Cum in canis dissectione, primo mihi etiam fortuito occurrissent, at illarum naturam, ac usum à nullis unquam descriptum perlegeram: multum me incescit admiratio, & primo diversis sectionibus, ad Pancreas solummodò illas perducere potui; donec tandem totam illarum ex Asellio legeram historiam, ad ulteriorem illarum cognitionem perveni: quas postea sapientius perlustravi. Illarum itaque historiam ex Asellio breviter proponam. Quomodo is ad illarum inventionem pervenerit cap. 9. docet. *Has, inquit, si quis videre voluerit, oportet ut corpus dissectandum ad saturationem usque pascat; & horum quingis, vel sex postea, ventrem ejus statim aperiat. Tum enim in animali adhuc vivente, vena lactea, (ita dicta, quod colorem lacteum referant, & humorem lacteum contineant) à reliquis tribus vasorum mesaraicarum, arteriis, scilicet venis, & nervis distincta, eaque albissima apparebunt. In animali vero jejunò, aut ubi chylus jam distributus est, ut & in mortuo non apparent. Ramuli hi vasorum candentium per omnem mesenterii, ab usque centro ejus, regionem, tunc in Tab. I. B.B.B.] sparguntur. Inde in intestina ferri, ipsosque (inquit) in propagines ferè infinitas scindi; his propaginibus undique ambiri intestina, ac comprehendere: Est quidem à reliquis vasis mesaraicis distingui; cavitatem à nervis, tenuitate tunicarum ab arteriis; à venis candore, & ab omnibus simul, succo, quem includunt: ad ipsam oculorum fidem rectè provocat. Neque hic facile aliquis ei contradicat, qui visum suum consuluerit, quod in anatomicis operationibus omnino faciendum est. Quòd verò tam diu, & ad hoc usque tempus latuerunt, rationem reddit, quod in demortuis animalibus, in quibus venae hae non apparent, plerique anatomiam exercuerunt. Sed quòd & eos, qui etiam viva animalia secuerunt, & ipsum Galenum, qui sexcentas vivas sectiones se administrasse gloriatur, & illarum plurimas etiam à pastu, latuerunt; prorsus se ignorare scribit Asellius, cap. 14. nisi ob hanc causam illud contingere posse, quod animalia viva secuerunt antiqui, ut vel motum solummodo cordis, vel diaphragmatis, vel vocis instrumenta, vel motum cerebri investigarent, quod dum sunt, interim moritur animal, & postea illa non apparent. Neque enim vox à pastu conficiuntur, sed statim ubi chylus confectus est. Qui autem fiat, quod moriente animali succus ille lacteus mox evanescat, & venae non appareant, dicere non ita facile est; habetque suas conjecturas Asellius. Mihi, inquit, consensaneum videtur quod ex ingenti dolore, qui fit ex sectione, spiritus dissipantur.*

ad quorum insaturationem, materiam novam ex hepate cor rapit, hepar rursus ex lacteu succum illum alimentarem attrahit. At verò cum animà lacteus ille succus è vasis non semper fugit; sed sapissimè post inspectionem motuum pulmonum, & cordis, imò diu postquam animam efflavit canis, illas inveni, mihiq; amicissimus Medicus Oxoniensis idem hæc scripturo enunciavit, quod in dissectione corporis humani, anno 1637. apparuerunt lactæ, postquam expirasset animam per spatium totius noctis, & partis majoris dici. Idem & ipse in dissectione humani corporis anno 1639. perlustravi, licèt perfectam illarum disquisitionem, copia pinguedinis obnubilavit: Illarum tamen plurimas chylo refertas adstantibus demonstravi: Non itaq; statim post mortem semper evanescent. Causa itaq; cur majoribus nostris essent ignotæ, proculdubio hæc est. Cùm in brutis semper dissectiones administrassent, illa jejuna semper eouq; ferrent, donec fœces ex alvo egererantur, ne illorum stercora ipsis essent ingrata: In hominum verò cadaveribus non invenerunt, qui illorum dissectiones administrant; quia aut aliquo morbo confecti, alimentum longè antea non exceperunt, aut laqueo suffocandi, tristitiâ & jejuniò se macerare solerent; sicq; chylo refertas nunquam invenire potuerint; neq; illarum membranas nisi diligentissimè ex instituto inquirentes, à pinguedine discernere potuerint. Non tamen antiquioribus omnibus prorsus ignotæ fuerunt. Fallopius enim insignis & exercitatissimus Anatomicus, hujusmodi venas se perlustrasse asserit, in suis obser: Anatomicis de Venis, obser. tertiâ. *In simâ (inquit) hepatis partesunt meatus quidam minimi, qui desinunt & terminantur in Pancreas, & in glandulas ibi proximas; qui minimi meatus succum quandam oleaginosum, album, & ad aliquam amaritudinem tendentem, deferunt.* Item Galenum in lib. an sanguis in arteriis contineatur, cap. 5. in hæc verba incidisse constat. *Si ventrem inuam, & interiorem membranam dividerimus, arterias in mesenterio conspiciemus, in hâdis nuper natis lacte refertas, in adultis autem animalibus, alterius cujusdam rei plenas.* Arterias forsan ideo vocavit Galenus à gracilitate, quas in nuper natis à lacte, quod exuxerant, impleri forsan censuit: In adultis verò, cùm non invenerit, nec in hâdis ab arteriis distinguebat, ideoq; pro arteriis semper eas habuit. Non itaq; majoribus prorsus ignota fuerunt, sed illarum aliqua vestigia etiam iis, ante Asellium perspecta fuerunt.

Sed in illarum descriptione progrediar. Venæ hæc eandem cum cæteris habent structuram, in quâ illud admiratione dignum esse, scribit Asellius cap. 18. *Quod plurimæ valvulis, sive ostioliis, intersinistæ sint; quas sæpius evanescente jam chylo, instar minutissimorum veluti marsupiorum, aut concretarum gustularum, dependere ex illis, non modo quæ intestinû committuntur, sed etiam in reliquo ductu, animadvertitur: quæ minus foras spectent, quod cùm chylum ex intestinû exugant, in intestina rursus remeare non debet. Quæ ad faciliorem chyli ascensum inservire videntur.*

Magnitudine à vulgatis, sive truncum, sive ramos spectes, superantur, sed numero hæc illas excedunt; adeò ut iis ferè duplo plures videantur: plures verò ad intestina tenuia, pauciores ad crassa, cùm illa chyli distributioni inserviant, & succum alibilem, hæc verò excrementa potius contineant.

Inseruntur in omnia intestina, etiam duodenum, ut Tab. I. B. B. F. videre liceat, colon & rectum; in jejunum plurimæ, nullæ verò in ventriculû. Instar hyrudinum, suis oris, capitibus, spongiosis, quæ radicum officium

officium obtinent, in ipsam intestinorum capacitatem inhiant, & mucosæ illâ materiæ crustâ, quâ intestina intus oblinuntur, teguntur.

Ab intestinis per mesenterium, obliquo suo ductu inter duas ejus tunicas, partim seorsim à vasīs reliquis, partim unâ cum illis modò recto ductu, modò eadem transcendentes, & veluti decussantes, per plures glandulas in Pancreas usque perferuntur. In Pancreas variè cancello- rum in modum vel capreolorum, implexæ; sibi mutuo confusæ, in plu- rimos, eosque inexplicabiles gyros anfractusque hac illac intorquentur. Tab. I. A. Ab eo rursùm majoribus paulò furculis, per Foræ latera undiquaque Tab. II. & III. c. c. quam quibudam in locis annuli instar cingunt, in jecoris cavam subeunt. Tab. II. & III. g. g. g. b. b. b. Inde illatz in hepatis parenchyma, ibi quaquaversum disseminantur, dum prorsus obliterentur.

Actio harum venarum propria, est chyli ad hepâr distributionis; quòd ex ipso sensu patet, qui chylo eas scatere docet. Huic actioni opitulantur valvulæ illarum, quæ meatus exactè obstruunt, ne quod semel attraxe- rint, refluat in intestina.

Atque hoc modo controversia illa, quæ tot ingenia exercuit, nec tamen sine harum ope, decidi poterit, ut animus veritatis avidus quiescat, com- poni potest. Et Fernellius illustrissimus, si hæc vasa contemplasset, non, sensu seposito, (uti ait) adedò ratione, & judicium torqueret. viam, pro chy- li ascensione ad hepâr, & rursus sanguinis ad intestina descensu, invenire.

Sed dubia quædam circa vasa hæc Lactea, à nonnullis proponi video; quibus de usu illorum hæsitare videntur, eaque diruere conantur.



Tabulæ II. Declaratio.

Hæc hepar caninum exhibet cum venâ Portâ, ejusque ramis per mesenterium dispersis: Venarum etiam lactearum insertionem in Pancreas, & quomodo à Pancreate exeuntes, super Portam ad hepar ascendunt.

A. A. A. Lobi hepatis canini.

B. Vesicula fellis.

C. C. Pancreas.

D. D. Intestina.

E. E. Mesenterium.

F. Meatus Cholidocus.

a. a. Sirculi Mesaraicarum.

b. b. b. Porta super quam ascendunt Lactea.

c. c. c. Vbi Lactea à Pancreate erumpunt, & super Portam exeuntes, ad hepar ascendunt.

d. d. Inferio Lactearum in intestina.

e. e. Vbi se abscondunt in Pancreas.

g. g. Implantatio Lactearum in lobos Iecoris unâ cum Portâ.

f. Meatus hepaticus.

Primò illarum nullum truncum in quem minutiores surculi se exonerent (ut in mesaraicis) sub conspectum cadere ajunt. Secundo: Inter cavam & surculos lactearum proportio esse debet: Cùm enim truncus venæ cavæ, qui sanguinem confectum toti distribuit corpori, tam amplus sit, certè venæ lactæ, quæ chylum hepatis, è quo fit sanguis, advehiant, ei in proportionem respondere debent.

Ad primum dico, non esse necessarium ut lactæ in unum truncum coeant, plures enim minores surculi idem facere possunt, quod à trunco unico majori expectare possumus. Asellius duos tantum vidit ramos; ego plures (ut Tab. II. & III. delineavi) perlustravi, qui à Pancreate ad hepar per Portæ latera excurrunt; eosque post mortem etiam facile monstrare possum. At surculi hi (inquiunt) proportionati non sunt istis ab intestinis prolatis; non enim illis sunt multò majores, at decuplo pauciores. Ergo à Pancreate vix chylum, quem illi ab intestinis attulerunt tot penè mille venarum lactearum, ad hepar transferre sufficerent. Verumenimverò licet hepatis tot numero à pancreate non ascendant lactea, sunt tamen illis in mesenterio majores. Præterea cùm chylus ad Pancreas deferatur, in illius plexibus variis moram faciens, ulteriorem subit concoctionem, ubi multum serositatis, partisque crudioris deponit. In coctionis hoc intervallo, lactæ ad hepar tendentes præparatum eliciunt chylum, qui tam diu in Pancreate immoratur, donec totum à vasis majoribus ad hepar transferatur; quo tempore ulterius elaboratur, ut infra dicetur. Ideò verò plures surculi intestinis offeruntur, ut chylum præterlabentem omnem à fœcibus eliciant. Si enim pauciores, licet majores in illa infererentur, non omnem chylum attraherent, sed rara illarum ostia multum chyli effugiat. In Pancreate verò dum residat, deperditionis nullum est periculum, nisi excrementi, quod deponi debeat: Ideoque longius tempus in translatione à Pancreate ad hepar consumit, quàm ab intestinis ad Pancreas; & ob hanc rationem, chylus in hisce majoribus vasis longum post tempus discernatur, quàm in mesaraicis illis, ubi ob subitum ascensum citò evanuerit. Ob moram itaque in Pancreate,



TAB.
III.

Tabulæ III. Explicatio.

- A. A. Pancreas.
 B. B. Sima pars hepatis.
 C. C. Vena Porta à pancreate ascen-
 dens ad hepar.
 D. Vesicula fellis.
 E. Vena Cava posteriori hepatis parti
 affixa.
 F. Intestinum Iejunum.
 a. a. a. Vena Lactea à pancreate exe-
 untes, ac Portam ascendentes.
 b. b. b. Vbi Iecoris cavam subeunt, &

- in illud diffeminantur.
 c. c. c. Vena Lactea capreoli instar
 per portam ascendentes.
 f. f. f. Arteria celiacæ surculus hepatis
 implantatus.
 g. g. Ramus nervorum sexti paris.
 h. h. Vena Umbilicalis.
 i. i. Ramus Splenicus.
 k. k. k. Surculi rami splenici in Pan-
 creas diffeminati.

Pancreate, & partis cujusdam excrementitiæ ibidem separationem, non
 tanto lactearum numero à Pancreate ad hepar, ut ab intestinis ad Pan-
 creas opus est. Ad secundum dicimus, proportionem inter cavam &
 lactearum

laſtearum ſurculos non eſſe neceſſariam, arbitramur; cùm vena cava ob hoc ſolum non ſit facta, ut ſanguinem qui ex chylo quotidiano duntaxat conficitur, contineat: ſed ut canalis ſit communis, inſtar manſueti reſpectu fluviorum, in quod minores rivuli ſuas aquas refundant.

CAPVT VIII.

De Pancreate.

LAſtex omnes (uti dictum eſt) in Pancreas diſperguntur, chyluſque in illo moram facit. De quo, quia ad ſanguificationem aliquid conferre videatur, hoc in loco ejus hiſtoriam adſcribere libet.


*Neque datus
est Pan-
creas.*

Pancreas quaſi quid totum carnoſum, corpus eſt informe, laxum, glanduloſum & magnum, ad primam lumborum vertebram ſitum, quod poſteriori ventriculi parti, ejuſque fundo, Duodeno, venæ Portæ, Renibus, & ad Hepatis uſque ac Lienis ſedes diſfuſum, quatuor digitos longum Tab. IV. fig. 2^a. A. A. B. B. In hominibus minùs quam in canibus rubet, in quibus ad figuram ſemilunarem vergit. Fig. 1^a. A. A. B. B. In medio album eſt, quod ipſius eſt parenchyma; per quod *ductus* quidam membranofus inſignis, totum ejus corpus oblique perreſcit, utrinque plurimos ramulos uſque ad extremam ejus ſuperficiem diſpergens. Tab. IV. fig. 1^a. & 2^a. a. a. a. Qui more exterorum vaſorum verſus extrema ubique divagantes, deſcendunt & obliterantur. Cuius oriſicium ad dextrum Pancreatidis terminum amplo hiatu, in aliquibus animalibus in inteſtinum, in aliis in meatum cholidochum aperitur. In canibus enim in inteſtinum lejunum, à meatus biliaris ingreſſu, per ſpatium duorum digitorum tranſverſorum infra inferitur. Tab. IV. fig. 1^a. a. 2. f. In vaccis à meatus biliaris ingreſſu penè ſpithamos duos diſtat fig. 3^a. C. In hominibus verò, ſicuti & in ovibus, in meatum biliarem inhiat; in ovibus per ſpatium trium digitorum tranſverſorum ab ipſius meatus biliaris inſertione in inteſtinum implantatur. Fig. 4^a. D. E. in hominibus autem in meatum etiam biliarem, ſed prope ejus ingreſſum in duodeni ſinem terminatur. Fig. 2^a. c. a. In hiſ, quibus in inteſtinum lejunum inplantatur, in inteſtini cavitatem, eodem modo quo meatus biliaris, inter binas ejus tunicas ducitur. Fig. 1^a. 2. & circa exitum, tunica inteſtini interior eminentià quidam inſtar umbilici corrugatur. Fig. 1^a. f. ut foramen meatus cholidoci. e. In vaccis ductus hic magnus eſt, & facile digitum minorem admittit; ſi inſletur, pollicem penè æquat. In canibus, ovibus, hominibus, & aliis ſtilum facile recipit, & ureteribus magnitudine non multum cedit. Quando in meatum biliarem inferitur, neque inter tunicas ejus decurrit, neque valvula ulla aſtat; ſed bilis in illum facile remeare poterit; licet Bartholinus (illuſtriſſimi Bartholini filius non minus inſignis) valvulam in exitu poſuiſſe videtur: Nullam verò vel ſtilo, vel ſectiōne, vel inflatiōne explorare potuimus: ſed immiſſa ſitula totum ab inteſtino, vel meatu biliari, uſque ad extremitates capillares inflatiōne diſtensum reperi-
mus. Si autem tunicam inteſtini interiorem valvulam eſſe velit,
non

non multum contendemus, ejus vicem supplere faciliè concedemus. In illo humor conspicuus nullus invenitur, licet in vivis dissectionibus filo statim ad intestinum connectatur. Bartholinus bilem in illo ordinarià natura lege contineri dicit, quia stilum immissum tali plerumque colore inficiat; Et illum bile plenum Venetiis in diarrhœa biliosa inventum fuisse ab amico ejus, narrat. Cùm in meatum biliarem inhât, ut in hominibus, faciliè in dissectione contingere potest, ut partium commotione bilis à meatu biliari in illum refluat, uti nobis in dissectione sæpius accidisse observavimus. Atque hinc tinctura illa flava in ductus hujus parietibus enasci poterit: Quod verò in diarrhœa biliosa, humore tali plenus inventus fuerit, si non eodem errore accidisset; illud fieri dicamus, quia totum venosum genus infectum fuerat, totaque massa sanguinis biliosa facta, ut in ejusmodi affectibus contingit; natura per omnes vias humoris vitiosi expulsionem molitur, atque sic per ductum hunc etiam bilem expurgare conatur.

Ramus splenicus & arteriæ cœliacæ ramus in ejus parte elatiore ad Lienem transeunt, ramulos quosdam in illud immittunt. Tab. IV. fig. 1^a & 2^a k. k. k. l. l. l. Surculi item nervorum sexti paris ad ventriculum & Duodenum migrantes, quemadmodum & meatus biliaris, in dextro ejus termino percurrunt. Ab arteriâ splenicâ ramuli quidam sparguntur, quibus alimentum & spiritus recipit: Venas item ad reducendum superfluum sanguinem à ramo splenico & mæsaraicis obtinuit; Ab utriusque etiam humores melancholici deponi possunt.

Ufus ejus secundum Columbum, & alios dissectionum professores, est pulvinaris cujusdam vices obire, & ventriculo velut propugnaculum subterni; nè spinam contingens læderetur. Alii ventriculum & aortam intercedere credunt, nè aorta à ventriculo plus justo repleto comprimat. Sed hosce convellit Fallopius in observ. anat. Inutile enim tunc foret in quadrupedibus, qui proni incedentes, illorum ventriculus in illo non incumbit, cùm supra ventriculum vertebra adherat. Spigelius illud venarum ac arteriarum divisiones fulcire, & à comprimentibus illas conservare, præter cætera officia credit. Dein quatenus est glandulis refertissimum, cœnosam humiditatem, quam Omentum & Mesenterium continere non potuerunt, depascere. Tum (secundum Bauhinum) ut ventriculi aëre elixatione fiat, hoc est in calido & humido; dum enim crudiorum & humidiorum sanguinis partem depascit Pancreas, infiniti ab illo vapores calidi & humidi expirant, qui ventriculo circumfusi, cum complectuntur ac in Balneo Mariæ foret. Varolius autem officium nobilius adipisci docet, illudque sic descripsit. *Caro quadam informis & laxa, ante Lienis portas & jecoris, circa multa vasa concrevit; quemadmodum circa radices vasorum umbilicalium secundina; quare propter eandem necessitatem in nobis fuit, propter quam Hippocrates docuit in senu secundinam fieri; cuius utrinque substantia prorsus similis sit, utrumque colligatur proximè antequam alimentum extrinsecus adveniens, hepar ingrediasur. Licet hæc Varolii sententia omnimodò vera non sit; nobilius tamen adipisci officium, cum illo arbitramur; & chylum aliquo modo præparare, priusquam hepar ingrediasur, sicuti secundinam, secundum Hippocratem, sanguinem pro infante alterare, credimus. Pancreas enim non simpliciter glandula est, sed peculiare parenchyma, suamque habet carnem, qualem nusquam in toto corpore*



Tabulæ IV. Explicatio.

Figura prima canis Pancreas ac mesenterium ostendit; secunda humanum cum ductu novo. 3^a & 4^a ductum hunc pancreaticum in vascu & ovibus demonstrat.

A. A. 1^a. & 2^a. Pancreatis partem superiorem integram refert.

B. B. 1^a. & 2^a. Inferiorem ejus partem dissectam, ut ductus appareat, monstrat.

a. a. a. 1^a. & 2^a. Ejusdem ductus propagines per totum illius corpus dispersas indicat.

b. b. 1^a. 2^a. Meatus biliaris in Jejunum ducent.

c. 2^a. Insectio hujus ductus in meatum biliarium.

d. d. 1^a. 2^a. Meatus Hepaticus ab hepate descendens, & cum altero à vesicula bilis congressus.

C. C. 1^a. 2^a. Intestinum Jejunum.

D. D. 1^a. 2^a. Vesicula bilis.

A. 1^a. Jejunum apertum, quo melius ductus hujus, ac meatus biliaris insertiones illius conspiciantur.

F. F. 1^a. Lobi Hepatis canini: Et humani pars.

G. G. 1^a. Ventrículo subversus.

H. 1^a. Duodenum intestinum.

I. I. 1^a. Lien caninus.

K. 1^a. Mesenterium.

L. 1^a. Vena Porta.

c. 1^a. Exitus meatus biliaris in cavitatem intestini.

f. 1^a. Exitus ductus Pancreatis.

M. 2^a. Cava portio.

N. 2^a. Pars hepatis dissecta.

1. 1. 1^a. Meatus biliaris inter binas tunicas intestini progressum indicat.

2. 1^a. Idem de ductu pancreatici explicatur.

g. g. 1^a. 2^a. Ramus flexuosus ad lienem ducent.

h. h. 1^a. 2^a. Arteria cœliaca ramus lienem petens.

i. i. 1^a. 2^a. Anastomasis horum vasorum.

k. k. 1^a. 2^a. Surculi à ramo splenico in pancreas immixti.

l. l. l. 2^a. Surculi ab arteria splenica ad idem distributi.

l. l. l. 1^a. Vena lienem caninum à splenico ramo ingredientiens.

m. m. 1^a. Arteria eadem designata.

o. o. o. 1^a. Vasa in ventriculi fundum inserta.

p. p. p. p. 1^a. Vena lactea in mesenterio.

q. q. q. 1^a. Vena mesaraica.

r. r. r. 1^a. Arteria mesaraica.

f. f. f. 1^a. Intestina tenuia.

In tertia & quarta Figura vasis hujus insertio in ariete & bove ostenditur.

A. A. 3. 4. Intestinum Jejunum indicat.

B. B. 3. 4. Meatus biliaris insertionem monstrat.

C. 3^a. Ductus Pancreatis implantationem in Jejunum ostendit in vacuo.

D. 4^a. Ductus ejusdem in meatum biliarium ovium inbiationem demonstrat.

reperire possis. Et Galenus tales partes inter membra instrumentaria enumerat. 6. de Hip. & Plat. decretis; cap. 3. *Vnamquodq;* (inquit)

membrum instrumentarium quoddam in substantiâ adeptum est, ut nihil aliud^a in universo animalium corpore simile reperiat, quodq; propria totius actionis amplexu assecurari debet. Si cerebrum, Lien, Venter, Renes, Hecur, peculiare habent parenchyma, &c. Ergo quæ peculiare parenchyma obtinere, illis etiam peculiare officium convenire docet. At Pancreas tale obtinuit parenchyma, uti quævis proprii oculi facile docere possunt.

Præterea pan-
creatis offi-
cium.

Præterea lactæ omnes huc tendunt, atque in eò miris anfractibus disseminantur: quod in aliis glandulis fieri non solet. Nobiliorem itaq; proculdubio usum obtinuit, quàm ut sit pulvinar. Atque ideo illud esse factum censemus, ut quicquid in chylo cænosum continetur, ad se trahat, separet, puriusque reddat; antequam hepatis ingrediatur. Hinc Riolanus forsàn Anthropograph lib. 2. cap. 16. Pancreas secundarium lienem appellat, seu lienis vicarium; quod scilicet in melancholicis, ac morbosis corporibus, lienis vicem suppleat. Idque in multis, naturâ suâ, & corporis habitu, melancholicis se observasse scribit: Dum nec lien, nec hepar tumebat, nec dolēbat, sed Pancreas hepatis molem æquabat. Ut in corpore Augustini Thuani se invenisse docet. Qui habitu corporis melancholico, per quadriennium de dolore colico, circa regionem coli intestini, cum sensu ponderis ad stomachum, dum erectus statet, vel ambularet; Hypochondria verò ei non tumebant. Tandem inopinatâ gangrenâ correptus, pede dextro ad superiora celeriter reptante, cum diris cruciatibus intra sex horas expiravit: aperto cadavere Hecur deprehensum est induratum, rotundum instar spheræ salum. & transfixum gipsæ pituitâ, serum referente; Pancreas verò amplitudine suâ, & pondere ipsum hepar æquabat, totum schirrosus, multis globulis specie ovi columbini differens, lien verò exilis erat, ut vix anciani ponderasset. Bauhinus etiam, omnesque Medici in hoc consentiunt, quod schirro, obstructione, aliove morbo laborante Pancreate, totius corporis absumptio sequatur.

Ad illud quod contra hunc usum objicere potuerit. Quod scilicet in omni excrementorum separatione, patere debeat meatus aliquis, quo excerni possit excrementum, ut bilis separationi meatus biliaris dicatur; at in hac separatione nullus est ductus, &c.

Dubium verò hoc annus ille mirabilis 1642. à Virfungo Patavino, ductus hujus pancreatici primo inventore stratum fuisse, sicuti & diligenter dissectio facile monstrabit. Si verò instat aliquis, & ductum hunc nullum continere humorem, dicat; quia in dissectione nullus invenitur; atque ideo non ad excrementi cujuscunque excretionem inservire arguat; Huic respondere liceat, naturam nihil frustra fecisse, & si excretionem per illum non admittant, aliud illi magis conveniens officium assignent. Quod verò nihil ab intestinis recipiat, varius ille naturæ lusus in diversis animalibus facile docebit. Usus sine dubio in singulis idem est, in homine tamen & ove in meatum biliarem inseritur; à quo nihil præter bilem, excrementum ab omnibus partibus abominandum & fugatum, elicere potest: In vaccis autem, porcis & canibus in intestinum jejunum, intra binas ejus tunicas delatus, ut meatus ipse biliaris, implantatur; adeo ut interior intestini tunica, valvulæ vicem obiens, omnem ab intestino refluxum tollat. Quod verò aliarum partium, præter Pancreas, excrementa excernat, gratis concedemus. A liene enim humores cum sanguine revertentes, per rami splenis furculos pancreatici oblatos, Tab. IV. fig. 1^a & 2^a k. k. k. hic deponi poterunt.

potuerunt. Arteriosi sanguinis etiam excrementa, priusquam lienem ingrediatur, per furculos arteriæ cœliacæ fig. 2^a. l.l.l. hic excerni possunt. Immo per hunc totam pœne melancholiæ sentinam (præterquam quod ab emulgentibus arteriis intercipiatur) in Liene accumulata, evacuari posse putamus. Affectus enim utriusque sunt communes, schirrus, obstructio, &c. hunc & illud affligunt, imo liene affecto, vix aut nunquam integrum evasit pancreas. Præterea si vacuitas minus hoc excretionis demat; curtale ureteribus concedatur? quis enim humorem aliquem in illis in dissectione invenit? humor ille qui per utraque partes evacuat, visciditatis nescius est, atque ideò ad parietes non adheret, sed statim penè evacuat. Si verò aliquo modo contingat, ut ductus hic obstruatur, ut humores in Pancreate affatim accumulentur, abscessus, schirri, vel hydrops inde oriri potest: Uti refert Aubertus de mercatore quodam Lugdunensi, qui nihil dormire potuit, sed cum dormire conaretur, in lipothymiam incidebat, donec tandem mortuus; aperto corpore, Pancreas, integris salvisque cæteris partibus, duntaxat repertum est abscessu putrefactum. Idem pœnè in nobili feminâ nuperrimè nobis, cum mortua, observatum est; quæ per annos retro plures convulsionibus, epilepsia, & passione hysterica laborabat, & tandem post dolores & cruciatus exquisitos, vitam morte commutavit: Emortuæ, aperto corpore, solum Pancreas malè affectum & ulceratum inveniebatur.

LIBRI PRIMI

PARTIS TERTIÆ.

CAPVT I.

De organis sanguificationi deditis.

HActenus de instrumentis chylicationi ordinatis; nunc ad ea quæ secundæ coctioni, seu *sanguificationi*, quocunque modo faciunt, accessum facimus. Atque in his primarium instrumentum est Hepar, alia illi ministrantia plura sunt.

Hepar Græcis ἥπαρ ἀπὸ τῆς ἡπείρας, inopiâ, quod omnium partium inopiâ succurrat, dicitur. Pars est organica, & inter Principes meritò recensetur.

Situm est in infimi ventris superiori parte, sub diaphragmate, ad digiti circiter transversi distantiam, ne ipsius motum impediat.

Dextrum majore ex parte hypochondrium occupat: totum sub costis demersum, ut locum ventriculo & lieni in sinistro latere relinquat; cum hæc tria totum impleant spatium. Verùm portione aliquâ in sinistrum latus pertingit, ut corpus æquilibre (referente Bauhino) reddatur. Eam verò sedem perpetuò exigit, quæ costis succingitur nothis, ac superiori anteriori, & dextræ ventriculi parti leviter insidet, ac orificium sinistrum ejus attingit. In quo sinus eò nomine est insculptus, ut œsophagi partem admittat. Per quem hepatis situm ritè explicatur aph. 58. Hippocratis sect. 5. *Si autem hepar sit inflammatum, singultus succedit*: Ob contactum scilicet ventriculi tunicas in consensum trahit, illisque molestias agit, quæ se motu illo, convulsivo scilicet, ab incendio hepatis liberare conatur, cujus affectus periculum postea aph. 17. sect. 7. indicat.

Figuram habet superius convexam, infra concavam, vel suis quibus accumbit organis respondentem: non aliter quàm si nullam peculiarem formam exigeret, sed à vicinis partibus, instar terræ fictilis, quamvis effigiem imprimi sineret. Superior enim facies lævis est, æqualis ac convexa, glabræ diaphragmatis superficiæ respondens, quæ gibba & caput dicitur, quod diaphragmati cedat, ejusque cavitati congruat. In posteriori parte tantus sinus exsculptus est, quantus amplexando venæ cavæ caudici sufficiat; qui per posteriorem jecoris partem ad superiora tendit. In inferiori sede admodum amico ventriculo cedit, estque cavum, ut ventriculo assumptorum copiâ turgenti locum daret, & blando ejus amplexu ac calore, chyli concoctionem promoveat. Superficies hæc aspera est, aliquasque habet eminentias; quas lobos vocat Spigclius, ut Tab. III. videre licet; aliquosque sinus obtinuit, quorum alter est pro vesiculâ bilis, cujus medium corpus eleganter excipit: alter e

sinistra

sinistrâ parte, ubi œsophago septum transeunti cedit: ubi Porta intrat inqualis etiam est. A dextris corpus habet crassum, à sinistris sensim attenuatur; in anteriore parte in ambitu tenue est, in quâ rimula quædam, ubi inferitur vena umbilicalis Tab. III. h. h. cernitur.

Magnitudo ejus tanta est, ut nonnunquam ad umbilicum usque, & ad Lienem à sinistris, se extendat. Homini verò secundum proportionem, omnium animalium maximum conceditur; cum non solum sanguinem pro nutritione ejus, sed & pro spirituum animalium generatione, (quorum plures in homine quam cæteris animalibus consumuntur) conficere sit concessum. Spigelius ipsum cum ætate, magnitudine variare observavit; & in pueris maximum, habitâ proportionis ratione, in adultis minus, adhuc minus in senibus esse dicit.

Numero unicum est, neque ut in brutis in lobos divisum, qui solum interventu venarum continuantur, quale Galenus pro humano descripsit.

Tribus validis ligamentis, à peritonæo ortis, connectitur; superius diaphragmati, beneficio ligamenti membranei, lati, nervosi, ac impetuosè validi; quod à peritonæo, quâ septum succingit, enascitur; & transversim perhepar ad posteriora excurrens, ipsum hepar, in ejus tunica se expandit, diaphragmati per transversum digiti intervallum distans alligat, & *suspensorium* dicitur: Ob hanc rationem hepate graviore reddito, schirro, aut tumore alio, diaphragma detrahitur, & respiratio, corpore erecto, vel supino reddito, difficilior redditur. A sinistrâ parte ligamento fortissimo, tereti, à peritonæo orto, ad diaphragma; Anterior duobus vinculis alligatur; uno quidem cartilagini ensiformi, à peritonæo; altero, umbilico per venam umbilicalem, quæ, foris in lucem ædito, cavitatem amittit, & validum fit ligamentum. Simâ parte, mesenterio, *venâ Portæ* annectitur: costis in posteriore parte, *cavâ*.

Vnde dicitur
quæ à
schirro
hepatis

Ex his omnibus vinculis, quibus jecur Peritonæo adnectitur, tenue suam, & sibi peculiarem sortitur tunicam, in quam duo inferuntur nervi. Tunica hæc quàm arctissimè parenchymati jungitur, circa quam & ipsam hepatis carnem aquosa materia, è vasis excidens, (cum ob debilitatem hepatis, serosus tantum generetur sanguis) pustulas illas, quas Græci *υδαριδες* appellant, efficiens, colligitur: quibus ruptis, effusique in abdominis cavitatem aquâ, Hydrops ascites generatur.

Substantia ejus rubra est, mollisque, nuper concreto sanguini similis; nisi quod durior, præsertim in jecoris gibbo, cernatur: adeo ut nihil aliud esse videtur, quàm innumeris venarum furculis sanguis circumjectus, & effusus; à membrana tenui contentus: itaque *παχύχυμα* dicitur, affusio. Et in hunc modum fieri videtur. Postquam omnes partes spermaticæ aliquo modo formentur, quæ filamenta sunt, ac tanquam fundamenta totius structuræ; quæ perfectè dispositæ in maribus cernuntur die trigésimo, in feminis verò trigésimo sexto; quæ licet omnes simul formentur, tamen omnium perfectè consistit Vena Umbilicalis: Per quam stibit sanguis maternus, ut spatia illa inania inter filamenta, & stamina spermatica impleat; & primò locum illum attingit, quo futurum est Hepar, & ubi filamenta vasorum ejus sunt fabricata; circa quæ copiosè affluens sanguis, calore benigno uteri, motuque destituto, con-
crefcit, & massam illam sanguineam efformat. Atque hoc ipsius forma

Modus ge-
nerationis
hepatis.

facile suadere videtur, cum figuram à partibus accepit circumjacentibus. Et Fernelius se sapius observasse ait, cum die quadagesimo, factum ejectionis semidigiti magnitudine, verè ac prorsus conformatum, cujus partes omnes, excepto jecore, albæ ac spermaticæ cernebantur: Hepar verò à sanguine concreto, rubescebat.

Vasa in illo contenta varia sunt, venæ cavæ furculi, & Portæ radices, paucis interjectis arteriis, cum vasis bilem expurgantibus plurimis, quæ inordinatè per ipsius substantiam, ut abstractà carne appareant, disseminantur. Venæ Lactæ manifestè ad simam hepatis perveniunt; postea in varios, & tam minutos diffunduntur furculos, in substantiam hepatis dispersos, & absumptos; ut statim postquam cum Portâ intraverint, cerni nequeant. In parte demissiore Portæ furculi, & vasa cholidocha, Tab. V. fig. 1^a. B. b. b. b. b. C. E. a. a. a. a. In clatiorè verò sede cavæ furculi, non radices, ut voluerunt Anatomici, sed propagines; ut fusiùs infra docebitur, distribuuntur. Fig. 1^a. g. g. g. g. i. i. unicuique horum cavæ furculorum orificio, in brutis, ubi in cavam inhiant, valvula appositæ est, ne sanguis rursus in jecur regurgitet; & illud suffocet; Quæ ad cavæ latera interiora adhærentes, ac in orificia vasorum incidentes, ea exactè claudunt: Quarum aliæ majores sunt, aliæ minores, furculorum magnitudini respondentes, sursum omnes ad conspectantes. Quarum usus in brutis multò major est quàm in hominibus, qui erecti incedunt. Bruta enim dum prona ambulant, pondus massæ sanguinæ cavam præterlabentis (cum pars hæc hepatis proxima infima sit) facile ora vasorum è jecore prodeuntium deprimit, eaque violat. Ideoq; natura valvulas apposuit, ut sanguis & in cava præterfluat, & simul ex illorum vasorum orificiis emāet.

Vena Portæ cum furculis cavæ per anastomases insignes conjungitur, quod non solum in minutissimis venis contingit, sed in majoribus etiam, in quibus tam amplæ sunt, ut canalem æmulentur; per quas refluit à portâ ad cavam. Tab. V. fig. 1^a. h. h. h. h. Cavæ propagines quæ in jecore disseminantur, in duos vel tres insignes ramos, cavæ anteriorem partem penetrantes, coeunt. Fig. 1^a. Tab. V. i. i. Illarum tunica in hepate multò tenuior est, quàm ante illarum ingressum; quia illam, quam firmitatis gratiâ, cum solæ repleverunt, à Peritonæo mutuaverunt, ad tegendum hepar contribuunt, quia tunc hepatis parenchymate munitæ, facilius chylum à parenchymate conversum, per tunicas tenues eliciunt.

Inter has venarum propagines, furculi superius graciles arteriarum tunicâ donati; ad simam partem majores, & in unum caudicem collecti, bilem ab hepate & venis exuentes, disseminantur. Sed hæc vasa à nemine unquam rectè descripta inveni. qualia in hepate bovis hominisque, demptâ carne, seorsim vidi: sic itaque se habent.

Inter Venas Portæ plurima vasa sparguntur, quibus etiam per anastomases, seu oscula, (ut lactæ intestinalis) inhiantia, hirudinum instar, conjunguntur. Tab. V. fig. 1^a. x. x. x. multò sunt venarum furculis majora. E. a. a. a. tunicis insigniter crassis ac validis donata; ut bilis acrimoniam melius perferre possint. Ab his furculi minores sparguntur in quamvis hepatis partem, ut à singulis venis, & omnibus penè hepatis particulis bilem exugant, qui, ut dictum est, cum omnibus venarum furculis per anastomases junguntur. Canalis autem è qua furculi illi minores

nores luxuriant, digiti minoris sæpè magnitudinem æquat. Tab. V. fig. 1^a. E. Quæ cum meatu à vesiculâ bilis unita, rectâ ad Intestini duodeni finem deducitur. Fig. 2^a. G. f. C. E. Horum vasâ nonnulla à venis Portæ, & ab aliquibus vesiculam adeuntibus bilem exugunt.

In sinâ hepatis parte posita sunt, ut bilem à chylò, quamprimum coquitur & in sanguinem mutatur, antequam cavæ surculos ingrediatur, eliciant.

Arterias etiam habet exiles à cœliacâ arteriâ diffusas. Tab. III. f.f.f. Quarum usus pro caloris nativi ventilatione, apud Anatomicos habetur, reverà autem, ut jecori alimentum præbeant. Quoniam nullus sanguis ad nutritionem sit aptus, antequàm ultimam in corde perfectionem acquisiverit; sicuti ex Galeno probatur. lib. *an omnes partes simul fiant in særu. Cor (inquit) secundum dignitatem unicuiq; corporis particula cibum & spiritum in justâ mensurâ distribuit.* Itaque & ipsum Hepar à sanguine per arterias delecto nutritur.

Hepatis usus apud authores incertè redditur; Alii enim ad sanguificationem fieri statuunt. Alii illud negant, ut inter antiquos Aristoteles, qui cordi officium hoc tribuit, & inter recentiores Calparus Hofmannus in Comment. in Galen. de usu part. ubi Hepar (ait) non esse primum



Tabulæ V. Explicatio.

Figura ejus prima vasa bilem attractionis indicat.

A. *Vena cava pars.*

B. *Porta parvi in quam omnes*

b. b. b. *Surculi ejus minores colliguntur.*

C. *Meatus Cholidocus, in quem & Cysticus & Hepaticus terminantur.*

D. 1^a. 2^a. *Vesicula fellis.*

E. *Meatus Hepaticus, in quem*

a. a. a. *Vasa cholidoca minora colliguntur.*

F. 1^a. 2^a. *Meatus cysticus bilem à vesiculâ ducens ad intestina.*

c. c. c. 1^a. 2^a. *Vasa bilem ab hepate ad vesiculam fellis ducentia.*

g. g. g. *Surculi cava.*

h. h. h. *Anastomases illorum cum Porta ramis.*

i. i. *Vbi in cavam implantantur.*

x. x. x. *Anastomases vasorum cholidocorum cum Porta ramis.*

Fig. 2^a. *Vesiculam, cum vasis quibus bile repleatur ostendit.*

C. *Meatus cholidocus, bilem effundens.*

G. G. *In Intestinum hic apertum, ut ejus insertio videatur.*

f. *Ductus hujus meatu inter binas intestini tunicas.*

agens in sanguificatione, sed cor, quod hanc officinam sibi paravit. Sanguis enim in jecore factus, non est ille qui nutrit. Atque hæc Hofmanni sententia non est omnimodo veritatis nescia; licet in omnibus illi consentire non possumus, cum Hepar vim suam à corde recipere, ait, ex se habere nullam; sed esse tantum in sanguificatione συναίτιον, concausam, cor verò magistraliter operari, & αἷτιον esse Hepar solummodo ministerialiter, irradiato cordis calore. At hoc illi dari non potest; vim enim propriam habere existimamus. Quæcunque enim pars peculiare habet parenchyma, peculiare etiam obtinuit officium: ut ex Galeni placitis faciliè apparebit, neque aliud officium commodius illi tribui poterit, quàm sanguificatio: Ad hepar enim tendunt Lactex, non ad cor, &c. Perfectionem autem concoctionis & ulteriorem elaborationem à corde recipere, & ratio, & ipsa Galeni verba suadere possunt. Cum 6. sent Hipp. 6. assert. Nullum magnum opus repente αναίη, ἀγρεσίῃ τε, totaμὲν, suam expolitionem ab uno instrumento acquirere posse. Et alibi τὴν ἐγγύς τῆς ἰγχερῆς θερμότητος, οἷς λιπὴν κατεβαλεῖν, καὶ διαχρῖν αἷμας τὴν τροφὴν, οἷς ἀτρίζον ἰσχυρότερον. Copia nativæ caliditatis (cordis) comminuit in minimas particulas, & diffundit omne alimentum, ut facilius vaporescere possit. Quod est, particulas sanguinis, illi per cavam ab hepate delatas, comminuit, & in minimas diffundit: Et quid aliud est coctio? quàm ut facilius vaporescere possit, hoc est, in atomos adeò subtiles attenuari calore cordis, ut corporis particule puras & immistas, ab omnibus alienis liberatas, cognatas partes eliciant & apponant. Atque τοφήν hanc, alimentum partium, postea vocavit αἷμα ἀκριβοῦς κατὰ γαστρίαν καὶ λεπτυνόμενον ἐν τῇ καρδίᾳ, sanguinem accurate elaboratum, & attenuatum in corde. Præterea in corde facultatem vitalem ponit Galenus, non in hepate; at quid est illa facultas vitalis, nisi vis illa vegetabilis, quâ differunt sanguinea ab exanguibus, & plantis? si itaque vegetativa facultas sit in corde: in sanguinem

nem etiam necesse est, ut dispositionem conferat, ac qualitates inducat, quibus ad alendum aptus reddatur. Hoc ipsum etiam ratio & partium situs persuadere possunt. Nullæ enim partes, ne hepar ipsum, neque cor ullo sanguine nutrirî videntur, antequam ultimam perfectionem in corde acquisiverit. Quod ad sanguinis distributionem ad partes singulas per eavam attinet, plane esse impossibile docent venarum valvulæ; de quibus infra. Atque hepar suum à corde alimentum recipere, arteria illa à cœliacâ docebit: cor etiam ipsum ab arteriâ coronariâ suum mutuatur cibum. At arteriæ hæ non ad spirituum solum translationem inferviunt, sanguine enim sunt refertæ; ut experientia, & ipse Galenus attestari possunt. Lib. an sang: contineatur in venis. At in omni concoctione, inquirunt, debuit esse excrementorum separatio, & in receptacula depositio, sed circa cor nulla inveniuntur receptacula, quibus excrementa secreta deponi possint: ad ventriculū ponuntur intestina, ad hepar vesicula felleis, quibus sua excrementa sunt accumulata. Verūm enim verò hoc omni concoctioni non convenit; in extremis partibus nulla adsunt excrementorum receptacula; Sed per vias insensibiles & poros, evacuantur & crassâ & tenuiora illarum excrementa. Similiter in corde licet concoctio perficiatur, non est necesse ut excrementorum abduktioni circa illud partes destinentur: sed elucet hic imprimis naturæ industria, à Galeno toties celebrata, quæ solet aliquid facere propter usum, ita tamen ut idem sit aptum præstando abusu alicui. Arterias fecit natura ad alimenti distributionem; permisit tamen in illis ipsis excrementa simul ad loca idonea, ad evacuanda deferri. Sic *serum* & excrementum crassius (quod inter *urina contenta* numeratur, & vocatur *κρασισημα*, & *σπυδασις*) exugunt arteriæ emulgentes. Melancholiam ad splenem defert arteria cœliaca; & alia crassiora in intestina evomunt mesentericæ arteriæ; & si quæ bilis restat, quæ in primâ hepatis concoctione non separaretur; cum per venas mesaricas, & Portam, à mesentericis arteriis receptas ad hepar rursus sanguis deferatur, omnis in secunda illa elaboratione deponitur. Atque sic sanguificationis perfectionem cordi merito attribui demonstravimus. Non tamen omnis ab hepate est auferenda potestas: In illo enim chylus, qui modò albus erat, nunc concoctione, ejus caloris elaboratione rubescit, non mixtione cum alio sanguine, sed proprio hepatis calore: excrementum hic etiam seponit biliosum, quod fieri nullo modo poterit, nisi cœctio præcesserit. Primum itaque sanguificationis Organon Hepar dicere possumus, non adæquatū; à quo perfectionem ultimam sanguis obtinere poterit, sed colore, & sanguinis nomen, à virtute *αἱματιστικῇ* in hepate, (quæ talis est caloris gradus) & non in aliâ parte latente, exequitur; perfectionem ruboris & cœctionis, omniumque spirituum cordis calori majori debet. Sed de hoc plura infra.

Hic quaestio illa de sanguificatione, an hepati, vel venis conveniat? examinanda est. Galenus perplexè nimis & inconstanter hoc dubium solvit. In lib. 6. de Plat. & Hip. decret. cap. 8. Hepatis parenchymati attribuit. *Unum quoddam membrum* (inquit) *instrumentarium, quiddam in substantiâ adeptum est peculiare, ut nihil aliud in universo corpore simile reperiat; quoddam, proprium totius actionis auctor est; ut cor peculiarem habet substantiam, quâ efficiuntur spiritus vitales; cerebrum quâ animales efficit, &c. sic jecoris substantia, dissimilis est omnibus aliis.*

ergo & peculiare habet officium; at quid in corpore convenientius, quàm ut illi tribuatur hæmatofis. Divinus etiam Vesalius, quem injustè & falsò hæc in re insinulavit Laurentius lib. 3. cap. 1. non audet hanc virtutem venis tribuere, etiam si à totâ penè Anatomicorum turbâ sit concessum. Si (inquit) venâ vi illa insis, non rubicundum parabunt sanguinem, sed album, siquidem in omni partem coctione naturali, coactum necessario coquenti colorem asiscit. Idem docet Argenterius, Comment. in Hip. 2. de sig. pag. 277. *Qualiter* (inquit) *pari in sibi similem substantiam mutat id quod alterat, sed unicam habens substantiam venæ, eamq; albam, ex qua non possunt aliquid gignere rubrum, &c.* Hæc rursus Galenus aliis in locis, & sibi contrariatur. lib. 1. de facult. nat. ubi *Chylus* (inquit) *sanguis sit, passivus quidem chyli, activus ipsius venæ sit motus.* Hanc sententiam etiam defendunt Ioubertus, & Schegkii, qui promittit se certissimis demonstrationibus effecturum, ut omnes eruditi assentiantur, nisi stolidè, & pertinaciter refragari velint. Sed concedamus huic jactandæ veniam; demonstrationes ejus videamus.

Primò inquit, venas per se principium esse, & eas non alio quodam principio propagari: Et præterea impossibile videtur, ut venæ solidas corporis partes intrarent, prius factas; idèò concludit venas ante hepatis parenchyma formari; quia ex significatione vocabuli, & omnium consensu; parenchyma est affusio sanguinis, circa vasa: Nec omnimodò à carne hepatis venæ dependent. Venis ergo tribuenda est hæmatofis; demonstrativè admodum concludit! *Quomodo enim quod generatione posterioris est, actionis, seu sanguificationis principium esset.*

Sed quàm malè hic conclusit Schegkii, & quàm nulla est ejus certissima demonstratio? Venæ prius formantur, ergo sanguificant. Cur non & ossa etiam sanguificent? prius formata fuerunt, quàm hepar; Omnes enim partes spermaticæ simul factæ sunt: licet itaq; illarum stamina antequam sanguis affluat ponantur, non tamen illis convenit hæc actio; sanguificatio enim in fœtu non est prima actio, sed à matre jam confectum, & perfectè præparatum, ab arteriis maternis recipit sanguinem: in fœtu sufficit appositio, & assimilatio.

Ioubertus ulterius urget in paradoxis, omnem actionem physicam, præsertim nutritionem, & assimilationem, fieri per contactum; sed venæ tantùm continent sanguinem, non hepatis parenchyma; quod vasa tantùm amplectitur, nec sanguinem immediatè tangit. Instat & Schegkii, effectus non necessariò est similis colore efficienti: & agens non nunquâ, non modo non *δυνατός*, sed nè *ἰσχυρὸς* quidem producit effectus, Neque efficientis *δύναμις*, suo colore efficax est ad producendum aliquid; sed proprietate substantiæ alterat patiens, secundùm qualitates primas, ex quarum temperatione & mistione, procedunt secundæ. Sed quàm malè de concoctionis actione dijudicant, deq; eâ, tanquam nutritione, vel assimilatione loquuntur; quasi actio solùm privata esset, non publica: Nullus in hoc opere locus est pro assimilatione; quæ actio ultima est in partium nutritione, & appositionem sequitur. Coctio est particularum solum comminutio, & liberatio; quod ipsum in vase vitreo fieri potest; ut infra statim docebitur; sine assimilatione tamen. Præterea ubi est necessitas contactus, immediatæ multæ actiones physiciæ per contactum solummodò virtualem efficiuntur. Sol calefacit, lutum indurat, vapores elevat, sed non contactu immediato.

Sed ulterius urgent, si parenchyma solum hepatis, hanc virtutem contineat; cur rubet chylus quamprimum venas intret, etiam inter tunicas intestinorum.

Hoc est herculeum illorum argumentum, causam præbens totius controversiæ; & ob hanc solummodò rationem, virtutem hanc venis tribuerunt. Alii verò illam venis concedunt, sed mutuam ab hepate; ab omnibus penè recepta sententia; quam strenuè defendunt Veiga, & Lausentius, qui duo in sanguificatione spectanda esse censet, *Elaborationem, & Rubrificationem*. *Prima concoctionis quadam species est, (quia similari actio) & à temperie solum perficitur; rubor non à temperie, sed ab in qua temperies sequuntur. Sic chylis candor, non à ventriculi temperie, sed colore provenit.*

Dubium verò hoc insuperabile, verus Mesaraicarum usus satis superq; solvit. Si enim Venæ Mesaraicæ dictæ sanguinem ab arteriis mesentericis recipiant, ut illum, qui à nutritione intestinorum est superfluous, ad cavam reducant; & non chylum ab intestinis exugant, (uti satis supra probatur): mirum ne videatur, si illarum surculi minores etiam inter intestinorum tunicas rubeant.

Sed hic paulò Laurentii responsionem priorem examinemus, quia non parum, ut mihi videtur, veritatem obscurat. Rubor (inquit) non à temperie sed colore provenit: Quæ sententia priori ejus innititur, quòd concoctio in ventriculo assimilatione fiat: Error sanè non minus ab Anatomicis decantatus, quàm veritatis nescius. Concoctio enim solummodò est partium in corpore heterogeneo separatio, & eadem est actio cum putrefactione; ubi ab agente externo cognato elicitur principium unionis. Sic in ventriculo, aut hepate humidum & calidum corporis concoquendi, à calore & humido ventriculi, aut hepatis eliciuntur, parteq; quæ modò cum contrariis, (dum fuerint in statu ligato) quietæ manserunt; jam ab externo calore liberantur; liberatæ autem quævis particulæ, quæ heterogeneis & contrariis modò unitæ fuerunt; jam unionem illam repudiant, & cum partibus homogeneis, & cognatis sese jungere conantur; Atque sic mistorum unio tota dissolvitur, parteq; (ut loquitur Galenus) diffunduntur, & in minimas particulas comminuuntur, ut facilius vaporefcere possint. Atque ob hanc rationem ea, quorum partes sunt homogeneæ, coqui non posse dicimus; ut aqua pura, & alia elementa. Hoc etiam axiomatis illius Aristotelis veritatem denuntiat: *Purum elementum non est bonum alimentum*: Quia nec coqui, hoc est, in partes separari, cum sint homogeneæ, nec corporis particularum nutritioni, quæ sunt heterogeneæ, inservire poterit. Assimilatio in partibus singulis corporis ultima actio est: ubi scilicet partes quæ coctione separantur & comminuuntur, à quavis corporis particulâ, secundum cognationem attrahuntur, apponuntur, & tandem assimilantur; hoc est, tam appositè partibus uniuntur, ut jam ejusdem temperiei, consentiunt, & tantum non eadem esse cum illis particulis, quibus adjunguntur, appareant. Adeò ut coctio illa in ventriculo, hepate, & corde, huic actioni subserviat; scilicet ut particulæ corporis, in cibo cognatas partes à se invicem separatas, & in atomos decisas, eliciant, & apponant.

Atque hoc ipsum ulterius corporum illi solutione, & particularum separatione artificiali, apud chymicos familiari, docetur. Quorum operationes, & effectus maximam cum his ventriculi, & hepatis, analogiam

giam habere videntur. Quæ cum & chyli candorem, & sanguinis ruborem, digestionem, cum moderato solum ignis calore, & menstruo convenienti acquisitum, amulentur; quid opus est, ut à ventriculi, & hepatis colore, chyli ac sanguinis petamus colores? cum in vasis vitreis digestionem iidem ipsi producantur, atque rubor digestionis perfectionem indicat, candor, ut in generatione sanguinis, illum præcedit; quos colores à vasis vitreis accipere nequeunt. Ut cum ex radicibus symphyti, pane & vino, aut alio liquore convenienti, digestionem debita fiat *Sanguis Symphyti*, ex Quercetano. primò, solum digestionem per ignem moderatum, fit materia mollis, candida, ac prorsus chyloformis; deinde ulteriore digestionem, sanguineum colorem induit. Et sic in omnibus aliis.

Ut verò ventriculi & hepatis coctionem clariùs illustremus; analogiam illam modò dictam, prosequemur. Primò *Chymicus* cum extractum ex planta quolibet, aut alio simplice elicit; plantam mortario contundit, & frangit.

Hæc ipsa ciborum præparatio *masticatione*, in ore dentibus molaribus perficitur.

Inde plantam contusam, in cucurbitam vitream, aut aliud vas, cum *menstruo*, (liquore scilicet aliquo conveniente) reponit; & cucurbitam sigillo Hermetis signatam, in arenâ, cineribus, aut Balneo Mariæ, supposito igne moderato, recondit.

Similiter cibus ore masticatus, in ventriculum per œsophagum cum potu deglutitur: in quem orificium ejus superius arctissimè se constringit, vapores omnes, caloremque retinens, ut citiùs fiat digestio. Hinc si malè afficiatur superius orificium, ut muneris sui obliviscatur, nec se ritè constringat; vapores ascendunt, caputque petunt ac gravant, calorque effugit; unde coctionem impediri contingit. Calor autem digerens, est natus in ventriculo, à calore hepatis superjacentis, viciniâ cordis, lienis, omenti, & multitudine venarum, ac arteriarum adjutus.

Atque jam totum opus calori moderato permittit chymicus, idque ad spatium horarum, vel dierum, vel mensium nonnullorum; secundum facilitatem, aut difficultatem separationis partium.

Ventriculus itidem suos cibos per horas tres, quatuor, vel quinque, illos proximè amplexus, continet, eosque calore suo penetrat, & dissolvit.

In illo temporis intervallo, particularum plantæ compages, & vincula calore externo, & humiditate dissolvi incipiunt; totaque massa in cremorem quandam, chylo similem, mutatur; qui si particula viridescentes, & excrementa terrestriora separantur; candoris speciem refert; præcipuè si materia, ex qua extractum sit eliciendum; apta nata sit ad albedinem, ut si ex radicibus, aut iis quæ non multum viridescant, fiat. At postea nonnullarum partium separatione albescit; ut ex radicibus *Satyrionis*, micis panis, cum liquore aliquo fit cremor summè candens.

Similiter in ventriculo chylus non semper candescit, nisi ex carnibus, pane, aut radicibus, cibus sit; antequam à lacteis separatur: sed nunc ad flavedinem tendit, nunc virescit; uti post herbarum viridum ingestionem largiorem, vires; priusquam separatur; ut ex alvi excretis summe viridibus colligere possumus.

Dolor capitis & coctionis læso ex malè affecto orificio superiori ventriculi.

Deinde

Deinde Chymicus post debitam simplicium digestionem, è matraccio massam totam exhaurit, ac tenuiorem & subtiliorem materiz partem, à capite mortuo, magis terrestriori, & fœculentâ parte separat, percolat, eamque filtrat.

Ad eundem modum Ventriculus post particularum separationem, ac confusionem, ipse se undique constringit & in intestina propellit, a quibus lactex tenuiorem, & subtiliorem cremoris partem eliciunt, & exungunt, & per illas ad Pancreas deducitur ubi ulterius percolatur, & filtratur. Et sic ad secundam concoctionem præparatur.

Chymicus jam tincturam suam perfectam, digestionem, excrementorum separationem, & filtrationem, obtinuit. Et nunc ad secundam operationem est paratus. Tincturam itaque ab excrementis liberam, matraccio rursus recondit, & ignem supponit, ut secundò digeratur.

Sic lactearum surculi majores, chylum hunc ex Pancreate, filtratum & purum ad hepar adducunt, in quo secunda perficitur concoctio.

In hac secundâ concoctione, in matraccio chymico, rubescit cremor, & in hepate chylus; qui ulteriore concoctione, igne paulò vehementiore, perfectiorem acquirit colorem, ac tandem evaporato menstruo, consistentiam solidiorem obtinet. Chylus etiam in sanguinem conversus, ex hepate in cavam emissus, in cordis ventriculis ulteriorem concoctionem subit; Exindè in arteriam magnam emissus, continuâ circulatione per arterias & venas tanquam in *Pellicano* cohobatione frequentî rectificatur, ac subtilizatur, excrementum autem quod à digestionem hac per circulationem separatur, est materia illa alba in urinis contenta, quæ *uricans* dicitur. Postquam aptum sit alimentum pro singulis particulis, ad quas cognatione quidam attrahitur, & apponitur, seroque evacuato, consolidatur, & assimilatur. Atque sic ruboris in sanguine causam, ac concoctionis modum quivis facillè perscipiat. Qui ut floridior, & purior evadat, excrementa ejus excerni debent. Quæ operatio, cum ad alia membra, ei officio dicata, pertinet, in sequentibus illustrabitur?

CAPVT II

De Vesicula fellis.

IN omni concoctione (assentientibus Anatomicis) est patientis alteratio, & excrementorum separatio. Ut à Ventriculi coctione separantur alvi fœces, in hac secundâ, scilicet Hepatis, tria separantur, Bilis, Melancholia, & serum. Bilis ob amaritudinem, & inimicitiam corpori, statim à sanguine separatur, reliqua una cum sanguine simul longiore itinere circumferuntur. Hæc partim Intestinis, per meatum hepaticum, ut supra dictum est; partim vesiculæ, de quâ jam dicturi sumus, emandatur.

Vesicula hæc flavæ bilis receptaculum, *κίβης χοληδου* dicitur, in cavâ & dexterâ hepatis sede posita est. Tab. V. fig. 1. D. In sinu quodam,

dam, eo nomine insculpto, superior & media ejus pars sepulta, hepatis tenacillimè, partim per vasa ejus in hepatis parenchyma se insinuantiâ, partim per membranâ hepatis in parte demissiore cingentem, connectitur. Inferior ejus pars libera, extra substantiam hepatis propendet, ubi dexterum ventriculi latus & colon attingit, utrumque sæpe flavitie, sucro per tunicas exudante, tingens, undè forsan quibusdam perpetui stomachi ardores.

Forma ejus oblonga est, & rotundior, pyri figuram referens, duplici membranâ constans, unâ exteriori, ab hepate fibris omnibus destituta, dimidiam tantum ejus partem, demissiorem tegens. Altera crassâ, & nervea est, ut melius extendi possit, omni fibrarum genere texta, intus mucosa quidam substantiâ obtenditur, ne a bili acrimoniâ lædatur, in fundo tenuior, in cervice crassior. Si bilis diutius in illa retenta exuratur, in calculos lavillosos, & multiformes condensatur.

Arterias valdè graciles à dextro celiacæ ramo ejusque superiore sede, ubi cavum hepatis ingreditur accipit: quibus sanguis ad tunicæ ejus nutritionem fertur. Quod relinquitur, per Cyllicas ganglias, venas duas, ubi cum arteriis sparfas, ad Portam, antequam in ramum dividatur, fertur.

Nervum item parvum, ac vix conspicuum à sextæ conjugationis ramulo, qui lecoris tunicam perreptat accipit. Vasa hæc cervici vesiculæ adnexa, in tunicam disperla, ad fundum ulque perveniunt.

Dividitur ab Anatomicis in fundum, cervicem, meatus. Fundus amplior ejus pars est, quæ inferiora respicit; cervix vero angustior, quæ fundo multò durior est, oblonga, & superiora respiciens; paulatim in angustum meatum desinit, qui Cysticus dicitur. Tab. V. fig. 1. & 2. F. F. Huic occurrit meatus alter immediate, ex hepate proveniens, Hepaticus dictus. Tab. V. fig. 1. & 2. E. E. qui cum priore conveniens, in unum congregiuntur canalem. Tab. V. C. C. Qui in sejunum oblique, inter utramque ejus tunicam. Fig. 2. Tab. V. d. f. inferitur.

Cervicis vesiculæ initio valvulas esse appostas tres narrant Badius & Laurentius; Riolanus illas se nunquam observasse affirmat. De illis vero Spigelius expressis terminis mentionem facit. Cervicem arduissimam, multisque insuper rugis asperam, & interceptam esse, non tam facilis ac lubricus esset bilis descensus, deprehendere licet.

Sunt & alia Vasa huc proferta, quorum supra in priore capite mentionem fecimus, à Spigelio prius in lucem edita, quæ inter cæcæ Portæ innumeris & exilibus fœculis sparla, fœsim in superioribus ejus partem, quæ suæ hepatis parti adhæret, in unum meatum coarctant. Huic meatus valvula opposita oblonga, ne si forsan obstrueretur, veticula, totaque superest bile, nihil tamen ad hepatis regurgitare possit. At verò succosus humor non est, qui in se penetrat, sed phlegma, ut in hepate bovino, a Rybano, vasis omnibus a parenchymate deorsum pulsativè neque fœsim in ipsam veticulam sed & in meatum Cysticam, quamdiu hepatis contractio infertur. Ut Tab. V. fig. 1. & 2. c. c. c. Ante hæc toti illi fati, utreperæ controversie, aliam in impostuerunt: bilis quomodo bilis in vesicam perveniat. Falsè quidam, per meatum Hepaticum descendentem,

dentem, ab intestinis flatibus aut excrementis distentis repelli voluit, & in vesiculam, tanquam diverticulum, recedere, donec peracta sit distributio. Charybdem hanc dum vitare conatur Laurentius, in Scyllam incidit: & dum Fallopiū erroris reum insinulasset, ipse non minus hallucinatur; atque illud negare non erubescit, quod in quālibet dissectione, propriis attestantibus oculis, veritatis læsæ reum accusabit; scilicet quod à Iecore ad Intestina nullus est perspicuus ductus, sed à Iecore ad vesiculam patet via per meatum Cylticum, non obstantibus valvulis in cervice ab ipso positis. Sententiæ sanè tantum veritati repugnantes, ut majoribus non opus sit adversariis, quàm seipsis. Altera hic non minùs explodenda oritur sententia, à Iouberto, & Archangelo multum decantata, *Quod scilicet Bile Vesicula alatur.* Quam verò, quia ipsa Arteriarum, & Venarum per illam disseminatio satis confutavit, plura non ingeram.

Ulus ejus est Bilem attrahere, & ad tempus conservare, atque in hoc alterum meatum hepaticum, qui immediatè ad Intestina defert bilem, officio antecellit, quod hæc non solùm attrahat, sed in eà accumuletur. In vesiculā verò continetur (inquit Spigelius) quandò copiosa bilis in corpore abundat, nec recto tramite descendere, repleto vel ventriculo vel intestinis, facilève expurgari queat, tunc in se paulisper contineat. Sed forsan idè in illa conservari rectius dicamus, cùm in corpore abundat bilis aut multùm à concoctione separatur; ne affatim in intestina affluens, continuas provocaret dejectiones; sed tandiū ad se attrahit & continet, quàm vasa illa in Hepaticum terminantia, totam, quam à concoctione in Iecore exfluxerunt, guttatim in Jejunum emiserunt: atque tunc, illis evacuatis, vesicula suam similiter bilem deponit: quæ facilè & leniter facultatem expultricem ad chylicum fœcibus promotionem provocat, & postquam totus à lacteis exsurgatur chylus, ad fœces expellendas stimulat. Si vero affatim efflueret, concitatam nimis provocaret evacuationem; cujus incommoda norunt ipsi, qui diarrhœa diuturniori laboraverunt. In nonnullis animalibus, puta damas & columbas, non invenitur; quia minor in illis generatur bilis quantitas, & tardius separatur.

*Vesicula
bilis Offi-
cium vo-
cat.*

CAPVT III.

De Liene.

Sanguine à spumâ, seu Bile repurgato, sedimentum ejus, Melancholia scilicet, hic locum postulat ad evacuandum; licet ulteriorem coctionem in corde, antequam separaretur, requirit. Quæ secundum Galenum, ejusque sectatores per ramum splenicum, à Portâ, antequam Hepar ingreditur chylus, attrahitur, & *Lieni* emandatur. Cùm Lien itaque pro excrementi hujus receptaculo habetur, & sinistrum occupat Hypochondrium, post Hepar & ventriculum illius descriptionem aggredi est necessè.


Lien, *πύλας* Græcis dicitur, ad sinistram ventriculi sedem, è regione hepatis, sed paulò depressius locatus, sub costis tamen spuris continetur, quæ ipsi tutelæ sunt. Rarè situm mutat, aut numerum, aliquandò tamen hoc observatum fuisse attestantur Fallopius, Aristoteles, & Riolanus. Diaphragmati in superiore parte, inferiori verò reni sinistro, utrinque gracilibus, exiguisque membranis: Simâ parte primò superiori membranz omenti, & ope vasorum ventriculo, convexa verò dorso, connectitur. Hinc schirro aut tumore aliquo laborante, quia diaphragmati alligatur, dyspnœa oritur à pondere illud deorsum detrahente. Ruptis hinc vinculis observatum est, inquit Spigelius, herniam inde natam fuisse. Magnitudo in homine, cæteris paribus, major est quam in aliis animalibus, multò tamen minor est quam hepar, ut qui longitudine quasi sex digitorum, latitudine trium, crassitie sit unius. Nonnunquam tamen ex humorù affluxu adeò intumescat ut ad abdominis usque medium porrigatur. Qui naturâ sunt melancholici, his grandior est; similiter & in palustribus locis degentibus; minor semper majori melior est, nisi parvitate peccet. Laniones ex viscerum parvitate, præcipuè lecoris, & Lienis, carnis bonitatè dijudicant. Qui amplas etiam habent venas, ut observavit Spigelius, majores illis conceduntur lienes, atque ideo macilenti pinguioribus faciliùs in tumidos lienes incurrunt.

Formam adipiscitur sedî suæ proportionem respondentem, ac jecoris modo, à vicinis partibus sibi impressam; quâ enim septum attingit, leviter gibbus cernitur, & impressiones quasdam externis, ob costas, illum prementes nonnunquam accipit; quâ ventriculus illi quodammodo innititur, modicè, ac in superficie duntaxat, cavus occurrit. Figuræ plerumque aliquantisper oblongioris est, & latè quodammodo. Rarè in lobos dividitur: hunc tamen in dissectione forminx cujusdam, anno 1640, in lobos sectum inveni; cujus monstruosam figuram in Tab. VII. fig. 2. & 3. partem gibbosam, & simam exprimentem invenietis. Superior ejus pars, diaphragma respiciens, globosa est, humilior verò in obtusum angulum desinit. Cavum ejus profundiore lineâ, secundum ejus longitudinem rectè ductâ, signatur, quâ venas & arterias admittit. In ventriculi latus sinistrum, paulò posterius versùs Renem sinistrum, incumbit, cui sæpissimè coli, à flatibus, distensiones, & tormina; ubi in latere sinistro antè, sub ventriculo, versùs renem sinistrum reflectitur, ab Anatomiz imperitis, appropriantur; & lien pro parte affectâ sæpius accusatur, cum colon præcipuè laboret.

Color ejus in fœtu rubicundus est, dum puro & defœcato alatur sanguine: in adultis verò cum succum attrahat melancholicum, & sanguine fœculentiore alatur; ut plurimum ex atro obscuro nigricat. At Spigelius Lienem hepatis parenchymate multò nigriorem, non benè sani hominis esse, utrunque magnitudinem naturalem non superet, existimat. Colorem certè ab humore, quo imbuitur, accipit. In cane splendidius ipso plerumque lecore rubet, sues magis albicantem obtinent.

Substantia ejus ex crasso nigroque admodum, sed levioris puniceis modo, raro concretoque sanguine inter fibras constat. Frequentibus fibris Tab. VII. fig. 1. G. G. G. & filamentis validis mirificè implicatis, cum arteriis multis, fabricatur; Qui fibrarum plexus, pro venarum, & artèriarum disseminationibus semper fuerunt assimilati, sed male, uti postea docebitur.

Tunicam



TAB. VI.

Tabulæ VI. Declaratio.


Quæ Canis lientem ac vasa depingit.

- A. Vena Porta.
- B. Ramus Splenicus.
- C. C. Lien Canis in suo loco.
- D. Ramus arteria ciliaca Splenicus.
- E. E. Ventrículi fundus.
- a. a. a. Venarum à liene prodentium apertio, ut valvula ostendantur.
- b. b. Gastrica arteria sinistra.
- c. c. Vas breve arteriosum.
- d. Vena Gastrica minor.
- e. Arteria Gastrica major.
- f. f. Ramus Gastroepiplois sinistra re-

versus ad ventriculum.

- g. g. Vena Gastrica major.
- h. h. h. Vasa in fundo dispersa ventriculi.
- i. i. i. Arteria surculi lieni deligati.
- k. k. Arteria Epiplois sinistra.
- l. l. Vena ejusdem nominis ejus socia cum valvula dilucidata.
- m. m. Epiplois postica venalis.
- n. n. Vena in pancreas disseminata.
- o. o. Vena Mesenterica.
- p. Vas breve venosum.
- q. Vena Gastroepiplois reflexa.

TAB: VII.



Tabulæ VII. Explicatio.

Figura prima bovis lienem monstrat, qui ob magnitudinem felicius partes hujus visceris interiores a nulla adhuc rectè descriptas explicat.

A. A. Substantia Lienis ejus tunica propria testata.

B. Vena Porta portio.

C. Ejus ramus sinister, seu Ramus splenicus.

D. Ramus hic propè Lienem apertus, ut Valvula ostendatur.

E. E. Lienis tunica dissecta & inverta, ut videretur, & fibrarum progressus ac plexus melius ostendatur.

F. F. Arteria splenica portio, quæ totam hanc substantiam percurrentes, in illam.

a. a. a. Surculus sua dispositus.

G. G. Fibræ qualiam nervosæ mirè complicata, inter quas Arteria surculus

excurreunt, & quibus parenchyma Lienis affixum adhaerens.

b. Valvula in ramo splenico, extrorsum verum posita spectans.

c. c. c. Foramina quæ in termino ramus splenicus a Lienis substantia ducentia, conspicua.

d. d. d. Nervi per latera arteriæ splenicæ percurrentes.

e. e. e. Terminus Ramus splenicus ad portam pene Lienis deficientis.

Figura secunda & tertia monstrant Lienem humani formam imitantem.

A. Gibbositas Lienis pars.

B. B. Fibræ sua pars.

C. C. C. Lobi ejus divisi in tres.

a. a. a. Arteria splenica Lienem penetrans.

b. b. b. Vena seu ramus splenicus.

Tunicam habet tenuem, sed illâ hepatis crassiorē: quâ fibræ illæ in parenchymate variè intertextæ, oriuntur, quam in senibus, in ossicam naturam degenerare observavit Spigelius. Alteram habet ab omento membranam, quæ a lineâ rectâ in ejus medio infixa, totum postea vilius suætingit, licet ab Anatomicis pro simplici habeatur, & à priori distinguere non admodum erant.

Vas quæ Lienem intrantur variè ab Anatomicis recensentur. Vulgaris illorum descriptio hæc est. A Vena Portæ ramis insignis, splenicus dictus transversim missus, ad Lienis cavam tendit. In plurimos ramos divisus in substantiam ejus, fibrarum instar, admittitur præter duos, Vas breve scilicet quod aliquando in fundum ventriculi, aliquando in superius ejus orificium inhect, quo si quis melancholicus eructatur ad ciendum appetitum. Alter, splenicæ hæmorrhoidalis ad anum abit. Arterix itidem frequenti serie, Lienem implicite, ortum ducunt a celiacâ, quintuplè plures quam venæ; idæque Inquit Spigelius) credibile est materiam copiosiorē in arteriis quam in venis contineri in schirris & aliis affectibus Lienis; & propterea sæpius per arteriis, quam venas expurgari. Nervos etiam a luto pari accipit, qui Lienis potius tunicæ inseruntur, in substantiam vero non penetrant, consensu Vesalii-Bauhini, Spigelii ac pene omnium.

Sed Vasa hæc nullibi rectè descripta ab Anatomicis, inquam invenire potui, si fas sit Autopsiæ credere. Quæ igitur apud experientis crebris confirmata in præsentia multorum virorum ingeniorum amicorum nostrorum observavimus, breviter expediam.

Arteria

Arteria ex cœliacâ, satis magna, enata, transversim per inferiorem Omenti membranam se distendit. In medio itinere bifurcata, alter ramus ad lienis partem elatiorem in homine & in cane ut Tab. IV. fig. 1. & 2. h. m. & Tab. VI. i. i. Alter ad demissiorem profertur, qui in varios divisi furculos, in substantiam ejus inferuntur. In Vaccis, ovibus, & damis non est divisa, sed tota in partem ejus inferiorem implantatur; quia partibus superioribus fortiter ventriculo alligatur. Cum verò utrinque substantiam ejus intrârunt; variè per eam in plurimas ramorum soboles diffunduntur, ut in bovis liene [fig. 1. Tab. VII. a. a. a.] videre licet. Venas nullas habet in bove, damis, ovibus, &c. sed Ramus Splenicus cum ad lienis sedem inferiorem pervenerit, quamprimum penè tunicam ejus penetraverit, in porolam lienis substantiam statim Tab. VII. fig. 1. c. c. c. definit; quæ in illam, variis foraminulis pertusam, sanguinem effundit, unde in Portam reducitur, Tab. VII. fig. 1. c. c. c. In humano verò liene, paulò altius in substantiam ejus unâ cum arteriâ furculis penetrant, nec tam manifestim perforantur, ut in bove, quibus foraminulis sanguinem à substantiâ lienis recipiunt. Nullo modo tam variis anfractibus cum arteriis implicantur; nec ut in hepate venæ portæ & cavæ propagines disseminantur, & inoculantur; sed plexus illi, & inoculationes quæ in liene conspiciuntur, à fibris invicem contextis oriuntur.

Fibræ hæc ab Anatomicis pro venis habitæ, quasi rami splenici essent propagines, sunt revera filamenta tenuia, valida, nullam cavitatem habentia, nec à ramo splenico, sive arteriâ originem ducentia, sed variè inter se complicatæ fibræ, quasi retia multa complicata, & connexa fuerint; utrinque tunicæ lateribus firmiter adnectuntur; ex quâ principium ducere videntur, circa quas fibras parenchyma lienis, carnosa quædam substantia leviter undique circumvoluta, adhæret, interjectis ubivis foraminibus plurimis; quæ cancellos, seu vacua illa spatia, quæ retium chordis interjacent, referunt, seu foraminula illa inania in spongiâ, aut pumice exprimunt: & fibræ parenchymate vestitæ, [Tab. VII. fig. 1. G.G.G.G. filis retium, seu partibus continuis pumicis, aut spongiæ appositæ satis adsmilantur. Mirificè inter se contextuntur, adeo ut hac in parte Natura artem suam maximè ostentare videatur; & opus tam mirandum ex industriâ confecit, ut fabulosas illorum opiniones convellat, qui membrum esse otiosum, & nullius usus affirmant.

Sed utinam ita tibi (Benevole Lector) hæc ante oculos ponere poterim, quemadmodum si præsens essem, levique admodum operâ in lienis sectione tibi demonstrarem. Maximè, cum tot fabulæ de Lienis officiis, ac venis, & inoculationibus cum arteriis; de variis plexibus, ante hæc à cæteris dissectionis professionibus sint effictæ. Quorum alii perperam oscillanterque Lienis fabricam aggredientes, & quæ hæc valorum sit distributio, & situs non observantes; nescio quos plexus venarum eniuntur. Alii Sectionem averfati in cathedris sedentes, sibi quæ ipsis mirificè placentes, Promethei instar, sibi imaginatione hominem fingunt, atque hinc Medicos tam diu latuit Lienis cognitio. Sed quorsum devehor? ad metam propositam rursus contendamus.

Venæ omnes quæ à Liene ducuntur in Portæ, Damis, Ovibus, Canibus, Equis aliisque animalibus, conspicuas Valvulas in illis habent à Liene

Liene spectantes, quæ Rami splenici ductum à Portâ ad Lienem penitus obstruunt. In Bove, damis, & ovibus quia unica est vena, unica duntaxat apponitur valvula. [Tab. VII. fig. 1. b.] in cane & aliis ubi venæ plures sunt, unicuique valvula affigitur, [Tab. VI. a. a. a. a.] venis etiam quæ ex hoc ramo ventriculo, & omento offeruntur, (seu potius quæ in hunc ramum inhiant) appositæ sunt valvulæ [Tab. VI. d. a. g. a. l. a. a. a.] quæ omnes ad ramum splenicum aperiuntur, & in illum sanguinem refundunt. In humano verò Liene non licuit mihi tam plana demonstratio, cum ob membranarum tenuitatem, & in corporibus emortuis omnium decidentiam, & conniventiam, illas à venæ unicis discernere haud potuerim. Sed sanguinis fluxum in omnibus eundem esse, vel hoc, tam in vivis brutorum dissectionibus, quam emortuis hominum cadaveribus, sæpius repetitum experimentum probare potest. Aperto ramo splenico in medio ejus, inter lienem & Portam ductu, si versus lienem, ramum digito compresseris, ab inflicto vulnere, parum & languidè, à portâ, tam in vivis, quam emortuis sanguis effluit, si verò digitum tollas, & ad alteram partem sectionis rami splenici, versus Portam venam coarctes, violentè & affatim à Liene effluit, imò per illud vulnus totam sanguinis massam in vivis brevi temporis spatio irruere videbis, in emortuis omnis qui in liene & Aortâ ad cor usque fluxui aptus est, per vulnus hoc facile effluet.

Antequam verò ad Lienis portas pervenerunt vasa, insignis inter arteriæ & venæ ramum superiore anastomasis invenitur, cujus officium ab Anatomicis oscitantè nimis designatum, mihi non placet; tale ego assignarem: cum tot arteriæ lieni offerantur, multò plures quam hepatis (quod ideo fieri existimamus, quia arteriæ illæ ducuntur, non solum ad usum privatum, ad ejus solummodò nutritionem, sed ad publicum etiam, excrementi scilicet evacuationem, ideoque plures ad illum tendere debuerent) necesse fuerat talem adesse inoculationem cum vena, ut pars aliqua sanguinis, priusquam lienem ingrediatur, venæ emandetur, ne lien nimia ejus oppressus quantitate, obrueretur, & ab officio impediretur. Neque verò antea hæc inoculatio fieri debuit: sed ad portas penè lienis sanguis unâ cum melancholiâ deduci oportet, ut à facultate Lienis attractrice solummodò pars sanguinis melancholica introducatur; reliqua purior & sincerior pars, ne quantitate lienem opprimat, per anastomasin hanc, venæ splenicæ, quæ ad Portam, atque inde ad Hepar defert, emandatur.

*Verum à
anastomase
inter arte-
riam & ve-
nam spleni-
cam efflu-
it.*

De Vsu & officio Lienis multum inter se discrepant Authores. Ex Antiquis enim Erasistratus, (uti narrat Galenus 4. de usu part. cap. 15.) Lienem frustra esse factum contendit, & cum Natura in utero Hepar in dextris conformavit, metuit ne artis suæ oblivisceretur, ipsa ex sinistris partibus splenem apposuit, volens hac in parte aliquid etiam moliri. Rufus Ephesius membrum otiosum vocat, & nullius usus. Hæc similia commenta Plinius enumerat lib. 11. c. 37. ubi ait, eximi posse lienem animalibus, sine vitæ periculo; & peculiare esse cursus impeditum, itaque ut feliciùs currant cum exuri tradit. Huic assentitur conterraneus noster Dr. Flud, qui se canis lienem excidisse, cui tamen canis longè superstes fuerat, narrat. Verumenimverò hæc viris, insigniter licet peritis, doctissimisque assentire non possum; neque quidquam à Naturâ

K frustra

frustra esse factum, illorum permittunt dogmata. Quid itaque sine damno è corpore eximi posse credamus? imo ut ocyus currant? nefas esto! Licet enim de facto splenem è canibus fuisse excisum narrant, sine præfenti vitæ discrimine; non tamen statim pro inutili microcosmi membro ab ejus œconomiâ est excludendus. Partes enim aliæ ad esse præfens, & instantaneum, sine quibus animal ne momento quidem subsistere potest, ut cor (licet inveniantur, qui illud etiam eximi posse docuere) & cerebrum, inserviunt; aliæ verò ad futuram existentiam; quibus exemptis non statim expirat animal. Per dies aliquot forsan sine ventriculo, intestinis, renibus, aut fellis vesiculâ subsistere potest animal; cum chyli confectionem, aut distributionem amissam, non statim sequitur mors. Imo si fides sit Medicorum observationibus, nonnullos inveniētis unico Rene extitisse, altero ulcere corrupto; alios toto penè exulcerato hepate, pulmonibus excisis, imo corde ipso exulcerato; uti mihi sæpius in corde bovis saginati lanio quidam Oxoniensis comonstravit; non tamen partes has ignavas esse, & nullius usus concludimus. Et Lienis licet non tam instantaneus sit usus in corpore, quia minore quantitate generatur melancholia, tamen cum in majore copia postea acervetur lienis absentia, animal tandem eo nomine occidit. Inter Erasistrateos quosdam enumerat Gal. de Atrab: 7. qui lienem omnem chylum accipere, eumq; pro hepate ruditer informare docuerunt. Vlmus verò superiore seculo, & Æmylius Parisanus commentum hoc paulò aliter depinxere, & in formando sanguine lienem elaborare, non quidem pro hepate, sed pro corde. Optimam chyli partem à Porta lienem attrahere, inquit, & elaborare, ac per arterias quas maximas, & multas habet, in Aortam mittere spiritus confectos, & ex illâ facilis patet aditus (ajunt) ad sinistrum cordis ventriculum. Arabibus, inquit Hoffmannus, officium aliud lienis tribuitur, scilicet eum esse factum ad refrigerium cordis.

Galenus Lienem purgandis limosis, crassis, & melancholicis succis in Hepate genitis, esse dicatum docet, hos per vas venosum attrahere, & attractos arteriarum ope alterare, sibiq; conveniens alimentum præparare; reliquum quod inutile est, ad ventriculum per aliam venam mittere. Quæ Galeni sententia diu à plerisque tam Medicis quam Philosophis grata acceptaque fuit, donec non multis retrò annis Aristotelis illa de vi Lienis sanguifica opinio, inter nonnullos non minoris famæ reviviscere incepit; acriterque à Platero, Sennerto, Hoffmanno, Spigelio aliisque defenditur; multumque in Aristotelis vestigiis insistent. Hic 3. de part. Animal. cap. 7. lienem vocat *ήπαρ σπλιν*, & simili, ait, præditum esse naturâ, Hepar cum Liene. Quam ducis illorum sententiam feliciter ut defendant, omnes reliquorum opiniones pro figmentis habent, telisque argumentorum fortiter oppugnant; suam verò non minore industriâ munire conantur. Omnesq; in homine partes (ajunt) esse bipartitas, ut in Renibus, Testibus, pulmonibus, mammis, organis sensuum patet; si unicam fecit Natura, eam in medio locavit; ut cor, ventriculus, uterus, vesica, &c. Lien verò & situ, & structurâ cum hepate convenit, ergo & alterum esse Hepar existimant.

Secundò, Plexus sunt infiniti in Liene, at Plexus solum elaborationi inserviunt: quæ elaboratio est chyli pro sanguine.

Tertiò,

Tertiò, cur tantus arteriarum numerus in illo invenitur, & cum venis tam patentes anastomales, nisi ad sanguinis elaborationem interservirent? Quartò, Lienem observarunt Anatomici hepate multò majorem. Quintò, Ex ductu rami Splenici & connectione Lienis cum ventriculo per venas pene infinitas arguunt, quas si quis rectè perpenderit, (inquit Sennertus) vix causam aliquam inveniet, cur non usum eundem iis, cum reliquis venæ portæ ramis attribuat. Imo animadversum est Lienem vices Hepatis subire, & hepatè malè affecto, ejus officio fungi: unde mole suà interdum hepar superat, ut ex Vesalio lib. 5. cap. 9. & Schenkio lib. 3. obser. 91. Fernelio lib. 1. cap. 7. videre licet. His addit Platerus, Sextò, Omnes hepatis morbos, aquè Lieni convenire, & sanguificationem tollere. Septimo, Eadem remedia, ad tollendū vitia utriusque, usurpantur, nullumque discernien, nisi quòd fortioribus, magisque aperientibus, in affectibus Lienis uti debeamus, invenitur.

Hisce non contentus machinis Hoffmannus; in libro, ex instituto in hujus defensionem conscripto, ulterius in illius confirmatione urget. Et, Octavo, ex Venæ Portæ substantiā argumentatur. Qux, inquit, venæ eandem substantiæ speciem habent, illæ quoque eandem habent actionem, at Portæ dexter ramus, & sinister, videlicet ramus Splenicus, eandem, ad sensum, substantiæ speciem habent. Ergo. Illam autem actionem esse, ait, vehere chylum; & certè qui Portam arbori assimilant, Mesaraicas omnes ejus radicibus comparare debuère, quibus ex intestinis alimentum trahant. Nono infert, Splenicus trahit id, quod exortu suo contingit; at contingit chylum, Ergo. Decimo arguit ex rami Splenici progressu: dividitur (inquit) statim in ramos multos, quorum plurimi in ventriculum feruntur: quos si Mesaraicis compares, non ineptè dixeris esse utrorumque idem officium, una origo, & una substantia designat unam actionem. Undecimo, In Lienem (inquit) hujus furculi inferuntur, ut in hepate, & ad eundem modum per substantiam ejus disseminantur. Duodecimo, deinde substantia Lienis, non minus est *παχύχυμα*, quam hepar, itaque chylum non minus trahit. Hisce & similibus suam defendunt sententiam; Galenicam sic diluere conantur. Primo; Nullam partem excrementoſali docent, ad quid traheret melancholiam, nisi ad nutritionem? Secundò, Nulli adsunt ductus ab hepate, succum hunc immediatè ad Lienem deferentes; at si quis dicat per ramum Splenicum, à facultate insitā Lienis, à Portæ trunco, antequam hepar ingrediat, succum hunc separari; quomodo (ingerunt) tunc secundæ coctionis in hepate excrementum dici poterit, cum ad Hepar nunquam pervenit? Tertiò, Lienem ajunt non esse idoneum hujus excrementi receptaculum, quia nullam habet cavitatem, quā contineat; nullamque viam, quā se exoneret; sicut bilis vesicula, & vesica urinaria obtinuit. Non in ventriculum per Vas Breve eructatur, quia tum acidum continuò evomeremus; nec per hamorrhoides evacuat, quia tum omnes hamorrhoidibus laborarent.

Verumenimverò horum nullus veritatem attingit, si audere liceat, Virorum tam insignium non in verba jurare. Nostram itaque de Lienis sententiam proferre, (ceteris animo veritatis avido nequaquam satisfaciētibz) antequam illorum examinamus argumenta, est neces-

sarium. Et illorum partes agam, qui Splenem cum Galeno succum melancholicum attrahere, cumque à sanguine separare, autumant. Quod ad vias verò, per quas ad lienem ducitur, cum iis qui per ramum splenicum deferri credunt, consentire nullo modo possum, sed per arterias, à celiacà, quæ multæ sunt, ad lienem deferri existimamus; & ideo forsàn plures quam in hepate inveniuntur, quia non solum ad sanguinem ducendum ad ejus nutritionem, sed & ad excrementi evacuationem inserviunt, ut dictum est. Similiter arteriæ emulgentes, quantò sunt majores quam pro partium minutarum, scilicet Renum, nutritione inservire debuerint? Sed ut excrementum serosum etiam à sanguine lacunarent majores conceduntur. Arteriæ hæ Splenicæ à celiacà ortæ sanguinis partem melancholicam, postquam ultimam in corde concoctionem subivit, ad Lienem deferunt, ac in substantiam ejus infundunt, (sicuti emulgentes serosam in Renes ducunt, quam Lien fermentat ac separat, sanguinem verò separatam quantum ad sui nutritionem inservit, apponit, & quod relinquatur sanguinis purioris, & ab excremento melancholico defæcati, per substantiam ejus percolatur, & ramo Splenico emandatur: à quo in Portam, & Iecur, atque inde per venarum anastomases in cavam, unde ad cor rursus deducitur; ut calorem, & spiritus de novò à corde acquirat, atque purus ab omni excremento exinde in Aortam, pro partium nutritione impellitur.

Succi autem melancholici in lienis substantia separatio inter fibras ejus, hoc modo fieri existimamus. Cum sanguis Lienis porosam substantiam, undique ab arteriis in illam effusus, pertranseat, facultate quadam innatà, (quam nulla alia pars habet) succus Melancholicus, qui antea cum sanguine confundeatur, fermentatur, congregatur; particulæque homogeneæ uniuntur: quæ sic unitæ Naturæ nullo modo cognatæ, nec in nutrimentum illius domari aptæ, si multæ non sint, unà cum sanguine ulterius progredi poterunt; Sin verò in majore congregantur quantitate, ut Naturæ molestiam afferant, eam ad expulsionem quocunque modo, & loco irritant. Ideoque insurgens Natura, ad proximam, aut magis convenientem evacuationis viam & locum eas propellit; nunc ad Mesaraicas, & per alvum, aut hæmorrhoides; Idque à ramo Splenico per venas minutas in Pancreas; unde per ductum illius in duodenum effunditur: Nunc ad Renes, cum in Aortà maximà quantitate naturam laceffunt, & per urinas: nunc per arterias minores, ad habitum corporis, & per sudores, deponit. Atque hunc excrementorum separandorum modum naturalem, æmulatur artificialis ille medicamentis purgantibus; quæ se in sanguinem insinuantia, facultatesque eorum per totam massam sanguineam spargentia, proprietate quadam, (cognitionis forsàn) humores quos purgant, quasi fermentant, separant à sanguine, & colligunt; qui separati se faciliè uniunt, atque sic in massam collecti, Naturæ maximè fiunt molesti; cum verò illi totà substantià adversantur, in illos ad expellendos statim insurgit; & nunc in ventriculū, per ejus arterias & venas expuit, & per vomitum ejiciuntur; non solum iis medicamentis quæ proprietate quadam ventriculo adversantur, & Emetica dicuntur; sed & quæ per inferiora purgare existimantur, etiam vomitum nonnunquam concitare, cum in ventriculū per ejus vala injiciantur humores, est manifestum: nunc per Melenterii
vala

vasa ad Intestina propelluntur, & per sedem evacuantur. Iam verò cum Lien morbo aliquo malè afficiatur, ut officium hoc præstare nequeat, tunc humor ille à sanguine non separatus, in corpore cumulat, variisque morbos inducit. In hac lienis actione, primo requiritur facultas attrahendi melancholiam, quæ cum sanguine mista lienem ingreditur. Secundo, facultas fermentandi, separandique particulas humorum, quæ se habet ad modum coaguli, aut fermenti. Tercio, Ut particula sic separata & collecta, naturæ molestiam afferant, & ad expulsionem irritent.

Si in sanguine viscosum aliquid, ac crassum insit, quod à Liene subigi, & domari nequeat; inter fibras illas Lienis complicatas retinetur; aded ut si multum acervetur, obstructions in porosâ ejus substantiâ inde facile oriri possint, atque hinc tumores, inflammationes, & tenuiore parte evaporata, Schirri. Si etiam sanguis humore hoc aded abundet, ut in liene post separationem, usque dum per vias affluetas evacuetur, contineri nequeat, per ramum Splenicum ad Hepar deducitur, eumque inficit, & obstruit etiam. Quam communionem viscerum, & humorum ductum diligenter esse notandum velim. Optimè enim hoc modo 43. aph. sect. 6. Hipp. dilucidare possumus. *Qui splenetici à Dysenteria corripiuntur, eaq; si longa fuerit, huiusmodi Hydrops, vel lienteria supervenit, & moriuntur.* Qui sane aphorismus communi vasorum splenicorum distributione, & officio semper in nube & obscuritate hæret. Quomodo enim à liene male affecto vis hepatis refrigeretur, & frangatur? Cum à Liene ad hepar communionem nullam concedant, sed solummodò ab hepate ad lienem patere aditum, per ramum splenicum asserant. *Qui Splenetici*, hoc est, quibus imbecillior Lien plurima inquinamenta colligit, neque ut debuit, per hamorrhoides, aut mesaraicas, aut Ductum Pancreatis excernit, sed in Liene cumulantur, & cunctando putrescunt, & postea ad intestina per mesaraicas delata, ea exulcerant, & Dysenteriam faciunt; *Eaq; si longa fuerit*, hoc materix copiam denotat, & *μίασμα* in liene quoddam relictum, omne ejus alimentum, omnesque humores illum præterfluentes inquinans, & corrumpens, indicat, quo copia humoris illius corrodentis generetur, ideoque *μακρὴν δυσεντηρίην* vocat. Si enim brevi peragat suam historiam, ac critica sit evacuatio, bono cum eventu supervenit. Aph. 48. sect. 6. *Splenicâ Dysenteria superveniens salutaris est.* Non autem ea ab atrâ bile, nec diuturna, sed quæ critica sit, illico placatur, & splenem evacuat. Heroïnam vidit Heurnius, quæ quæstâ antea de splene; in febre cruentam atram materiam bis vel ter copiose dejecit, & evasit. *Huiusmodi Hydrops*: Hoc est, si materix pars aliqua à liene, per ramum splenicum ad Hepar feratur, unâ cum sanguine revertente, iisque melancholicis, ac perniciosi succi refrigeretur, & frangatur *καρδίσις* Hepatis, debilitantur vires ejus, aded ut laudabilem sanguinem ulterius generare nequeat; sed aquosum, frigidum, & serosum conficit; hinc Hydrops supervenit; *vel Lienteria*, si continuata serie, copia magna ad intestina per ductum pancreatis effundatur, ut inde intestinorum robur solvatur, ut excrementa continere nequeant, sed aliduo descendendi conatu, ac vigiliis, à genio suo fraudatur corpus, & moriuntur. Atque hæc satis dicta sunt de viis, per quas succus ille Melancholicus ad Lienem ferri posse animadvertimus. Restat jam ut illum,

Vnde ob-
structiones
& schirri
lieni.

ejus etiam esse receptaculum, quia multum à recentioribus supra dictis oppugnatur, probemus.

Primò, à colore hoc ipsum suadetur, atro enim & perquam obscuro colore nigricat, ob succum crassiorem quo nutritur. & impletur. In fortu autem rubet, quia sanguis maternus per illum transiens, quo etiam alitur, est purissimus, & omnimodo defœcatus, crassâque omnes partes in liene materno, & secundinâ deposuit. Postea in adultis cum omnium partium, præcipuè viscerum, actiones in publicum bonum requirantur, & sanguificatio in hepate proprio fiat: tunc etiam excrementorum requiritur separatio, & lien ab humore quem separat, colorem acquirit.

Secundò, hoc ipsum probat natura. & substantia Lienis in illis, qui naturæ sunt melancholicæ, nigrior enim est, & lutosus, & crassi, viscosi, ac lutosi humoris plenus, multoque majorem habent splenem, quam qui habitus sunt corporis sanguinei, aut cholerici. Præterea, quibus melancholia in corpore copiosior abundat, lienis affectibus, ac morbis sunt magis obnoxii. At quid ageret melancholia in lienem magis quàm in hepar, aut pulmones, nisi in eo stabuletur; non bilis affectus in liene videmus, sed in hepate, ubi separatur, dicitque Hip. lib. de aëre, aquis, & locis; eos qui habitant loca paludosa, fieri lienosis, quia aqua lutosâ, habet *ῥεπῆ* ad lienem lutosum.

Tertiò, A infantibus argumentari possumus. Medicamenta illa quæ *μελανόγυα* dicuntur, lienem à suis affectibus, & morbis liberant, quod fieri non potuit nisi in illo accumuletur humor ille expurgatus, quæ mali causa fuerat. Quarto, Sapor ejus, si assètur acerbus est, inquit Galenus 3. Alim. 13. atque quidem ut in calidioribus, ac siccioribus commedi non possit. At talis est Melancholiæ sapor. Ergo.

At cur meatus illi, à Galeno ad succum hunc ad Lienem ducendum; instituti repudiantur? Cur novæ, exque multis anfractibus abruptæ, & tam longæ exquiruntur viæ? Semitæque inauditæ, imo quæ naturæ injurias faciunt? Breviter ostendam. Primo, Melancholiam Galenus aie excrementum esse secundæ coctionis in Hepate, at quomodo hoc fieri poterit, si per ramum splenicum, à chylo in Portâ, separaretur, antequam hepar ingrediatur chylus. Sed dicat aliquis, postquam in hepate fortè separatur, in Portam regurgitare; & per ramum splenicum à Liene atrahi, est verisimile. Nequaquam certè, quomodo in Hepate separari poterit? Ad bilis separationem illic assignuntur vasa separatantia; ad melancholiam verò nulla. Præterea, quid illam in Portam regurgitare faceret? Sed hoc concessò, quòd vel suâ naturâ, vel virtute Lienis attractrice, in Portam rursus deducatur; quomodo inde ad lienem transcat? Perfacillimè, inquam, per Ramum Splenicum. Nullo modo; In Ramo enim Splenico (ut dictum est) valvulæ apponuntur, omnem ad lienem negantes transitum; nec quicquam in illum remeare potest. At si quis hic mihi cornua objicere velit, ulteriusque urgebit; Verum hoc esse potest in Vaccis, Damis, Ovis, Equis, Canibus, & cæteris animalibus, in quibus has valvulas inveniri alleris, in homine verò, in quo tales te nunquam observasse doces, alia est separationis via; corpusque humanum multum à cæteris animalibus discrepare, est notissimum. Itane! Quia in figuris externis, ob situs forsân convenientiam, anima-

lium viscera ab humanis paulò variare concessit Natura : ideo statim aliud illis fingemus officium ? In naturalibus actionibus nulla omninò in omnibus animalibus est partium discrepantia. Quadrupes chylum conficiunt in ventriculo, æque ac homo ; sanguificant in hepate, æque ac homo ; similiter & excrementa deponunt, in vesiculam fellis, bilem ; in vesicam urinariam serum. In Corde & Cerebro spiritus conficiunt, ut Homo, non in Iecore, aut Intestinis : ab Hepate per cavam ad cordis ventriculum dextrum sanguis defertur in illis, ut in homine, non à corde ad hepar in brutis, in homine verò ab hepate ad cor. At cum in omnibus hinc actionibus naturalibus bruta cum hominibus conspirare videamus, cur in hac, æque ac cæteris naturali, discrepantiam fingemus ? Praterèa valvulas in humano corpore ramo splenico non prorsus denegavi ; illas dixi mihi non fuisse adeò conspicuas, ut in cæteris animalibus. Iam verò cum nullæ alix, præter arterias, inveniantur viæ, per quas aliquid in Lienem transferri poterit, illis officium illud nobiscum vos faciliè concedere speramus.

Ad argumenta verò, quibus sententiam hanc nostram diruere possè sperant ; sic respondemus. Si ad cor primò feratur, antequam lienem ingrediatur, quantas illi molestias aget ; cum succus sit naturæ perniciosus ; quid ageret in spirituum officinâ ? illos certè maximè inquinaret, & Lipothymias, & Syncopes produceret, aliæque cordi gravissima concitaret symptomata. Hoc lubenter & æquo animo largire possumus, si melancholia hæc sincera, & à sanguine separata fuisset ; & ob hanc rationem proculdubio qui constitutionis sunt melancholicæ, & multum humoris istius separati à sanguine, & congregati à liene, in sanguinis massâ accumulatur, dum cordis ventriculos pertranseat, palpitatione cordis maximè infestantur. Novi quendam melancholicum sæpius in die eâ graviter vexari, cum pulsu sæpius intermittente ; qui evacuato isto humore, liberabatur. At verò cum à Iecore transeat, misto cum sanguine, per cordis thalamos, benigni illius humoris scilicet : sanguinis commistione, ejus inimicitia placatur, ut in tam minutos contractus atomos, cum sanguine mistus, malitiam suam ostendere nequeat. Ad argumenta verò, contra Galeni sententiam vibrata, per cujus latera, & nostrum etiam vulnerare se possè putant, breviter sic respondemus.

Primo, Quod Lien non trahit melancholiam, &c. Verum est, ut eâ nutriatur, non attrahit, sed in partibus quæ publicis destinantur officiis, duplices inveniuntur actiones : pro communi totius bono, & pro seipsis operantur : atque sic eadem pars & sanguinem ad sui ipsius nutritionem attrahere, & serum, ut evacuetur, potest. Cur non & idem lieni concedi poterit ?

Secundò, Quod nulli adsunt ductus immediatè ab hepate ad lienem. &c. Verum est, viam tamen, quâ ad lienem succus ille deducatur, facilem satis supra delincaui.

Tertio, Quod hujus excrementi non sit idoneum receptaculum, quia cavitatem non habet, quâ excrementum contineat, ut vesica, & vesicula fellis : nullusque illi ductus ad evacuandum conceditur. At verò necessarium non est ut cavitatem habeat : In minori enim quantitate cum generetur humor iste (ut Gal. 4, de usu part. confitetur) lien illum facile continere potest ; substantiam enim habet spongiosam, humores imbibere

imbibere aptam. Et ob hanc forsân rationem, Hippocrates Lienis officium existimavit esse, ut superfluas à ventriculo humiditates absorbeat, ut chylus facilius coquatur, & crassescat.

Meatus verò quibus, post separationem humoris ab illo, se liberavit Lien, ab Hippocrate 4. de morb. enumerantur, scilicet per os, per nares, urinas, & per podicem. Expurgationem illam per os fieri, existimant veteres, per *Vas Breve*, quod in sinistram ventriculi partem (uti Bauhinus) inferitur, ut succum melancholicum, qui in Splenis alimentum mutari non potuit, in ventriculi fundum, aliquando ejus os eructet; quo torpescentem appetitum suâ aciditate excitare possit. Sed vasis illius existentia multum dubitatur. Vesalius oculatissimus & exercitatissimus Anatomicus de usu ejus nihil afferre audet. *Neg.*, inquit, *sectio illud luculenter demonstrat. Primò enim nullum meatum illi quo bilis in intestina repurgatur, similem esse haud ambigo. Venæ autem quæ sinistro ventriculi lateri implantantur, non à Lienis prodeunt corpore, sed ab illâ qua lieni inferuntur. Atque huic recentiores, diuturnâ confirmati autopsiâ, assentiuntur. Quòd verò aliquando humores nigri & melancholici per os ejiciantur, diuturna penè suadebit experientia. Et Valverde Cardinalis cujusdam mentionem facit, qui vomitione sanguinis defunctus; mortis causam inquirentes Medici dissecto corpore, ac compresso ventriculo, lienem inturgescere; compresso Liene, è contra ventriculolum inturgescere viderunt. Sed hoc non ex vase aliquo à liene contingit, sed cùm humor iste in sanguine cum eo undique mistus, abundet, nec à liene contineri queat, ex arteriâ celiacâ, à quâ lieni porriguntur saxe arteriæ, facile in ventriculolum eructari potest, atque sic non à liene immediatè in ventriculolum ejicitur, sed à liene fermentatur, & separatur; ac cum in illo contineri nequeat, in venas unâ cum sanguine, ut dictum est, propellitur; & ab iis mediante corde in arterias emittitur: sed cùm naturaliter, & vi cognitionis ad Lienem tendat, at in illo contineri nequeat, ideò Natura in arterias illas, quæ vel ad lienem ducunt, vel quarum origines quamproximæ sunt illis, emandat. Quales sunt primò Arteriæ Celiacæ (à quâ, ut dictum est, oritur Splenica) furculi ad ventriculolum delati; & per hos in ventriculolum Tab. VI. b. & Tab. XVII. d. d. facile eructari poterit. Atque hic arteriæ furculus cum Splenicâ Tab. XVII. g. g. origine convenit, scilicet celiacâ. O. Huic vicinæ sunt Mesenterica superior, & inferior, ac emulgentes: Mesenterica superior Tab. XVII. P. P. P. quæ ad intestina tendit, parum infra celiacam originem ducit, & humores illos vitiosos ad illa propellit; Et paulò inferioris Arteriæ emulgentes exoriuntur. Tab. XVII. Q. Q. Tab. VI. e. quibus ad Renes expellitur succus ille Naturæ molestiam agens: præcipuè cùm melancholia humor sit partim aquosus, multamque cum sero cognitionem habeat. Atque hinc urinæ illæ nigre, ex melancholiæ commistione cum sero, quæ sæpenumero bono cum successu fiunt. Ut refert Antonius Valetius in exercit. ad cap. 40. Hollerii, de morbis internis, de *Viro* quodam religioso, cui ter, aut quater in anno, præcipuè Vere, & Autumno ineuntibus, lien intumescerebat, cum dolore Hypochondrii sinistri, ac sublividus toto corpore fiebat, ut in ictero nigro, sensimque deterius habebat; sed tandem urinæ nigricantibus emissu per quinque, aut septem dies, pristinam sanitatem recuperavit, idque illi per annos duodecim aut quindecim accidisse. Materia hæc undique in venis*

& ar-

& arteriis per totum corpus sparsa est, ut color illius nigricans, quasi iëtericus esset, docebit. Paulò infra Emulgentes arterias oritur Mesenterica inferior Tab. XVII. x. quæ ad Rectum intestinum, & anum descendens, Arterias constituit Hæmorrhoidales, quæ se & in Venas Hæmorrhoidales externas, à Cavâ, & internas, à Portâ, exonerant. Quæ (internæ præcipuè) si copiâ hujus humoris gravantur, extuberant, & sponte sæpè aperiuntur, unde fluxus Hæmorrhoidalis oritur. Atque sic vias monstravimus per quas Lien, seu excrementa in Liene separata evacuantur, seque ab excrementis liberat secundum Hippocratis illud dictum supra allatum. Hisce addam evacuationem per sudores: Multum enim illius humoris hoc modo evacuat: ut per sudores illos criticos in febribus quartanis aded copiosos, sine quibus nulla est febris solutio, videre licet. Si verò per has vias exitum non inveniant, sed in Liene stabulentur, multi inde exoriuntur morbi maligni, tumores, inflammationes, & febres: & alia multa mala. Observationem hic inferre libet, quæ quia hanc illustrare aliquo modo poterit, & quia rara admodum est; Quid in puero annorum 12. vel circiter, anno 1640. in Civitate de Novâ Sarum observavi, breviter enarrabo. Hic per dies aliquot febre laborans peracutâ, continuâ; diris cruciatibus, & paraphrenitide vexatus, tandem in volis manuum, & plantis pedum, ac digitorum apicibus, pustulæ magnæ, & altæ excitantur, humore rubro, paulò nigricante, ichoroso plenæ; tandem verò mortuo venter summè extendebatur; aperto autem cadavere, totum abdominis spatium inter intestina eo ipsò humore qui è pustulis manuum & pedum effluebat, repletum & distentum inveni. In Liene versus partem ejus inferiorem, quâ ventriculum spectat, foramen ad magnitudinem pollicis, in substantiam ejus insinuatum, cujus media pars absumpta fuerat, eodemque humore per illud lienis foramen effluente, apparuit, quo humore ungues nostri nigricante colore aded tingebantur, ut per dies aliquot ad nativam albedinem non redierint.

Vt Illorum argumentis, qui Lieni hæmatosin tribuunt, satisfaciam, restat: Et primum dico esse ingeniosum figmentum, & nihil demonstrare. Partes autem quas geminavit natura, commercio quodam, vel vasorum communi origine, conjunxit, ita ut deficiente alterâ, ejus vicem suppleat altera illata. Vt in Renibus, Arterias ex Aortâ, venas ex cavâ utrisque communicavit; sic Testes ab iisdem truncis sua vasa; Pulmones sua, ab eadem Trachea, venâ & arteriâ, sensuum organa, ab eodem principio nervos suos petunt. At Hepar & Lien tale commercium non habent: à cavâ enim ad lienem nullus patet aditus. Ad secundum dico, Plexus ad elaborationem non inserviunt, sed ad moram, ut fusius infra ostendetur, ne sanguis citiùs præterfluat quam oportet: Præterea plexus illi in liene, non sunt ejusdem naturæ cum illis in hepate, Rete mirabili. &c. ubi variè contextuntur venæ & arteriæ; sed ex fibris, variè inter se contextis; quasi percolationi, potiùs quam sanguinis elaborationi inservirent. Ad Tertium dico, Multitudo arteriarum, aut Anastomasiū nihil facit ad sanguificationem. Illarum usum satis in prædictis illustratum habetis. Ad Quartum, Magnitudo alicujus partis præternaturalis, nihil probare potest nisi errorem nature, non officium aliquod naturale illi debitum. Quinto, Venæ illæ à ven-

triculo ad portam delatz, sunt arteriarum comites ad ventriculum, & idem habent officium cum illis in cæteris partibus, ut supra dictum est: Lienem verò Hepatis vices subire vix quinquam demonstrare posse credimus. Ad Sextum Plateri dico, morbi cum hepate & liene communes, aliis partibus etiam convenire possunt, an ergo illis hæmatosin tribueremus? Inflammatio utrisque convenit; quæ sit ex sanguinis extra vasa quocunque modò aberratione, unde cum sine motu sit, & major sit ejus quantitas, quam à parte illà regi poterit, putrescit & inflammatur: hoc idem Pleuræ accidit. Obstructio utrisque etiam commune malum: sic Schirrus. Sed hæc cuilibet parti vasa habenti multa, in quæ humores crassi impingantur, accidere possunt: ut Renibus, Pancreati, Pulmonibus, non tamen vim habent sanguificam. Et Septimo, iisdem remediis morbos illos tolli est necesse, non quòd partem affectam similem respiciant, sed quia similem materiam, & eandem morbi causam in diversis partibus inveniunt. Ad Octavum Argumentum Hoffmanni, Fatemur splenicum ramum eandem habere actionem cum cæteris mesaraicis, sanguinem scilicet ad Portam revehere, ut dictum est, sed quomodo eandem habeat actionem? Cum cæteræ ad Portam (secundum ejus doctrinam) trahant, splenicus à Portà? At certe si traheret, non chylum importaret; ut superius ostensum est. Ad Nonum dico, Splenicum ramum non attingere. Ad Decimum solutionem jam proposuimus. Ad Undecimum, dico ut antea, vasa non sunt hujus actionis opifices, sed parenchyma, quod in quolibet viscere est diversum. aliud in hepate, aliud in pulmonibus, aliud in Renibus, in liene etiam aliud, ergo & officia diversa illis sunt assignanda; quod contra illorum etiam duodecimum argumentum militat.

CAPVT IV.

De Renibus, & his succenturiatis.

*Serum
quid?*

*Hjus affe-
ctum.*

Duplici jam sanguis liberatus excremento, restat nunc ut à tertio separetur, à sero scilicet; quod nihil aliud est quam pars aquosa ciborum, ac potus, cum illorum parte falsà mista, & à talis copiam, ac aquosæ partis paucitate, vel abundantiam, suos colores vel pallidiores ac dilutiores, vel magis saturatos accepit. Maxime inter Autores agitur, num primæ, vel secundæ coctionis sit excrementum: non multum verò refert cujus sit, modò sanguini suum officium præstiterit scilicet ut sanguis facilius per venas capillares distribuatur. Sed excrementum rectè dicitur esse illius partis, à quâ ut inutile separatur; sic fæces in Intestinis primæ coctionis excrementa dicuntur, quia post partium separationem in ventriculo, in concocti distributione, tanquam inutile separantur. Sic serum postquam sanguis perfectè concoquatur, ut excrementum separatur; non verò unicâ solum viâ, ut fæces alvi: sed vel per sudores, peractâ ultimâ in habitu corporis coctione; vel per Renes, & uri-

& urinam constituit; & sic diversarum partium excrementi nomen accepit: cum per sudores effluit, tertix coctionis excrementum dicitur, quia post assimilationem excernitur: si per Renes, secundæ coctionis excrementum nominatur. At verò si materiam respiciamus, nec secundæ, nec tertix coctionis excrementum dici poterit, sed ubicunq; prima sit partium solutio, ibi materiam illam, aliis tamen confusam, invenimus. Quandocunq; enim rerum compages solvitur, falli illarum pars exactè cum aquosâ unitur, & quo magis concoquantur, vel calcinentur eò magis soluta est compages ac unio partium, majorque crit salis copia, ut in artificiali lixiviorum faciendorum modo apparet.

Hujus excrementi officium est, ut sit *δοχημα της τροφης*. sanguinem fluxibilem, & tenuem ut faciat, ut in vasa minutilla feliciter transeat. Ideoque necesse est, ut cum chylò ad Hepar, & inde ad cavam, hinc ad cor, inde ad Aortam, atq; sic per arterias minores, (cum sanguine tam exactè misto, ut ab illo discerni nequeat, donec emissio sanguine, ipse concreseat, & serum ut pars heterogenea separetur,) ad singulas particulas emittitur. At verò quia plus materiæ aquosæ ingeri ad ciborum concoctionem in ventriculo oportet, quàm pro sanguinis distributione sufficeret; ideo necesse est ut quod in Arteriis & venis est superfluum, evacuetur, ne in vasis restagnans; per poros illorum exudaret, atq; sic Hydropem aut ejusmodi malum generaret, quod aliquando ex urinæ suppressione contingit. Ad illius verò excretionem, & separationem assignantur Renes; qui à Venâ Cavâ per Venas Emulgentes serum exungunt, secundum vulgatam Anatomicorum opinionem. Sed hoc nullo modo fieri poterit: ad ostia enim emulgentium venarum valvulæ sunt appositæ, adeo exactè illarum orificia operientes, ut per hanc viam in renes ferri planè impossibile sit: ut ad Renes itaque perveniat serum cum sanguine per Cordis sinum dextrum, & sinistrum, in Aortam deduci est necesse, atq; inde per emulgentes arterias à Renibus attrahitur, ad quos ubi pervenerit, per arterias illorum minutissimas in singulas substantiæ partes diffunditur cum aliqua sanguinis parte, & per parenchyma illorum percolatum, servato sanguine pro illorum nutritione, in cavitatem quandam [Tab. VIII. fig. 2. h. h. h.] in quam inferitur Ureter, [g.] qui illinc statim ad vesicam defert. emandatur. Sanguis verò qui extra venas effluerit cum sero, si benè se habeant renes, retinetur; sin minùs, si parenchyma laxum sit, & debilis illorum facultas, cum sero ejicitur, & urinæ sunt cruentæ. Sanguis verò qui cum sero per arterias Renibus introduceretur, cum in illorum nutritione totum absorberi nequeat, venis, quibus per anastomases junguntur arteriæ, emandatur; atq; hinc in Venas Emulgentes; & exinde in cavam; ut fusiùs ex illorum structurâ docebitur. Hinc proculdubio in Renum ulceribus, si quando, obstructo ureteris capite, pus cohibeatur, ut per urinas evacuari nequeat, id sensim unâ cum sero, per venam emulgentem, in venam cavam redundans, sanguinem totum, corporisque habitum inquinabit. Quâ etiam ex causâ, quasi ex leucophlegmatia calculosos tumere, ac pallefcere sæpè animadvertit Fernelius, ut ipse lib. 6. de part. morb. cap. 12. memorat.

Atque hæc nostra sententia cum antiquorum scriptis quadrare videtur. Cum Donatus ab Altoma. lib. 1. renes dicat, non solum venas expur-

gare, sed & arterias. Idem etiam Galenus de us. part. docuit, & ob hanc rationem (inquit) natura tam amplas largitur arterias. ut i. de sanitate tuend.

Renes uero
dicti

Organa ad Serum hoc separandum sacrata sunt Renes, *quod tū p' eis dicti*, quod per eos urina fluat. Hi in omnibus hominibus, & quadrupedibus, nullis vero pennatis, (in quibus humiditatem hanc in pennas absumi docet Aristoteles,) inveniuntur. Sub Hepate & Liene juxta Spinam Cavæ & Aortæ lateribus accumbunt, ut expeditius serum eliciant. Inter ultimam costarum spuriarum, & ossa coxæ siti, in musculorum capitibus, quos *quos* appellavit Hippocrates, primos femur flexentes, incumbunt; sub quibus maximi nervi reconduntur, unde stupor in femore ejusdem lateris, cujus ren calculo distenditur sæpè per lentitur. Situs inæqualis est, cum lævus dextro sit clatior, ne alter in contrarium revellens, alterius munus probeat, ut docet Vesalius.

Renes
merui.

Bini ut plurimum reperiuntur, (rarius aut unus aut plures;) quia major est feri quantitas quàm aliorum excrementorum, ideo duos largita est natura, ut uno obturato, feri tamen attrahio non cessaret.

Figura.

Figurâ Phascolum exactè referunt, oblongi, omnique ex parte æqualiter crassi, superiore parte latiores sunt quam inferiore, anteriùs & posterius compressi: Exteriùs gibbi, interiùs cavi, at inæquales ubi vasa admituntur. Superficiem impensè lævem, & lubricam sortiuntur; ut & colorem intensè rubrum, & resplendentem. Magnitudine eà donantur, quâ probè sanguinem à seroso humore emundent. Non tamen semper pares; dexter enim sinistro major est, longitudine quinque transversos digitos, latitudine tres; crassitie pollicem æquant.

Renibus binz sunt tunicz, ortu substantiæque variantes; prima quæ exterior est, renum corpori pertinaciter non adhæret, nihilominus ipsis instar involucri, circumquaque obducitur, quæ renis fascia vulgò dicitur; à peritonæo juxta humiliorem Septi transversæ sedem, principium ducit: quâ renibus incumbit, membraneas quasdam fibras producit, quibus renes ipsi alligat. Hæc venam adiposam recipit, per illam frequentè serie excurrentem multa pinguedine linitur, ita ut renibus in volucris, vinculi, & mollis simul straguli loco sit.

Altera tunica tenuior est validissimè ipsis connata, ut ipsorum carnem aliis firmam, & densam, compatiorem efficiat. Hanc procreat tertia vasorum renes petentium tunica, quæ cum vasa renum substantiam sunt ingressâ, ab illis ad portas abiceds, in renis tunicam dilatatur.

Per membranam communem à peritonæo enatam, lumbis, & diaphragmati connectuntur: per arterias emulgentes & venas; Venæ Cavæ, & Aortæ: per Uretres, Vesicæ. Illorum dexter cæco intestino, nonnunquam etiam Hepati; Sinister verò Lienî, & colo intestino: inde fit ut dolores nephritici ex flatuum & excrementorum copiâ in colo acerbentur, e contra dolor colicus à nephritico sæpè non distinguatur.

Unde finitudo dolorum colici & nephritici.

Adeps renibus copiosè circumfunditur, ita ut in obæsis penitus ferè occultentur; atque hic major ejus est quantitas, quia procùl est à calore dissipante mediz regionis, & ob frequentiam membranarum facilius coalescit.

Sub-

TAB. VIII.



Tabula VIII. Vasorum renis humani à carne nudatorum structuram exhibet.

Figura Prima, Vasa integra ut in rene distribuuntur, indicat.

A. *Vena Emulgens bifariam secta, à renibus exiens.*

B. *Membrana pelvem constituens, è qua Vreter exit, carne denudata.*

C. *Vreter.*

D. *Arteria emulgens bifariam etiam secta, ad utraq; renis latera porrigitur.*

a. a. a. *Vasa renum in minutissimos furculos divisa, & inter se connexa, à carne denudata, prædictâ membranâ ambo inclusa, venæ scilicet, & arteria: vacua inter illa ostenduntur spatia, quibus serum à vasibus per exudationem exclusum, in pelvem per parenchyma illorum, quod spatia illa inania repleat, percolatur.*

b. b. b. *Interstitium inter vasorum terminos, & extremam parenchymatis superficiem, quod carne impletur.*

c. c. c. *Foramina alia in membranâ, inter vasorum in illâ divaricationes, ad pelvem etiam ducentia.*

d. d. d. d. *Vasa minora è majoribus erumpentia in renum parenchyma, serum cum sanguine effundentia.*

membrana, & in figure medio, vasa in fig. priore literis a. a. signata, dissecta, per membranam incisam conspiciuntur.

b. b. b. *Arteria emulgentis surculi in utrumq; lateris dispersi.*

c. c. c. *Vasa illa minutula venarum & arteriarum per parenchyma dispersa, & per dissectam membranam apparentia, in gibba renum parte sita in figuris illis ovalibus, à parte superiori membrane dissecta & inversâ, factis.*

d. d. d. d. *Partes pelvis paulo à cavitatem majorem ascendentes, & perforate, quibus serum à parenchymate separatum, in pelvem admittitur, & quæ occasione nonnullâ dederunt, quartum illud vasorum fingendi genus, quæ serum ex renum parenchymate exurgerent. Et cum carnosâ illorum parte fuerint occlusa, & obturata, quasdam nescio quas fixerunt papillas, ut audieris in descriptione renum.*

e. e. e. e. *Sunt alia foramina à vasorum connexionibus facta in pelvem etiam, à parenchymate ducentia; priora, quæ attolluntur paulo à cavitatem, sunt ad gibbâ partem spectantia, ideoq; altius in substantiam illorum penetrare debuerunt: hæc latera pelvis perforant, ut fig. i. cc.*

f. *Arteria emulgens.*

g. *Vreter.*

h. h. h. *Pelvis seu sinus renis in quem defillat serum.*

i. i. *Vena emulgens.*

Secunda Figura, primum Renis typum apertum & per simam partem dissectum, ab Vreteris insertionem incipiendo, dilatatam pelvem & gibbâ partem inversam indicat, ut clarius appareat, via, quibus serum in pelvem admittatur.

a. a. a. a. *Dissecta & expansa pelvis*

Substantia illorum densa, carnea, admodumque solida, dura, parum à cordis substantiâ variatur: Sed non adeo fibrosa, ex parte præcipue superiorem; ex duplici enim substantiâ constare videntur, alia externa, quæ parenchymati Hepatis similis est, absque fibris, alteramque internam undique investit. Interna illa est quæ vasa omnia interjacet, estque

estque densior est quasi fibrosa, villas enim habet intus ad pelvem spectantes.

Vasa quæ renibus offeruntur, sunt venæ à cavâ, & Arteriz ab aortæ trunco; quæ oblique à trunco inclinantes, ad Renes tendunt, & ad illorum portas (ut sic dicam) in duos furculos dividuntur, quorum unus ad partem anteriorem, alter ad posteriorem deducitur. Tab. VII. fig. 1. A. Anterior cum emulgentis venæ ramo anteriore, quamprimum ad pelvem pervenerint, inter ipsius tunicas in plures æque crassos, modo sex, modo septem dividuntur furculos, & postea cum ad superiorem cavitatis partem, ad gibbam scilicet verius spectantem, inter tunicas latentes perrepererunt, tandem emergunt, & tunicam mutuantes à pelvis membranis, divisi & patentes in plures se expandunt furculos, versusque anteriorem & gibbam renis partem properant; non quidem ad extimam usque ejus superficiem, sed ad finem solidioris ac densioris ejus substantiæ terminantur. Tab. VIII. fig. 1. d. d. d. & Tab. IX. fig. 1. d. d. d. & 2. c. e. c. Surculi arteriarum, & venarum ab Emulgente venâ, ad eundem modum divisarum; postquam exteriori pelvis partem, ad gibbam Renis spectantem, superaverint, non ulterius inter pelvis membranas latent, sed divisim arteria & vena unicâ tunicâ à pelvis membranis mutuata, vestitiæ, & simul inclusæ ad gibbam renis partem tendunt. (Tab. VIII. fig. 1. a. a. a. & Tab. IX. fig. 1. c. e. c. & fig. 2. d. d. d. in 1. figura membranam unius paris vasorum dissecui, & inversam explicavi, [c. e. c. e. c.] ut vasorum paria in illâ inclusa [h. h. i. i. i.] videantur.) Et in plurimas graciliores propagines divise, posterioribus ramis venarum & arteriarum, qui ad eundem modum in parte renis posteriore disseminantur, conjunguntur; arteriz cum venis posterioribus, & posteriores arteriz cum venis anterioribus per anastomases unitæ, Tab. VIII. fig. 1. d. d. d. fig. 2. c. e. c. In progressu etiam tam varie commiscuntur, ut speciem optime referant, cum à carne denudantur, apium loculamentorum foraminulis plurimis perviorum. ut Tab. VIII. fig. 1. & Tab. IX. fig. 2. designatas habetis. Hi surculi versus gibbam renis partem coeuntes, tam exquisitè uniuntur, ac si unum essent corpus, & cavitatem arcuatam, renis formam exterioriorem eleganter exprimentes, inter se conficiunt. In ovibus & damis non undique renum substantiam adnatam habent, ut in homine & aliis: sed quâ sinum spectant nudi reperiuntur. ut Tab. IX. fig. 1. c. e. c. e. Et ubi anteriores cum posterioribus uniuntur, aliquid parenchymatis intus illis adhæret, parvamque constituit extuberantiam. In humano autem rene venarum & arteriarum surculi, quamprimum extra pelvis membranas soli progrediuntur, carne undique obducuntur, & pelvis undique membranâ cingitur Tab. VIII. fig. 2. h. h. h. d. d. d. Hi vasorum surculi majores, extrorsum undique versus renis superficiem, suas propagines minores in parenchyma, Tab. VIII. fig. 1. a. a. a. nullas intorsum versus pelvem fig. 2. c. e. c. e. emittunt.

Inter vasa ad modum dictum divaricata, sinus quidam, quæ Pelvem nominant, ad serum recipiendum à parenchymate destillans, efficitur. Ex duplici constat membranâ, inter quas vasa perrepererunt: Interna ab Ureteribus provenit, & totam ejus interiorem superficiem succin-

git.

git. Tab. VIII. fig. 2. h. h. h. at in Renibus ovium, & damarum interstitiis vasorum divaricatorum pervia est, ubi ad illorum cincturam divellit se, & ulterius continua non est, ut fig. 1. Tab. IX. k. k. k. In humano verò undique sinum claudit, nisi in aliquibus partibus, ubi ad feri intromissionem perforatur, & cum externâ exaetè coit, ac si unum esset corpus. Atque hæc foramina quia in aliquibus locis, (ad partem scil. gibbam) paulò ulteriùs se extendunt, quam reliquæ cavitatis partes, ob vasorum divaricatorum crassitiem, ut Tab. VIII. fig. 2. d. d. d. d. in causâ fuere fistionis illius, scilicet Tubulorum, de quibus statim auditis. Foramina hæc, & spatia inania inter vasa Tab. VIII. fig. 2. e. e. e. parenchymate renum implentur, cujus terminationem rotundam papillares carunculas vocârunt, & substantiam nescio qualem excogitârunt, canaliculâ capillari perforatam, quæ nihil aliud est, quam renum caro interior, quæ ut dictum est, crassior & durior existit, quam superior illorum & exterior substantia, estque quasi fibrosa, cujus villæ cum ab extrema intus, ad pelvem ducunt; quæ si excindatur transversim, foraminulorum speciem, interstitia villarum referunt.

Hæc etsi ab Anatomicorum scriptis sint aliena, cum veritate rectè convenire quivis eam diligenter inquirens, animadvertet. Anatomici autem post Fallopium (qui illis viam duxit) alium separandi modum renibus attribuerunt, & aliud vasorum genus ex ureteribus proveniens, ad feri separationem destinatum, excogitarunt. Tab. VIII. fig. 3. c. c. c. c.

*Descriptio
Tubulorum
Fallopianorum*

Dividuntur ureteres (inquunt) postquam sinum efformarunt in duas, quandoque tres partes, quarum una ad superiorem, altera ad inferiorem, utraque rursus in quatuor, vel quinque minores ramos, non quidem aliorum vasorum modo, in capillamenta attenuatos; sed in fine latos, instar fistularum: quos tubulos & fistulas ureterum vocant, numero octo, vel decem. In fine illorum lato papillares carunculas quasdam recipientes, quibus, tanquam operculis, obturantur. Carunculae hæc sunt instar glandularum corpuscula carnea, parenchymate duriora, & papillis mammarum similima. Pisi magnitudinem obtinent, superius latiusculæ, inferius convexæ sunt, quæ si dissecantur, levem canaliculam, capilli crassitiæ à summâ parte ad infimam, per medium habere videntur; per quas serum à sanguine segregatur. Venæ enim & arteriæ per totam renum substantiam, variè disseminantur, & ita attenuantur, donec in capillares abeant; quæ carunculas adeunt ut per eas feri fiat percolatio.

Hanc Renis humani esse constructionem asserunt, non alterius animalis. Sed ineptè quidem ut mihi videtur suæ Philosophiæ fundamenta deferunt, quæ frustra fieri per plura, quod fieri potest per pauciora, docet. Imo natura hoc ipsum prorsus abhorret. Si natura sine horum vasorum ope in aliis animalibus urinam segregare poterit, cur in homine tam infulsè entia sine necessitate multiplicant, vasaque confingunt, in nullis aliis animalibus repertienda? In omnibus actio est eadem, cur in organis tam essentialis ponitur discrepantia?

Præterea si per carunculas hæc percoletur serum, quod illis per venas deducitur, quid opus est, ut per substantiam Renum permanet? Quòd verò per substantiam illorum percoletur, ex hoc probari potest; quòd

quòd docent Medici ulcera renum ideò esse immedicabilia, quia urina jugiter præterfluens, ulcus agglutinari non sinit. Deinde si ductum tam angustum habeant carunculae, per quas serum percolari est necessè, ut vix capillum admittant: quomodo arenulae ac calculi cum parte parenchymatis renum, in illas illabi poterunt? uti docet Fernelius lib. 6. de morbis cap. 12. Si calculus (inquit) è renis substantiâ exturbatur, in ejus cavum descendit, renisque partem cui adhærescebat, sine doloris sensu divellens, & quasi dilacerans, unâ cum sanie per urinas excernitur. Quæ certè per capillarem papillarum ductum nequaquam transire facile dicamus.

Verumenimverò non aliis opus est argumentis, (fides sit Autopsiæ) & ipsa pars satis luculenter demonstrabit nulla talia inveniri vasa, ut in superioribus satis delineavimus.

Nervos accepit utrinque à sexti paris ramo stomachico, (unde tantus renum & ventriculi consensus in nephriticis) qui in membranâ propriam distribuuntur, alii cavum renum subeunt, & per ipsorum substantiam distribuuntur, hinc Nephritici non solum gravitatis sensum, sed vehementissimos quoque in renibus dolores experiuntur.

Renum usum ab omnibus (nisi Erasistrato & Aesclepiade, qui partes, quarum officium ignorant, tanquam inutiles, & nullius usus condemnant,) ad seri separationem destinatum esse conceditur. At Sennertus aliud illis assignavit officium præter seri expurgationem. Sanguinem, ait, illos ad semen generandum præparare: quod plurimis confirmare videtur argumentis lib. 3. praxeos. Cum in sacris literis, inquit, sæpius iteratur, *Deum Corda & Renes scrutari, ubi per renes (inquit) Theologi praevas concupiscentias, & cupidinem rei venerea intelligunt. Et in Sacra Scripturâ, generatio lumbi tribuitur. Hoc ulterius probat, quia Renes peculiare habent parvum, byma, itaq; peculiari vi illi attribui debuit. Secundo, Venas & arterias tam amplas, quales sunt emulgentes, ut à sero sanguinem expurgent, solum esse factas, difficultate non caret. Tertio, In Gonorrhœâ medicamenta lumbi ad semen imminuerendum, atque alterandum applicantur. Quarto, Inter signa renum calidorum, Medici recensent propensionem ad libidinem, somnia libidinea, & nocturnas pollutiones: Contra frigidorum, omnia e contra. Quinto, Vasorum præparationum origo, idem persuadere videtur: quod partim ex ipsis emulgentibus, partim propè emulgentes originem sortiantur, quod indicium est, quod ex ipsis renibus elaboratum aliquid accipere, & ad Testiculos deferre, soleant vasa illa præparantia.*

Verumenimverò officium hoc nullo modo iis attribui poterit: Et quod dicitur, Deus renes scrutari, ab Anatomicis aliam subire interpretationem creditur, scilicet Deum occulta omnia cognoscere, & rimari; ne renes qui non tantum in obæsis, sed penè omnibus pinguedine occultati, in dissectione non apparent, ejus aspectum fugiant. Præterea multa in Scripturis Metaphoricè dici notum est, atque sic lumbis generatio tribuitur, similiter & cruribus: non tamen dicendum est crura aliquid ad feminis generationem facere. Deinde ad argumenta, ejus dicimus, verum esse renes peculiare habere officium; at hoc est seri separatio. Secundo, Magnitudo venæ emulgentis nihil facit ad sanguinis præparationem, cum ad renes nullum deferant, sed ad cavam reducant; Et hoc ipsum docet valvularum situs in illis, quæ ad cavam spectant. Arteries autem ideò majores offeruntur, ut serum, cum maximâ

generetur quantitate, expeditè excernatur: quod per vasa minora fieri non potest.

Ad Tertium dico, in Gonorrhæa Medicamenta lumbis applicantur, non quia renes illic situm habeant; sed quia arteriæ, quæ sanguinem Testibus adducunt, hoc in loco se ex Aortâ exerunt. Tab. XVII. S. & Tab. IX. fig. 1. d. Præterea Medicamenta quæ in Gonorrhæa lumbis applicantur, sunt refrigerantia, ut sanguinem nimis calidum refrigerent, & acrimoniam obtundant. Quod hoc in loco optimè fieri poterit, quia vena cava & Aorta, sanguinis promptuaria, hic dorso alligantur, & medicamentorum vires faciliè lentiant.

Ad Quartum dico, propensio ad libidinem, non tam Renum calidorum signum est, quam Hepatis calidioris, quod sanguinem ebullientem generat, quod Renibus etiam talem intemperiem conciliare potest, ut ipse attestatur lib. 3. prax. part. 3. sect. 1. cap. 2. Caliditas Renum nimia propensionem illam augere potest; quia (ut dictum est) arteriarum ad Testes descendendum ortus, est renibus quamproximus, quibus calor in sanguine augetur; atque inde semen calidius & actius generatur, quod facultatem expultricem stimulat. Idem & cubile mollius, & supinus decubitus efficere possunt.

Origo venarum præparantium nihil ad veritatem hujus sententiæ addit, quia venæ ad testes sanguinem non deferunt, sed Arteriæ, quæ cum renibus nullum habent commercium. Vena autem, quæ ab *Emulgentie* oritur, valvulas duas vel plures, ad Emulgentem spectantes, omnem sanguinis transitum ad Testes denegantes, habet. Tab. X. n. n. Altera vena, dextra scilicet, statim ab exortu à cavâ aliam habet valvulam, ut in fig. prædictâ o. videre licet. Quæ omnem sanguinis transitum per vasa hæc ad Testes denegat.

Quod ad odorem attinet, quem Sennertus animalibus non castratis, per totum corpus diffusum, maximè tamen in Renibus perceptum esse, ait; a calore ac influentiis qui à Testibus toti pariter corpori communicantur, dependere existimo: Ab illis enim totius temperamentum, habitus, & mores alterantur. In Renibus ideo odor magis quam in aliis partibus, exceptis Spermaticis, sentitur, quia serum quod sæpius caloris illius gradus subiverit, ibi stabulatur. Neque verò odorem illum in sudoribus minus percipere possumus, præcipuè in iis qui temperaturæ sunt calidioris, quam in Renibus.

In parte superiore renum, versus diaphragma, Glandulæ duæ inveniuntur, de quibus, quia nihil certi de illarum usu habemus, minus curiosi in illarum descriptione erimus. Utrinque una est supra pinguedinem incunibens, externæ renis membranæ, sed præcipuè diaphragmati validissimè adnexa. Arterias & venas habet à truncis majoribus, ut renes ipsi; nervos item accipit. Bartholinus hæc vesiculas atrabiles vocavit, & ad atram bilem recipiendam esse factas cogitavit; Sed minus rectè, ut mihi videtur. Atræ enim bilis humor est omnimodò præter naturam, nec in corpore benè dispositio invenitur, jam verò Natura licet in omnibus sapientissima, quævis tamen corpori accidentia nec prænotescere, nec præcavere potuit. Neque ullibi pro illo receptaculum concinnavit, quod nullo modo naturali generatione produceretur.

Neque



Tabulæ IX. Declaratio.

Figura Prima Renem à carne denudatum, per dorsum dissectum, ut pelvis indicetur monstrat.

a. a. a. Pelvis in quam inseritur arter.

b. Foramen in pelve per quod urina descendit.

c. c. c. c. Vasa venarum & arteriarum in unica tunica inclusa, quorum unione in parte renu gibba conspicitur Pelvis.

d. d. d. d. Vasorum ora dissecta.

e. e. e. e. Tunica vasa hac includens, dissecta & eversa, ut vena & arteria melius videantur.

f. f. f. Vasa minorà à majoribus illis effluentia & unita in exteriori parte renu.

g. g. g. Distantia inter exteriorem

Renum superficiem, & vasa arcuata ac unita.

h. h. h. Vena in tunica dissecta inclusa.

i. i. i. Arteria ad dorsum renum in tunica pelvis inclusa, delata.

k. k. k. Vbi vasa divaricantur, ac terminantur pelvis.

Figura Secunda Reni ovini à carne nudati effigiem indicat.

a. a. Vena emulgens divisa in forciculum superiorem & inferiorem.

b. b. Arteria eodem modo renibus exposita.

c. Vreter.

d. d. d. Vasorum divaricationes.

e. e. c. Intervallum inter vasa, ac superficiem renum exteriorem.

Neque enim à Liene melancholiam lacunant; nullum enim est inter illa commercium, neque capacitatem habent illi actioni proportionatam. Spigelius eas ideo factas, ad implendum vacuum inter Renes & diaphragma spatium, esse censuit. Et certè hoc impossibile non est. Ad humiditates præterea absorbendas extra vasa illa majora, quibus per venas & arterias junguntur, exudantes, inservire poterunt. In animalibus enim quibus desunt Renes, omnibus scilicet pennatis, per totam dorsi longitudinem, plurimas glandulas, quibus humiditates è vasis majoribus exudantes absorbuntur, videre licet.

CAPVT V.

De Ureteribus.

V Reteres ab officio dicti, *παρὰ τὸ νεφρον*, à mingendo, vasa duo sunt alba, crassiora quam venæ, utrinque unum; quæ ex Renum simâ parte, postquam pelvem tunicâ succinxerunt, excidunt; & lumborum musculis insidentia & alligata, inter geminas peritonæi membranas, quibus connectuntur, modicè verius interiora reflexa, ne obliquum nimium ductum efficiant, descendunt, vesicæ junguntur, & in illius humiliorem & posteriorem partem, non procul à Sphinctere musculo circa vesicæ radicem, à se invicem duorum circiter digitorum distantia, obliquâ insertionem inter duas tunicas vesicæ interiores, cavitatem penetrant; ita tamen ut distantia quædam sit inter insertionem illam in primam tunicam, & exitum à secundâ, in cavitatem vesicæ. Atque hoc modo interior tunica valvulæ partes agit, ne in compressionem vesicæ quicquam in ureteres regurgitet, meatus illorum exactè claudit; ad eundem modum quo interior intestini tunica meatum claudit biliarem.

Duas habent tunicas, communem unam, à peritonæo, à quâ & arterias & venulas suscipiunt capillares, à partibus vicinis cum membrana delatas; alteram propriam venarum tunicâ duriorem, paucioribus obliquis fibris donatam. Figuram habent teretem, longitudine palmum, latitudine palmam imitantes; si instantur autem medii digiti magnitudinem excedere vidi. In calculosis inquit Spigelius, ad intestini usque crassitiem dilatantur.

Nervos à sexto nervorum pari acceperunt; unde dolor exquisitus, cum calculi per illos ad vesicam descendant.

CAPVT VI.

De Vesica Urinariâ.

V Esica urinaria *κύστις οὐροδόχος* dicta, in Hypogastrii cavitate, illâ scilicet quam os sacrum, ossa coxarum & pubis efformant, sita est, connectitur fundus laxè umbilico, per Vrachum, & arterias umbilicales;

cales; quæ post partum in fortu exsiccantur. & in ligamenta a beunt. Atque hinc (inquit Spigelius) consensus ille inter vesicam & umbilicum, in illis qui grandiore calculo vesicæ laborant; cum de gravi umbilici dolore, coque continuo conquererentur, quem non aliunde accidisse quam ab Vracho, a vesicâ calculo detractâ, simul revulso, unde partes circa umbilicum, etiam vellicatæ dolorem faciunt. Cervix ejus intestino Recto in viris, in mulieribus uteri collo adhæret. Figuram habet ovalem, seu pyriformem. Substantia ejus duplex est, partim membranosa, ac nervosa, ad commodam extensionem, & ejusdem corrugationem post urinæ evacuationem, ut corpus vesicæ, quod fundum comprehendit: partim carnosæ est, ut cervix; quæ vulnerata rursus coalescit; Membranæ verò partis vulnera sunt lachalia, uti testatur Hippocrates 6. aph. 18.

Membranas tres habet, communem unam à peritonæo natam, quæ conterminis partibus alligatur: proprias duas, modò crassiores, modò tenuiores, prout distenduntur aut corrugantur. Prima ejus, propriarum quæ est media, crassior est reliquis. fibris carnosis conspersa, quales in ventriculi conspiciuntur tunicis. Spigelius illam musculum esse dicit, & ad vesicam constringendam esse factam existimat. Interior lucida & alba sensus exquisitissimi, tenuis & nervosa est, intus crustâ quadam limosâ, tertiz coctionis excremento, obducitur.

Foramina in fortu in utero existente quatuor, in adultis tria inveniuntur; humiliore sede antequam paulò in cervicem desinat duo sunt; quæ ob ureterum insertionem efficiuntur, de quibus supra. Tertium urinæ præbet exitum in cervice, cui penis canalis adjungitur. Musculus Sphincter dictus, undiquaque foramen hoc succingit, & ad libitum nostrum claudit, ut urinam vesica contineat. Arterias habet ab Hypogastricis, quæ illius utrinque cervicem, & fundum sanguine irrigant, & in maribus ad colem etiam illarum furculus distribuitur. Superfluum à nutritione sanguinem reducunt venæ satis insignes, ad venas Hypogastricas, quæ in cavam rursus deferunt.

Nervos habet insignes, nec ut fellis vesica parvos, partim à sexto nervorum pari, partim ab illis, qui postremi ab ossæ sacro originem trahunt.

Hanc constituit solers natura tanquam receptaculum, & cisternam ferosi humoris; qui à renibus allectus per ureteres transpittitur, & in hac retinetur donec pro nostro arbitrio depellatur.

LIBRI PRIMI

PARTIS QVARTÆ.

CAPVT I.

De organis ad Speciei conservationem dicatis.

EX prædictis Corporis Humani primordiis, hominem necessario morti obnoxium colligere liceat. Præterquam enim quod ex tam variis & pugnantibus principiis sit exstructus, illum immortalem & incorruptibilem fieri nequaquam potuisse, fames illa diuturna, humorum corruptiones venenatæ & excrementorum perpetua generatio abundè commonstrant. Cum itaque Individuum immortale produci noluit, ad immortalitatem quod licuit auxilium, machinata est Natura, & pro Individuis quæ corrumpuntur, mirabili quadam arte, ut nova succedant, perpetuæque fiat Speciei conservatio ordinavit. Hoc ipsum ut efficeret, Sexus organaque diversa, quibus opus tam necessarium perficiatur, constituit.

Partes sexuum constituit.


Partes itaque Sexum constituentes, & ad speciei conservationem facientes, *Viriles* sunt ac *Muliebres*; propriæ aliz, aliz utriusque communes quarum aliz materiam ex quâ, illud quod Speciem propagat, conficiatur, deferunt; quæ sunt arteriæ *Spermatice*. Aliz materiam illam elaborant, & virtutem prolificam tribuunt, ut *Testes*. Aliz postquam elaboretur & perficiatur, illam vel ad uterum in foeminis, vel ad glandulas *Prostatas* in viris, ducunt. Propriæ sunt in foeminis uterus; in viris Penis. Quæ partium diversitas licet diversa officia vendicare videatur; in hoc tamen omnes conspirant, ut semen ad Speciei generationem conficiatur & foveatur. De quibus cum multum jam sudarunt *Anatomici*; difficiatiora solummodo quædam perlustrare placet, cætera breviter expediā.

Vasa spermatica.

Primo Vasa *Spermatica*, Præparantia dicta (quia sanguinem aliquo modo præparare, pro seminis generatione existimantur,) occurrunt. Foeminis perinde ac viris æque conveniunt; sed in his majora, in illis breviora; duæ arteriæ, totidemque venæ inveniuntur.

Arteriæ ex Aortæ trunco, duorum transversorum digitorum intervallo sub æmulgentibus, à priore parte egrediuntur. Tab. X. fig. 1. E. quarum dextra cavæ truncum ascendens, oblique ad venam ejusdem nominis cum eâ descendentem, sinistra similiter ad venam sui lateris properans; per lumborum regionem supra *4^{as}* mûsculos, superque *Vreteres* utrinque vestræ, ad *Peritonæi* processum in maribus, excurrunt, atque inde abdominis cavitatem relinquunt, & cum nervo gracili à fixto

TAB: X



Tabulæ X. Explicatio.

A. A. In fig. 1^a. *Vena Cava truncus.*
 B. B. *Arteria Magna truncus.*
 C. C. *Cava rami Iliaci.*
 D. D. *Arteria Iliaca.*
 E. E. *Arteria spermatica, utrinq; descendentes.*
 F. F. *Vena spermatica, utrinq; ascendentes.*
 G. G. *Vreteres.*
 H. H. *Renes.*
 I. I. *Vena Emulgentes.*
 K. K. *Arteria Emulgentes.*
 L. *Inferio sinistra vena spermatica in emulgentem.*
 M. M. *Corpus Varicosum Testium.*
 N. N. 1. 2. *Corpus ipsum testiculi.*
 O. O. *Membrana propriarum prima, testiculum involvens.*
 P. P. *Parastata.*
 Q. Q. *Vasa deferentia.*
 R. R. *Tunica Albuginea, penis & arteriæ refertissima.*
 S. S. *Intestinum Rectum.*
 T. T. *Musculi anum retrahentes.*
 V. *Sphincter Musculus anum claudens.*
 W. W. *Anus dilatatus.*
 X. *Vena cava aperta, ut valvula in spermatica initio cernatur.*
 Y. Y. *Emulgentes aperta, ut valvula illarum prospiciantur.*

Figuræ Secundæ Declaratio.

a. a. a. 2^a. *Arteriarum divaricationes ad testiculum tendentes.*
 b. b. b. 2. *Venarum furculi à testibus excurrentes.*
 c. c. c. 2. *Illarum Anastomases.*
 d. 1^a. *Arteria Mesenterica inferior.*
 e. 1^a. *Arteria Hemorrhoidalis interna.*
 f. f. 1^a. *Arteria Iliaca interiores, quæ arterias hemorrhoidales externas, anum circumambientes constituunt.*
 g. g. *Vena arteriarum dictarum sociæ.*
 h. h. *Ductus novus in testibus semen eliciens.*
 i. i. i. *Vasa sanguinem ad anteriorem testium partem adducuntia.*
 k. k. k. *Vbi tunicam albugineam perforant, & cum exterioribus uniantur.*
 l. l. l. *Vbi in medio testium reflectuntur, ac uniantur, ductui illo novo alligata.*
 m. m. *Vasa hemorrhoidalia interna.*
 n. n. *Valvula in sinistra venâ spermaticâ.*
 o. p. p. *Valvula in dextrâ, & Emulgentibus.*

à sexto pari, ac Musculo Cremastere in Scrotum descendunt. In feminis verò in duos ramos sunt divisæ; quorum unus & major ligamentum uteri superiori suffultus, ad testem, unâ cum venâ sui lateris abijt; non tamen ut in masculis tam variè per anastomases unitæ. Ut Tab. XVII. i. i. i. m. m. Alter minor in uteri fundum definit k. k. k. cum venâ l. l. l. junctus.

Scrotum autem ingressæ in viris hæ arteriæ, in plures divisæ furculos, ad Testes contendunt: quorum alii antequam ad illos pervenerint, in venæ ejusdem lateris furculos per anastomasin implantantur; & quò ad Testes magis approximantur, eò plures immituntur furculi, & plures sunt Anastomases. Nec jam rectâ ad testes, ut in superiore progressu, progrediuntur; sed in gyris infinitis penè se involvunt, Intestinatorum circumvolutorum instar complicantur, uti Tab. XI. fig. 2^a. A. a. a. a. Vbi vasa sic involuta, quia venarum varices, ac tenellos vitium

vitium capreolos referunt quodammodo; corpus constituunt quod *varicosum*, ac plexum pampiniformem vocant. Et quia in unam tantummodo Testium particulam implantari non debuerunt; in progressu multiplicantur & majorantur involutiones; adeo ut inde corpus, quod Pyramidis formam refert, cujus basis in superiorem Testis sedem infixâ est, conficiant. Si humores crassi ac melancholici in vasorum hæcæ duplicationes, & contorsiones inciderint, tenuiores illorum tunicas distendentes; faciliè Herniam illam, quam Varicosam dicunt, efficerè possunt, cum hisce in meandris faciliè dimorari possint.

Cum ad Testium summitatem pervenerint, se in interiori illorum tunica diffundunt, & in surculos penè infinitos luxuriant. Tab. X. fig. 1^a. N. 2^a. a. a. a. b. b. b. & Tab. XI. fig. 1^a. & 2^a. B. B. B. Qui circumcirca vagantes, invicem per anastomases uniuntur nonnulli. Tab. X. fig. 1^a. & 2^a. & Tab. XI. c. c. c. Alii superficiem deserentes, versus interiora inclinant, suosque terminos sub tunica abscondunt, eamque perforant. d. d. d. d. & Tab. X. fig. 1^a. k. k. k. Qui inde per substantiam Testiculorum elabentes, Tab. X. fig. 1^a. i. i. i. & Tab. XI. fig. 1^a. c. c. c. Corpori cuidam tereti, per medium Testiculi percurrenti, Tab. X. fig. 1^a. h. h. & Tab. XI. fig. 1^a. g. g. g. connectuntur; ibique cum aliis uniuntur, l. l. l. & f. f. f. Qui retrorsum per eandem viam ad Testiculi membranam tendentes, sanguinem ad venas in tunica disseminatas devehunt. Atque sic perenni hæc circulatâ sanguinis defluxione, per substantiam Testiculorum celebratâ, particulæ cognatæ eliciuntur, ibique concoquantur, & perfectum elaboratur Semen.

Arteriæ hæc in feminis, testibus & utero sanguinem deferunt; testibus ad illorum nutritionem, & seminis generationem: Utero ad illius & infantis, cum gravidæ sunt, nutritionem. Quo tempore latiores, multumque distensæ ac sanguine magis repletæ inveniuntur. In maribus, ut dictum est, totæ in Testibus absumuntur; præterquam quod surculos nonnullos venis, quibus inoculentur, antequam ad superiorem Testis partem pervenerint, distribuunt. Tab. X. fig. 2^a. c. c. c. c.

Plexus autem hi admirabiles ideo efficiuntur, ut sanguis per mæandros illos excurrens, & continuâ circulatione purior (ut apud Chymicos) reddatur, & in diversis plurimisque vasorum surculis contractus & detentus, moram aliquandiu faciat, ut Testiculi satis otii ad particulas cognatas eliciendas, haberent. Reliquum sanguinis, quod ab illis ut inutile recusatur, venis per anastomases (ut dictum est) cum his unitis emandatur.

Venæ autem quæ hic inveniuntur sanguinem illum à Testibus repudiatum, ad cavam rursus revehunt. Eum autem ab arteriis per anastomases. Tab. X. fig. 2^a. & Tab. XI. fig. 1^a. & 2^a. c. c. c. c. recipiunt. Et eadem viâ cum arteriis descendentes, ascendentes; dextra vena in cavæ anteriorem sedem, oblongo crassioreque tuberculo implantatur, & in illam se exonerat. (Tab. XVII. h. & Tab. X. fig. 1^a. x. l.) Sinistra per arteriæ sinistræ semitas regreditur; non autem in Cavæ truncum, ut prior, inserta; sed ad Emulgentem venam sinistram ascendens, in eam se exonerat. Tab. X. fig. 1^a. L. & XVII. h. h. R.

In his, ut sanguis facilius ascendat, nec à cavâ in illas rursus remeet, valvulæ apponuntur: In dextrâ ubi cavâ jungitur, crassiusculo tubere prominet. Quod venæ tuberculum Tab. XVII. h. à valvulâ sanguine distentâ, cavam versus spectante sit. Tab. X. fig. 1 a. O. X. In sinistrâ binæ inveniuntur, quæ longior est, unam statim postea ex emulgente exerit, ad emulgentem etiam spectantes, omnem per hæc venas ad Testes transitum dencantes. Tab. X. fig. 1 a. n. n. Atque sic vasorum præparantium historiam absolvimus, quæ licet cæteris Anatomicis non conspirat, veritati tamen esse consentaneam, fides rerum præceptor facile demonstrabit. Nec me quicquam movet, quòd plexus ad nobiliorem usum fabricari existimarunt. Quid enim magis arteriarum plexus illi ad elaborationem efficiant, quam ipsæ arteriæ aliis in locis discurrentes, mihi nondum constât? Cum non aliam, sic complicatæ naturam à seipsis, aliis in partibus, tam diversam obtinuerint. Si itaque aliud illis hic tribueremus officium, quod illarum naturis ac temperamentis generalibus convenire nequeat; præter Naturæ institutum fuisse arbitramur.

CAPUT II.

De Testibus ac Parastatis.

Sanguis in hunc modum per arterias ad Testes delatus, per totam eorum substantiam in arteriis minutis, ut dictum est, dispensatur: à quibus partem ad nutritionem arripiunt & assimilant; partem in semen concoquunt & seponunt. Alteram verò partem, ex quâ cæteras cognatas assimilatas & sepositas eliciunt, repudiantes, in venas, (similiter per illorum substantiam diffusas) evomunt. Quæ è Testibus, Tab. X. fig. 2 a. & XI. fig. 2 a. b. b. b. b. exeuntes, illam ad cavam rursus, sed aliquo modo forsân à calore & facultatibus Testium inquinatam & mutatam reportant. Hinc proculdubio evenit, quod Testes maximam & penè incredibilem vim, ad temperamenti, habitus corporis & morum alterationem habeant. Adeò ut à Galeno alter caloris innati fons esse credantur. Cujus rei veritatem nos docent robur, fortitudo, & venustas illorum, qui illis fruuntur. Qui verò illis destituuntur, vitam e contra imperfectiorem & ærumnosam degunt.

Testes
quid?
Eorum sub-
stantia.
Magnitudo
& figura.

In Testibus dux inveniuntur partes, ipsi Testes, corpora quasi glandulosa, & Parastata illis à latere adherentes. Testes sunt corpora quædam rotunda, substantiam (non multum à cæteris glandulosis corporibus differentem) albam, mollem & spongiosam habentia, plurimis arteriis & venulis refertam. Magnitudo & figura ovi majoris columbini est; non tamen utriq; æqualis, sed sinistrum à sero per venam præparantem, seu spermaticam à sinistro emulgente delato, dextro semper majorem esse asserit Spigelius. In foeminis substantia mollior est, laxior & humidior, & si à membranâ separetur; tota ex glandulis pluribus, ac vesiculis coagmentari videtur. Quæ apertæ aqueum humorem, sero lactis,

lactis, sed paulò crassioris substantiæ similem effundunt. Depressi omnes sunt & lati, non ovales, ut marium; ac simplici involvuntur tunicâ, à peritonæo mutuâtâ. In maribus quatuor involvuntur tunicis: quarum binæ communes sunt, alteræ propriæ. Communium prima & externa ὄρχης bursa Scroti vocatur, quæ ex cute cuticulâ testâ conflatur. Alteram internam δακτύλιος vocarunt, quod facillè ab aliis separari potest. A panniculo carnosio venis & arteriis referto producit, & ob hanc raticinem gratiâ fibrarum carnosarum, cum aëre frigido tentetur, aut perfecta sanitate homines fruuntur, se contrahere potest.

Proprium prima ἰσχυρὸν vaginalis nuncupatur; quia tanquam in vaginâ testes conservat. Valida ac densa est plurimis abundans vasculis; interius levis, exterius fibris crebris Ducto conascitur. Altera est huic subiecta, testem proximè amplectens, à vasorum spermaticorum tunicâ, circa illos expansâ, enata, Albuginea dicitur. Tunicæ hæc arterias & venas plurimas à partibus vicinis & Spermaticis acceperunt, quibus sanguine ad nutritionem abundè irrigantur.

In medio glandulosæ Testium substantiæ, corpus quoddam teres, album ac densum, vasi deferenti haud dissimile, nec minus, invenitur; nullâ aut perobscurâ saltem cavitate donatum. Quod à Testium fundo ad superiorem illius partem ascendens; in tunicæ Albugineæ interioriorem partem quam fortissimè implantatur. Tab. X. fig. 1. a. h. h. h. & Tab. XI. fig. 1. a. g. g. g. h. Neque tunicæ solummodo affixum, sed & illam ad [h] perforare, ac in Parastatarum caput se inserere videtur, cui quam pertinacissimè adhæret, nec nisi sectione separabile est. In inferiore ac mediâ parte, non nisi vasorum interventu Tab. XI. fig. 1. a. c. e. e. f. f. membranæ alligatur.

Per ductum hunc (ab Anatomicis nusquam adhuc designatum) semen à Testibus elicitum, in Parastatas educi merito statuimus, cum in omnium animalium Testiculis, licet non ejusdem magnitudinis, reperitur, nullâque alia, per quam ducatur, via assignetur, illi ergo hoc officium pertinere non dubitamus.

Alteram Testium partem faciunt Parastatæ, sic dictæ quod πρὸς τὰς τὰς, circumstant Testes, & ἐπιδιδυμίδας, quia Testibus imponuntur, nominarunt. A Testium superiore parte externè ad corporis varicosi implantationem, lato quodam principio oriuntur. Tab. XI. fig. 2. a. C. C. Et posterius oblique ad inferiora versus fundum Testium prorepunt. D. D.

Parastatarum principium ex substantiâ albâ, testis instar glandulosâ, duriori tamen multùm, nec cavitate donatâ constituitur: Ex plurimis quasi glandulis, invicem per membranas connexis constat. Inter Testes & Parastatas hæc in parte superiore, ubi connectuntur, plurima tenuia vasa percurrere descripsit Spigelius. Unicum verò satis insigne facillè demonstrabit sectio, per quod in Parastatarum caput, è Testibus semen elicitur, ut dictum est.

Statim ubi à substantiâ hac duriori reliquum Parastatarum recesserit. Tab. XI. fig. 2. a. D. ad infimas descendens partes, tortuosum procellibus vermiformibus in cerebello simile est. Tortuosæ autem hæc Parastatarum circumgyrationes nihil aliud sunt, quam corpora tertia, cavitate manifesta donata, semendq; continentia, mirifice gyrorum

TAB. XI.



Tabulæ XI. Declaratio.

- A. A. 1. 2^a. *Corpus Varicosum.*
 B. B. 1. 2. *Testes tunica albuginea plurima vas referat investiti.*
 C. C. C. *Parastata principium.*
 D. D. D. 2. *Parastata tortuosa pars descendens.*
 E. E. 2. *Vas deferens, seu ejaculatorium ascendens rursus.*
 F. F. F. 2^a. *Insuper glandulosa testis substantia, ad medium usque divisa, ut ductus g. g. in medio cernatur.*
 a. a. a. 2^a. *Tortuosi vasorum gyri in plexu pampiniformi.*

- b. b. b. *Vasorum à plexu hoc in tunica divaricationes.*
 c. c. c. 1. *Vasorum anastomases.*
 d. d. d. *Vbi capita vasorum se abscondunt.*
 e. e. c. 1. *Vasa à tunica, medium testicularum petentia, qua gemina sunt.*
 f. f. f. 1. *Illorum unio ac reflectio versus tunicam.*
 g. g. g. 1. *Ductus novus Testiculi.*
 h. 1. *Illius in tunicam implantatio, unde in Parastatam ducitur.*

intestinalium, seu vasorum preparantium (supra descriptorum) instar, complicata ac involuta, ad fundum testiculi tendentia. Quæ Semen à duriori

duriori illâ substantiâ capitis Parastatarum selectum, longo & labyrinthino (ut sic dicam) itinere devehunt. Tab. XI. fig. 2^a. D.D.D. Quæ in progressu ampliora manifestim reddita, cum à fundo rursus reflectantur, in unum meatum, vasi Deferenti continuum, terminantur. Tab. XI. fig. 2^a. E. Cui post longam deviamque in Parastatarum circulationem, Semen emandatur.

Caput Parastatarum (ut dictum est) testiculo validissimè annectitur; ad fundum etiam sed non tam pertinaciter adhærent; in medio facile sejunguntur: Ubi verò reflectuntur, & in vasa deferentia terminantur Parastatæ, tunicæ testium solummodò incumbunt, & sursum per latera vasorum spermaticorum revertuntur.

Vasa Deferentia corpora quædam nervo majori similia sunt, teretia, candida, nervosa, cavitate quadam manifestâ, in majoribus animalibus donata: quæ postquam à fundo reflectuntur in maribus sursum properant; pauloque, ut in descensu, contorquentur. Tab. XI. fig. 2^a. E. E. E. postea verò recte ascendunt, & unâ cum vasis spermaticis, per peritonæi processum sursum feruntur. Quos ubi superaverint & cavitatem Abdominis sint ingressâ, reflectuntur rursus, & posteriorem vesicæ regionem petentia, inter quam & Rectum Intestinum incedentia; juxta cervicem vesicæ, nonnihil prius dilatata & unita, in *Glandulas Prostatae* terminantur.

Vasa deferentia quædam.

Hæ corpora sunt glandulosa, inter vesicæ cervicem & Rectum posita. Ob situm hujus rationem proculdubio contingit; quod post clysterium acriorum injectionem, aut violentiorem *καταρσιον*, affecto intestino Recto; Semen quandoque emittatur, & appetitus veneri excitentur. Per Glandulosi hujus corporis medium, *Urethra* à vesicâ incedit, quæ urinæ, juxta ac semini communem viam largitur: Nullus tamen manifestus ductus, per quem ex Prostata in ipsam semen deponatur. Quæ verò per prostatas migravit, poris plurimis illique majoribus pervia est; qui tempore coitus, calore magis rarefacti & dilatati, magis hiant, & transitum semini facilem in Urethram concedunt. Hos in gonorrhæâ laborantibus dilatatos multùm vidit Spigelius; & Vesalius in quodam, ante suspendium, involuntario seminis fluxu laborante, idem observavit. Ob horum laxitatem gonorrhææ causam sæpenumero contigisse dicamus. Cum verò stricti sint, & angustissimi, ut in coitus usu rariore contingit, seminis crassioris per minutulos illos poros compressio, titillationem illam in venere maximam & quasi resolutionem efficit.

Glandula Prostata quid.

Urethra

Prostatarum glandularum substantia dura est, & spongiosa, ut semen illis commissum felicius contineant, si verò præter naturam laxior sit, Gonorrhæam etiam causari posset.

Ad latera vasorum deferentium antequam ad cervicem vesicæ dilatentur, & coeant, *Vesiculae* quædam, *Seminales* dictæ, insignes adnascuntur; Non unam singularem cavitatem habentes, sed plures anfractuosas, granorum mali punici cellulas exactè æmulantes. Humorem continent oleaginosum, tenuiorem nonnihil, & flavum, qui per foramen proprium (inquit Spigelius) carunculâ obturatum in Urethram effundi solet.

Vesiculae seminales.

*Musculi
cremasterei.*

Ne Testes, penduli cum sint, vasa spermatica, quibus alligantur, pendere suo nonnunquam nimium diltraherent: Natura musculos largita est, qui à Græcis κρεμαστές, suspensorii vocantur, quorum beneficio testiculi suspenduntur, & sursum retrahuntur. Musculi sunt oblongi, graciles, ex fibris carnosis, rubicundis, ac rectis conflati. Qui à ligamento illo valido, quod à Spinâ ossis Ilei, ad ossa pubis excurrit, originem eâ in parte ducunt, ubi transversî abdominis muscoli desinere consueverunt. Hinc per peritonæi processum, unâ cum vasis spermaticis, quibus validè annectuntur, transcunt, donec tandem in Testem desinunt; eumque ad ventrem contrahunt.

Nervum gracilem à sexto pari cum vasis spermaticis descendentem habent.

De partium harum usu multùm inter Anatomicos litigatur. Veteres Testibus potestatem seminis faciendi tribuerunt. Alii officium illud Parastatis, sed per irradiationem à testibus, sunt largiti: Spigelius illud solum Parastatis pertinere affirmat; testesque tantum illius concoctionis excrementa retinere voluit. Idque ob hanc rationem, quia vasa spermatica in illas solum, non in testes implantantur. Verum enimverò vasorum horum insertio à divino Vesalio, aliisque penè omnibus nullo modo in Parastatas, sed ipsos testes fieri affirmant. Ipsique dissectio, ut ex prioribus patet, facile hoc evincit. Præterea Natura certè partem majorem pro excrementi solum separatione, minorem verò & appendicem, ipsius actionis Authorem nunquam constituit. Ita enim voluit Spigelius, cum verum Testium usum esse ait, ut serosam seminis partem separent. Atque hoc probat; quia testes seroso illo humore repleti, non semine semper inveniuntur. Quod semen in testibus, antequam perfectam obtinuit elaborationem, sit tenuius, multoque sero dilutum, gratis constiteri possumus: non tamen inde serum tantum inesse, aut virtutem illam seminisficam in illis deesse concedimus. Substantiam enim habent peculiarem, qualem nusquam in toto corpore reperire liceat. At ejusmodi partibus peculiare officium semper destinavit Galenus. At quid aptius invenire liceat, quam illud seminisficum. Præterea si Parastatas consideremus, illas solum ad ulteriorem elaborationem, & seminis à Testibus selectionem, & collectionem inservire, ut felicius Vasis Deferentibus communicetur; Vasa enim materiam adducunt in Testes, non in illas implantantur, & vasculum illud insigne à Testibus ad illas protenditur, non e contra: per Testis enim substantiam pro seminis collectione ducitur, Parastatarum solummodo capiti conceditur. In Parastatis ulteriorem elaborationem, qualis apud chymicos circulatione illâ seu Pellicanatione celebratur, fieri gratis concedimus. Atque inde per vasa deferentia seu ejaculatoria, ad Prostatas glandulas, ubi ad tempus coitus reservatur, emandatur. Vesiculæ autem Seminales partem illius tenuiorem & serosam, dum per vasa ejaculatoria transmittitur, eliciunt; & ad tempus quo semen emittatur conservant. Et tunc ad meatus lubricos efficiendos, ut semen crassius ac densius facilius per poros illos minutilos exeat, exprimitur; ac cum semine crassiore mista, illud tenuius reddit, & ut in uterum ejaculetur, magis aptum efficit. Atque sic humor ille tenuis semen fecundum & præcedit, ad viz præparationem, & cum eo effluit,

*Humoris in
vasis semi-
nalibus
consentis
usus.*

ut illud fluxibile reddat. Si suggerat quispiam, cur omnino separetur à semine, si cum illo rursus misceri debuit? Cur non ad Prostatas, unà cum semine deferatur? Quid opus est hisce vesiculis? Quia sanè à Prostatis, cùm solummodo sint glandulosæ, faciliè per poros continuè extillaret; & sic quando illius opus fuerit, illo semen destitueretur. Cuius rei experimentum videmus in fluxu illo, à seminis tenuitate nimia causato; quando scilicet serosa hæc seminis pars, per vesiculas hæsc non separatur. Humorem itaque hunc in vasculis quibusdam iisque anfractuosis Natura recondidit, glandulaque parvâ foramen reclusit, ut ad usum reservetur. Nihil itaque obstat quin primarium, in efficiendo semen, agens Testes statuamus.

CAPVT III.

De Pene ejusque partibus.

Quia Mas nec generationi in se locum aptum habet, nec alimentum potest suppeditare; ideo extra se ut semen suum ejiciat, est necesse. Cui officio destinatur *Penis*; qui ex pluribus constituitur partibus: Quorum externæ sunt tria illa communia corporis nostri tegumenta, cuticula, cutis, & panniculus carnosus qui hic nervosus est; pinguedinem hic nusquam invenire licet, ne Penis erectioni incommodet, ac molem ejus nimium distendat. Internæ partes sunt plures, duæ scilicet corpora *Nervosa*, *Septum*, *Canalis*, *Glans*, quatuor *Musculi*, & *Vasa*, arteria scilicet *Vena*.

Corpora nervosa sunt oblonga quædam corpora, dura, ut ligamentum, quorum substantia est quasi crassissima arteria carne fungosâ infarctâ. Raritatem enim habent spongiæ similem, atrâ materiâ veluti nigricante sanguine oppletam. Ex innumeris arteriarum venarumque furculis quam tenuissimis inter se complicatis (quasi retia quædam) efformari videntur, qui inter fibras penè infinitas, à Spigelio (quia seriatiim Septo nervo attenduntur) *Pectini* formes dictas, disseminantur & intertextuntur.

Corpora hæc tunicis membranosis validissimis involvuntur, ne spiritus per rarâ illorum substantiam diffusi, statim dissiparentur. Inter illa autem *Septum* quoddam nerveum, pellucidum, candidum ac validum interponitur; quo utraq; prædicta corpora junguntur. Originem ab inferiore ossium pubis sede, ubi crassiora sunt & teretia, ducunt duo hæc corpora: Distincta verò à se invicem, ut Uretiræ inter utrumque medium locum concedant. Mox autem ubi ad ossium commissuram pervenerint, interventu dicti Septi conjunguntur, sicque firmiter unita, ad Glandem procedunt.

His *ὀφθησα*, fistula urinaria, subjicitur; quæ mollis, nervea, teres, *Urinaria fistula*. ac laxa est, à cervice Vesicæ orta; poris quibusdam ad principium à Prostatis, & foraminibus à vesicâ, & vesiculis seminariis perforata, ad Glandis principium percurrit. Substantia ejus ex duplici constat membranâ, interna una, quâ etiam Glans tegitur, ex membranâ tenui Penis nervos investiente, sensu exquisitissimo prædita, nata. Altera externa, carnea

carnea plurimis transversis fibris aspersa, quæ ad firmitatem & robur, sicuti & ad feminis & urinæ expulsiōem conceduntur.

Huic musculi duo longi graciles, ab ani sphinctere enati, intenduntur; qui ab ano prodeuntes, invicem internis lateribus juncti, recto cursu sub canale excurrentes, in medio longitudinis suæ ad latera inseruntur. Qui etsi carnei sint, tenues tamen & non multum à Penis substantiâ sunt differentes, ut cum eò facilius intendantur ac flaccescant. Quorum usus est, ut canalem apertum semper detineant, & ut semen in illum per poros expressum, cum violentiâ quadam sese ad principia contrahentes, emittatur, & projiciatur. Ad latera corporum nervolorum alii duo Musculi *Collaterales* dicti, breviores ac crassiores sunt apppositi, qui principium ducunt à coxendicis appendice, non multum infra principium illorum corporum. Et oblique ascendentes, in corpora illa Penis nervosa non procul ab illorum initiis implantantur, qui Penem erectum detinent, ut quam rectissimus staret, ne fortè ad latus declinans, meatus clauderetur. Præter usum hunc, etiam alium obtinuerunt; ad principia enim corporum illorum nervosorum, quæ sanguine multo, & spiritibus distenduntur, jacentes illa constringunt, & comprimunt, ut spiritus & sanguis in illis diffusi retineantur, penemque turgidiorem magis diutiusque efficiant: atque sic vicem ligamenti subeant, infra quod partes omnes intumescere videmus. Glandulas Prostatas insuper aliquo modo constringere, & semen in Urethram exprimere inserviunt.

Glans duobus hæc nervosis corporibus adnascitur; illaque nonnihil ambitu excedit, quæ pars *Corona* dicitur. Anteriùs acuta est, substantiamque habet spongiosam ut Penis, sed solidiorem. In acutè ejus apice perforata est, & tenuissimâ membranâ, illâ scilicet internâ Urethræ, obducitur. Quæ per foramen exiens invertitur, & totam ejus exteriorē partem investit. Et ob hanc rationem tam acuto sensu prædita est, mutuusque inter utraq; invenitur consensus. Accidit aliquandò inter ceteros Naturæ errores, ut Glans sit imperforata; quæ si membranulâ solùm obducatur, sectione rursus aperiri poterit. Externè Penis cute, quam *Preputium* vocant, obtegitur, quæ ab Hebræis & Turcis *circumcisio* dicitur; unde *Recutiti* & *Apellæ* dicuntur. In inferiore parte Glandis, apici ejus tunica exterior per ligamentum, *Franum* dictum, alligatur, quod in primis congressibus venereis, nonnunquam cum dolore, & sanguinis effusione disrumpitur, Supernè libera est, ut faciliè reflecti possit.

Vasa habet plurima alia per exteriorē ejus partem discurrentia, à Pudendis externè descendētia, ad radicem Penis ingressa, per dorsū latera excurrunt; arteriæque plurimæ per illum undique dispersæ, illi alimentum deferunt, quibus venæ adjunguntur; & superfluum à nutritione sanguinem ad Cavam reducant. Ad partes ejus interiores arteriæ insignes per totam ejus substantiam mirificè dispersæ, ita ut dextra in sinistram, & sinistra in dextrum corpus nervosum diffundatur, quibus sanguis & spiritus ad illorum distensionem & nutritionem introducantur. Venæ etiam harum comites partes hæc interiores pervagantur, quæ sanguinem reducant, & in Hypogastricas venas evomunt.

Corpora nervosa scatim admodum ad rei veneræ phantasiam representationem, sanguine statim ab arteriis replentur, ac distenduntur: qui in fungosam illorum substantiam exclusus, nec inde faciliè revertere poterat:

poterit : illam infarciendo , totum penem distendit , & erectum , donec semen eiciatur , detinet . Et quo crassior est , humoribusque viscidioribus ac flatulentis scatet sanguis , eò diutius intra fungosam hanc substantiam detinetur ; quo verò tenuior & calidior est , eò citius præterfluit , & in venas relabitur , minusque diu ad conflictum venericum rigidus ac erectus exiit Penis.

CAPVT IV.

*De partibus genitalibus Fæminis propriis.**De pudendo & Utero.*

Cum forminx semen nec quâtitate, nec qualitate, nec virtute ad sortus productionem sufficiat, ideoque sine mare non procreet, Maris semen ut recipiat itaque, est necesse ut locum etiam habeat quo receptum recondat, foveat & ad tempus conservet. Huic operi destinatur uterus, formationis Matrix, qui fertilis soli omnes conditiones obtinet; Semen acceptum fovet, nutrimentum præbet, & ab injuriis in tenerrimâ ejus ætate præservat. Ut verò injuriis Semen ab extra non sit obnoxium; in intimis reclusisque abdominis partibus est repositus uterus; ossibusque Ilei, coxendicis, pubis, ac Sacro, tanquam propugnaculis munitur. At ne nimium elati forent homunculi, inter vesicam & rectum intestinum situs est; ut cum maximè superbiz flatibus sint elevati, se inter sterora & urinas, vitæ primordia accepisse reminiscantur.

Cum verò pars hæc tam altò recludatur, statim ante oculos subijci nequit; ductus itaque & semitam ad illum ducentem perlustremus. Et primò occurrunt Pudenda, Græcis *αἰδοῖον γυναικῆσιν*, pars pilis crispata, pubes etiam dicta. Indè rima magna inter labra consistens, quæ ab osse incipiens, ferè ad anum usque pertingit; ut inter illam & anum, Perinæum transversæ digiti latitudinem vix æquet. Major hæc est quam foramen colli uteri; quia cum ex cute externa fiat, ad dilatationem in sortus exclusionem tam apta non est. Ex conniventiâ duorum quasi labiorum fit, quæ ex corporis tegumentis, cute adipem multam fungosam continente, constant. Diductis his, Alæ in conspectum prodeunt; Græcis *πτερόγυια* dictæ, & *νύμφαι*: quod primæ sponsum admittant. Productiones duæ sunt, utrinque una, ex molli & spongiosâ carne, cute reduplicatâ testâ, natæ. Ad latera externi osculi cervicis uteri oriuntur, & sub labiis testæ, ad commissuram ossium pubis ascendunt, junctæque *Clitoridem* amplectuntur, unde quibus hæc magna est, iis Alæ majores esse solent, quæ in se collabentes externum cervicis osculum exactè claudunt. In coitu etiam sanguine ac spiritibus turgentiores, ac rigidæ, ut Clitoris, fiunt.

Intra has ad commissuram ossis Pubis, Clitoris sita est. Caro quædam nervosa, dura, intus nigricante (ut Penis corpora,) & spongiosâ materiâ plena. Ex tribus corporibus constat, duobus scilicet lateralibus, Clitoris.
O ligamenta

ligamenta à nonnullis, ab aliis crura vocantur, quod ipsis erecta inniti videatur, & ab ossis Ischii tubere interno, distincto principio enascuntur; quæ oblique delata, in unum coeunt corpus, & tertium illud efficiunt, quod è superiore parte commissuræ ossium pubis prodit. In cujus extremitate Glans quædam existit, tenuissimâ cute tecta, tanquam præputio. In hanc arteriæ & venæ innumera, ac majores quam corporis ratio exigit, disseminantur; nervus item insignis à sextâ conjugatione illi conceditur. Quæ ut substantiam eandem cum virili pene, ita usum & figuram obtinuit. Erigitur enim ut penis copioso sanguine, ac spiritu influente, quibus dissipatis, rursus flaccescit, quæ in coitu erecta virili membro se opponens, à quo cum concutitur summam fœminis voluptatem affert, semenque prolicat. Sub hac paulò interius supra cervicis uteri externum osculum, quod Nymphæ circumstant, foramen per quod urinam reddunt reperitur, à vesicâ ducens urinariâ. Circa hunc locum carunculæ quatuor quas à formâ myrtiformes vocant observantur: quæ in quatuor quasi angulis sitæ sunt, duæ à lateribus, una in elatiore parte, quæ cæteris major, ac bifida, & dictum urethræ foramen quasi obturat, alia in inferiore versus interiora, quas conjungit membrana quadam partim nervosa, partim carnosâ, mediocriter venulis & arteriolis referta. Interiùs paulò membrana illa ab Anatomicis tantum decantata, velut septum transversum, adit, Hymen dicta, virginittatis nota, in medio perforata. Quam negare jam nefas esset, tam acriter ab Anatomicis affirmatur. Verumenimverò quamvis Spigelius se in omnibus illam invenire gloriatur, cui bono inserviret nondum demonstravit, nec mihi adhuc constat. Natura certè superfluis, nec abundat, nec in necessariis deficit. At quid illa ad uteri præsertionem, & ab externis injuriis defensionem magis agat quam labia, & Nymphæ, ipsa quæ cervicis uteri in se concidentia latera, non apparet. Aut eorum virginibus magis necessaria esset, quam defloratis? Si illam à natura factam esse volunt, officium ejus naturale ostendant. Si illam idèò fieri dicant, ut virginittatis nota sit, illis respondere liceat, hoc ipsum naturam nullo modo intendere. Quid enim refert ad actionem illam generationis naturalem, an virgo sit vel deflorata? modo speciem propagare possit; cui usui solum partes hæc destinantur. Partes has insequitur uteri cervix, pars rugosa & membranosa, ad uteri os interius ducens, quæ in se concidit, & in coitu undiquaque se peni applicare potest, eumque stringit, & secundum omnes dimensiones se erigit, hæc nonnunquam imperforata invenitur, sed rarè, nec aperiri, nisi sectione, poterit.

Orificium
Vesicæ

Caruncula
Myrtiformis.

Hymen

Uteri
cervix.

Os uteri
internum.

Sterilitas
à visis
interni
oris
uteri.

Deinde uterus se conspectui objicit, γαστήρ Græcè dicitur, Latine Matrix. In os & fundum dividi solet. Os uteri interius, foramen est oblongum, quando connivet tinea piscis os exactè referens, ex infimâ uteri sede protuberans, penis glandem refert, sed paulo obtusius terminatur in medio perforatum. Quod in gravidis adeò stringi dicunt, ut ne angustissimum admittat stylum; In partu verò adeò extenditur, ut fœtui egredienti, licet magno cedat. Si os hoc invertatur, induretur, exulceretur, vel cicatrice obducatur, vel humidum nimis fiat, sterilitas sequitur.

Uteri

Vteri, adhuc tandem sequitur, propriè uterus dictus, pro quo ceteræ ^{Fundus} omnes constituuntur partes. In *pelvis* situs est, cujus magnitudo omni- ^{Vteri.} bus aequalis non est, in virginibus nucem juglandem non multum ex- cedit, quæ sæpius autem conceperint, & eo tempore quo menses ef- fluunt; amplior evadit; quia venæ sanguine magis sunt turgentiores. In gravidis in magnam molem extenditur, & non solum ut vesica; sed per omnes dimensiones augetur; adeo ut postremis gestationis mensi- bus duorum digitorum crassitiem æquet. Figura ejus cucurbitulæ Chi- rurgorum similis est, scilicet ex latiore fundo in angustum os coarctat- ur. Connequitur contemnis partibus, superius per ligamenta lata, membranosa, laxa, & mollia, ut extendi & contrahi possint, ossibus Iliei à lateribus utrinque alligatur. Hæc lata ligamenta vasa spermatica ^{Vteri liga-} Testibus, & deferentia uteri lateribus adducunt, Testesque ipsos in se ^{mentia.} continent. Adeo tamen nonnunquam laxantur, ut fundus uteri in sinum decidat, & os ejus interius extra vulvam excidat, unde fit *Vteri proci-* ^{Vteri pro-} *dentia.* Inferius per ligamenta bina, utrinque unum, infimis partibus alliga- ^{dentia.} tur; hæc corpora sunt teretia, nervea, ac cava, à lateribus fundi uteri propè vasa deferentia, quæ in exortu contingunt, orta, & ad inguina utrinque descendunt, sicut vasa spermatica in maribus, per peritonæi processum exeuntia supra pubis os, in latam ac nerveam exilitatem de- generant, cui Clitoris alligatur. Hæc infra supraque in inguine glandu- ^{Ciliorum.} lis fulciuntur, & propterea uteri humores excrementitii per concava illa ligamenta commode deponi, & accumulari possunt. Et Spigelius refert se in dissectione femine, nimio coitu mortuæ, ligamenta hæc quâ parte utero sunt vicina, plena semine reperisse. Hisce, (ut dictum est) uterus inferioribus partibus fortissimè alligatur, adeo ut mirum videatur quomodo tam impetuosè ad superiora assurgere, & suffoca- tiones hystericas efficere possit. Mihi certe nondum constat, nec pro- rato habendum esse existimo affectionem Hystericam ex illius motu procedere. De qua si Deus nobis vitam ac otium dederit, fusiùs post- hæc expatiaturi erimus.

Substantia uteri membranosa est, fungosa, præcipuè cum utero ge- ^{Vteri sub-} rant; duplicem habet membranam, unam à peritonæo ortam, quæ lu- ^{stantia.} brica est ac lævis, nisi ubi vasa deferentia intrant, aut ligamenta exeunt. Interna aspera est à venarum prominentibus orificiis, præcipuè in men- struatis, aliter vix conspicuis. In gravidis à membranz natura abit, & rubra, fungosa, & spongiosa fit, quod ob spirituum & sanguinis afflu- xum copiosum contingit.

Arterix & venæ per substantiam ejus seinvicem comitantes feruntur: ^{Vteri arte-} aliæ à superioribus, vasis scilicet Spermaticis. Tab. XVII. k k. k. ^{ria.} l. l. l. aliæ ab inferioribus, Hypogastricis vasis provenientes. Tab. XVII. u. u. u. r. r. r. A spermaticis, lunculi fundum uteri petentes, per il- lum disseminantur, & in cavitatem ejus penetrant, quibus in non gra- vidis sanguis menstruus expurgatur, & asperitates illas efficiunt per extuberantia ora, quæ à Veteribus *ærotulidæ* appellantur. Post con- ceptum verò semen in utero, cum osculis venarum & artieriarum, arte- riz cum venis, & venæ cum arteriis in Placentâ conjunguntur, ut san- guinem foetui ministrent. Aliæ arteriæ à ramo hypogastrico, utrinque una, partim per cervicem, partim per fundum disseminantur.

Uteri Venæ.

Venæ ad eundem modum distribuuntur à Spermaticis venis, & Hypogastricis; sed hæ illis multò sunt majores; quæ vasa cùm mulier nec gravida, nec menstruata sit, exilia videntur: ac postea cùm tempus menstruorum fluxuum approximat, & sanguis in venis hæc itabulatur, ad magnam molem sæpè distenduntur. Atque inde proculdubiò sensus ille gravitatis circa lumbos, cum tempus fluxus menstrualis approximat, ex vasorum scilicet distensione, oritur. Sanguis enim licet naturaliter per venas, ab arteriis in cavam propelleretur, cùm copia peccet, & quoad vasa plethoram efficiat, ad viam consuetam quæ evacuari soleat, tendit, & in hæc præcipuè vasis, ubi evacuationem ordinavit natura, copia illa ad tempus statutum accumulatur, & vasa ultra naturales dimensiones distendit. Hoc est, arterix huic officio intervinientes plus sanguinis in venas hæc effundunt, quam per illas transmitti poterit ad cavam. Venarum itaque distensarum ora, ut ab onere levarentur, aperiuntur, & sanguinem eromunt. Sanguis ille menstrualis non solum per venas fundum perreptantes, evacuat, sed & per illas etiam quæ cervici offeruntur, idque sæpillimè in gravidis, præcipuè in primis & ultimis mensibus.

Uteri Nervus.

Nervos ad fundum delatos à sexto nervorum pari, exiles; alios deinde per cervicem, ac Pudenda, plures ac majores dispersos habet; quòd hæ partes sensum exquisitiorem in actu venereo requirebant. Restant jam partes nonnullæ quæ circa uterum adjacentes, illi aliquo modo ministrant. Ut sunt vasa spermatica, de quibus in præcedente Capite diximus. Et Testes quorum descriptionem etiam Capite superiore habetis. Et *Vasa Deferentia* quæ semen à Testibus in uterum projiciunt, à Testium extremitate inferiore orta. Dura, nervea, ac candida sunt per ligamentum latum ac membranosum, quod est ligamentum superius, ad uteri latera tendentia, non tamen recta, ut in viris, sed flexuosè, quia via brevior est, amplitudinem quoque eandem ubique non servant: sed circa testes lata admodum, inde ubi nonnihil recesserunt, angustiora fiunt, ac tandem circa uterum rursus latefcunt; in cujus cornua (hoc est in supremos uteri quasi processus, cornua vitulorum primum erumpentia exprimentes) & capacitatem fabæ magnitudinem non excedentem, inseruntur. Partem autem illorum aliquam in uteri cervicem implantari asserit Laurentius: quam tamen insertionem Spigelius se nunquam reperire posse ait. Ac de duobus

Vasa deferentia.

cæcis foraminibus in cervicem uteri inhiantibus, mentionem facit, è quibus Ierosus quidam humor non parva quantitate exire, & maris penem in coitu madefacere docet. Quid obstat quin furculos vasorum deferentium in foramina hæc inferi dicamus, & humorem tenuem per illa expui, ut in maribus, à vesiculis seminalibus, per foramen proprium carunculâ obduratum, contingit, ob usum prædictum statuamus?

Mensus caeca in uteri cervicem implantata.

Tuba Uteri.

Præter hæc alia vasa circa uterum inveniuntur, quæ à Fallopio inventore *Tuba caeca* dicuntur, non secus utero, ac cæcum intestinum colo, connexæ, à fundi cornibus oriuntur, sursumque oblique è testium regionibus feruntur, suffultæ ligamentis membraneis superioribus uteri; sicque Testes circumdant, nec tamen aut ab iis nascuntur, aut in ipsos ullo modo inseruntur, neque ullum commercium cum illis habent.

bent. Ab ortu suo cavæ sunt usque ad finem, ubi clauduntur & cœcæ sunt: Adeo ut uteri potius appendices esse, quàm aliquo modo Testibus officium aliquod præstare videantur; licet Bartholinus illas pro vasis deferentibus describat, quamvis nullam cum testibus habere communionem ipse fatetur. De illarum usu multum silent Anatomici: neque certi aliquid quod addam habeo; ne fictis itaque posteritati imponere viderer, sileam & ipse. Aliarum partium officia satis ex descriptione patent. Pudenda & cervix uteri pro virilis penis admissione, ut felicius in uteri cavitatem projiciatur semen, formantur; quæ sensus sunt exquisitioris, ob nervos illis allatos; quorum titillatione in utrisque sexibus semen ad excretionem excitatur. Ipse uteri fundus talem obtinuit capacitatem, quâ femine feliciter impleatur, talemque substantiam, ut ab utroque sexu immixta semina promptè amplectatur, & suo calore foveat. Arteriis plurimis ditatus est, quibus & sibi, & incluso foetui alimentum deducitur. Per quas etiam, vacuo utero, totum corpus à plurimis liberatur excrementis, unâ cum sanguine menstruatim effluente. Quæ si in corpore accumularentur, nec consueto more excrementantur per venas ab utero refluentes cum sanguine, etiam forsân inquinato, cerebrumque petentes aut cor, horribilium accidentium sunt auctores.

Capacitas
fundus uteri.

CAPUT V.

De semine ejusque generationis modo & natura.

EX prædictis partes aliquas ad seminis generationem esse destinatas audivistis. Iam verò quid semen illud sit, explorare, altiusque ejus examinare naturam operæ pretium esse ducimus. Authorum diversas, & satis pugnantes opiniones de ejus materiâ, modo generationis, & inde foetus formationis in utero, hic inferere poteram quo magis natura ejus perspiciatur. Illas tamen omnes Lectori relinquere malim, easque ex propriis Authoribus (cum in omnium sint manibus) ut inquirat velim: hic solum nostram opinionem breviter ostendam, quæ si placebit, quod gaudeam habeo, quòd Lectori quovis modo vel prodesse, vel illum delectare possum.

Sanguis cum ultimam in corde perfectionem acquisiverit, alimentum aptum, idoneum & cognatum, cuius corporis particule evadit, (ut in superioribus dictum est) partes enim in se habet, formam, naturam & essentiam particularum singularum continentes. Quæ partes in atomos (ne displiceat terminus) minutissimas divisæ, ac inter se invicem confuse; cum sero, sanguinis vehiculo, *Massam sanguinis* constituunt. At verò cum à se invicem, & ab excrementis separentur; particulisque corporis vi cognationis attractæ & appositæ fuerint; naturam, officium & qualitates illarum particularum, quibus attrahuntur, manifestè indicant; Quæ cum sub alia formâ detinerentur, demonstrari non potuerunt. Atque ita hoc modo successivâ, & continuâ reparatione,

continuatur corpus: adeò ut, quod perpetuà ejus defluxione deperditur, hac particularum cognatarum appositione restauretur: quousque dum talis ex prædominante calore inducatur intemperies, ut sanguis nec rectè elaborari, nec concoctus attrahi, vel apponi possit.

Naturæ itaque Deus cum Individuum (ut peccati poenam luat) semper conservare nolit; Materiæ talem necessitatem impoluit, ut in se exitii sui causam contineret, Calorem scilicet, qui ex perpetuà in humidum depradatione, partes tandem illo prorsus destitutas relinqueret; talem, in partes nobiliores inde inducens intemperiem, ut rectè suo fungi officio nequeant. Speciei tamen sollicitus, instituit, ut cum partes ad justas dimensiones, & magnitudinem requisitam pervenerint, quod ab alimento superfluum est, ad alterius generationem reponeretur. Quod ipsum in animalibus *Testes* efficiunt: qui ex optimo hoc concocto *Sanguine* (ex quo omnes & singulæ corporis particulæ suum eliciunt alimentum) *Atomos* illas singularum corporis particularum formam, naturam, & essentiam, ut dictum est, habentes, eliciunt, & sublimiori arte (quasi Chymicà ut sic dicam) extrahunt, materiæque aptâ, ac tenaci, (ne, cum spirituales sint, facilè effugiant) seponunt ac recondunt. Quorum partem ad ipsorum nutritionem reservant, & apponunt; partem ad *Speciei conservationem* in vasis illi officio dicatis, recondunt. Atque hoc quod sic a Testibus separatur, ac reponitur, *Semen* dicitur, quod verè est à toto *decisum*. Non actu tamen aliquo *consequenti*, quasi à partibus consolidatis decidi possit, (uti nonnulli somniantur); sed *anteceidenti*, scilicet à massâ sanguinis, antequam particulæ corporis in cognatas pro alimento portiunculas separatæ fuerint: hoc est ab atomis illis, quæ ad totius, & singularum partium reparationem, in massâ sanguinis inveniuntur, elicitur & rescinditur.

Semen quid.

Semen quomodo sit à toto decisum.

Semen hoc modo à Testibus, ex massâ sanguinis separatum & elicitum, in partes designatas conservatur, (ut supra ostensum est) donec in locum capacem & aptum exclusum, cum materiâ & calore convenienti convenerit, Individuum tale constituit, quale est ipsum, cujus est semen. Præter Semen autem alia ad vivificationem requiruntur, *Calor* scilicet *temperatus*, qui spiritus corporis dilatare, seu, ut magis propriè loquar, spiritus específicos, animâ specificâ præditos, in atomis hisce latentibus, suscitare, & actuare potest. Secundo, Materia tenax ad includendas spirituales hæc atomos, nè evolent. Tertiò, atque deinde ut materiæ hæc à spiritibus, animæque, calore blando externo suscitatis, extendatur ac figeretur, secundùm formam ac effigiem illius speciei, cujus est semen. Atque hoc quomodo fiat, variè apud Autores, multum verò à seipsis, & à veritate discrepantes edocetur. Quoniam sententias innumeras, longèque inter se dispares, nostrum non est hoc loco enumerare. Nostram verò quamvis à cæteris non minùs distantem, ratione tamen suffultam, breviter hic accipite; quam tamen sanioribus judiciis gratis submitto. Cum verò rerum naturalium inquisitio facilius sit in minimis & imperfectis; ab infimis semen in se continentibus, & primo de modo, quo Semen in Vegetabilibus colligitur, & ex ipso sibi simile producant, incipiemus.

Vegetabilia omnia succum quandam cognatum, & cuilibet proprium, ex terrâ pro nutritione eliciunt; quem mediante radice, à cæteris

teris terrestrioribus terræ partibus, & ab aliis succis illis non cognatis, separant, & purificant: atque inde singulis illorum particulis proprium communicatur alimentum, quo & reparantur, & augentur. Ex *Succo* hoc quotannis Atomis quædam, quæ cuius particule Plantæ, (& sic de cæteris vegetabilibus, semen habentibus, dictum sit) responderint, ac pro ejus nutritione, ex terrâ fuerint selectæ, ab animâ specificâ colliguntur, (idque eo modo, ut Atomis aliæ, ex succo illo pro nutritione frondium inserviente, & quæ frondes futuræ erant, si ab illis attraherentur & apponerentur: aliæ ab atomis in succo cortici cognatis, aliæ trunco, aliæ floribus, aliæ radici) & in minutâ quantitate seponuntur, & in materiâ aptâ, & tenaci reconduntur; quibus Anima illius plantæ Specifica suas facultates, potentias, & partem (ut sic dicam) suæ ipsius communicat, ac diffundit; ac tandem cortice duro, ut ab injuriis externis defendantur, & integri conserventur, investit. Atomis hæc ad hunc modum selectæ, non confusæ, & inordinatæ sunt repositæ: sed eadem methodo, & formâ disponuntur, eundemque locum tenent, quem in plantâ primum è terrâ erumpente, habere videntur; ut atomi pro stirpe invicem collectæ, stipitem quendam minutulum efficiant; pro frondibus, folia quædam efformant, quæ si majora sint, convolvuntur, & implicantur, quæ & postquam è terrâ eruperint, suas plicas, & convolutiones manifestò fatentur. Si minora sint folia, aut semen formam oblongam obtinuerit, recta & plana ut è terrâ emergunt, sunt reposita: ut in seminibus Fraxini. Si Semen parvum sit, ut folia & stipitem expandere nequeat, aliquando (ut dictum est) folia complicantur, aliquando inter bina folia stirps & radix circumversæ latent, præcipuè in iis, ubi cauliculæ sunt productiores, ut in seminibus brassicæ, & Synapi. Ut vero Atomis hæc conserventur, & aliquo modo humore naturali imbuantur, dum cortice duro, aut putamine crassiori includuntur, in aliquibus materia quædam terrestrior & tenax ejusdem penè naturæ cum atomis illas ambit & (ut vitellus & albumen in ovo, pullum, dum adhuc intra testis cancellos includitur,) quasi nutrit & conservat; ut in nucibus avellanis, fabis, pisiss, glandibus & hujusmodi. Hoc cuius facile innotesceat, qui seminum cortices & testas exuens, illorum nucleos diligenter observabit. In seminibus aceris majoris & minoris, ubi semen in cortice penè rotundo, licet alas oblongas conjunctas habeat, includitur; bina folia complicata, & convoluta, cum caule minuto lanuginosâ quadam substantiâ, instar bombycis, involuta inveniunt. In seminibus Fraxini ablato cortice, in medio nuclei folia bina, oblonga, alba, plana, tenuia cum caule habebitis. In nucibus avellanis in illarum medio penè, folia quatuor minutula, quæ in formâ pyramidalis complicantur, cum stipite breviori rotundo, & ad apicem nuclei terminante. In juglandibus ablato cortice & tunica interiori, folia quatuor complicata facile cuius innotescent, & sic in cæteris: Aded ut illud lul: Cæf: Scaligeri exercit. 6. sect. 10. quam verissimum esse hinc certò concludamus; Ubi arborem tunc generare assensu, cum productis semen, non cum è fructu pullulat. In ipso enim semine non solum formam plantæ substantialem, sed & figuram, illam scilicet, quam primum cum terræ vincula eruperit, ostendit, invenietis. Ut ex dictis satis demonstratum est.

Atque

Atque sic Semen fit illius Speciei, unde Atomi descinduntur, & fene ope alterius sexus, planta inde ejusdem speciei enascitur. Atomi verò hæ sic collectæ, & in nucleis reconditæ, cum terræ rursus creditæ fuerint, (tam ut à frigore externo, & brumali conserventur, quam ut illius humiditate, blandus ac benignus Solis calor illis communicetur, quo tenellæ adhuc foveantur, ac suscitentur), tandem suas cristas erigunt, & materiam quâ reponebantur, humiditate terræ absorptâ, extendunt, donec corticis capacitatem superantes, illum dirumpunt: & primò claviculis in terram emissis, illinc succum cognatum eliciunt; quem singulis ejus particulis apponunt. Et tandem ulteriùs suum dominium extendentes, & quantitate & numero auctæ, è terra emergunt, cum iis ipsis numericis foliis, sed paulo extensis, quæ in semine conspiciantur, cortice nonnunquam illorum apicibus affixo, exurgunt.

Quòd vel in putaminibus inclusæ atomi nutrantur, & augeantur; luxuriantes caparum excretiones, etiam dum ad muros domesticos suspenduntur manifestè docebunt. Quæ ex materiâ illa tenaci in parte illarum bulbosâ contentâ, cognatas particulas eliciunt, quæ prioribus unitæ, caules oblongos emittunt; bulbosâ verò pars exarefcit, nisi terræ rursus credantur corpæ, undè novam per claviculas materiam eliciunt & apponunt, donec ad statam magnitudinem pervenerint.

Talem materiam cuilibet plantæ cognatam in terræ particulis ubi vis penè inesse, plantarum in locis determinatis fixatio suadere potest. Illæ enim Quadrupedum more à loco ad locum perambulando, victum & alimentum acquirere nequeunt, sed alimentum cognatum illis vicinum plures plantæ specie diversæ attrahunt, eoq; vigent, & florescunt. Si verò diu in eodem loco persistant, donec totam illam cognatam materiam absumperint, paulatim decrefcunt ac sterilefcunt, & vel quantitate, vel qualitate degenerant, donec tandem nullæ sint. Quòd verò arbores nonnullæ diu in eodem loco vigeant, causa est ampla radicum expansio, quas illæ sæpè per plures passus expandunt. Atque ob hanc rationem plantæ exoticæ, nec pulchritudine nec qualitatibus adeò excellunt, si solum mutaverint, nostrisq; alantur regionibus; quia materia illa cognata quâ alerentur, & tales effectus producerent, desideratur.

Atomi hæ in succo plantarum alimentario, vel totæ & singulæ se in semine recondunt, & radicem & caulem prorsus emortuos deserunt. Vel fugiente sole, vel nimium æstuante ad radices recedunt, & caulem aridum & emortuum relinquunt, secundum naturam plantæ specificam: aliæ enim in semine, aliæ in radice atomos hæc generatrices conservant. Quæ ubi terræ fuerint commissæ ac humiditate ejus, caloreq; blando foveantur, alimentum ex illius visceribus elicientes, sese exferunt, & frondes & caules, ut dictum est, expandunt.

Sexus feminei officium terra præstat, conservationem scilicet, & materiam alimentariam suppeditando. Alterum vero sexus illius officium, partes scilicet magis materiales, & corporales, quibus magis spiritales misceantur, & conserventur, præbendo, in ipsâ plantâ exequitur; De quo, quia in iis, ubi sexus distinctiones inveniuntur, clariùs patebit, hic silebo.

Quod verò atomi hæ generatrices in succo alimentario contineantur, vel inde patebit; quod ex parte plantæ, salicis scilicet, aut hujusmodi, avulsâ, terræque commissâ, sine alterius additione, planta ejusdem speciei, formæ, ac figuræ generatur. Ex succo enim, (cognatas particulas singulis plantæ partibus continente,) Atomi illæ pro radice nutritione collectæ, nullisque cæterarum partium apponendæ, ab animâ specificâ regulatæ locum infimum petunt: Et se in eandem methodum disponunt, qualem in radice, si illi appositæ fuissent, observassent: & que in claviculas distendunt, quibus novam materiam è terrâ pro illarum, cæterarumque partium nutritione eliciunt. Atque sic radices novæ ex solo succo efformantur, è materiâ verò ex terrâ petita magis extenduntur, & ampliantur. Prius itaque generantur seu extenduntur claviculæ quàm è terrâ novus succus eliciatur; sed hæ terræ soboles non sunt, nec alio modo generari possunt, nisi ex atomis illis in succo radici cognatis, & jam in parte avulsâ nullius usus, si novæ radice generationi non interservirent.

Tales autem in plantis esse Atomos, qui nutum animæ persequentes, sese in methodum & formam disponere possunt; aliasque etiam magis corporales particulas, quæ prioribus unitæ, in eam methodum & ordinem in quem sunt dispositæ, conservare ac retinere possunt, ex artificiali plantarum generatione patere poterit. Dum ex plantæ pulvere, (ut à Medico Cracoviensi ex Quercet. in defens. cont. anonym. cap. 23.) ea ipsa generaretur in specie planta, cujus pulvis à Medico reponeretur; & ex aquâ urticæ, (à Cornario ex Libav. Synt. arcan. Chymic. lib. 1. cap. 22.) Urticâ germinasset, & ex liquore quodam rosmarini planta illa pullulasset, ut ab Equite Suffolciensi sæpius fieri mihi narratum est. Hujusmodi etiam plantæ spirituales (ut sic dicam) à prædictis observatæ, bis etiam in fundo decoctionis pro clystere, à Socero nostro conspiciébantur, ubi in decoctione herbarum communium pro clystere, malvæ scilicet, bifinalvæ, violarum, &c. percolatâ, adhuc calidâ, & in patellâ frigori nocturno expositâ, & in superficie superiori paulò congelatâ; crassino mane figuras, & imagines perfectas, tam proportionè, quàm colore herbarum decoctarum invenit; quæ disruptâ glaciè, & aquâ turbatâ statim disparuère. Atque hæ plantarum effigies ex unione proculdubio Atomorum spiritualium, per aquam, (in quâ decoquebantur,) ex herbis elicitarum, contigisse videntur. Quæ cum à frigore externo, aquæ superficiem congelante, detinerentur, ut evolare nequiverint; à calore, adhuc à decoctione, blando remanente suscitantur, & ab animâ actuantur, ita ut nutum animæ observantes, in ordinem ac methodum propriam se disponant, & quæque suum peculiarem acquirant locum; quæ sic dispositæ & collectæ, figuram & effigiem herbarum decoctarum exactè retulerunt. At verò glaciè dissolutâ tenuiores illæ atomi etiam effugerunt, & plantæ illæ supposititæ disparuère. Partes enim magis corporales salis fixi, in stipitibus post decoctionis expressionem remanentes, ac magis terrestres terræ, quibus spirituales illæ atomi in proprio situ, ac methodo à fugâ & confusione retinerentur defuerunt; Quæ cum in plantâ adhuc integrâ fuere, ad eam exactè simul commiscebantur, ut ab invicem distingui, nec sine dissolutione totius separari possint. Adeò ut ex plantâ integrâ, & ex terrâ dudum avulsâ alia ejus-

dem speciei exurgere nequeat; quia atomi tenuiores vel cum plantæ humiditate effugerunt, vel adeo particulis terrestribus ligantur, ut energiam suam ostendere nequeant. At verò cum arte, vel naturaliter, scilicet putredine, spirituales particule à terrenis separantur, & integræ sic conserventur ut nullæ effugiant, blandoque calore foveantur, & lusciantur, si in loco capaci & convenienti, ut se unire possint, contineantur, se ad eandem methodum conformant, quæ antea in plantâ integrâ fuere dispositæ: atque sic effigiem faciunt illius plantæ cujus sunt atomi. Quas licet Spirituales semper vocavi; hoc intelligendum esse volo, cum respectu ad ceteras partes à quibus separantur; & quia cum non colliguntur, in tam minutas Atomos sunt dissolæ, ut vilius effugiant, ac cum uniantur & cohereant, facile in medio transparente sub aspectum cadunt. Quod verò tales in decoctione, (seu potius infusione ubi omnes partes continentur, & reservantur, ut nullo modo effugere possint,) ex plantis artificiosè eliciantur; illarum virium integritas æque in infusione, ac in substantiâ manifestè apparens probare potest. Infusio enim Rhabarbari æque purgat, ac ejus substantia. Atque sic per artificialem hanc (ut sic dicam) plantarum generationem, seminis utriusque sexus in animalibus officium exactè denotatur, ut statim fusiùs patebit.

In Animalibus, etsi varius videatur propagationis modus, dum alia ova, alia vivos fetus pariant: alia sunt sponte viventia, ex luto generata; In eo tamen conveniunt omnia, quod per nullam corporis partem avulsam, sicut plantæ, sed per semen generant, idque ex utroque sexu simul commixtum: Semen autem habet & Mas, & femina, & utrumque prolificum: ut ex Hipp. lib. de genitura & Galen. lib. de Semine, & aliis patet. Hoc Testes utriusque sexus miro quodam artificio (ut supra dictum est) ex massa sanguinis extrahunt, atomosque quasdam quæ pro nutritione singularum particularum Hepatis, Cordis, Cranei, ossium, tendinum, cujusvis manus, brachii, nasi, oculorum, testium, pudendi, cujusvis & singuli muscoli, ac cartilaginis in quavis parte &c. singulis illarum totiusque particulis respondentes eliciunt & reponunt.

Tales verò particulas esse in sanguine, quæ partes in venis capillaribus præterlabentes, ab illis attrahæ & appositæ, iis in alimentum cedunt, antea dictum est. Et quòd ab illis atomi pro seminis generatione à Testibus surripiantur, & à totius alimento subtrahantur, sintque partes ejusdem naturæ & essentia, cum particulis corporis solidis, vel hoc ipsum probat: quòd si coitu crebro, nimis liberaliter vascula illa Semen continentia exhauriantur, totum debilitatur corpus, singulæque partes exsolvuntur, omnesque animæ actiones enervantur, idque magis quam si sanguinis quantitas decupla effunderetur. Partes enim in nimis liberali coitu genuino & proprio alimento defraudantur; in sanguinis verò emissionem minus alimenti, plus excrementi, feri scilicet, aliorumque humorum excernitur.

Atque hoc modo Semen à toto decidi dici potest, integerque fetus, licet parens mutilus sit, generari poterit. In sanguine enim talis fit particularum reparatio, licet partes quibus apponerentur, desiderarentur; Testesque tales à sanguine eliciunt & reponunt, semenque fit perfectum, quod

quod in vasculis seminariis ad tempus coeundi reservatur, & in ipso actu, ex utrisque, tam mare quam femina in uteri capacitatem, solum fecundum, ejicitur. A quo (utero scilicet) alimentum pro augmentatione; & calorem quo foveantur, & suscitentur Atomi, cum animâ specificâ latentem, accipit. Sed cur duplex semen in animalibus ad generationem requiritur, maris scilicet & feminæ? In plantis unicum semen sufficere demonstratum est, cur non etiam maris semen solum generat, & femina solum terræ officium præstat? ad cujus questionis solutionem, naturam feminis utriusque sexus examinemus. Testes ut supra diximus, utriusque sexus Atomos quasdam ex sanguine elicere; easque selectas & repositas, duplicis esse generis, supra in generatione seminum vegetabilium docuimus: *Atomos* scilicet *Spirituales*, ac magis *Corporales*, quibus spirituales connectuntur, & in propriis locis conservantur. In animalibus verò hæc particularum distinctio, feminis etiam diversitatem in differenti sexu producit. Semen masculinum fit ex Atomis spiritualibus, quæ se, (si in locum idoneum, scilicet uterum emittentur.) in proprio situ, ac ordine disponerent, (ut dictum est de atomis spiritualibus plantarum supposititiarum, quibus hæc exactè respondent): sed methodum & figuram illam (uti nec plantæ illæ fictitiæ) retinere nequeunt; ob defectum scilicet particularum magis corporali-um, quæ illas in tali dispositione & situ conservarent. Huic autem officio semen femineum destinatur, quod magis est terrenum, corporale, atque ad actionem ineptum; particulis illis in femine plantarum quibus atomi spirituales restringantur, respondens. At verò & hoc licet corporale magis & imperfectius, à Testibus siquidem, femineis scilicet, eodem modo ut masculinum, ex massâ sanguinis extrahitur: quod in se atomos singulis feminæ particulis respondentes continet. Ad hujus non est tam perfecta ac operosa elaboratio; testes feminei nec energiam tam potentem, nec fabricam tam exquisitam obtinuerunt, ut masculini. Illorum etiam temperies frigidior, atomos illas tam exactè separare non potest. Præterea in maribus ulteriorem elaborationem subit, quam in feminis, non solum enim *testiculû* & *Parastati* elaboratur, sed & *vasis deferentibus* & *Prostatibus* ulterius aliquantulum perficitur. In forminis verò à *vasis spermaticis præparantibus dictis*, atomos eliciunt testes, iisque nullam ulteriorem elaborationem subeuntes, ad tempus coitus conservantur. Nihil miri itaque videatur, si semen femineum, licet ex iisdem atomis cum masculino, singulis scilicet corporis particulis respondentibus, consistat, magis corporale dicamus. In operationibus enim cæteris corporis; aliæ aliis magis sunt laboriosæ, aliæ magis exactè excrementa fecernunt. Lactæ venæ chylum ab excrementis alvi rudi modo separant. Pancreas illum aliquatenus accuratius examinat, Hepar vero illum adhuc diligentius tractat, magisque ab excrementis distinguit; quæque secundum propriam suam naturam, & temperiem, officium suum peragunt, & ex eadem (ad sensum) materiâ res planè diversas effingunt. Sic & Testes feminei ex eadem materiâ, sanguine scilicet, atomos eodem modo quo masculini eliciunt, sed particulis terrestribus & magis corporalibus involutas, ut seipsas movere & disponere nequeant, nisi ab aliis magis spiritualibus actuentur, & in proprium locum redigantur.

Cum itaque in coitu, utriusque semen in locum aptum & idoneum, ad illud conservandum & fovendum, (Uterum scilicet feminae,) ejiciatur; & simul inter se spirituales masculinae cum magis corporalibus feminae atomis, in utero retentae commisceantur; ejus calore blando ita simul foventur & suscitantur, ut animae specificae regulatae, in proprios locos, & in eandem methodum se disponant, quam in corpore habuissent, si ejus particulas apponerentur. In talem verò ordinem dispositae, ob unionem & connexum cum particulis terrestribus seminis feminae, sic conservantur, ac vinculis quasi constringuntur, ut nullo modo effugiant, neque ab invicem conturbentur.

At verò licet ex seminibus duplicis sexus constituatur foetus, non tamen ideo magis, fetum duplicem ac geminum illine enasci, dici poterit; quam flamma ascendens in unico pyramide, quae ex diversis ligni poris, aut binis lignis prosiliret, duplex & gemina flamma est; aut quod mixtum sit ex variis elementis, non est unicum corpus.

Atque sic quomodo utriusque semen ad fetus generationem conspiceret, ostendimus, quorum unionem conceptio fit. Ad diem autem septimum, in fetu humano, Atomis omnes perfecte in propriis locis sunt dispositae, singulaque corporis rudimenta effinguntur, ut ex psalterii illa apud Hipp. patet, Plantarum semina ex terrâ, uti diximus, succum pro alimento & augmentatione arripiunt. In animalibus verò arteriarum oscula in uteri capacitatem aperiuntur, paulatimque effluit sanguis, qui cum ab Atomis adhuc absorberi nequeat, nec viam quâ ducatur adhuc invenerit, calore uteri benigno concrevit, eamque substantiam efficit, quam *Placentiam* vocant, quae postea firmiori valorum unioni inservit, arteriarum enim illa ora in uterum inhiantia, cum venis in foetus involucri conjungit & firmat. Adeo ut cum membranae illae, & vasa in illis disseminata perficiantur, sanguis copiose satis fortui offeratur. In septem autem diebus à conceptione insequentibus, dum Atomis pro fetu in propriis locis se disponunt, tenacior & viscosior seminis pars in membranas induratur, filamenta & quasi stamina prima fetus investientes. Quae plures venas, & arterias in se continent, & cum venis ac arteriis in uterum inhiantibus, per placentam uniuntur, in quibus sanguis variè percurrentes, tandemque rursus in unam collectis venis, Umbilicalem constituentibus, foetui ad umbilicum offertur, & inde inter filamenta discurrens, spatia illa inania replet, atque circa Hepatis vasa effluens, illud statim efformat, unde ad cordis filamenta deferretur, illaque infarcit, & inde vasis ordinatis, singulis corporis partibus communicatur; unde cognatas partes pro alimento singulae eliciuntur particulae.

Atque hoc modo singulas partes fetus generari & conformari existimamus; quod verò nunc mas nunc femina producat, illud ex diverso seminis dominio, vel maris vel feminae contingere dicere possumus. Testes enim utriusque sexus Atomis singulis corporis partibus cognatas, ut dictum est, eliciunt, masculinae pro maribus, particulas scilicet pro pene, testibus, &c. convenientes, & proprias separant. Si quidem femininae pro femineis, pudendo, utero, & mammarum, aliisque particulis, quales in muliebri corpore inveniuntur, reponunt. Iam verò cum utriusque sexus Atomis in semine simul in utero confundantur & misceantur

miscantur, quæ magis sunt activæ, & in alteras jus habent, seu maris seu feminæ fuerint, Sexum distinguunt. Et si Atomi feminis feminæ, præcipuè quæ ad partes muliebres attinent, fortiores fuerint, ac masculinas vel energiâ, vel quantitate superant, fortis indè generatur femineus. Partesque illæ in semine masculino, mari propriæ (Atomi scilicet pro pene &c. propriæ,) cum vel pauca, vel debiles fuerint, vel pereunt, vel aliis confusæ, ad conformationem aliarum partium conceduntur. At verò quia Atomi hæc in semine feminæ seigniores sunt, & magis terrestres: licet in masculinas jus habeant; non tam citò se in ordinem redigere possunt; quin plures dies ad opus illud perficiendum, teste Hipp. requirant: secundum cujus doctrinam foemellæ partes ad dies 42. & maris vero ad 30. perficiuntur.

Ob hanc etiam rationem, ab Atomorum scilicet utriusque sexus commistione, in feminibus conceptis accedit, ut foetus partes alias matri, alias patri similes; nasum patris, labia atque oculos matris, frontem verò & mentum patris, & sic de cæteris, habeat; prout atomi hæc vel illa in feminibus dominantur, partes hujusmodi vel illiusmodi conformantur. Siquidem quò magis atomi feminis masculini in particulas feminis feminæ jus habent, eò robustior ac fortior evadit foetus feminæ; & econtrà quò plures, vel pauciores atomi feminæ dominium agunt in foetu masculino, eò debilior, magisque vel minus effeminatus generatur foetus masculinus.

Cur aliquando in foetus conformatione sit partium defectus, aut mala formatio; cum in locis propriis & à naturâ destinatis non inveniantur, sed vel alium locum, vel figuram non naturalem occupent. Ut cum pedes seu brachia in latere, vel alio præternaturali loco figantur, &c. Ex hoc feminis generationis & conformationis modo faciliè illustrari poterit. Atomi (ut dictum est) in semine ab animâ cum semine tractatâ in partium conformatione, illarumque dispositione regulantur, quæ si in opere ab instituto quocunque modo avocetur, Atomos etiam inde malè disponi, ac ordinari necesse est. Hæc autem operis deturbatio ut plurimum (nisi in semine sit aliquis defectus) fit ab imaginatione turbatâ matris, vel per objecta externa subito terrorem incutientia, vel imaginatione solùm, conceptis terribilibus & horrore plenis, ut in melancholicis sæpiùs accidit. Quocunque autem modo fiat, adeò turbatur imago, ut (vel aliud exemplar animæ atomos disponenti repræsentando, vel illam prorsus ab opere avocando) ab eo, quod secundum naturam absolutura erat, anima desistat. Atomi interim hæc conturbatio confusæ, nec ab animâ regulatæ, propriæ methodi oblitæ, non suos peculiare ac proprios locos petunt, sed vel singulæ invicem confusæ, confusim & inordinatè se disponunt, & uniunt, ac monstruosum quiddam inde generatur. Vel si partium singularum Atomi adeò uniantur, ut suas partes conforment, & congruè se unire possint; propriis tamen in locis (ob formationem turbatâ, antequam perficiatur,) non inveniantur; ut cum particulæ pedibus destinatæ, non particulis crurum, sed lateris, humeri, aut capitis jungantur, atque illine pedes protrudantur. Vel aliquando Atomi nonnullarum partium adeò cum cæteris confundi possunt, ut partes quæ ex illis formari debuerint, planè desiderentur. Quomodo verò hæc confusio, & turbatio Atomo-

rum in semine fiat turbata matris imaginatione, inquirendum est. Mihi consentaneum videtur, mediante animâ traductâ cum seminibus conceptis fieri. Quæ cum sit ejusdem naturæ, eadẽmque habeat potentias, & facultates cum illâ, à qua propagatur, necesse est ut eadẽm haberet etiam affectiones. & in omnibus cum illâ consentiret, præcipuè cum adhuc intra sphæram ejus, ac sub illius dominio operatur. Hinc proculdubio, animâ matris vehementer turbatâ, accidit, ut etiam illa in semine partes conformans, atomosque disponens cum animâ matris consentiens, inde faciliè turbaretur, & ab opere avocaretur. De tempore verò quando hæc sunt, dicendum est in illo temporis spatio fieri oportere, cum atomi proprios locos acquisiverint, nondum in iis sint confirmatæ, quod paucos post dies à conceptione fieri existimamus.

Atque hoc modò Sexus distinctionem, & fortis temperaturam, quàm optimè delineari posse putamus, sine divisione illâ Seminis in utroque sexu, in partes masculinas & formineas, secundum Duretii doctrinam. Quam raram prorsus & inauditam assertionem, a Viro tam insigniter docto prolatam, sicco pede præterire non licet, sed in illius examinationem paulò insistentium esse operæ pretium fuisse putamus. *Vt in Viro* (inquit) *sic in Muliere semen virile, multebreg, uest.* Atque ex hac divisione triplicem sexus forminei distinctionem hunc in modum excudit. *Si Viri Semen semineum,* (inquit) *vincit virile mulieru; inde nascuntur viragines, biduo menstruales, & diebus duodecim puerperales. Si Viri semenem vincat ipsum Mulieriu, Mulier inde nata, erit boni habitus, succi plena, triduo Menstruatu & 27. Menstrualu. Quod si semenem Mulieriu ju habeat in Viro semenem, inde nata mulier erit mollissima, &c.* Sed cur talem feminis ejusdem sexus differentiam posuit? Entia certè sine manifestâ necessitate non sunt multiplicanda. At nulla datur necessitas cur semen utriusque sexus, etiam sexus haberet, & in virile ac formineum divideretur; probabilem illam triplicis sexus forminei distinctionem aliter solvi posse (salvâ reverentia viri tanti, alteriusque penè Hippocratis) putamus. Si enim Atomis seminis forminei à particulis terrenis, ac debilioribus liberentur; ac cum Atomis feminis virilis, magis activis uniantur, illasque solum in illis particulis quæ ad sexus distinctionem attinent, pro partibus scilicet muliebrilibus, vincunt, inde nascitur virago: ad cujus compositionem, & viri & forminx Atomis puriores ac calidiores, sine frigidarum admixtione, conferunt: atque hæc ob temperamenti rationem, viro scilicet quamproximè, solummodò biduo est menstrualis; quia ob calorem corpus habet perspirabile, illudque forsan magis exercet. Si verò semen formineum debiles frigidæque Atomos in se contineat, atque jus habeat in Atomos viriles, etiam debiles forsan, & minus activas; inde nata mulier erit mollissima, corpusque habet *δυσσπέρην*, vix perspirabile; inde carniæ, & venarum major, magisque nauseabunda repletio; inde torpor & ad motum ineptitudo, otiosa vita, quæ magis sanguinem frigidum, crassum & ad fluxum minus aptum accumulans: Corpus enim cum sit frigidioris temperaturæ, minus est perspirabile, ideoque major feri quantitas reservatur, exigua est etiam sanguinis distributio, quia minus à particulis absorbitur, ideo necesse est, ut major sanguinis quantitas ad menstrua hanc purgationem referretur; qui cum frigidus ac lentus sit, non tam celeriter expurgatur, sed

sed quinque aut saltem septem dies requirit ad justam purgationem. Vt enim mollissimæ celerius replentur, Viragines autem lærius, referente Dureto, ita illz quidem diutius, hæ vero celerius purgantur. Si vero semen utriusque parentis æqualiter misceatur, solumque in atomis præpartibus muliebribus formineum semen vincat virile; inde nata mulier erit boni habitus, corporis solidi, non tam perspirabilis ut Virago, nec tam constipati ut mollissima; ergo & menstrualem purgationem inter utranque tenet. Atque sic xnygma illud Clarissimi Dureti perspicue absolvi posse putamus. Ex prædictis etiam quascunque objectiones Seminis generationem, atque ex illo fœtus conformationem obscurantes, quam facillimè dilucidari posse animadvertimus. Hinc etiam similitudinis ortum, tam temperie, quam morbis, virtutibus etiam ac vitis parentum denotari; hinc etiam figuras & stigmata parentum, in fœtus imprimi dicere possumus.

CAPVT VI.

De Membranis fœtum involventibus.

Post seminum maris & feminx in utero conjunctionem, atomorumque (ut dictum est) in locos proprios dispositionem; ex quibus stamina & lineamenta totius corporis fundantur, ex crassiori seminum parte, (parte scilicet ad atomorum conservationem ordinatâ) tunicas & obvolucra ad fœtus præsertionem natura molitur. Quæ quia ad varios usus inservirent, diversas ordinavit; Quarum prior & interior Amnios dicitur, ob molliem & tenuitatem, fœtum immediate tegens, in quâ multus ac copiosus humor reperitur, cui fœtus innatat, ex sudore & sero expirato, rursus condensato. Membrana hæc omnium tenuissima est, cujus interior superficies lævis, & humecta, fœtui nusquam nisi ad umbilicum, vasorum umbilicalium beneficio adnexa. Arteriz & venæ hoc involucrum implicant, ab umbilici vasis principium mutuuntur; tenues sunt ac gracilimæ, quia multi alimendi hic non opus sit. Membranâ hac nonnunquam capiti obductâ fœtus prodit, & in masculis galea, in feminis vitta dicitur, eamque religiose & magnâ cum superstitione asservant mulieres. Neque ab his modo, sed & occultis Philosophis (inquit Vesalius) summopere expectitur. Qui enim hac membranâ velati nascuntur, mira facturi sunt; & si eam comederet Mas, vel secum portaret, ab armorum injuriis tutus ubique fore vulgo creditur, si furto surrepta sit, miserrime vitam agere. Reverâ verò qui membrana hac obrecti in lucem prodeunt, sapissimè illorum debilitatem fatentur qui à membranâ se commodè liberare nequeant; atque sic omnimodò falsum non est illos vitam longè magis miseriorem aliis esse traducturos. Quod probat Spigelius exemplo cujusdam matronæ, quæ supersticiosè hæc involucria servabat, liberos verò illis membranis galeatos, usque ad pubertatem non pervenisse refert.

Hanc

Allantoidea
des.

Hanc sequitur *ἀλλαντοειδής*, secunda membrana, quam in humano foetu reperiri, a multis anatomicis negatur. Eam verò facile reperiuros esse docet Vesalius, si à Placentâ prius in gravida muliere dissolutionem auspicarentur, aliter propter ejus summam tenuitatem abruppi contingit. Allantoïdes itaque est membrana tenuissima, alba, mollis, tam in uteris muliebribus, quam aliorum animalium; exiguis venulis & arterioliis ad nutrimentum prædita, inter Chorion & Amnion mediâ, non tamen totum includens foetum, sed eâ tantum parte tota conclusâ, quæ placentâ cooperitur. Mearui Vrachio dicto adnectitur per quem urinam ex foetus vesica suscipit, & ad partem usque retinet.

Chorion.

Exterior Chorion dicitur, quod per ipsam sanguis & nutrimentum *χορίου*, hoc est, permeat ad foetum. Est membrana crassa, alba, multis venarum, & arteriolarum furculis in placentam desinentibus, in minimis ramis divisis insignita. Parte internâ qua foetum respicit levis est & lubrica, quâ verò uterum spectat inæqualis, ob connexionem cum placentâ. Cujus usus est, ut non modo foetum undiquaque tegat, ac velet; sed ut radices etiam venarum & arteriarum tutò accipiat & conservet.

Placenta.

Huic obvolucro in parte externa in brutis adhærent plurimæ undiquaque partes rotundæ, verticilli seu cotyledones dictæ, ex carnosâ & spongiosa substantia constantes, quibus utero connectitur. In muliebri autem utero plures non sunt Cotyledones, sed per unam rotundam, depressam (placentæ instar, unde nomen suum desumpsit), & subrubram quandam massam, alteri tantum ejus parti, nunc dextræ, nunc sinistræ, ad posteriora verò magis vergentem, Chorion utero adhæret. Quæ cum ab utero separatur, asperitatem quandam carneam illi adhærentem relinquit. Asperitas autem illa in utero relicta, nihil aliud est quam sanguis, circa ora vasorum concretus. Siquidem Placentam (quæ a parte illa vi quadam separatur, & abrupitur, atque idèò utrinque papillarum formam representat) sanguinem esse concretum rectè statuere possumus. Cum enim Atomini omnes in seminibus se disposuerunt, & membranz incrustari inceperunt; Sanguis ad nutritionem & augmentationem ab utero per arterias offertur. Arteriarum itaque ora, quæ in mensibus purgationibus in uteri cavitatem inhiare solent, jam sua ostia paulatim, sanguinis copia aliquantum distenta, expandunt, & sanguinem effundunt. Qui cum evacuari, ut solet, non possit, quia uteri osticium jam arctè clauditur, & uteri cavitates foetu impletur, ob motum amissum, quo in arteriis & venis perpetuò ageretur, concretis. Ob perennem tamen ejus effluxum, viam aut invenire, aut facere cogitur. Perteneras itaque & nondum perfectas membranas diffundit, suolque canales variè undiquaque per totam membranam chorion dictam disseminat. In quâ etiam postea in unum simul colliguntur, & inde unum vas, umbilicalis venæ nomine signatum, constituitur, quod ceteras membranas penetrans, ad umbilicum foetus deferitur, per quem ad hepatis locum tendit, & cum illius venis unitur, ut postea fusius ostendemus. Atque sic placentam hanc seu massam sanguinis concretam ad vasorum connexionem inservire videtis.

Placentam

Placentam hanc cotyledones appellarunt Antiqui, quia in brutorum tantum dissectionibus erant occupati, ubi in partes plurimas, cotyledonum formam representantes, est divisa. In hanc abortionis causam posuisse videtur Hippocrates Aph. 45. sect. 5. *Quæcunque (inquit) corpore bene constituto bimestres abortiunt sine causa manifesta, his sanè cotyledones mucosæ abundans, eorū, sit ut præ gravitate sætis potentes esse non possint, sed disrumpantur.*

Hoc est, si humore pituitoso, & mucoso vel obstruantur, vel illinantur ora vasorum, vel alimentum fœtus denegatur, vel ob viscosam pituitam adeo glabra vasorum orificia efficiuntur, ut amplius coherere non possint; sed ob fortis gravitatem solvitur nexus, & unio vasorum deperditur, & sic nulla fit sanguinis ad fœtum administratio, & proinde abortus fit.

CAPVT VII.

De Vasis Umbilicalibus.

REmotis membranis Vasa Umbilicalia dicta, quia umbilicum perforant, apparent. Quæ quatuor sunt, vena una; dux arteriæ & Vrachus, vas quoddam urinam ex vesica fœtus deferens: quæ comuni quadam tunicâ integuntur.

Vena umbilicalis ex scissurâ quadam hepatis in fimbriâ ejus anteriore sita, prodit, & per geminas peritonæi membranas delata, ad umbilicum tendit, nonnunquam geminata, uti in vaccis semper reperire solebam. Spigelius ramum quendam ad mesenterii centrum demittit, ac cum Portæ ramo præcipuè conjungi observavit. Cum autem umbilicum superaverit, per fœtus membranas disseminatur, & præcipuè in membranâ chorion dictâ, ubi per anastomases quasdam, circumjectâ placentâ, cum arteriarum osculis in uteri cavitatem inhiantibus unitur, atque sic ex uteri arteriis in ora venæ hujus pene innumera sanguis propellitur, & ad fœtum inde emandatur.

Vena Umbilicalis.

Arteriæ item dux sunt, quæ originem ducunt ab arteriis Iliacis fœtus, paulò scilicet infra divisionem Aortæ; atque inde utrinque per vesicæ latera ascendentes, unâ cum Vracho ad umbilicum tendunt; atque inde cum venâ umbilicali per membranas disperguntur, & tandem ora sua in venarum uteri orificia insinuant, & in ea onus suum deponunt. Cum enim sanguis per arterias maternas in fœtus canales minimos propellatur, ne copiâ ejus caloris naturalis igniculi obruantur, & ut fœtus supplementum particularum sive atomorum in sanguine cognatarum, & nutritioni interservientium à matre de novo semper recipiat, necesse est ut sanguis ille, à quo fœtus atomos cognatas attraxerit, nullo modo in ejus vasis stagnaret, sed ad matrem rursus deferatur, cui forsân in alimentum cedat, & novus semper in locum ejus substituat. Cum itaque vi cordis materni sanguis per arterias ad fœtum propellatur; sic etiam vi pulsus cordis fœtus sanguis ab ejus ventriculo sinistro in aortam, & inde in cæteras arterias impellitur, unde hæ arteriæ umbilicales suam

Arteriæ Umbilicales.

Vena arteriarum Umbilicalium.

Q

originem

originem ducunt, & per has pars sanguinis ad matrem rursus redditur.

Harum autem officium vulgares Anatomici ad spiritus vitales à matre ad fœtum ducendos esse docent, atque ideo ab arteriis uteri originem ducere asserunt. Sed hoc illorum officium merito increpavit Spigelius, cum spiritus vitales non à matre provenire, sed in fœtus corde generari docet, idque ulterius oculari demonstratione illustrat. Si (inquit) vitales spiritus à matre procederent, ligatus arteriis umbilicalibus, arteria in chorio supra ligationem versus matrem pulsarent, sed arteria & cor fœtus infra ligationem non pulsarent, quia impedirentur spiritus isti vitales qui sunt causa pulsus. Sed ligatus istis arteriis cor & arteria in chorio non pulsant, ergo à matre non proveniunt spiritus vitales: Præterea cur non omnibus animalibus arterias umbilicales habentibus convenit? pullus dum in ovo manet, vitales spiritus à gallina non recipit, sed ipse spiritus generat. Hisce & similibus argumentis commotus concludit Spigelius; Credendum est (inquit) contra omnium Anatomicorum hæcenus receptam opinionem arterias has umbilicales factas esse, ut spiritus vitales à corde fœtus transmitti possint ad externas partes fœtus, nempe membranas illum involventes, ad calorem vitalem illis partibus tribuendum, quo motum sanguinis à matre per venam umbilicalem in jecur fœtus transfluentis acceleraret, ac prohiberet attenuando ne concreceret, arterias enim (inquit) per latera venarum apposuit natura, ut scilicet earum motu, venarum sanguinem indefinenter propellente, attenuarent.


Sed hæc sententia non magis quam prior mihi aridet. Quod arteriæ umbilicales Spiritum vitalem ad fœtum Cor non deferant, (præter experimentum illud Galeni & Spigelii, non minus ingeniosum quam verum;) valvulæ in orificio Aortæ ad ventriculum cordis sinistrum abundè attestantur. At quod in membranis arteriæ solum ad sanguinem in venis attenuandum pulsent, haud facile concessero, licet motum in sanguine ad ejus præservationem esse necessarium fateamur, illum tamen hoc modo conciliari negamus, sed motus ille fit ab impetu cordis, sanguinem cum violentiâ extra in arterias, & ab illis in venas propellente. Motus autem arteriarum in membranis fœtum involventibus, motui sanguinis versus fœtum prorsus contrariatur; sanguinem enim pro fœtus nutritione à matre derivari, ab omnibus est concessum, motus vero arteriarum est à fœtu versus matrem, ut ex allato ipsius experimento demonstrari poterit. Atque sic motum sanguinis, à matre per venam umbilicalem in jecur fœtus transfluentis, non acceleraret arteriarum motus, sed potius impediret. Neque hoc modo à concretionem sanguis prohibetur, per singulos enim venarum furculos arteria ad latera non apponitur; hoc solum majoribus ramis conceditur: In minoribus autem quibus arteriæ non adjunguntur, sanguis facile concrecere poterit. Aliud itaque officium pro arteriis est inquirendum; nostramque de illarum usu sententiam supra declaravimus; Eumque illis, quem cæteris omnibus arteriis convenire animadvertimus, meritò attribuendum esse duximus.


Quartum umbilici vas est Vrachus, qui ex fundo vesicæ ortum habet, qui in homine perinde ac in brutis est pervius, contra Bartholinum, qui illum impervium statuit. Per hunc urina fœtus excernitur, contra prædictum Bartholinum, qui per penem semper in amnion externi existimat, quod omnimodo falsum esse plurimis exemplis probat Laurentius, quorundam

dam scilicet adultorum, qui in urinx suppressione, eam per umbilicum reddiderunt. Hoc etiam in puerulo quodam Oxoniensi, annos novem vel decem, (cum hæc scripsimus,) agente, manifestè appareret. In quo à partu nullæ unquam apparuerunt partes, quibus sexus distingui potuit; neque foramen aliquod, per quod emitteretur urina aderat, sed omnia glabra & solida usque ad anum apparuerunt. Paulò verò infra umbilicum ipso integro & clauso, cutis ad latitudinem duorum digitorum excoriata, rubra & aspera visa est, atque inde urina guttatim exsudavit. Inferior pars abdominis, ad regionem scilicet vesicæ, tumebat, & sapius super laxa eminentia, & cellulis procumbere ad ventrem compremendum, ut inde vesica exinaniretur, coactus fuit. Quod verò infra umbilicum exudavit, clauso & integro umbilico, illud accidisse ex stricta vatorum umbilicalium ligaturâ arbitramur. Vnde cum nec per umbilicum, ut in utero solebat, nec per viam aliâ secundum naturam constitutam urina excerni potuerit, quam non invenit natura, fecit viam, & infra umbilicum eo ligato cutem exedens urina erupit, & ad hoc usque tempus guttatim effluxit, cutemque erosit & excoriavit. Præterea cavum esse urachum inde docetur, quia per illum vesica inflari potest. Sed hic cum exteris vasis post partum in ligamenta degenerat. Vena umbilicalis evalescit, & hepæ ad umbilicum ligat. Arteriæ dux siquidem arescunt, in ligamenta lateralìa vesicæ abeunt, Urachus vero vesicam umbilico annectit, eamque sustinet, ne quando urina distenta sit, cervix ejus comprimatur, atque sic urina supprime-retur.

Partes jam omnes nutritioni & procreationi inservientes, tam viriles quam muliebres explicavimus, quæ etiam in gravidarum uteris, in fœtus siquidem ventre inferiore, adultis dissimilia inveniuntur, propo-suimus. Cætera verò cum in thorace sint, pro secundo libro ventrem secundum explicante, reservanda esse duximus: atque sic hujus ventris inferioris enarrationem absolvimus.

LIBRI PRIMI FINIS.





CORPORIS HUMANI
DISQUISITIONIS
ANATOMICÆ
LIBER SECVNDVS.

CAPVT I.

De medio Ventre seu Thorace.

IN priore libro partes omnes primæ Regionis, seu ventris infimi expeditimus. Ad *Ventrem medium* jam chylum in sanguinem mutatum perduximus, in quo etiam illius circuitum, & progressum ad partem quamlibet demonstraturi sumus. At primo partes ipsas paulò consideremus.

Partes hanc constituentes regionem, sunt vel communes, vel propriæ. Communes toti corpori convenientes, in priore libro sunt transactæ. Propriarum alias quia instituto nostro minus respondent, & passim apud Autores describuntur, nominare sufficiat, reliquas verò in quas magis fundamenta nostra nituntur, accuratius examinare statuiamus.

Regio hæc media *Thorax* dicitur, quæ inferiùs Diaphragmate, superiùs claviculis, anteriùs sterno, sede posticâ vertebris dorli, à lateribus utrinque costis terminatur. Hanc verò regionem latius extendebant Veteres; Hippocrates huic etiam Abdomen adjunxit, ut ex scriptis constat; ubi Hepar in Thorace esse locatum narrat. Hæc partim ossæa est, ad partium vitalium munimentum; partim carnea, ut faciliùs extendatur. Si enim ex unico ossæ constaret, omnis tolleretur motus, sicque nulla foret respiratio; si carnea tota foret, immobile super quod musculi moventes niterentur, desideraretur, atque sic nullus esset motus.

Thorax.

Thoracis
partes con-
tinent.

Continet
ita.

Thoracis partes contentæ sunt cor, pulmones, aspera Arteria, Oesophagi pars (cujus historiam in priore Libro absolvimus) Venæ cavæ & Arteriæ magnæ portiones, membranæ intersepientes, & Diaphragma. Continentes sunt eadem quæ in inferiore ventre inveniuntur, & membrana *Pleura* dicta, cavitatem ejus internam investiens, & exterius Mammæ, ac muscoli thoracis proprii, & nonnulli brachiis assignati, cum vertebriis, colliis, & scapulis.

CAPVT II

De Mamillis.

Mamma.

Vlui prius occurrunt Mammæ, quarum situs nulli non est conspicuus. Figuram habent globosam & nonnihil fastigiatam, in papillam, quam *ὄζον* vocant, teretem & mediocriter crassam desinentem, magnitudinem habent decentem. Quæ omnia si concurrant, non saltem elegans pulchritudo inde emergit, sed & ad lac generandum aptissimæ tales habentur. Si enim vel parvitate vel magnitudine nimiam peccent & à mediocritate illà desciscant; multa incommoda inde oriri poterunt. Si parvæ nimium fuerint, ad lactis generationem non sufficerent. Si grandes nimium, lac copiosum nimis continent; atque sic inflammationibus & cancro magis sunt obnoxie. In Indiâ Orientali referunt Geographi mulieres adeo longas & laxas habere, ut eas possint in terga reflectere. Et Scaliger refert se vidisse Virginis juvenulæ mammas brachiorum latera & ventris superiorem partem occupare. De quibus etiam scribit Juvenalis:

*Quis tumidum guttur miratur in Alpibus? aut quis
In Meroen crasso majorem infante papillam?
Nempe quod hic illis natura haud omnibus una.*

Hujus magnitudinis causa est vasorum amplitudo, & partium fungosarum in mammis laxitas, sic à prima conformatione ordinata. Constat tamen hic virium & Hepatis robur multum sanguinem generans; otium item, somnus multus & mensium fluxus parcior, sicut præcipue frequens manuum contrectatio, quæ calor & sanguis copiosior ad eas attrahitur, ut in iis videre licet qui multoties infantes lactarunt.

Mammæ
non sub-
stantia.

Substantia illarum glandulosa est, ex pluribus glandulis multâ adipe, (quæ dat æqualitatem & planas efficit) veis & arteriis connexis, conflata. In viris glandulæ illæ plerumque non inveniuntur, aut quam parvæ & aridæ. In obæis tamen multa pinguedine attolluntur; sicuti & in efforminatis: tamen nec figurâ nec substantiâ foraminarum mammis similes sunt. Sed ut Aristoteles 1. de hist. animal. cap. 12. scribit, mammarum muliebrum caro fungosa est & foraminulenta; in viris spissâ & arida, & propterea lac non generat. Ut quod Alexand.

Benedict.

Benedict. Cardanus, Vesalius & alii referant, viros quosdam in mammis lac habuisse, illud inter naturæ rariora opera, ac præter naturalem ejus institutum fuisse credendum est: feminis enim solum quæ fortus in utero gerunt, lac in mammis secundum naturam conceditur, quo fortus post partum, tanquam succo familiari & cognato aliquandiu nutriatur, donec cibis solidiores concoquere possit. Vnde apud Gellium mammarum fontes sanctissimi corporis, ejusque educatores elegantissimè nominantur. In puellis glandularum minus apparent; in luvenculis magis, signumque habetur pubertatis, cum enim in molem attolluntur, generationi aptæ viroque maturæ existimantur. In prægnantibus magis magisque augmentur, & inter signa gravidationis recensentur; cum fortus enim movet, tunc mammarum inturgescunt: hoc fit tertio quartovè mense. Sanguis enim menstrualis retentus & accumulatus, nec in partium conformatione nec nutritione consumptus, si ad uterum, uti solet, afflueret, ac in vasis ejus restagnaret, fortus suffocationem atque abortum causaretur. Provida itaque Natura partem hujus ad mammas emittit, atque inde distensis vasis, & ipsæ attolluntur. In quibus (perfectus cum sit sanguis, & ab omnibus liberatus excrementis) peculiari facultate quadam (qualis in Testibus reperitur,) alteratur & in colorem candentem rubor ejus mutatur.

Ex mammis etiam indicia sumit Hippocrates de conditione uteri, lib. 6. epid. sect. 5. text. 18. *Si mammarum* (inquit) *papilla, & quod in eis rubet, pallescat, morbosum est vas.* Nomine vasis, uterum intelligit, qui Græcis conceptaculum seu vas dicitur. Non minùs etiam de conditione & valitudine fortus in utero existentis, per mammas judicat. Ut aph. 37. sect. 5. *Mulieri* (inquit) *ingravidata si mamma repente extenuetur, abortus.* Hoc fit, si sanguis qui mammarum vasa, & consequenter ipsas mammas in principio gravidationis in molem attollebat, in uterum irrueret; foetum tunc suffocaret & abortum efficeret, & manumque necessario subsiderent. E contra aph. 52. sectionis ejusdem. *Si cum Mulieri* (inquit) *gravida è mammarum lactis copia profusus, infirmum esse foetum significat, vel mortuum, unde sanguinem vel non ritè attrahit, vel omnimodo respuit.* In mammas itaque regurgitat; quæ copiam distentæ lac profundunt. *Si autem solida succi, plena fuerint, saniores esse foetum indicat.* Foetum enim nec propriâ infirmitate, nec succi alibilis inopiâ periclitari significat. Sexum insuper, in foetu illas indicare innuit Hippocrates aph. 38. sect. 5. *Mulieri gravida* (inquit) *si altera mamma extenuetur, ac gemellos gerat, alterum abortus, si dextra extenuetur marem abortus, si sinistra feminam.*

Mammæ in feminis geminae sunt. Cabrolus verò obs. 7. quandam quatuor habuisse mammas omnes lac fundentes. Quasdam etiam observatum est, nullas habere mammas femineas, sed saltem viriles. Ita Cardanus de varietate rer. lib. 8. cap. 43. Mulherem fuisse refert virilibus duntaxat mammis, quæ tamen adeò prolifica fuerat, ut quandoque geminos ederet.

In harum medio, quasi centrum omnium vasorum ad illas tendentium, cernitur Papilla. Cujus substantia (referente Vesalio) substantia Penes virilis quam proximè accedit. Est enim nervea quodammodo cutis, substantiâ spongiosâ oppleta, quæ erigi, & vicissim laxari, non minus quam penis, apta & pari sensu prædita est. Has verò aliquando defi-

Papilla.

deficere observatum est, idque vel ab ortu, vel post illarum ulcera. Interdum etiam duplices vidit Hollerius, ut ipse refert inter rara num. 6. Nonnunquam etiam adeo in mammis latent, ut ab infantum labiis apprehendi nequeant. Tales hoc modo absconditas, curavit Amarus Lusitanus applicando phialam vitream, oris circumferentiam strictam habentem, quam aqua ferventi impleri iussit, atque ilico ab ea aquam deponit, cujus phialæ sic calentis os ad papillam admovit: quæ cum frigescere rursus, aërque inclusus à frigore externo contipari, seu potius ad naturalem consistentiam revertere inceperit, ne daretur vacuum, papilla attollitur, labor enim minor est, minusque patitur natura papillam latentem sublevare, quam aërem in statu contra ejus naturam continere.

Vasa mam-
maria.

Vasa quæ ad mammas feruntur sunt duplicis generis, alia ad nutritionem, alia ad sanguinem è quo lac conficiatur, ducendum. Ab axillaribus ramis proveniunt arteriæ & venæ ad nutritionem partium externarum mammarum. Vt Tab. XVII. η. η. η. i. i. i. Inter quas sanguinem benignum & floridum spiritibusque scattentem deducunt arteriæ i. i. i. i. suis sociis, venis ejusdem nominis adjunctæ, & per anastomasin unitæ. η. η. η. in quas onus suum deponunt;

Arteriæ &
venæ mam-
maria.

atque hæc superfluum, quod à partibus absorberi nequit, in Axillarem venam η. Δ. reducunt. A Subclaviis α. α. α. Δ. Arteriæ & Venæ Mammariæ dictæ nascuntur; quæ partibus internis & Glandulis sanguinem proferunt. Tab. XVII. δ. δ. δ. ε. ε. ε. Hæc verò præter communem inter se & cum prænominatis anastomasin, qua sanguinem ab Aortâ deductum, in venam sibi sociam arteria hæc propellere solet, ut ad cavam rursus reducat; cum aliis etiam uniuntur, ut cum vasis Epigastricis, & mammariis externis. Vbi arteriæ Thoracicæ seu mammariæ externæ, cum venis mammariis internis uniuntur Tab. XVII. σ. σ. σ. & arteriæ mammariæ δ. δ. cum venis Thoracicis η. η. conjunguntur etiam. Vt Tab. eadem τ. τ. Vbi verò suos ramos mammis largitæ fuerint, rectâ ad latera sterni, utrinque una arteria, venaque una descendunt; & cum ad Mucronatam Cartilagine[m] pervenerint. Thorace simul egrediuntur, deorsumque per Rectorum musculorum faciem internam procedunt, donec ferè ad umbilici regionem appulerunt; ubi pluribus anastomasis cum ramis Epigastricis Tab. XVII. ι. 3. ibidem obviam factis uniuntur, coeuntque. Epigastrica

Vasa Epi-
gastrica.

autem vasa ab Iliacis ramis oriuntur, rectaque per musculos etiam Rectos ascendunt. Tab. XVII. 3. 3. & ad umbilicum cum mammariis conjunguntur; non ut vulgò ab Anatomicis describuntur, venæ scilicet cum venis, & arteriæ cum arteriis, sed arteriæ mammariæ descendentes. Tab. XVII. δ. δ. δ. cum venis Epigastricis 3. 3. Descendentibus coeunt, ut Tab. XVII. *.*.*. Et Arteriæ Epigastricæ ascendentes, cum venis mammariis descendentes inoculantur. Atque hinc mirabilis ille consensus. Hic enim sanguis à ramis Iliacis, & consequenter ab utero ad mammarias venas deducitur; atque inde in prægnantibus mamma attolluntur, lac generatur, & lactantes raro mensum fluxum sentiunt: quia sanguis qui in non lactantibus, aut non gravidis, circa uteri vasa stagnare, vel menstruatim effluere solebat; jam per arterias Epigastricas ad mammas deferretur, easque attollit, atque

atque in lac mutatur. Et è contra ablactato fœtu, sanguis qui ad mammas per arterias mammarias, & Epigastricas deferri solebat, ad uterum emandatur, ac menstruatum evacuat. Hinc etiam mensium fluxus per mammas, & lactis per uterum, sæpè animadverti Medicorum observationes testantur. Et ob hanc communionem, menstrualis fluxus immoderati curam indicat Hippocrates, non minus subitam, quam tutam aphor. 50. sect. 5. *Si Mulieri immoderatus fluentia menstrua vis imbibere, quam maximam cucurbitulam mammis affigito.* Scilicet ut sanguis qui per arterias mammarias versus uterum in menstrua purgatione effluere solebat; affixâ cucurbitulâ retardetur; & ab Iliacis arteriis qui jam jam ad uterum erat fluxurus, per arterias Epigastricas sanguis ad mammas derivetur. Consensum vero hunc inter mammas & uterum per arterias Epigastricas ideò contigisse rectè statuere possumus, quod ab arteriis Iliacis. (à quarum parte superiore Epigastricæ illæ ad mammas tendentes nascuntur,) in parte inferiore prodeunt arteriæ Hypogastricæ dictæ, uteri fundum ac cervicem irrigantes, cum venis ejusdem nominis. Tab. XVII. u. u. u. u. arterias, & s. r. r. r. r. venas ostendunt. Vnde ob ortus utriusque vicinitatem, partis etiam utriusque oritur iste consensus.

Consensus
inter mam-
mas & ute-
rum unde.

Arteria
Hypoga-
stricæ.

Inter Mammarum usus decor ille elegantique venustas formis ab illis conciliata, ab Anatomicis recensetur pulchritudo illa quæ ad amorem masculos invitat; & invictos non raro vicit hostes. Vti Galenus ex Euripide de Menelao scribit, quod cum stricto ense in Helenam, quasi eam occisurus, ferretur, ubi eam videret, stupore adeo correptus fuerit, ut gladium tenere non potuerit. Verum finis præcipuus ob quem formis conceduntur mammae, est lactis, pro fœtu edito alendo, generatio. Dein ratione situs cordi velut propugnacula inserviunt, quod verò officium in formis proculdubio est secundarium, contra Aristotelem. In viris autem ideo concessas esse dicamus, ut inde calor cordis augeatur, & ab externis injuriis tutò defendatur. Hoc ipsum probat Spigelius. *Observatum est (inquit) à nobis sæpius, si quibus viris mamma paulò majores contigere, eosdem suâ naturâ frigidiores fuisse.*

Fœminis
quare mam-
mæ conce-
duntur.

Viris quæ
res.

Illarum carni insita est vis illa γαλακτοποιητική; cui alia similis in toto reperire non liceat; atque inde secundum Galenum peculiare arguitur officium, ut supra, quod ab effectu, vis γαλακτοποιητική dicitur, virtus quædam lac efficiens. Atque hæc mamma inest gratiâ temperamenti peculiaris, & substantiæ proprietate, non multum ab illâ Testiculorum differente, quâ sanguis redundans in illis contentus coloro alteratur, atque inde fœtui idoneum præparatur alimentum. Ideò vero colorem mutari asserunt Philosophi; ne à diuturno sanguinis conspectu, etiam à partu; crudelis animique ferocioris reddatur. Heurnius illud excrementum benignum tertiæ coctionis vocat; at minùs rectè, non enim est excrementum, sed ex puriori & optimâ sanguinis parte conficitur. In quo tres manifeste reperiuntur partes, Butirofa, serosa, & caseosa pars. Butirum oleosæ & calidæ est substantiæ; corporibusque calidioribus penè totum in bilem vertitur. Serum substantiæ est aquosæ, salis tamen aliquid admistum habet: aqua enim omnes partes salas resolvit; atque ideò abstergit magis, alimenti verò minus habet. Caseosa pars frigida est & sicca. terreæque naturæ particeps; atque igitur magis

Mamma-
rum offi-
cium.

Lactis 1722
partes.

alstringit, & alimentum inde assumptum crassum est, magisque terre-
stre. Harum autem multæ sunt vires, ut sunt animalia ex quibus lac su-
mitur, ut est sanguis, ut sunt pabula, ut est anni constitutio, sic lactis
quoque sunt discrimina varia. Bubulum enim lac pinguisimum est, &
butiri plus continet, quam aliorum animalium; ideo magis scabiem &
impetigines bilemque generat. Ovillum plus casei habet; Caprinum
vero inedio modo se habet, nunusque obstructions parit; nec tam
corpori noxium habetur. Lac autem quo tenuius & magis serosum est,
eò facilius coquitur, celerius per ventrem descendit, minus obstruit;
verum & minus alit. Lac etiam ratione victus, quibus utuntur anima-
lia, variatur: nam aridæ herbæ crassius lac præbent, melius vero viri-
des & succulentæ. Quantum autem cibus lac mutare poterit, ex Hipp.
patet, 6. epidem. *Si Mulier aut capra (inquit) elaterium, aut cucumetem
silvestrem comederit, lac infantibus est purgatio.* Imo si lac capri qui elaterium
comederit, nutrici porrigatur, nutricis lac infanti erit purgatio. Multis
conveniens est alimentum. Hæticis atque emaciatis vix aliud præstan-
tius invenitur; verum in corporibus impuris faciliè corrumpitur, mul-
tosque generat morbos, ac incommoda multa, quæ recenset Hipp. aph.
64. sect. 5. quibus etiam ventriculus vel frigidior fuerit, vel calidior,
bonum non est. *A plurimo enim calore in nidorem, id est, in adu-
stionem; à paucis in acorem abit.* Vti Heurnius Commentario in præ-
dictum aphorismum testatur? Omnium autem præstantissimum ac con-
veniens infantum corporibus alimentum, est lac fermeum, quod no-
stris naturis quam proximè accedit, & statim è ventriculo descendit;
Hoc verò præcipue maternum præstat; cùm nihil aliud sit quam san-
guis ille qui sortum in utero formavit, ac nutrit: atque ideo ut par-
ticularum corporum infantum magis conveniat, est necessè. Ut verò in-
fantes modo nati eo feliciter nutrantur, quod optimum est, eligatur.
Boni itaque lactis conditiones sunt perpendendæ, sive sit matris, sive
nutricis alienæ, quæ vel à substantiâ, colore, sapore, & odore sumun-
tur. A substantiâ. Primo, Bonum lac nec nimis tenue, nec nimis
crassum sit, sed consistentiæ mediocris, hanc ut cognoscamus, unguis
instilletur, si subsistat, & nec statim instans aquæ diffuset, nec reclinatum
immo tum hæreat, bonum est. Vel à colore; album sit, & quo magis
ab hoc recedit eò deterius ælimatur: & vel cruditaris, vel adustionis,
vel humoris alieni admixti est indicium. Tertio, A sapore: sit dulce
& gratum: si enim insipidum sit, cruditatem; si acidum intemperiem
frigidam; si salsum, acre, aut amarum fuerit, intemperiem calidam,
humoresque vitiosos admixtos arguit. Quarto, Ab odore, sit boni &
suavis odoris; quæ omnia si non rectè accedunt, faciliè in ventriculo
infantis corrumpi potest: ut profit enim, oportet ut, ex facili co-
quatur, in nidorem non vertatur, ex facili etiam distribuatur, non
acefeat. Quæ omnia ut rectè fiant, prædictæ conditiones sunt ne-
cessariæ; quæ ut plurimum in lacte materno inveniuntur. Ex
lacte etiam præter temperiei similitudinem, mores, imò & figuras
externas nonnunquam infantibus communicari est observatum. Ita
quendam lacte caprino nutritum, cùm adolevisset, semper saltare soli-
tum immoderatus, plantasque, ut capræ solent, arrodere petulantius
observatum fuisse, narrat Sennertus. Merito itaque reprehenduntur
dimidiatæ illæ matres, quæ nutricibus alienis suos infantes exponunt.

*Lactis bo-
minis unde
agnoscitur.*

Si verò ob matris debilitatem & morbum aliquem necessariò alia nutritrix sit adhibenda. sit sana, boni habitus, coloris rosei, & menstrualis secundum nonnullos, ac cum matris constitutione conveniat, nisi eam corrigere possit, non sit lusca, sit ætatis vegetæ, bene morata, non sit primipara, & lac sit nec nimis recens, nec vetus, mammas benè conformatas habeat, utatur bonâ dietâ.

CAPVT III.

De Thoracis musculis & ossibus.

Musculorum descriptionem satis accuratam passim habetis, siquidem & ossium; minus itaque nostro indigent labore. Illorum nomina duntaxat nostra producet pagina.

Sunt autem musculi brachia moventes, & intercostales (quorum numerum esse 24, volunt Anatomici) partes præcipuè continent Thoracis: Quorum usus est ad brachiorum & Thoracis motum conciliandum. Præter musculos, ad robur (ut dixi) & thoracis distensionem, conceduntur ossa: & hæc vel costæ sunt, vel vertebræ. Vertebras carinam vocant; quia ut ad carinam tota ædificatur & proportionatur navis; sic ad vertebrarum Spina, ad spinæ proportionem reliquus conformatur Thorax. Vertebrarum itaque longitudinem spina, crassitiem verò costæ, quæ iis inferuntur, sequuntur. Spina quæ in vertebrarum cavitate continetur, *funiculus argenteus* ob præstantiam vocatur, cum nihil aliud sit quam cerebrum elongatum, quod toti corpori infra caput spiritus animales subministrat. Vertebræ dicuntur ossa parva hujus carinæ, sic dicta quòd per ea corpus varie vertatur. Excavatz sunt omnes in parte postica, ut medullam spinalem contineant; deinde alia sunt foramina lateralia minora pro nervorum egressu, & introitu arteriarum cum venis illarum comitibus, pro nutritione medullæ hujus spinalis, eiusque membranarum, interservientia.

Vertebræ hæc per articulationem à parte posteriore connectuntur, à parte anteriore per *σύνσπον*, & cartilaginibus magnis & ligamentis validis obfirmantur; quæ prohibent nè spina versus interiora luxari possit. Accidit tamen nonnunquam ut ob debilitatem horum vinculorum, à catarrhis & humoribus ea nimium humectantibus & laxantibus; introitus vertebræ luxentur. Cui luxationi si circa lumbos accidat, renum vitia superveniunt, & plerumque sunt infæcundi, quia commercium illud sanguinis necessarium ad seminis generationem à compressione vasorum spermaticorum, per vertebra luxatas circa lumbos unde vasa illa suam petunt originem, impeditur. Vasorum horum principium in priore libro descripsimus. Si plures vertebræ ordine sese consequentes simul luxentur, minus periculum est, quam si una saltem dislocetur; quia in obtusum magis angulum desinens, medullam spinalem minus comprimit; si una vero saltem luxetur, compressio erit in angulo magis acuto, atque sic medulla periculosè compressa, omnem

Musculi thoracis eorumque usus.

Ossa thoracis.

Spina quid. Funiculus argenteus. Spina usque. Vertebra unde dicat.

spiritibus denegat transitum. Aliquando à partu etiam incurvantur; nonninq̃uam a causis evidentibus; quocunq̃ue autem accidat modo hæc gibbositas, maximè respirationi ac pulmonibus est inimica, illis enim compressis bronchiæ pulmonum sicile explicare non possunt. Ec tales in febres magnas incidentes, ob spirandi difficultatem facile intereunt, ac sæpillimè ante pubertatem moriuntur. Hipp. aph. 46. scit. 6.

Costæ

Costæ vera
9^æ.Spuriæ seu
nullæ.

Hiscæ Vertebri inarticulantur *Costæ*; quæ parte anteriore sterni cartilaginibus connectuntur. Costæ sunt vel veræ, vel nothæ. Veræ sunt septem superiores, ita dictæ quia magis circulum perficiunt, & cum sterni perfectam habent articulationem. Spuriæ seu nothæ sunt quinque inferiores, sic dictæ, quia minores sunt, nec sternon attingunt, vel scilicet fiat ventris infimi dilatatio. Hæ etiam nonnunquam extra suos alveolos deturbantur, lapsu aut percussione, ac nunc supernè nunc infernè, nunc intro luxantur. A causis etiam violentis continuitatem non rarò amittunt; quæ in locum rursus reponuntur, vel per tussim, aut manum, aut istis malè succedentibus, per emplastrum aliquod maximè adhaerens impositum, subitoque sublatur; & à nonnullis per cucurbitulas costæ fractæ impositas, reducuntur; sed malè, nec sine periculo, cum metus sit majoris inflationis, atque inde inflammationis; ob affluxum humorum eò conciliatum.

στίπρον.

Costæ omnes veræ sterni attinguntur. στίπρον autem sic dicitur, quia in medio costarum sternitur, & anteriorem thoracis partem constituit, subjectasq̃ue custodit. Ex pluribus conflatur ossibus, quæ in nuperrimè natis præter os primum ac superius, omnia cartilaginosa videntur; contra verò in senibus totum osseum est, quasi ex unico saltem constaret osse. In cartilagine quandam latam, obtusè desinentem, (ob figuram *Ensiformem* dictam) definit; quæ ante ventriculum pro munitamento quodam apponitur. Quæ si fortè introorsum prematur, vomitus perpetui ac nausæ, & inde tabes superveniunt; quæ nullo modo sisti possunt, priusquam attollatur hæc cartilago, & in locum proprium reponatur. Et hanc solum ob causam Infantes sæpè Atrophiâ pereunt.

Cartilago
ensiformis.

κλειδιά.

Sterni
figura.

In parte elatiore & anteriore thoracis adstant claviculæ, κλειδιά dictæ, quod thoracem claudant, & instar clavis, scapulam cum sterni firmit, unde hisce fractis statim decidunt scapulæ. Figura illarum non multum à litera S apud Latinos variatur. In feminis autem minus recurvatur quam in viris; quod ad majorem venustatem contigisse ajunt: hinc enim foveæ in sceminarum colli lateribus, minus sunt conspicuæ; hinc etiam & minus agiles ad projiciendos lapides existimantur.

In infimâ cujusq̃ue costæ parte, sinum quendam canali similem, secundum earum longitudinem habent, ut tria illa vasa ad vitam & motum necessaria, Arteriam, Venam & Nervum suscipiant & conservent. E quibus Arteriæ Tab. XVII. H. H. H. ab Aortâ immediate emergentes, singulis costis, ac illarum musculis intercostalibus, ac membranis investientibus, sanguinem floridum ac nutritioni aptum adducunt; quod superfluum est, reducunt venæ ejusdem nominis Tab. XVII. I. I. I. & in venam sine pari Tab. XVII. L. K. K. remandant. Quæ sic in costarum sinibus absconditæ, ut tuto divagentur,

tur, musculis intercostalibus ramulos deorsum emittunt. In dissectione itaque pro Empyemate observandum est, sectionem nullo modo in parte costæ inferiore esse instituendam, ne vasâ hæc illic perreptantia lædantur: sed in superiore, inter quintam & sextam; vel in superiore parte sextæ costæ transversim, secundum musculorum fibras, fieri debet.

Vasâ hæc cum furculis vasorum axillarum. Tab. XVII. *i. i. x. x.* *a. v. v. v.* per Anastomases manifestas *u. u. u.* conjunguntur. Intercostalium arteriarum *H. H. H.* ora inter musculos foras exeuntia, cum furculis venarum Thoracicarum. Tab. XVII. *i. i. v. v. v. v.* intro subeuntibus connectuntur. Ideoque Pleuritis notha, (quæ est dolor in partibus extremis, & inter musculos) in veram & exquisitam sæpè degenerat: per metastasin scilicet sanguinis corrupti & inflammati ab arteriis externis thoracicis Tab. XVII. *i. i. i. x. x. x.* in venas intercostales pleuram perreptantes. Hanc vasorum unionem, præter ocularem demonstrationem mihi confirmavit experimentum quoddam, in dissectione canis gravidæ ac viventis observatum. Cum autem venam sine pari, in quam se exonerant intercostales, aperuissem, lacteus quidam humor sanguine mixtus ab intercostalibus effluxit, ejusdem prorsus naturæ cum illo in mammis tunc exsistente, quem humorem ab arteriis Thoracicis & mammariis acceperant.

*Pleuritis
notha.*

Præter vasâ hæc intercostalia, alia etiam inter Thoracis musculos insignia inveniuntur. Arteriz scilicet Thoracicz, superior, Tab. XVII. *i. i.* & inferior. *x. x.* ac Scapularis [*v. v.*] ab Axillaribus *a. a. a.* emanantes, musculos pectorales benigno sanguine irrigantes. Per thoracis externam penè & lateralem superficiem percurrunt. Hisce adjunguntur venæ ejusdem nominis [*i. i. v. v.*] quæ illis per anastomases unitæ, superfluum reducunt sanguinem, & in venas Axillares [*a. a.*] reponunt. Per anastomases etiam cum venis intercostalibus, ut supra, ac mammariis Tab. XVII. *i. i.* conjunguntur, *v. v. v.* & arteriæ mammariz Tab. XVII. *d. d. d.* cum venis Thoracicis uniuntur. [*v. v. v.*] Undè consensus ille inter mammas & uterum supra dictus oritur.

*Arteria
Thoracica.
Scapularis.*

CAPVT IV.

De Pleurâ.

THorax cavitatem internam succinctam habet membranâ forti. Peritonæo crassiori, cujus originem à membranâ medullam spinalem investientibus accepit. Tunicæ hujus medullæ cum nervis ex spinâ egredientes, in cavitate hac, sicut & in inferiore regione, in latum se distendunt, & in membranam Pleuram dictam degenerant: quam denominationem Græci dederunt ἀπὸ τῶν πλευρῶν, à costis, quibus subtenditur.

Membrana hæc ubique duplex est, exterior verò alteram costis alligatam robore & crassitie superat. Inter quas vasâ omnis generis excurrunt, arteriæ scilicet, sanguinem ab intercostalibus ad nutritionem deducentes, venæ etiam superfluum sanguinis in intercostales evomentes:

Pleuris.

*Pleuris
ubi sit.*

ac nervi unde spiritus, sensus principia acquirit. Inter has sæpè pleuritis accidit, quæ exquisitissima est, doloresque hæc multo sunt acutiores, quam inter pleuram & intercostales musculos, qui sensum tam exquisitum non obtinuerunt.

Superficies ejus interna lævis est, & oleoso quodam humore illita, ex vaporibus à sanguine elevatis, ac contipatis, à densitate hujus membranae vapores cogente, ut in alembico, ut expirare nequeant. Ab hac internâ superficie nervæ quædam substantiæ nonnunquam prodeunt; quibus pulmo pleuræ alligatur, tales in dissectione bis tantum nobis conspectæ sunt, in puero scilicet febre malignâ in civitate Sarum vitam commutante anno 1640. cujus lobi pulmonum dextri adeò sibi invicem, pleuræ, ac Diaphragmati ubique hæserunt, ut vix vi separari possint. Siquidem in feminâ eodem anno suspensâ finitros lobos pleuræ & Diaphragmati firmiter ligatos perlustravi. Atque hæc licet lobos dextros liberos habuit, anhelosâ tamen & asthmatica ab ortu fuerat. Non itaque respirationi inserviunt, sicuti nonnullis placuit, ut scilicet pulmones ad distentionem thoracis feliciter moverentur. Si vero (inquit Spigelius) nimis strictæ fuerint, cum pulmones liberè moveri nequeant, Dyspnœam perpetuam eamque incurabilem inferunt. Et talem affectum sine dubio semper contigisse meritò statuamus; cum in omnibus non inveniatur, quod fieri debuit, si ad respirationem essent necessariæ. Sed infra sine hujus respirationem fieri docebimus, ergo & has omnimodo præter naturam fuisse, & vel à pituitâ crassâ & viscidâ induratâ, vel ab ulcere malè sanato, vel ab ortu, naturâ in conformatione inordinatè operante, contigisse dicamus.

*Pleura
magnitudo.*

Magnitudo ejus tanta est ut Thoracis cavitati internæ respondeat, & singulis ejus partibus tunicam impertiat; scilicet pulmonibus, cordi, ejusque capsulam constituens, Aortæ, Cavæ, Oesophago ac diaphragmati tunicam largitur. Omniaque contenta viscera (sicut in inferiore regione Peritonæum) investit, membranasque thoracem interfingentes, Mediastinum dictas efficit; atque hinc verum ejus usum perspicimus.

*Mediasti-
num.*

CAPVT V.

De Mediastino.

Mediastinum, & Cordis Capsula, licet inter partes contentas enumerari soleant, tamen quia à Pleura suam petunt originem, illam in tractatione sequuntur.

*Mediasti-
num quid.*

Mediastinum est membrana duplex, quæ à Galeno *ὁπίσθι διαφραγματος* dicuntur. A thoracis medio ad spinam utrinque, singulæ à pleurâ reduplicatâ ortæ, secundum ipsius longitudinem superne deorsum ad diaphragma, & à vertebra ubi pleura reduplicatur, ad sternon feruntur. Non obscurè duplex est, ut Pleura, sed conspicuè, ut tantum intercedat spatium, quanta est sterni latitudo. In canibus juxta Diaphragma tantò à se invicem separantur, ut pro quinto pulmonum lobo,

in

in hominibus desiderato, spatium amplum constituent. In quam cavitatem, si vulnus penetret, sine periculo esse poterit. Interstitium hoc ad sternon amplum est, membranæ tamen per fibras quasdam sibi invicem annexis, cum verò ad vertebrae appropinquat magis angustatur, & membranæ committuntur.

In cavitatem hanc vapores flatuque crassiores contenti, cruciatus ac dolores acutissimos excitant ad sternon, membranæ scilicet istas divellentes, fibrasque quibus invicem connectuntur, violantes.

Membranæ hæc Pleuræ sunt tenuiores, & molliores extrinsecus, quæ pulmones respiciunt, læves ac sæpe circa vasa adipe refertæ, inveniuntur; ita ut omento assimilari possint, inquit Bauhinus.

Hæc etiam nonnunquam inflammationem patiuntur, ac dolor ad sternon cui alligantur percipitur; non tamen adeò pungens, ac acutus, ut in pleuritide: quia laxæ in medio thoracis consistunt, in pleurâ autem quia costis firmatur, distensio dolorem magis acutum reddit. Morbus tamen multò periculosior multoque vehementior, ob febrem continuam, & cordis vicinitatem; & si protrahatur, ægri pthisi correpti moriuntur.

Arterias accepit ab Aortâ, quæ sanguinem superfluum per venas minores in intercostales expuunt, quibus per anastomases conjunguntur. Nervos item à sexto nervorum Pari recepit.

CAPUT VI.

De Pericardio seu Cordis capsulâ.

EX Mediastini membranis conflatur cordis capsula, (ut suprà dictum est,) cor totum cingens; cujus etiam figuram ac pœnè magnitudinem æmulatur. Membrana continua est, nisi in basi; ubi à duplici cavæ exortu ab arteriâ pulmonariâ in parte dextrâ, & in sinistrâ ab Aortâ & venâ pulmonaria perforatur.

Pericardium.

In hac capsulâ aquosa quædam substantia accumulatur, quæ à vaporibus, humoribusque serosis in vapores elatis, ac densitate hujus membranæ constipatis, condensatur; Quæ ratione temperamenti magis vel minus copiosè invenitur. In pueris enim, foeminis, & temperamenti frigidis, iisque qui sero abundant, affatim colligitur. In calidioribus serosa illa materia magis consumitur: corpora enim illorum poris magis abundant, magisque inde expiratur. Hinc observatum est (inquit Spigelius) quibus jecur aut lien obstructionibus laborant, (ideoque copia humoris aquosi in venis coærvatur, quia tantum aquosa & tenuior chylis pars ascendit) si quando nimio animi affectu, & potissimum morore afficiantur, ob nimiam hujus humoris copiam, in Capsulâ hæc accumulata, cordis palpitatione corripi. Coloris est in sanis limpidi, in hydropicis urinæ turbatæ similis; in aliis, præcipuè febre morientibus acutâ, loturæ carniū assimilatur; ut in puero, quem anno 1640. dissecuimus, observavimus.

Vasa ab iis accepit, quæ Mediastino offeruntur. Usus est, cor in medio & loco naturali, in quacunque corporis positione retinere. Deinde aquam hanc perpetuò conservat. Cujus dignitas & usus est magnus; Cor enim exiccatum motu continuo humectat, asperum lubricat.

Illam

Illam verò interdum præter naturam augeri, ut cor liberè moveri nequeat, supra ex Spigelio dictum est; ita ut inde cordis palpitatio exoriat, uti etiam Galenus §. de locis affectis. At male certè copiam hujus humoris palpitacionis causam esse posuerunt; quomodo enim copia illa in corde concitatiorem motum, ut in palpitacione, conciliare poterit; cùm secundum illorum doctrinam motum ejus impediat? Contra, si aqua ista deficiat, causam Marasmi esse soleat; At forsan rectius dici poterit, defectum illum consequi Marasimum, ejusque esse effectum, non causam: à calore scilicet præter naturam, humiditatem absumentem. Vermes etiam aliquando in pericardio genitos fuisse observatum est, talesque cordis tremore, anxietate, & syncope infestari. Aliquando planè deest membrana hæc; cujus rei historiam narrat Columbus: tumores etiam in illà deprehendit Galenus §. de locis affect. in dissectione simiæ, quæ indies entiaciebatur, quam post mortem dissicans, tumorem in Pericardio insignem invenit, qui humorem, qualem hydatides emitte solent, continuerit. Affectus hi non nisi post mortem inveniuntur, & ut cognitu sunt difficiles, sic plarique curatu sunt impossibiles.

CAPUT VII.

De Septo transverso seu Diaphragmate.

Diaphragma
me.

Diaphragma ab Hippocrate *φειvis* & *διαφειvis* dicitur, ἀπὸ τῆς διαφείναι, quod separare significat, ventrem enim inferiorem à medio separat; vitalia à naturalibus, estque terminus thoracis ab infra, ideoque inter partes continentes recensendum.

Septus seu.

Septum hoc transversum est musculus, ab omnibus aliis maximè differens; cujus situs est transversus & obliquus, ob thoracis ambitum obliquum, cui exactè interiùs adhæret. Parte enim anteriore sterno adnascitur; sicque per costas nothas oblique descendens, vertebrae lumborum petit. Figuram habens orbicularem, in medio seu centro, cauda est; circa quam circulus carneus annectitur; qui quo propius ad costas accedit, crassior evadit, cujus fibræ à centro circuli membranosi, tanquam radii ad circumferentiam sparguntur extremam, quibus musculus se constringit.

Ejus canales.

Duo insignes canales illud trajiciunt; à sinistris, & nonnihil posterius, Oesophagus, cum duobus nervis ad ventriculum descendentibus; à dextris in parte nervosa, Vena Cava, Aorta, & Caudex Venæ carentis pari, rimam ejus super vertebrae transcut, quam rimulam propriam ejus ligamenta ad lumbos porrecta, efficiunt.

Tunica.

Vnde intestinarum retractio ab inflammatione diaphragmatis oritur.

Duplicem mutuatur tunicam præter propriam, unicam à pleurâ thoracem succingente: alteram à Peritonæo, infimum ventrem interiùs investiente. Atque hæc illi ad robur & firmitatem, nè vi aliquâ oblata, illo disrupto, totum periclitetur ædificium. Et ob hanc rationem, scilicet quòd à peritonæo tunicam accepit; in inflammatione diaphragmatis, dum ob inflammationem illud contrahitur, peritonæum etiam ob

con-

consensum retrahitur; & cum eo viscera omnia ventris inferioris; & hæc contractio in morbis malam edit prognosin, referente Hipp. aph. 26. sect. 1. prognost.

Arterias habet ab Aortâ Phrenicas dictas. Tab. XVII. M. quæ per totam ejus substantiam disseminantur. Hisce comites adjunguntur venæ ejusdem nominis, Tab. XVII. N. N. quæ sanguinem à diaphragmatis nutritione superfluum, ab arteriis, per anastomases cum illis unitis, recipiunt, & in Cavam deponunt: quibus autem, ne à cavâ refluat, apponuntur valvulæ insignes, non solum ad introitum in cavam, sed & in disseminatione illarum per totum diaphragmatis corpus, plures invenire licet.

Nervos item accepit à quarto, quinto, & sexto Nervorum pari vertebrarum cervicis: Ramus enim tertius quarti paris, cum furculo quinti paris, & ramo sexti junctus, juxta Mediastinum, supra Pericardium deorsum procedit, ut ex tribus hisce principiis nervus Diaphragmatis extruatur dexter, in latere dextro; similiter in sinistro latere sinister: qui inter quartam & quintam cervicis vertebram prodeunt; quorum sinister infra cor, dexter supra cor descendentes, Diaphragmati, propè corpus ejus nervosum, inferuntur. In parte inferiore (referente Bauhino) nervulos quosdam à stomachico nervo accepit.

Ufus Diaphragmatis magnus est: præcipuum enim est respirationis Organon. Dum autem fibræ ejus contrahuntur, maximè tenditur, & versus inferiora retrahitur; viscera infimi ventris deprimit, venterque extenditur, & cavitas mediæ regionis multò amplior redditur, atque elevantur pulmones ob vacui sugam, aërque insequitur, & fit inspiratio; ut in vivorum dissectione sæpius observavi. Quod contra Laurentium & Aurantium militat, qui contrario modo inspirationem fieri volunt. At dum fibræ laxantur, sursum rursus fertur, viscera infimi ventris ascendunt, mediæ regionis cavitas angustatur, pulmones decidunt, sicque sic expiratio; juvantibus tamen nonnihil musculis abdominis, contra Spigelium. Quod vel inde constat, quod in expiratione venter contrahitur, non decedit, ac viscera infimi ventris ascendunt, circa ejus musculos etiam in expiratione magnâ & frequenti labor & dolor apprehenditur. Sic in tussi magnâ, aut acclamatione multâ, & longâ, dolores maximi in musculis abdominis sentiuntur: adeo ut inde respiratio penè tollatur. Præterea quo alio modo diaphragma sursum attolletetur? Non gratiâ fibrarum, aut musculorum; fibræ enim ejus dum contrahuntur, illud deorsum pellunt; idem facit naturalis ejus gravitas; non itaque ad superiora poterit ascendere, nisi violentiâ quâdam impellatur; atque hoc quo modo fiat, nisi per musculos abdominis se contrahentes, ac viscera sursum compellentes? atque hoc modo diaphragmatis fibræ laxantur, & à motu cessantes, faciliè ascendentibus visceribus per musculos compressis cedit diaphragma. Hæc omnia in vivorum dissectione faciliè patebunt; adeo ut in Laurentii sententiam, licet Galenum pro patrono avocet, nullo modo jurare possimus. Quod verò musculos abdominis fœces tantum deturbare ajunt, quisque in seipso contrarium faciliè experimentum faciet; vix enim licet validè contrahantur musculi abdominis fœces expellere possunt, nisi etiam Diaphragmatis contractio concurret. Quisque

Arteria.
phrenica.
Vena.

Nervi.

Diaphrag-
matis usus
prioris

enim in egerendi conatu spiritum attrahit multum, eumque continet; in qua actione tenditur Septum, & intestina deorsum deprimunt.

Usus secundus.

Alter ejus usus est, ut naturalia à vitalibus separet, partesque nobiliores à vaporibus, à sentinâ corporis elatis, defendat. Magna itaque partis hujus cura adhibenda est, cum pars nobilis sit, ejusque morbi maximè sint periculosi; & plerumque ob connexionem, & consensum cum corde, cerebro, hepate & ventriculo, ægros ad mortem deducant. Si inflammetur *peritonæa* & insania sequitur: si contabescat febrem hecticam lethalem inducit. Si vulneretur, risus accidit Sardanius, ob nervos quos habet communes cum musculis labiorum.

LIBRI SECVNDI

PARTIS SECVNDÆ.

CAPVT I.

De Venæ Cavæ trunco, & sine pari.

HÆc dicta sunt de partibus ventris medii continentibus; sequuntur jam partes contentæ; quæ sunt cor, pulmones, & portiones Cavæ ac Aortæ. Quarum primò oculis occurrunt Pulmones, ac cor: sed quia chyli, & sanguinis progressum persecuturi sumus, illam partem primò aggrediemur, per quam sanguis ab hepate in hanc regionem transfertur. Atque huic muneri delegatur *Vena Cava*, quæ in sacris litteris *Vina* vocatur, quæ à fonte aquas, (id est ex hepate sanguinem) exhaurit, undè totum corpus humectatur.


Hæc Septum à dextris in parte nervosâ transit, sanguinemque ad dextrum cordis ventriculum, diverforium sanguinis alterum, deducit Tab. XVII. B. Atque hinc suam petit originem, contra illos qui ab hepate ortam esse volunt. Hoc ipsum firma ejus cum corde connexio probat; cum non sine dissectione ab illo separari possit: Parenchymati autem hepatis leviter annexa est, surculosque quosdam tantum per illud emittit; connexio illa solum contigua est, non continua. Sententia hujus patronum habemus Aristotelem, illumque defendit Hofmannus, in quo plura de hac controversiâ lib. de Thorace doctè admodum & eleganter descripta videatis. Hisce assentitur Spigelius, non minoris famæ Anatomicus. Præterea connexio ejus cum corde (multum ab Autoribus neglecta) idem suadere poterit. Non enim lineâ rectâ ascendit ad claviculas, & à latere tantum ostio patenti in cordis luscit ventriculum; uti Veteres olim descripsere, sed ad cordis ostium dextrum, cui auricula affigitur, quasi duplex ejus fuerit exortus, bini caudices in unum ostium patentissimum conjuncti apparent: quorum unus supernè ad claviculas, alter infernè spectat. Tab. XII. fig. 1 v. B. B. †. C. Atque hic bifurcatus cavæ exortus, in posterioribus juxta vertebrae perspicitur. Internè verò, quasi per cicatricem magnam caudices ambo essent conjuncti, striga quædam cartilaginosa in medio venæ transversim eminet; multum cavitatis obstruens, & in medio ostii ad cordis ventriculum ducentis aliquantulum oblique adstat. In aliquibus ad modum valvulæ se habet; quæ est velut paries intergerinus, sanguinem sursum affluentem, à sanguine deorsum elabente dirimens, & utrumque illum ad cordis auriculam dirigens. Tab. XII. fig. 111. C. & Tab. XIII. n.


Partes continentis medii ventris!

Vena Cava,
Va.
Vena,Septum,
Orig.

In cavæ ranaum ascendentem & descendentem, versus cor plurimæ venæ minores inhiant, sanguinem à reliquis partibus deducentes, quibus omnibus valvule apponuntur, ut faciliùs se in cavam, tanquam rivuli minores in mare, exonerent, & sanguis e contra à cava in illas non regurgitet: sed omnis in cordis ventricululum dextrum projiciatur, ut novum indè acquirat calorem, novosque spiritus. In ipso cavæ trunco nullæ inveniuntur valvulæ, sed ad ora nonnulla vasorum minorum, præcipuè in brutis, membranulæ quædam super illorum ostia propendent, cavæ tunicis affixæ: niti in parte vel supernâ vel infernâ, (secundum venarum situm) pro exitu sanguinis, liberæ inveniuntur.

Cum venâ cavâ ut se in cordis ventricululum exoneret, paululùm supra vertebra, ope Mediastini elevatur; adeò ut venæ intercostales ad illam tutò ascendere nequeant, idèò aliud vas illis, in quod sanguinem





Tabulæ XII. Declaratio.

Figura prima vasa pulmonum à parenchymate liberata indicat.

a. a. a. *Aspera Arteria*, ejusque bronchia per substantiam pulmonum disseminata.

b. b. b. b. *Vena pulmonaria*, à sinistro cordis ventriculo emergens; ejusque furculi ad latera bronchiarum affixi.

c. c. c. c. *Arteria pulmonaria*, ac ejus ramuli latus alterum bronchiarum occupantes.

*. *. *. *. *. *Arteria* hujus cum venâ conjunctio per anastomiasin, mediantibus furculis nonnullis super bronchias ascendentes.

Figura secunda partem posteriorem vasorum pulmonis, eorumque furculos in parenchyma emissos, indicat.

Figura tertia venam cavam ad cordis ostium apertam ostendit.

A. Cor.

B. *Vena cava* aperta.

C. *Striga* in medio vene eminens, ostium cordis bifariam dividens.

Figura quarta duplicem cava exortum indicat.

A. Cor.

B. B. *Vena cava*.

C. *Auricula* dextra.

†. *Duplex cava* ortu.

*. *Vena sine Pari*.

Figura quinta ventriculum dextrum cordis canini, cum ejus orificiis apertis indicat.

AA. *Vena cava*.

B. *Apex* cordis.

C. C. C. *Valvula* orificium cave claudentes.

D. *Ventriculi* pars superior incisâ, & ad sinistram eversa.

E. *Orificium* arterie pulmonis.

a. a. a. *Valvula* sigmoides ad orificium illud affixa.

b. b. b. *Papilla* cum fibris valvulis annexis.

Figura sexta dextrum cordis ventriculum cordis gallinae, cujus valvula in unam coeunt membranâ musculosam.

a. b. *Aorte* portio.

c. c. c. *Valvula* semilunares.

d. *Arteria* pulmonis.

e. f. *Glabra* ejus superficies interna.

deponant, delegatur, quod à cava trunco descendente, paulò supra cordis orificium ortum, ad posteriora reflectitur, ac super vertebrae excurrens, omnes intercostales venas admittit. Atque hæc est vena illa solitaria. Tab. XII. fig. 4^a. *. designata.

Vena solitaria.

CAPVT II.

De Arteriâ magnâ.

QVia antea de Aortæ trunco mentionem fecimus; & cum cavâ semper associata, per totum corpus excurrit; licet nondum adhuc sanguinem illic perduximus; hic tamen post Cavam, illius naturam examinare non multum à scopo aberrare videamur.

Arteria
magna.

Arteria à Græcis dicitur, *παρά τὸ ἀερεῖν* quia continuo motu attollitur & deprimitur; vel *παρὰ τὸ τὸν ἀέρα τρεῖν*, quod spiritum & aërem attrahit; ideoque à veteribus solum fistula pulmonis hoc nomine donatur.

Ejus sub-
stantia.
Membrana.

Substantia ejus partim membranacea est, partim nervosa; ideoque ab Aristotele *φλέψ νευρώδης*, vena nervosa dicitur. Ex duplici constat membranâ, exterior tenuis est rara & mollis, non tam frequentibus intertexta fibris, ideoque facilius distendi poterit, unde si ab humore acri tunica exterior exedatur *Aneurisma* exoritur: distensa scilicet tunica exteriori, quæ facili ob raritatem extendi & in tumorem attolli poterit. Interior crassâ est, quandoque venarum tunicas quintupla densitate superans. In aliquibus verò (uti observavit Harveius, & ipse etiam in arteriarum extremitatibus saepius perlustravi) non est venarum tunica crassior, in regionibus mediâ & infimâ, ubi nuda incedit, partibus alijs non velita, ut vicinis partibus, per quas progreditur, alligetur, terrâ investitur tunicâ, à Pleurâ in medio ventre, & à Peritonæo in infimo mutuatâ.

Arteria
magne
origo.

Arteriam magnam à cordis ventriculo sinistro originem petere concedunt, cujus orificio tres apponuntur valvulæ Tab. XVIII. fig. 2 a. 1. 1. 1. quæ sanguinis refluxum in cordis sinum impediunt. Postquam vero cordis capsulam superaverit, in duos truncos, uti vena cava, sed magis evidenter dividitur, in descendantem scilicet Tab. XVIII. fig. 2 a. B. & ascendentem C. Descendens truncus retrorsum reflexus per spinam dorsi descendens, toti corpori infra cor sanguinem benignum est largitus. Ascendens statim penè post primam hanc divisionem, iterum bifariam secatur in binas Subclavias dictas Tab. XVIII. fig. 2 a. D. dextram, & sinistram E. quæ statim penè ad Claviculas & hinc ad brachium sinistrum excurrit. Ex quâ arteriæ divaricatione pulsus in carpo sinistro esse examinandum censeo; quia fideliter magis & citius cordis statum ac conditionem enarrat, quam arteria carpi dextri; quia immediatè sanguinis appulsum à corde sentit, & tactui ad carpum non admodum divisum ac fractum reddit. Dextra autem Subclavia Tab. XVIII. fig. 2 a. D. altius ascendit atque inde in alios truncos dividitur, binas scilicet carotides F. F. quæ partem sanguinis Subclaviæ creditam capiti distribuunt, quibusque cordis impulsus infringitur. Aded ut pulsus vehementia & magnitudo in carpo dextro tam perfectè inquiri nequeant. Ex hoc arteriarum carotidum à Subclaviâ dextrâ exortu, venarum electio in venæ sectione in morbis cephalicis suaderi poterit; Vena scilicet dextri brachii est potius eligendâ quam in sinistro: Quia, cum omnem à Subclaviâ Arteriâ venâ ejusdem brachii sanguinem recipiunt, cujus succulis in brachio per anastomases uniuntur, plus à capite, phlebotomiâ in dextro brachio peractâ, quam in sinistro, derivatur. Quo enim plus sanguinis ex arteriâ hac Subclaviâ, dextrâ scilicet, per venas, in quas, ut dictum est, suum sanguinem effundit, evacuat; eò minus ad caput per carotides ferri est necesse. Venâ enim in Tab. XVII. vel Cephalicâ x. vel Medianâ. φ. vel Basilicâ. ψ. (non multum refert quæ sit, singulis enim Subclavia per anastomases unitur o. o. o. o. o.) apertâ & inanità, Arteriâ Subclavia etiam evacuatur; quâ evacuatâ, quia natura vacuum abhorret, sanguis ille qui

Subclaviæ.

Pulsus ubi
examinan-
dus.

Est quare.

in

in Subclaviam affatim affluxerat, atque in caput esset ruiturus, jam ad brachium revellitur, & ad inflictum vulnus properat. Adeo ut caput copia illa sanguinis non gravatur, nec calore aut humoribus acribus ac fumis cum sanguine mixtis tentatur.

Arteriz actionem esse pulsum asserunt, sed reverà illum potius passionem dici postea ostendemus. Hujus verò officium diversum ab omnibus aliis Anatomicis posuit Spigelius: scilicet ut motu suo pulsante sanguinem in venis, quibus perpetuò conjungitur, contentum calefaciat, & vi quadam illum impellat ad extremas partes; Aliter (inquit) sanguis ad superiores & transversas regiones nunquam abiret; & ob hanc rationem venas semper cum arteriis esse conjunctas. Hic Spigelium consistentem, violentiam quandam per arterias ad motum in sanguine conciliandum esse necessariam, videtis: sed de modo toto aberravit cælo. Arteriz enim non semper ita venis conjunguntur ut ad latera sibi invicem quam proximè adhæreant; sed aliquandò à se invicem aberrant, quandoque transversim excurrunt, adeò ut ubique sanguinem in venis propellere nequeant. Præterea hunc sanguinis in venis doctrina valvularum abundè confutavit. Quod spiritus solum non continet, refutavit Galenus.

Ulus itaque Aortæ verus hic est, ut per illam ejusque ramos toto corpori succus ille benignus, & ad nutritionem aptus dispensetur. Neque ad hoc opus aliqua actio est necessaria in arteriâ, quâ propellatur sanguis, illa solummodo cordis actio sufficit, quâ cum violentiâ quadam & impetu sanguinem in arteriam propellit, pulsumque illum efficit, qui arteriz non est actio, sed passio, ut fusus postea declarabimus. In toto hujus progressu nullæ apponuntur valvulæ, nisi in exortu ad cordis orificium.

CAPVT III

De Corde ejusque partibus externis.

Vena cava (uti diximus in dextrum cordis ventriculū se exonerat; ubi calore ejus innato ac proprio sanguis ulteriorem subit concoctionem; ideoque cum è corde rursus exiliat rubicundior est magisque floridus ac spiritibus abundans. Sed ut ad actionis hujus notitiam perveniamus, cordis structuram & naturam, in quo residet hæc vitalis facultas, perpendamus.

Cor à Græcis καρδιά, in sacris literis *Aquarium aureum*, quod humidi radicalis verè aurei quasi fons sit, dicitur. In medio thoracis situm est, præcipuè basis ejus: pars verò mucronata magis ad sinistrum vergit; causa vulgati erroris, cor scilicet in sinistro latere inhabitare, cum ibi mucronis ejus pulsus percipiatur. Forti admodum munitur propugnaculo ne externis esset obnoxium injuriis.

Figuram habet Pyramidalem, cum superficie æquali ac lzvi, cujus magnitudo in homine cæteris paribus cæterorum omnium animalium corda superat.

Actio
officium,

Actio
nisi vitio.

Cor.
Hujus figura

Figura.
Magnitudo
Substan-

Substantia.

Substantia ejus est carnea, crassa, rubra, ac densa, omni fibrarum genere contexta, quæ illi ad motum inserviunt, qui cum sit frequens ac fortis, carnosæ sunt etiam ac validæ. In mucrone ejus sive apice caro ejus multò densior est, magisque compacta quàm in basi: in mucrone enim fibræ colliguntur, quæ in basi fusius spargebantur, atque ideo magis compacta ac durior evadit. Tot fibrarum genera in corde esse necessaria tam motus ejus perpetuitas ac vehementia, quam varietas suadere poterunt, non enim ad basim solum per fibras rectas retrahitur; sed & per transversas ac obliquas undique constringitur, ut ventriculi contrahantur. Motus etiam vehementiamtalem fuisse referunt Medici, ut in cordis palpitatione eo sæpè costæ fuerint fractæ.

Mediastino ope Pericardii per basin connectitur, aliis ubique liberum est. Adeps ad basin, ubi est vasorum origo, copiosior in homine quam in brutis invenitur; imò nonnunquam refert Spigelius aded adipe involvitur, ut minus peritis Anatomicis imposuerit, cor abfuisse; præsertim cum (ut ipse observavit) animalia pinguiora minus cæteris habere cor, quia proculdubio quæ adipe abundant, minimum habent calorem. Calor enim est qui dilatat & ampliora reddit, frigus e contra constringit, partesque figit ac comprimit; qui itaque pinguiores sunt, frigidum habentes temperamentum, minus cor habere non est impossibile. Membranâ tenui obvolvitur à subjactâ carne, cui adnascitur inseparabilis.

Vena Coronaria.

Vasa habet omnis generis per substantiam dispersa. Venam à cavâ trunco statim antequam ventriculū ingrediatur, & dicitur *Coronaria*, quæ basin cingens furculos ad mucronem spargit, atque inde coronam antiquorum imitatur. Per sinistram partem frequentiores majoresque hujus ramuli distribuuntur, exiliores verò ad dextram diriguntur; quia in parte dextrâ cordis substantia est tenuis, & minori indiget alimento; sinistram verò latus crassum est, multumque carnis inter ventriculū & superficiem externam interjacet; ideoque majori copiâ sanguinis ac proinde majoribus ac frequentioribus venis opus est. Ad exortum hujus venæ valvula apponitur semilunaris, ne sanguis (inquiunt Spigelius ceterique Anatomici) ad cavam rursus refluat. Miror sanè Anatomicos tam insigniter peritos tam lubenter cecutire, ac figmenta nescio quæ, renitente autopsiâ, posteritati imponere, cum si rectè situm hujus valvulæ observallent, extra spectantem à corde in cavam, non à cavâ in cordis substantiam invenirent, & sanguinem à venâ hac in cavam proflire, non à cavâ in coronariam irruere perspicerent.

Arterie Coronariæ usus.

Arteriam item ejusdem nominis ab Aortâ habet; statim ubi à sinistro cordis ventriculo enascitur, antequam è Pericardio excidat. Eodem modo quo venâ, basin cingit, & ad apicem, præcipue in sinistro latere, furculos transfundit. Horum vasorum usus est talis. Arteria coronaria sanguinem ex Aortâ recipit, perque totam cordis substantiam, præcipue versus exteriorem superficiem, & inde se in venæ coronariæ furculos per anastomasin unitos exonerat; ex quibus singulæ particulæ cordis cognatas sanguinis partes attrahunt, quæ roris modo in substantiam cordis diffusæ & appositæ, in ejus substantiam assimulantur, animaque cum omnibus facultatibus statim tribuitur. Quod verò ab hoc opere reliquum est, aliisque partibus cognatum, per venam hanc coronalem in cavam deducitur.

Nervos

Nervos item à sexto nervorum pari exiles in basin, juxta exitum arteriæ pulmonariæ implantatos habet. Qui si forte rumpantur aut obstruantur, cordis motum repente esse abolitum, refert Carolus Pifo lib. 6. de morbis ab illuvie ferosâ. Cui verò sententiæ contrariantur Spigelius & experientia: plurimorum enim animalium corda è corpore exempta aliquandiu se movere quisque videat. Cor anguillæ, viperæ, omniumque piscium exemptum, imo si in frustra discucieris, particulas divisas diu se contrahere ac movere observes. Ideoq; non statim omnis tollitur motus, licet spiritus intercipientur. Atq; hoc accidit non quod motus ille sine spiritibus fieri possit, sed quia spiritus nonnulli nondum dissipati in fibris cordis, etiam post separationem à corpore remanere possunt. In aliquibus etiam diutius quam aliis, spiritus hi in fibris continentur, quorum scilicet humidum glutinosum est, pingue ac lentum, adeo ut spiritus torpidi etiam ac frigidiores, illud citò effugere nequeant, sed diu post interceptum spirituum affluxum motus quosdam edere videatis. Atque motus qui licet in corde magis perspicue sentiatur, illi solum non appropriatur; Musculos enim animalium occisorum & detruncatorum diu etiam se movere observavi. Non tamen sine ratione statuit Pifo syncopes & motus aboliti in corde causam, esse spirituum interceptionem in nervis. Motus enim ille cordis separati non est ad actiones vitales edendas sufficiens, sed solummodo spirituum effugientium scintillæ quædam, vitales illos, quam diu poterunt, motus æmulantur.

Integra itaque Pisonis sententia consistit, & cordis motum non aliter quam musculorum fieri non immerito statuamus; in hoc solum differunt, quod musculorum motus ad libitum restringere, cordis verò nequaquam possumus. Atque hic triplicem motum à spiritibus animalibus editum in corpore observemus, motum scilicet musculorum in genere, à voluntate solummodo dependentem; ad placitum enim hunc vel illum musculum movere, vel continere possumus. Alterum verò musculorum pectoris, in respiratione, qui licet à voluntate etiam dependere videatur, cum respirationem aliquantulum retardare ac concitare in nostrâ potestate sit, eamque ad tempus reprimere: tanta tamen ejus urget necessitas, ut invictis dentibus ad motum rursus invitentur, imò cogantur muscoli. Atque motus hic mixtus vocatur, partimque animalis ac partim naturalis est. De quo plura in sequentibus habetis. Tertius vero spirituum motus hic in corde observatur, qui licet à spirituum animalium affluxu dependeat, non tamen in nostrâ potestate est, nec unicum motum frustrare possumus: talis enim illius est ad vitam necessitas, ut ne momento quidem naturaliter quiescere possit. Ideoque naturalis vocatur, non quod à spiritibus aliquibus præter animales fiat; sed quia natura sine illo subsistere nequeat. Nec mirum videatur talem fuisse inter cor & cerebrum communionem, & e contra inter cerebrum & cor, ut cor sanguinem spirituosum cerebro pro alimento emittens, gratâ spirituum largitione statim retribuatur. In aliis etiam partibus ubi motus non requiritur, spirituum animalium præsentia est necessaria; si enim aliquo modo intercipientur, partes statim atrophîâ laborare videatis, ut in paralyâ: quia spiritus partium fibris non communicati alimentum appovere ac particulis affigere nequeunt.

Nervi cordis.


Triplex motus spirituum animalium.

*Auriculae
Cordis.*

Ad basin denique cordis utrinque adsunt auriculæ, à formâ quam cum animalium auriculis habent sic dictæ, seu potius à situ & connexione utrinque ad cordis latera: ut enim capiti aures adnectuntur, eodem modo à corde dependent auriculæ. Ad orificia vasorum cordis, quæ in illum sanguinem invchunt, sitæ sunt: scilicet ad venæ cavæ Tab. XIII. N. & venæ Pulmonis Tab. XIV. ostia in dextrâ & sinistrâ parte sedem habentes. Superficiem internam habent asperam, cordis superficiem non abhmiilem. Tab. XIII. Q. & Tab. XIV. K. Ex substantiâ nervosâ tenui, ex omni fibrarum genere conflatâ, venarum tamen crassiciem non multum superante construuntur. Illarum motus argutè quidem & optimè à doctissimo Harveo describitur lib. de motu cordis. Quarum (inquit) motus est à ventriculorum motu diversus; simul enim ambæ moventes auriculæ, motum ventriculorum, qui simul etiam movent, præcedunt. Ita ut quatuor motus loco distincti sint, duo tantum tempore. Hanc motus diversitatem, sæpius ipse in dissectionibus vivorum me observâsse dicerem; si quid nostra observatio, post virum tam egregium, veritati addere possit. Motuum horum diversorum usum in sequentibus habebitis.

*Iterum au-
ricularum
cordis offi-
cium.*

Venarum orificiis, quæ sanguinem ad ventriculos adducunt, auriculæ apponuntur, immediatè ad ostia ventriculorum pendentes. Intra quas introspectantes valvulas Tab. XIII. K. K. K. in ventriculo dextro: & H. H. W. in sinistro ventriculo, Tab. XIV. videatis. Et ob hanc rationem illas ibi fuisse positas statuendum esse animadvertimus. Ne sanguis scilicet copiosè & violenter à venis hisce in ventriculos irrucens, clausuram & conniventiam valvularum, cum ventriculi se constringant, impediât: Ideoque natura auriculas hasce ad ostium apposuit, ut sint quasi diverticula, in quibus sanguis à venis diffluens, moram aliquantulum faciat, donec rursus à motu quiescant ventriculi, laxentur, & valvulæ flaccæscen-tes non amplius orificia claudant. Interim auriculæ sanguine à venis distenduntur, ac finito motu ventriculorum, cum illi ad recipiendum sint præparati, auriculæ jam multum distentæ, se undique constringunt, & in cordis ventriculos jam laxatos sanguinem impellunt. Hisce absolutis statim rursus ad motum insurgunt ventriculi, sese undique restringunt, valvulæ orificia claudunt, sanguis ex illis in arterias, *Pulmonariam* è dextro, *Magnam* è sinistro ventriculo effunditur, & auriculæ rursus novo sanguine implentur. Ideoque auriculas hic appositas videmus, ne sanguis continuo & repentino incurfu, vel valvulas violaret; vel illarum conniventiam impediret.



Tabulæ XIII. Declaratio.

A. *Affera Arteria pars pulmonibus affixa.*

B. *Truncus vena cava descendens à Iu-*

gularibus & axillaribus.

C. *Arteria magna.*

D. *Truncus ejus ascendens.*

T. 2

E. E. Truncus

E. E. Truncus descendens.
 F. Arteria Pulmonaria, seu vena arteriosa dicta.
 G. G. Interna dextri ventriculi cordis superficies fibrosa.
 H. Cordis apex.
 I. I. I. Papilla quadam musculosa, quibus fibrae.
 R. R. R. Annectuntur.
 K. K. K. Valvula tricuspidens.
 L. Orificium vena cavae descendens.
 M. Orificium cavae ascendens.
 N. Auricula dextra.
 O. Orificium Arteria pulmonaria.

†. †. †. Valvula ejus semilunares.
 f. Vno Arteria hujus cum arteria magnâ.
 Q. Interna auricula dextra superficies.
 R. R. R. Fibra valvulas tricuspidens Papillis musculosis annectentes.
 S. Oesophagi pars in proprio situ.
 T. Vena cava ascendens.
 V. V. V. V. Lobi pulmonum flaccidiores.
 P. P. Interna superficies partis exterioris ventriculi dextri eversa, ut interna ejus facies melius perspicatur.

CAPVT IV.

De partibus Cordis internis.

DE partibus cordis externis & superficialibus dictum est, jam de internis ubi primò ventriculi occurrunt. Qui ab Aristotele 3. hist. animal. tres enumerantur. Sed reverà tantum duo sunt, in dextro latere unus, alter in sinistro; quorum dexter major est, & in superficie lateris. Alter verò altius absconditur & oblongus est, orbicularem, instar conifiguram referens: in medio cordis est excelsus; latera utrinque firma, densa & compactiora habet. Dexter verò, à latere quodammodo est appositus, quasi ex membranâ carnosa fuisset conflatus.

Pars illa quæ ventriculos dirimit crassa est ac densa, Septum intermedium dicitur, spissa ac solida est ejus substantia; sanguinisque è dextro cordis ventriculo in sinistrum translocationi minimè pervia: licet ab æstu cordis adeò sit attenuatus, ut aëris roscedivè vaporis speciem induerit. Per hoc ipsum tamen interstitium, aut quæ in eo insunt, nescio quæ foramina, sanguinem transudare, ut ex illo efficiantur spiritus in sinistro ventriculo, asserunt Anatomici antiquiores. Sunt etiam qui pulmonis vomica per hæc foramina invisibilia (testante Alberto) traducere ausing, quo deinceps in cavam, hinc ad Hepar, atque inde in Portam, tandemque ad intestina delatam, manuducunt. Cui tamen sententia multum adversantur Vesalius, Spigelius ac recentiores penè omnes, uti Doctissimus Harveius lib. de motu cordis, Clarissimus Hofmannus lib. de Thorace. Liceat itaque mihi virorum tam insignium vestigia, continuâ experientia, dissectionibus ac ratione suffulta, insequi. Et si tales meatus nequaquam in dissectionibus inveniri cum doctioribus istis assererem, à veritate minimè me deviare opinabor. Alias itaque ut inquiramus vias, quibus sanguis ad sinistram cordis transeat ventriculum, ac pulmonis ulcera per thalamos cordis sua ut excernant excrementa, est necesse.

At


At paulo cordis sinus penitiùs introspiciamus, qui *cor sinus* seu specus cordis dicti, gemini sunt; quorum dexter tenuior & capacior: Lævus fibrosus magis & crassior: in quo sanguis ultimam suam acquirit concoctionem, & per fibras illas robultiores, in singulas Microcosmi regiones propellitur.

Utriusque superficies aspera est, & veluti erosa aliquantulum. Quæ quidem inæqualitas nihil aliud est quam textura varia partium fibrolarum; quæ se ad modum muscutorum habent: & non tantum figuram aliquo modo fatentur, sed & officium mutantur, sine quibus cor se validiuscule constringere nequit. In sinistro ventriculo plures quàm in dextro inveniuntur. Tab. XIV. F.F.F. M.M.M. Quia in illo majori ad expellendum sanguinem violentià opus est, ut ad distantiores corporis particulas propellatur quam in dextro: In illo etiam sanguis tenuiorem consistentiam acquisivit; & quo tenuiora sunt corpora, eò magis vini expellentis effugiunt. In dextro verò ventriculo asperitas illa minor est, nec tantus musculosarum partium invenitur numerus, quia in illo sanguis crassior est & minori educitur violentià; præterea vis facultatis expultricis citius terminatur, quæ ab hoc solummodo ad pulmones extenditur; ab illo verò ad remotissimos angulos derivatur; sinus dexter sanguinem duntaxat ad partem privatam, sinister ad singulas partes impellit. Deinde ex pulmonum dilatatione sanguis è ventriculo dextro expromitur, ut à cochleis aqua, ob vacui fugam; aded ut non tam nervosâ facultate expultrice in illo opus sit, & ex consequenti, minori indiget muscutorum numero. Atque hoc ipsum natura manifestè demonstravit. In avibus enim quarum pectus angustius occupat spatium, & brevior est à dextro ventriculo ad pulmones transitus, sinus iste glaber & prorsus æqualis invenitur. Siquidem in torosis & agrestibus corporibus, ac masculinis plures, in tenellis corporibus & femineis pauciores conspiciuntur asperitates.

*Cur dextri
ventriculi
corde su-
perficie tam
aspera ac
rugosa non
sit ac sinis-
tra.*

In sinibus hisce utriusque præter musculosas illas texturas, Papillæ quædam carneæ, quasi muscoli teretes adsunt, Tab. XIII. III. & Tab. XIV. G.G. M.M.M. quæ ad mucronem affixæ, sursum spectantes, fibras quasdam filares, tenues adnexas habent; quibus inferiores valvularum tricuspidum particule firmantur. Tab. XIII. R.R.R. & Tab. XIV. N.N.N. Carunculas illas nominamus Papillares, quia papillis assimilantur, quarum sæpè quinque vel sex in dextro sinu, in sinistro verò binæ majores crassiores ac solidiores inveniuntur.

Carunculae hæc vix officium aliquod inter Anatomicos obtinere, & quia in penitioribus absconduntur thalamis, penè negliguntur. Illarum verò usum situs ac connexio cum cæteris partibus aptè demonstrare videtur. Mucroni enim cordis affixæ, tenuioribus fibris valvulas tricuspidales sibi affixas habent, ita ut, cum cordis mucro ad basim contrahatur (ut in Systole ejus videre licet) fibræ illæ carunculis annexæ laxentur, flaccidè pendeant, & valvulæ super venarum orificia, in ventriculos spectantia, decident, eaque penitus ocludant. In cordis verò diastole, cum in longum se extendat, & à basi discedat mucro, & cum illo papillæ; fibræ illis annexæ tenduntur, & valvulæ verius basim retrahuntur, quibus detractis orificia rursum patent, ut sanguis intromittatur. Atque hunc usum esse harum particularum opinamur; probabiliorem



Tabulæ XIV. Declaratio.

*In hac sinistri cordis ventriculi interiora depinguntur, unâ cum pulmonum lobu flaccidâ, vasisque bisce famulanis-
bus, in propriis locis.*

A. Aspera

- | | |
|--|---|
| <p>A. <i>Aspera Arteria.</i>
 B. <i>Arteria magna truncus ascendens.</i>
 C. <i>Arteria pulmonaria, seu vena arterialis à dextro cordis ventriculo in pulmonis lobos transiens.</i>
 D. <i>Vena pulmonaria, seu arteria venosa, à pulmonibus in sinistrum cordis sinum inbians.</i>
 E. E. E. <i>Craffiti carnis ventriculorum hunc concludentium.</i>
 F. F. F. <i>Interna hujus ventriculi superficies aspera.</i>
 G. G. <i>Caruncula papillares.</i>
 H. H. <i>Valvula tricuspidis.</i>
 I. <i>Larynx.</i></p> | <p>K. <i>Interna sinistra auricula superficies aspera.</i>
 L. <i>Locum ubi Aorta sub valvulâ.</i>
 H. <i>Se exserit, denotat.</i>
 M. M. <i>Asperitates & caruncula minores in ventriculo sinistro.</i>
 N. N. N. <i>Fibra valvulas carunculis adnæscentes.</i>
 O. <i>Auricula sinistra.</i>
 P. P. <i>Arteria truncus descendens.</i>
 Q. Q. <i>Nervi recurrentes.</i>
 R. R. R. R. <i>Pulmonum lobi expansi.</i>
 S. <i>Divisio Aorta in subclavia.</i>
 T. T. <i>Carotides.</i>
 V. <i>Vena cava descendens.</i></p> |
|--|---|

liorem nobis proponant, & beabunt. Ideoque proculdubio in animalibus quibus defunt fibræ hæ, ut in avibus, serpentibus, ranis, &c. quibus cordis ventriculi intus læves sunt, absque lacertulis, nec serobiculis fossi; defunt etiam & valvulæ hæ membranæ tricuspidis, ut in anseribus, gallinis, passeribus, & aliis sæpius perlustravimus Tab. XII. fig. v. 1. c. f.; quorum dexter ventriculus nullas habere fibras, nullasque valvulas, est conspicuum: sed illarum loco striga quædam liberè pendula; carnî cordis non abssimilis, ad orificium cavæ ventriculorum inbians, nascitur: quæ in cordis constrictione orificium claudit, in dilatatione propria moles descendere illam cogit. Tab. XII. fig. vi. a.

Ventriculi hi circa basim in quatuor vasa desinunt; In dextrum inhiat cava, (ut dictum) magno & patenti ore se in illum exonerans Tab. XIII. L. M. Cujus orificio intus membranulæ quædam, *Valvula tricuspidis* dictæ apponuntur, Tab. XIII. K. K. K. ab Hippocrate pelliculæ cordis latitantes dicuntur. Quæ ex amplâ basi, orificio ventriculi annexâ in obtusum mucronem, aliquando angularem desinunt, quibus fibræ illæ modo descriptæ figuntur; ac cuspidum telorum eminentiis triangularibus figuram referunt, à quibus trinis capitibus tricuspidis nominantur. Super hæc membranas cum in longum se porrigat cor, atque inde etiam valvulæ retrahantur, in sinus utrosque, à cavâ in dextrum, à pulmonibus in sinistrum elabatur sanguis; at verò contractis ventriculis, laxatisque fibris, membranulæ illæ in orificium decedentes illud exactè claudunt. Cavæ orificio in dextro ventriculo tres, Tab. XIII. K. K. K. Venæ autem Pulmonariæ in sinistro, duæ tantum valvulæ apponuntur. Tab. XIV. H. H.

Secundum ventriculi hujus dextri orificium ab *Arteria pulmonaria* constituitur; quæ hinc exclusum sanguinem pulmonibus tradit, cujus historiam fusius posthæc habebitis. Ad cujus orificium in cordis ventriculo valvulæ etiam, sed formâ ac situ à prioribus discrepantes, affiguntur. & quia novæ lunæ similitudinem habent, *Semilunares* dicuntur. Situs illarum prioribus contrarius est; extra enim spectant, orificiumque ita claudunt, ut nihil per illas intromitti possit; ut sanguis in pulmo-

nes exclusus, cum se distendat ventriculus, rursus descendere nequeat. Numero tres sunt, ut maiorem inde acquirant firmitatem; si enim unica tantum foret; ob amplitudinem orificii, magnam esse necesse esset, unde, cum tenuis solummodo membrana sit, facilius disrumpi poterit. Illarum figuram ac situm Tab. XIII. †. †. †. descripsi.

Ad eundem modum se habet sinister ventriculus similibusque donatur vasculis. A pulmonibus venam insignem obtinuit, quam postea declarabimus; orificio amplo sanguinem in sinistrum ventriculum è pulmonibus evoementem, cujus ori similiter valvulae binæ tricuspides adnascuntur, quæ eandem cum illis in dextro sinu figuram & structuram habent. Tab. XIV. H. H. Ad mucronem etiam mediantibus fibris neantur, quibus in diastole retrahuntur, ut sanguis è pulmonibus in ventriculum delabatur. Tab. XV. N.N.N.N. In Systole verò orificium hoc exactè claudunt, ne quid in pulmones comprimatur.

Arteria
magna.

Exus offi-
cium.

Ex sinu hoc Arteria etiam nascitur, quæ quia magnitudine ceteras præcellit, Magna dicitur. Cujus orificio semilunares valvulae, eandem figuram, idemque officium habentes, assignantur. Atque hæc, uti super dictum est, sanguinem toti corpori singulisque ejus particulis distribuit.

CAPVT V.

De usu & actione cordis ac circulatione sanguinis.

Cor dicitur
prima.

Cor sedes Regia Imperii hujus humani; ab illis, qui in Microcosmo analogas partes istis in majori mundo invenerunt, Soli assimilatur, nec immeritò; Est enim Ἀρχὴ τῆς θερμῆς καὶ τῆς ζωῆς, hoc est, caloris, & quæ ab illo sustinetur, vitæ sedes. In hoc vestalis conservatur ignis; à quo, tanquam à sole radii, circumquaque spiritus & calor irradiantur. Quo refrigerato & extincto, occidimus ipsi, & extinguimur. Actio itaque prima hujus tam nobilis visceris est, calorem & alimentum singulis corporis particulis, secundum Galeni placita, distribuere, lib. An omnes partes simul fiant in sæcu. Vbi cor unicuique particula corpora secundum dignitatem cibum & spiritum largiri, asserit. Hoc est; Motu ejus perpetuo per arterias in singulas partes sanguinem propellit; qui in corde præparatus, & jam appositioni, & assimilationi aptus, singulis particulis distribuitur. Et non cibus duntaxat pro partibus hinc depromitur; sed & spiritus, calor scilicet vivificans, in singulas particulas influens, qui nativum illum in singulis partibus insitum suscitans, vegetiorem reddit, unde microcosmi regiones polares, à sole hoc distantiores, frigore externo pœnè inglaciatae & emortuæ, caloris hujus influxu vivificantur. Sanguis etiam in istis partibus refrigeratus, & pœnè coagulatus, omnibus spiritibus destitutus & quasi effectus redditur; ad cor iterum deductus, calore ejus naturali potenti colligatur, spiritibusque prægnans, inde rursus partibus dispensatur. Quod verò cor huic actioni, ad sanguinis scilicet perfectionem, ultimam imponit manum, vel suisipsum nutritio demonstrare poterit; non solum enim cetera partes suum

suum inde receperunt alimentum, sed & ipsum suum illinc mutuatur; nec aliunde nutritur nisi à seipso; tam ineptum esse ad nutritionem sanguinem, antequam ultimam hic concoctionem subiverit. Ad portas enim Aortæ arteria educitur *Coronaria*, quæ sanguinem toti cordi distribuit, ut supra dictum est.

*Arteria
Coronaria.*

Quod ad actionem cordis spectat, in hoc omnes consentiunt, quibus unquam vivi alicujus animalis dissectioni interesse licuit: Quod in perpetuo & indefinente motu consistat. Motus hic à Græcis *σφύζης*, pulsus dicitur, quod pulsare & salire in suo motu videtur. Ex duplici motu constat, *διαστολή* & *συστολή*, dilatatione scilicet & contractione; de modo verò & tempore quo motus hi fiant cum antiquis non convenit Doctissimo Harveio; nec certè illorum autoritas contra veritatem multaque experimenta nos in verba jurare cogere poterit. Illi diastolen fieri asserunt, cum mucronata pars cordis ad basin retrahitur; quo sinus evadunt ampliores, ad figuram magis sphaericam deducti; idque contractione solum fibrarum restarum, unde latera in orbem distenta, cavitates magis dilatantur. Atque hunc motum Vesalius viminæo circulo ex multis juncis pyramidatim junctis illustrat, ut in sua fabricæ humani corporis videre licet. Systolen verò seu contractionem, ejusdem mucronis à basi discessu, quo cor angustius redditur, fieri autumant. Sed hisce plane contrarium D^r. Harveius, rationibus plurimis & experimentis confirmatus, cui ut adstipulemur etiam suadet experientia, motum hunc descripsit; Et cor eo quo movetur tempore, & foris ad pectus pulsus percipitur, undique constringi secundum omnem fibrarum ductum asserit, eodemque motu apex ad basin appropinquans secundum ventriculos etiam coarctatur, & contentum sanguinem protrudit. Hoc ipsum plurimis in vivorum dissectionibus confirmatur experimentis. Primo, Visui hoc manifestè indicatur, multoque minus cor oculis apparet, cum se moveat & pectus pulset, non tantum secundum longitudinem, sed & crassitiem; quam cum se in longum porrigat. At si oculari huic demonstrationi credere nolint, ceteros provocemus sensus, digitosque ad examen proferant. Si cor, cum in longum extendatur, digitis comprehendant, cum sese moveat, digitos utrobique relinquant. Si etiam transversim illud dissecuerint, in motu illo ventriculorum cavitates minores reddi videant, & immisso illis digito, sinuum latera ad digitos sentiant constringi. Deinde quod ventriculi in motu isto coarctentur, violentus ille sanguinis è cavitatibus cordis effluxus suadere poterit: Sectis enim arteriis magnâ, & pulmonaria. seu venâ arteriosa; cum cor se in longum extendat, nihil ex dissectis orificiis effluit, in motu verò, quo ad basin contrahitur mucro, vi magnâ multum sanguinis exiliet impetuose. Deinde in quiete & cordis laxatione sanguis de novo subingreditur, cordique color purpureus redit, quem in contractione amiserat. Sed quia hæc erudicè & nervosè quidem à Serenissimo Harveio describuntur; Lectori non ero tam injuriosus, ut in hostris detineatur commentariolis, fontem ipsum petat qui plura de hisce cupit.

Pulsus.

*Diastole
quomodo
fiat anti-
quin.*

*Systole quo-
modo.*

Ex motu hoc dependent *Pulsus* qui in arteriis percipitur, de quo statim; & *Motus Sanguinis Circulatorius*, qui maximè, non multum retro annis, Doctiorum & pennas & ingenia exercuit: Veritas sanè solum

*Almus Son-
guinis Cir-
culatorius.*

novitatis rea; & si nostri sæculi non fuisset soboles, quantis elogiis, quantisque triumphis illam amplecteremur? Motu enim hoc quanta ænigmata solvuntur? Quam facilis alimenti dispensatio? Quam citò medicamentorum vires singulis communicantur particulis? Doctrina sanè quæ Authorem perpetuis coronabit triumphis, & posteros feliciter beabit otio.

Laudamus Veteres: sed nostris utimur annis.

*Sanguinis
Circulatio.*

Sanguinis Circulatio est motus in sanguine violentus, à cordis contractione, impetuosè illum in arterias impellens, ut inde singulis corporis particulis, cibus & spiritus dispensentur, & qui per absentiam à corde refrigeratur, rursus liquetur, factus. Seu est motus in sanguine, quo postquam sinus cordis ultimamque in illis concoctionem subiverit, per Aortam in minores Arterias, atque hinc (per anastomases, quibus cum venis conjunguntur,) in venas primo minores, exinde in cavam, & ab hæc in auriculam dextram cordis, quæ janitoris officium præstans, in dextrum cordis ventriculum admittitur, unde impulsu cordis sese contrahentis, in arteriam pulmonariam seu venam arteriosam propellitur, ubi variis mandris per pulmonis substantiam discurrens, in venas pulmonis, per anastomases cum arteriarum ramusculis unitas, discedens; per venam pulmonariam, seu arteriam venosam, in sinistram cordis thalamum rursus deducitur. A quo in Aortam rursus ultimis summisque donatum ornatibus, aptum, spiritibus imprægnatum, alimentum singulis particulis dispensatur. Quas verò dum præterlabatur, cognatas singulæ partes pro nutritione eliciunt; quod reliquum est, venis emandatur, unde rursus ad cor, fontem caloris, ut renovetur, impellitur.

*Non secus ac liquidus Phrygius Mæander in undis
Ludit, & ambiguo lapsu refluitque fluitque:
Occurrénsque sibi venturas adspicit undas,
Et nunc ad fontes, nunc ad mare versus apertum,
Incertas exercet aquas:*

Atque sic indefinenti motu totum percurrit corpus, illudque vitali calore irrigat ac nutrit, ut in singulis partibus per totum hoc volumen diffusum illustravimus.

Atque hanc circulationem, à copiâ sanguinis per cor transeuntis è venis in arterias Harveius confirmat. *Major* (inquit) *quantitas sanguinis in arterias effluit, quam ad nutritionem omnium partium, aut pro spiritibus effluendis inserviret, aut ab alimentorum ingestione suppeditari poterit.* Quod sanguis à venis effluat in arterias, ex Galeni verbis clarè demonstravit. Si (inquit Galenus) *quavis vel minima arteria dissecta fuerit, unus semihore spatio, totam sanguinis massam è toto corpore, tam venis quam arteriis exhaustam fore.* Communicationem esse itaque inter venas & arterias, præter autopsiæ testimonium, consistentem habemus Galenum; unde aliter dissectâ arteriâ sanguis totus

totus è venis etiam efflueret? Quod verò non alià viâ sanguinem nisi per cor è venis recipiant arteriæ, & ratio & varia experimenta suadere poterunt. Vel enim per cor, seu per Anastomases cum venis in habitu corporis unitæ accipiunt: Non per anastomases, quia valvularum situs in venis sanguinis fluxum per hæc vias prorsus tollit; adeò ut scdâ arteriâ in brachio, si vena supra orificium ligetur, sanguinem in illa contentum ante sectionem, exhaustâ arteriâ, semper retinebit, ita ut per cor transeat, est necesse, nulla enim alia datur via: Atque hoc experimento minimè fallaci demonstraturi sumus. Aorta juxtâ cor ligaturâ stricâ ligetur & infra vinculum aperiatur; si arterias solum inantas & venas ditentas sanguine conspiciatis, non aliam esse per anastomases viam facile concedetis. Si verò intra ligaturam & cor secetur Aorta, & sanguinem è corde affatim exsurgentem, omnesque venas simul & arterias exhaustas videatis: Non ulteriori demonstratione ad veritatis hujus confirmationem indigere speramus; sed hæc cuius experimentum facienti facilè enotescent. Quod ad alteram hujus thesios partem spectat; quod plus per sinus cordis transeat, quam à partibus consumi, aut ab ingestis suppeditari possit, infra fusius illustrabimus.

Sed hæc à D. Primerosio Londinensi conspurcata, & contradicta paulisper examinemus, ejusque argumenta libremus. Postquam variis & insulsis altercationibus Harveium infectatus est, tandem illum novationis reum insinuat, quem tamen & ipse liberavit.

Vna eadèque manus vulnus opemque tulit.

Et ingenuè confitetur, si Galeni placitis adhereremus, opinionem hanc non absurdam esse æstimemus. *Is enim in Systole* (inquit) *notabilis quadam sanguinis copia in Aortam impellatur, totum tandem sanguinem ibi in Aortam; unde necesse est, ut in venas redeat, cum arteria non possit universum sanguinem continere. At Galenus* (inquit) *id per anastomases venarum & arteriarum salum fuisse voluit, sed Harveium per habitum corporis.* Hic Galenum Harvei partes agentem introduxit, sanguinem ex arteriis in venas per anastomases irruere, fatentem. Annon idem scripsit Harveius? Annon se multum in Anastomasiâ inquisitione negotiatum fuisse cap. 9. consistentem habemus? Unde itaque hæc simulata querelæ? licet ad habitum corporis arterias sanguinem emittere, tamen & per anastomases patentes in venas effluere asserentem videat. Quem itaque novatorem constituit, Galenum an Harveium?

Deinde hoc illi maximè molestum habet, quod sanguis majori copiâ è cavâ in arterias pulsus cordis transmittitur, quam ab assumptis suppeditari possit; adeò ut brevissimè illuc tota ejus massa pertranseat. Quam sententiam optimè demonstravit Harveius ex differenti quantitate quam cor cum dilatatur continet, à quantitate quam in contractione habet. Quod ventriculi minorem in contractione acquisivere capacitatem; superius illustravimus, atque ex consequenti minorem sanguinis copiam continere debere: quod gratis nobis concedi existimamus. Sed quos angulos querit iste sanguis? Annon tantum è sinibus expellitur quantum contractioni illi respondeat? In venas rursus regurgitare nequit, ob valvulas venarum orificiis appositas.

Præterea cui ventriculos cordis ingreditur, solum ut per eandem rursus exeat viam? Non in ventriculis condensatus remanet (licet multum à cordis calore rarefiat, ut facile inde rursus condensetur) quia juxta agentem continuò detentus, ulteriorem semper acquireret raritatem; calore semper in materiam aptam agente, idem semper produceretur effectus. Reitat itaque in arterias illum propelli concludamus.

Sed hic inlat Primerosius; Quantitas illa in contractione emissã, illique respondens, tanta non est quin facile ab assumptis suppeditari possit. Iustam quantitatem quæ singulis horis è corde effluit, definire non possumus, in sanis præcipuè, hoc verò testari possumus, è corde canum, dum vivos aperuissimus, nunc drachman, nunc semiunciam singulis pulsibus effluxisse, quod verò majori cum violentiã tunc irruerat sanguis, quàm, cum sani fuissent, solet, non negabimus. Si tanta tamen è canum corde effluit quantitas, quantò hanc superat è corde humano effluxus? Ubi vasa sunt majora, cor amplissimum cæteris paribus, & sanguinis massa pene decies bis excedit. Is itaque non adversabimur, qui è corde humano singulis pulsibus in Aortam plus quam drachmam effundi asserunt. Adeò ut sanguinis cursus duorum vel trium horarum spatio peragi possit. Seu rectius forsàn statuimus tantum sanguinis singulis pulsibus è sinubus effluere, quantum auriculæ capacitas continere valet, majorem forsàn paulò extensionem, à cordis calore ulterius rarefactus, acquirens.

Harveius minimam quantitatem statuit esse partem octavam sanguinis contenti in sinubus. Et meritò quidem, si quantum à se differat cor contractum & expansum consideremus. Atque sic drachmam unam singulis pulsibus in arterias transfundi existimat; Sed minorem supponamus quantitatem, & scrupulum, imo guttulam vel granum unicuique tantum effluere admittamus (quod gratis nobis concedi haud dubitamus) multo cibi ingesti quantitatem superat, & vel sic, ut ex numero pulsuum in propriâ manu animadvertimus, plus libris decem uncis v, in arterias, spatio horarum 24. transmitti computavimus, cum cibi potusque quantitas non libras tres superaverit; Sed & dimidium hujus quantitatis reseceamus, & vel quartam solummodò partem admittamus (quam nemo in dissectionibus versatus petere non erubescet), libras penè tres quolibet die, vel sub hac proportionem, in arterias transmitti inveniemus. Atque hæc proportionata quantitas præcisè excrementis, nullo modo ab ingestis suppeditari poterit. Sed si postulatis hæc nostris adhuc non acquiescet Primerosius, quantitatem ab illo concessam animadvertamus, & unciam unam intra horas duas emitti in arterias admittamus, & exinde intra spatium viginti quatuor horarum libra una, vel unciz xij effluunt. At quomodo hæc præcisè excrementis in abstemiis, & diebus cum publica instituuntur jejunia, ab ingestis refarciri poterit, imo in iis qui per menses aliquot, per annos à cibo abstinerunt, ab ingestis unde suppeditatur. Ingereret forsàn tunc talem non esse transmissionem, nisi prius huic responsum excussisset; cum frustra assiduum illum & ordinatum cordis motum, frustraneam & ejus Syktolen, si nihil expellatur, consistetur.

Nec sufficit sanguinis rarefactio à cordis calore dubium hoc penitus dirimere: nec potest illa quantitatem expulsum supplere. Si enim calor
cordis

cordis semper in illum ageret, tandem in vapores transiret. atq; sic non sanguis sed vapor solum in arteriis contineretur. contra Galenum, qui librum in illius sententiz confutationem inscripsit.

Sed ut objectiones ejus ulterius persequamur. In viva dissectione (inquit) cordis Systole primò valida est; & impetuosa, quia præter naturam se habet: at in integro animali satis blanda, unde paucissimus emittitur. Fatemur quidem pulsus in dissecis multò forsàn esse concitatiorem, quam cum secundum naturam se habeant; annon & idem in febribus? Unde tunc, cum nihil assumatur, suppedatur. At si diligentius inquiramus, in vivorum dissectionibus, cum cor penè languidum fatiscit, sanguisque minus spirituosus penè coagulatur, majorem tunc quantitatem quam granum, imo vel scrupulum quolibet pulsu effundi videbitis, uti sæpius ipse in vivorum dissectionibus perstravimus.

Deinde valvularum officium convellit, quasi muneris oblitæ, orificium Aortæ perfectè non clauderent: atque sic per dehiscentes rimulas sanguis expulsus in ventriculum rursus rediret. Sed ad hujus confutationem oculorum testimonium petat, & orificium exactè clausum inveniet.

Inde Harveium urget ad demonstrationem, an *Autopsia demonstrare possit totum sanguinem emissi per cor in arterias? Itane? ostendas mihi quæso per Autopsiam chyli transitum per Mesaraicas, per Hepar, Seri exitum per Renes.* Hæc tamen ex structura & fabrica partium probabiliter fieri concludimus, demonstrationem non petimus, nec habemus: an ideo tales actiones prorsus negemus? Absit à Medicorum scholis. Ars Medica non est demonstrationibus ornata, hæc Mathematicis propriæ sunt; nobis sufficiat ex probabili ratiocinari. At si demonstrationem tam ardentè postulat; superius allatum experimentum consulat. Vbi dissectâ Aortâ juxta cor copiosè effluentem sanguinem è sinu sinistro intueatur.

Iam ut totum diruat ædificium, incommoda plurima hujus circulationis recenset: *Tollunt (inquit) primo ratio omnium Revulsionis & Derivationis; tollunt Reversus & communio vasorum, cum sanguis ille in vena sectione, à parte affecta non revellitur, sed à corde potius à quo in arterias, dein in venas penetrat.* De Revulsione in Pleuritide multum dubitatur; & in tantam olim crevit controversiam inter Medicos Italos, Germanos, Gallos, & Hispanos, ita ut ad Magistratum rem delatam fuisset, quo Principis autoritate & gladio tumultuosæ illæ disputationes sedarentur; refert Sennertus. Si Revulsionis autem naturam ac rationem satis intelligimus; motu hoc circulatorio eam nullo modo violari opinamur. In revulsione enim quæ fit venæ sectione, à parte laborante inmediate non attrahitur, aut revellitur sanguis; sed mediantibus aliis vasis, majoribus scilicet, ipsòque corde: Sic in Pleuritide venas Pleuræ à nimio sanguinis infarctu liberamus, cùm à fonte exaurimus, & ad aliam partem, situ multum remotam, motum ejus conciliare studemus. Sic lectâ venâ in brachio dextro sanguinem à latere sinistro in pleuritide ejus lateris, revellimus; non inmediate autem ab intercostalibus sinistris sanguinem educimus; sed mediante cavâ, venâque axillari brachii dextri. Hoc damnatâ circulatione concessum fore non dubitamus.

Atque sic de Revulsione sentit Clarissimus Heurnius in *Comment. in aphorif. 50. Hippo. lib. 5. In Revulsione* (inquit) *remedia iis partibus sunt admoventia unde sanguis fluit. Hoc est, à fonte sanguinem distribuyente, illum revellere oportet. Salvâ itaque circulatione sanguinis, salvâque revulsione ratione, sanguis circulans à fonte revelli poterit; atque inde à parte laborante; quam breviter sine circulatione fieri non potuisse, imò irrationalem esse intentionem hâc sublatâ illustrabimus. Primò itaque quomodo fiat ostendemus. In venæ sectione quantò major sanguinis quantitas à venâ incisâ effluit, tanto celerius majoriq; copiâ per arteriam, cui per anastomasin vena conjungitur, à corde ad inflictum vulnus excurrit; quia illic patentiore viam & vasa magis inanita invenit: Unde sine sanguinis præcedentis renixu illic celerrimè protruditur. Cum autem alicui parti plus iusto, ac quam soletur recurrat, sanguinis minor copia in corde & Aortâ relinquitur, minusque sanguinis cæteris partibus distribuitur, secundùm enim quantitatè singulis dispensatur, ex magnâ multum, ex parvâ minus conceditur. Imò per arteriam hanc, venâ insectâ sanguinem communicantem, totam Aortam, cor ipsum, & cavam exhaurire possumus: (sit utrum placeat, fons sine cisterna). Hoc verò concessio; (& sane negare quisque erubescat) faciliè revulsionem à parte affectâ monstrabimus. Si enim cor tantum sanguinis, ut antea ad partem laborantem concedere non possit, sed ad alias propellat, licet iste sanguis in parte jam extra vasa effluxus, non revellatur; satis tamen pro officio revulsione nos fecisse arbitramur, si fluxurum sanguinem aliâs divertamus. In Revulsione enim non ille qui peccat attrahitur sanguis, sed qui peccaturus est, & qui jam est in motu, ne offendat revellere studemus. In Pleuritide itaque seu narium hæmorrhagiâ, ubi sanguis vel nimium rarefactus vel nimis acris; vasa vel distendit nimium vel erodit, atque sic portam aperiens, irruenti sanguini via præbetur: Fluxum hunc verò ut sistamus venam alio in loco, à priori remotissimo, secamus; ut portâ datâ patentiori per illam copiâ istius gravantis exoneretur Natura; & qui parti affectâ affluxurus erat, jam ad inflictum vulnus reducetur. Adeò ut Natura non ulterius in parte laborante vel copiâ vel acrimoniâ laceffita, ad pristinam redeat conditionem, ac orificium apertum spontè claudat. Et sic Revulsione rationem salva circulatione illustravimus. Hoc ipsum dilucidari poterit à fluminibus extra ripas intumescantibus, quæ licet præcipitanter & violenter satis per canales ferantur, eruptis tamen ripis in omnes vicinos agros impetuosè irruunt, donec molitores obices aquarum transicum prohibentes subtrahant, ut inde canalem tumescentem exhauriant, & intra ripas rursus contineant. Quod verò sine ratione Revulsio, sine motu hoc sanguinis ab arteriis in venas, instituat, faciliè patebit. Quæ enim vasorum communio inter venas intercostales lateris sinistri, & brachii dextri? nulla sane nisi per cavam; at quantas illac violabit valvas, quam plurimæ sunt deturbandæ obices tam in intercostalibus quam axillaribus? Et quid ligaturam supra inflictum orificium imponimus, si ab axillaribus descendat sanguis? rectius infra forsân ligari concederent, nisi quod effluxum sistere sæpius observassent. Sed hic ingerunt, dolor à ligaturâ excitatus sanguinem istuc attrahit. Itane? Cur non & quilibet alius dolor quocunque modo excitatus, vel ustione, vel pun-*

gendo,

gendo, vel orificium infligendo idem efficiat? Quia sanè venas non comprimunt, adeo ut libere per illarum canales ad axillas ascendant sanguis, ligatura verò, non adeo stricta ut dolorem inferat, (sic enim nihil ex inflicto vulnere, ligatis nempe simul & arteriis inter musculos alè latentibus, effluet) venas undique sic constringit, ut sanguis, quem ab arteriis receperunt, illic sistatur, venasque inflet donec datà vià infra ligaturam affatim exiliat. Si vero supra secetur, nihil emanat.

Quod ad Derivationem spectat, salva Circulatione optimè explicari poterit. Pramilla Revulsione, fonte ac arteriis majoribus inanitis oportune insequitur Derivatio; quæ apertà venà in eodem latere arterias parti affectæ vicinas promptè lacunat; atque sic sanguinem per arteriam axillarem derivat, qui in arterias intercostales ejusdem lateris concitatis propulsurus fuerat. Ut fusius infra per tabulas illustravimus.

Secundum certè argumentum magni pendet, his enim in eodem capite repetit. Si (inquit) ad distributionem sanguinis arteriæ pulsant, cur non venæ etiam pulsant, cum eadem sit ratio motus in reditu, ac in transmissione? Si enim non sine vi ad partes accedat, vi etiam ut revertatur est necesse, ac cur idem numero sanguis arterias impelleret, non venas? Argumentum hoc pro Herculeo habent omnes hujus Circulationis oppugnatores, & certè dubium est alicujus momenti, non dissimulabo quin me habuit sollicitum. Verisimile enim non est ut motus hic arteriarum quasi in puncto sisteretur, cum vis eadem sit, & materia impulsâ eadem; ut in hoc puncto pulsus esset, in illo nullus. Huic tamen argumento sic conabimur satisfacere. Ait Harveius (& quidem cum ratione) impulsus cordis ad divisiones singulas arteria quasi partibus imminuitur; adeo ut ad ultimas divisiones, arteria penè capillares facta, venis non solum constitutione & tunica, sed & quiete similes fiant: dum sensibilem pulsus aut nullum, aut non semper edant, nisi cum cor vehementius pulset, aut arteriola nimium sit dilata. Inde fit ut in tuberculis, dentibus dolentibus, digitorum apicibus quandoque pulsus sentire possimus, quandoque non: unde pueros quibus pulsus semper sunt celeres & frequentes, hoc uno certo signo (scilicet ex pulsu in digitorum apicibus) febricitare observavit Harveius. Item in tenellis & delicatulis ex digitorum compressione in februm paroxysmis, vigorem ex pulsu facile percipimus. Ex alterâ parte cum cor languidius pulset, non solum non in digitis, sed nec in carpo, nec in temporibus motum ullum sentire possumus. Iam si arteriæ capillares & minores (ut ex prædictis constat) non vibrentur, minimè mirum sit si venæ, in quas impellitur & exoneratur sanguis, non pulsant.

Sed hic ulterius quæri poterit, cur venæ non movent in febris, & quando arteriæ capillares pulsant; nonnullæ præterea venæ cum majoribus arteriis coeunt, cur non & istæ pulsus faciant? Solomon Albertus hæc de venis nobis reliquit: *Vena licet suapte vi (inquit) immobilis sit, est tamen ubi & ipsa micat, motusq; tremulo vibratur; quoties videlicet per occultam curriculum meatuum, sive pororum inspirationem, & vasorum προς αλληλα συνασώμασι, quæ nimirum ora sua, unum alteri commercio quodam adaptant, aërem intra suam capedinem conceperit.* Experimentum sanè tali ingenio dignissimum, & licet causam motus non rectè designare videtur, cum ab impulsu sanguinis ex arteriis in illas fieri potius diceremus, non ab aëre admissio; du-

bium

bium hoc tamen inde penitus diruitur. Sed quia experimentum hoc rati-
 tum & ab omnibus concessum non habemus, neque forsan nisi in maj-
 oribus vasorum anastomosis motus hic sit perceptibilis: aliam quietis
 causam in venis, & pulsus in arteriis, ut perquiramus est necesse. Quod
 ut feliciter agamus, prius causam & rationem pulsus in arteriis reddere
 oportet. Pulsus in arteriis nihil aliud est quam arteriæ subita dilatatio
 à sanguine, vi cordis in illam impulsio, facta. Illarum enim cavitas san-
 guine repleta & infarsa majorem quantitatem admittere nequit, nisi &
 membrana dilatentur. Cum itaque cor motu suo in illas novum per sal-
 tum, non pedetentim ingerat sanguinem, ulterius ut distendantur ne-
 cesse est, ut novum illum sanguinem subitaneo motu immixtum tuni-
 cas, ultra naturalem illarum distensionem, dilatantem admittant; at-
 que hoc modo subito & violenter inflatae arteriæ pulsus faciunt, nec
 rursus decidunt donec tantum ex illis in venas effundatur, quantum
 cordis sinus in arterias impelleretur. Motus hic in arteriis usque ad
 illarum extrema continuatur; licet à frequentibus illarum divaricationi-
 bus impetus multum infringatur; Quod ideo fieri videtur quia arteria-
 rum capacitas semper angustior redditur, adeo ut sanguis de novo in ar-
 terias à corde impulsus, illum in arteriis contentum continuo propellat
 & urgeat, & tunicas distendat, quia à majori spatio in angustius quam
 pro ratione materiae, sit ingestus. Atque sic (ut dictum est) motus ille
 distensionis usque ad extrema & minima arteriarum ora, licet restrictus,
 continuatur. Cum verò ex minoribus hisce vasis in majora expellatur,
 ex arteriis scilicet capillaribus in venas minores, quæ ex angustioribus
 in majores semper dilatantur, necessitas illa dilatationis tollitur, quia
 inter venarum tunicas majus invenit spatium, quam, cum in arteriis
 contineretur, habuit. Hoc ipsum sic explicari poterit: Si chirothe-
 cam inflas, os parti quæ manum admittit imponendo; cum ex ampliori
 spatio in angustius semper aer propellatur, & in digitis constringatur
 magis, omnes digitos totamque chirothecam unâ & simul distendi,
 pulsusque in arteriis amulari videbitis. Si verò è contra digitum unum
 vel alterum in illorum extremis aperiatis, & illis admoveatur os, & per
 illos inflatur chirotheca, nec digitos nec aliam quamvis partem ex-
 tendi percipietis: quia aer ex angustiori in amplius spatium progredi-
 tur, adeo ut distensionis necessitas in chirothecâ, ut aerem admittat,
 inde tollatur, quia aer inflatus ex angustiori exiliens, majus invenit spa-
 tium quam pro ratione copiae ejus erat necesse. Sic venæ minores, chi-
 rotheca digitos referentes, quo magis ab anastomosis recedunt, eo
 majores evadunt, donec in cavam se exonerent, receptaculum quod-
 dam amplum, Microcosmi mare magnum, cui venæ tanquam flumi-
 na minora tendunt, & in quod perpetuis effluxibus se exonerant. Atque
 sic causam quietis in venis reddidimus, aliam nobis probabiliorum pro-
 ponant & beatunt.

Uterius instat Dⁿ. Primicrossius; In febribus (inquit) malignis & putridis
 verisimile non est sanguinem putridum per cor motu circulari transcolari, quia cor (Re-
 ferente Galeno) nec bilis nec humoris noxii appulsus ferat, multo minus sangui-
 nis putridi. Quod verò humores hi sinus cordis, cum sanguine benigno
 commisti, innoxie pertranseant; haud dubitare debemus; dum & bilis,
 & serum, & melancholia, & alii humores sanguinis sunt (secundum
 Medi-

Medicorum placita) perpetui comites. At verò humores sinceris, natura suæ semper ipsius sollicita, receptaculis appropriatis designavit: Illos tamen quandoque per cordis thalamos permeare haud difficulter pronuntiabimus; haud tamen innoxie dicimus, inde enim Syncope ac lipothymiz frequentes, forsitan inde & suspiria illa gravia, & anxietates ortum ducunt. Atque ideo Harveium ex dissectione illorum qui in principio accessionis emortui fuerant, edodum audietis. *In tertiana (inquit) febre morbifica causa in principio cor petens, circa illud & pulmones inhumoratur, & anhelosus, suffrictosus & ignavus facit, quia principium aggravatur vitale, & sanguis in pulmones impingitur & mersatur.* De pure verò per ventriculos cordis transiente frequentes Medicorum observationes abunde testantur. In Empyemate, ac pulmonum ulceribus pus per urinas ejectum sæpius observavimus, atque hoc ex consensu Medicorum per sinus cordis in Aortam, atque inde ad renes transferri, cum plurimis aliis fatetur illustrissimus Spigelius.

Quarto (inquit) *Motum hunc circularem, concoctionem humorum & illorum separationem impedire.* Nihil minus. A quiete enim non coquuntur, sed à natura mediante calore nativo in qualibet parte insto, adeo ut ubicunque vagantur, si naturalem hunc circumambientem & alterantem habeant calorem, nisi à præternaturali superentur, coctionem non effugiant. Et quidem multò feliciter hoc modo humores secernuntur; Cum enim motu circulari circumferantur, qui à natura coquuntur & separantur, dum per arterias ad Intestina, renes aut partes extremas unà cum sanguine deducuntur, quam facillè excerni poterunt.

Deinde Venæ Portæ officium in dubium vocat, & naturam in superfluo abundantem accusat. *Cur facta est (inquit) vena Porta? Cur cava in ascendentem & descendensem dividitur? Cur ascendens ramus quamplurimos producit furculos, antequam in cor inferatur?*

De Usu Portæ in Libro Primo satis prolixi fuimus, nec opus est ut hic aliquid addamus. De cavæ furculis ab illà non tam sparguntur aut emittuntur, quasi per illos sanguis partibus communicaretur, quam ad illam tendunt, tanquam ad mare flumina, in quam se exonerant omnes minores venæ.

Quomodo (inquit) sanguis in hepate genitus directè in cor fertur? Nec interea sese inserit in ramos illos vena cava, qui in ipsum truncum aperiuntur, & primi obviæ sunt, antequam cava diaphragma permeet. Quam hec res esset si invenisset illic valvulas, quæ genito sanguini & ad cor delato clauderentur, & ab habitu corporis redeuntis aperirentur, recurrere forsitan ad tractionem cordis.

Licet verum sit sanguinem in cavâ à corde attrahi, quæ causa motus sufficiens foret, adeo ut ad partes per ramos illos cavæ non reflueret; aliam tamen invenies causam si cavæ dissectionem aggrediaris; & forsitan ipse beatitudinem illam invenies, si lubenter non excutias, valvulas enim nonnullis venarum ostiis; in cæteris, parum antequam os in cavam inferant, appositas videbis: imo in brutis, ipsi venarum furculis ex hepate egredientibus valvulas apponi facile demonstrabit autopsia. Quæ omnes sanguinis ingressum in cavam facillè admittunt, egressum verò ad hepar nequaquam. Mirum itaque non sit si ad partes non feratur, sed recto cursu ad cor tendat; partim à cordis attractione, partim ab im-

pulsu ex arteriis, partim etiam ab attractione à pulmonibus facta, de qua fufius postea cum de officio pulmonum dicturi sumus.

Urget ulterius, *sanguis tunc* (inquit) *in Porta ag, perfectus ac elaboratus esset ac in arteriis & vena cava.* Et quidem verum pronuntiat, qui enim in illa continetur, modò ex arteriis acceperat; Multis verò excrementis inquinari, cum venter infimus sit sentina totius corporis, non negabimus.

At frustra dicit per jecur ex Porta iterum redire, cum sanguis in jecore genitus, ab eo tanquam excrementum expulsus non solet ab eodem rursus attrahi nec appeti. Nec appetitur quidem, qui enim ad nutritionem latoris affertur, non per portam, sed per arteriam coeliacam furculum illi deducitur, Idemque nec attrahitur à jecore, qui per Portam redit, sed in illum impellitur; non ut ulteriorem perfectionem ibi acquirat, sed ut convenientiorem ad eam reditum, cujus ramulis in hepatis parenchymate per anatomas Portam conjungitur, inveniat. Secundo, Per hepar etiam redit, ut sanguis de novo factus cum illo mistus minori cum cruditate ad cor accedat, ibique facilius coquatur. Tertio, Ut etiam (quæ forsitan ratio non est minima) biliosum excrementum ibi exactè & perfectè deponat, & cordis enim & cæterarum partium calorem magis concoquitur, partesque nonnullæ aduruntur & biliosæ fiunt, quas ut facilius excernat, natura transitum illum per bilis colatorium (ut ita dicam) instituit, ut quam citò à tali liberetur inimico: atque hoc quam dextrè peragitur, cum (ut lib. 1. dictum est) vasa bilem separantia venarum harum tunicas etiam penetrent, & ex illis bilem eliciant.

Utrum & officium vasorum umbilicalium, ex quo octavum ejus construxit argumentum, in lib. 1. petat, ubi nihil in illis huic circulationi adversarium inveniet.

Nonum ejus argumentum nostras agit partes. *Cur* (inquit) *si arterias umbilicales ligaveris tollitur pulsus in Secundinâ, pulsantibus arteriis versus cor factus.* Quia scilicet cor foetus sanguinem in arterias Secundinæ propellit; intercepto verò ob ligaturam transitu, ultra constrictionem, illum immittere nequit; & ideo ut pulsus ultra ligaturam pereat est necesse. *At si venam umbilicalem* (inquit) *ligaveris, peribit pulsus omnium arteriarum;* Et rectè quidem; sanguis enim maternus qui à foetus corde in arterias Secundinæ propelli solet, ut ad matrem rursus redeat ob ligaturam venum deficit, ideoque ut quiescant est necesse.

10. *Cur* (inquit) *eadem non est tunica in venis, quæ est arteriarum, cum sanguinem suum vena recipiant ab arteriis?* In arteriarum extremis eandem invenire licet tunicam, sed illas ideo crassiores obtinuissè tunicas dicimus, præcipue juxta cor, ut melius sanguinis expulsi è sinistro ventriculo violentiam ferant. & ut spiritus admodum rarefacti, à fugâ inter densas & constipatas arteriarum tunicas contineantur; Metus enim foret, si venarum tunicas habuerint, ne sanguinis è corde motus violentus & impetuosus, illas violaret, spiritusque per tennes illarum membranas effugerent; cum ad venas autem pervenerint, magis tunc constipati & fixi inveniuntur.

11. *Non sunt* (inquit) *anastomases arteriarum cum venis omnibus.* Fateamur quidem cum venis minoribus omnibus arterias non esse conjunctas; venarum capillarium enim numerus multò arteriarum numerum excedit:

dit: sufficit ad circulationem, si cum aliquibus & majoribus uniantur; vix autem in toto corpore furculus aliquis venarum, qui comitem arteriam non habeat, invenitur. Ex unico fonte plurimi impleri possunt alveoli, licet in unum vel alterum canale effundatur aqua.

12. Deinde sanguinis motum valvula in vena impediri, ait, ita ut non tam subitò redeat quàm affluit. Si alvularum situm diligenter ac probè animadvertat, illas potius motum hunc promovere agnoscat; & idem præstare officium, quale in cochleis & aqueductibus artificiales illæ valvulæ coriaceæ præstant, videbit: Cochleæ enim ut aquam facilius in altum attollant, plurimis quasi valvulis concinnatæ sunt, ad ascensum faciliorem conciliandum. Quantà enim vi quantoque robore opus erat, si pars illa exuens loco admodum alto sita, totum illud aquarum pondus ab imo ad summum moveret? Vt facilius itaque motum illum attractionis sequatur aqua, plurimas quasi valvulas in intermedio spatio, sursum spectantes, apposuerunt; ut aqua illa quæ à primâ valvulâ sit attracta, ob copiam minorem pondusque parvum faciliè ascendat, & quæ inter reliquas continetur, ob fugam vacui, facile etiam insequatur, nec rursus decidat cùm ille attractionis desistat motus. Idem in venis per valvulas efficitur, quæ pondus illud sanguinis in brachiotum & crurum venis contenti sustentant, ne ob gravitatem, cordis & pulmonum conatus, sanguinisque subsequents impulsus frustrarentur.

13. De Plexibus jam dubium movet, scilicet, an ad celeritatem sanguinis redeunti conciliandam salta fuerint?

Nequaquam, sed ad moram; Sed hi paucis admodum partibus conceduntur, qui tamen motum hunc circularem non impediunt. Plexus enim illi non tam ex venarum complicatione facti sunt, quam & articularum, & ex mutuâ inter se per anastomases unione; In quibus sanguis tam diu moram facit, donec sanguinis puriores & magis appropriatæ particulæ ad opus aliquod insigne perficiendum eliciantur, & separantur; ut in cerebro, & juxta testiculos, ubi partes ad seminis & spirituum generationem separantur; in lecore etiam & Renibus, ut felicius excernantur excrementa: de quibus plura in locis illis ubi inveniuntur docuimus.

In secundum Harvei suppositum jam se accingit, illudque strenuè oppugnat: Et sanguinem impulsu cordis copiosius ad partes effluere, quam illarum nutritioni erat necessarium, pro impossibile habet.

1. Tanta (inquit) sanguinis copia per cæcos corporis meatus transire nequit. Concedimus, sed per patentes valvorum anastomases in venas redire poterit.

2. Demptrâ ligaturâ in vena sectione sanguis sæpè exiit non minus virulens, Concedimus & hoc, quid inde? aut enim sanguis est tenuis & calefactus, & à subsequenti maximè urgetur; aut orificium est amplum.

3. Si vena nimis æste ligaturâ comprimat, nihil aut parum sanguinis effluet. Conceditur etiam, ligantur enim & arteriæ, unde illuc nullus à corde emititur sanguis quo vena repleatur.

4. Inveni (inquit) Medici ad sistendam hæmorrhagiam venam abscindere: inde necesse est ut sanguis in arteriâ, quæ cum venâ abscisâ conjungebatur, deductus, aut iterum per arterias remeet, aut in carnem effundatur. Nequaquam, Primo, Nulla est necessitas ut remeet, sed cum plurimi sint furculi ejusdem venæ

in quos arteriæ inhiant, si unus abscindatur, sanguinem tamen reducit alter; vel si omnis per illam venam interceptus transitus, arteria etiam cum illâ unita, viâ jam oclusâ, tanquam emerita prorsus coalescit. Secundo, In carnem verò effundi nequit, nisi per venam abscissam; at hoc non sanguinis circulatione, sed chirurgorum incuriâ, qui venam non arctè satis constringunt, accidit. Quod verò abscissis venis sanguis per arterias non impellatur, ex manuum vulneribus, unde venæ & arteriæ forsân nonnullæ prorsus abscinduntur, manifestò patet; Exinde enim non solum pars illa manus ultra inflictum vulnus penitus exarscit, sed & totum brachium tabescit: quod nullo modo fieret, si per venas ad brachii nutritionem adduceretur; Sed quia sanguis qui per arterias singulis brachii partibus transferri, & in manibus, quam plurimis magnâque venis per anastomases patentes ab arteriis mandari, & per venas illas patentes totum percurrere brachium solet; jam abscissis in manu vasis, viâque oclusâ, tantum illi brachio non emittitur; quia rursus per venas redire nequit, atque ita ob defectum alimenti ut tabescat est necesse. Argumentum sanè pro circulatione hæc evidentissimum.

Quinto, Deinde Tumores (inquit) sæpè sunt ex affluxu sanguinis in partibus, in quibus nulla adsunt arteria, ut in Pleurâ. Ergo non semper per arterias sanguis partibus communicatur. Tumores sanguineos, ubicunque extra vasa sanguis sit effusus, fieri haud dubitamus; quandoque è venis etiam effluxum illum contigisse, ubi pauciores inveniuntur arteriæ, gratis concedimus: quid inde? Nonne ab arteriis sanguinem hunc prius acceperunt venæ, quam effuderunt? absque dubio est. Sed miror sanè cur Pleuræ arterias denegaret. Si autopsiam aut Anatomicos, Vesalium, Bauhinum, Laurentium, Spigelium consuluisse: totidem arterias pleuræ esse attensas, quot venas invenisset: Quatuor enim superiores ab intercostali superiori arteriâ costarum radicibus attensâ, octo inferiores à posteriori sede trunci descendentes Aortæ, enascuntur.

Sextò, Præterea si eandem (inquit) venam in brachio duobus in locis per intervalla disitis simul aperis, plus sanguinis ex vulnere quod ab extrema manu magis distat, quàm ex eo quod manui proximium est, effluet; contrarium autem fieret, nam sanguis per venas remeans, orificio proximiori prius occurreret, & per illud exiliens, nihil aut parum ex remotiori evacuetur.

Hoc verum esset, si unicus tantum venæ furculus fuisset, sed cum plures ramuli minores undiquaque se in maiorem canalem exonerent, antequam ad vulnus remotum pervenerit sanguis; mirum non est si ex orificio à manu distantiori, & idèò etiam ex vena majori (semper enim quo propius ad cor accedunt, eo pauciores & majores redduntur) affatim irrueret, cum non sanguinem emittit, qui orificio prius elapsus erat, sed & illum quem ab aliis furculis, supra orificium inferius insertis, receperat.

Tandem de motus hujus in sanguine causâ differens: Calorem, ait, & tenuitatem spirituum sanguinem movere: eumque à corde influentem à seipso, ab interno principio non tanquam à formâ, sed à qualitatibus propelli.

Motum omnem dividunt Philosophi in naturalem & violentum, naturalem omnem ab agente interno, scilicet formâ conciliari. Nec primæ qualitates (formæ ministræ) quicquam sine illâ præstare poterunt;

runt; nec unquam ab illâ, cujus sunt, separantur; nihil itaque qualitates à formâ distinctæ, movere possunt. Inter qualitates verò secundas tenue & rarum, leve & densum, ad motum forsân materiam disponunt, illam verò tanquam principium internum nullo modo movere poterunt. At si motum hunc in sanguine rectè animadvertat, illum violentum esse, qui ab agente externo semper excitatur; tenuitatem vero ejus & raritatem, multum motum hunc adjuvare non negabimus; sic enim impellenti vi magis erit obediens; at vero quod ad motum solummodo disponit, illud nullo modo motus principium dicere possumus.

Urget ultimò questionem satis (si diis placet) perplexam: *Cur Valvula in arteriis non sint, atq; ac in venis?* Si in prioribus valvularum usum in venis, à nobis designatum; revolvat, expeditè quidem dubium hoc solvet, & in arteriis nullum illarum inveniet usum: Et natura in superfluis nullo modo abundat, nec deficit in necessariis.

Quod ad ipsum suppositum attinet, nempe plus sanguinis ad partes affluere quàm illarum nutritioni inserviret, de hoc in sequentibus plura dicturi sumus: Dubia verò alia plurima contra circulationem hanc Doctorem proposuisse agnoscimus, quæ tamen lubenter omisimus; nè In amplum nimis volumen opus hoc nostrum contra institutum excresceret. Ea solum excerptimus, quæ magis circulationis hujus fundamentis minitari videntur; cætera, si, quæ à doctissimo Harveio describuntur, & quæ in prioribus attulimus, examinentur; vel nulla esse, vel ex prædictis facile esse solvenda. Lector inveniet, forescæque naturæ esse referatas, magnâ gratitudine tandem fatebitur.

CAPUT VI.

De sanguinis circulationis necessitate.

QUæ circulationem hanc oppugnant in superioribus habetis; restat jam ut nonnulla hujus necessitatem suadentia afferre conemur.

Primo, Motu hoc sanguis à coagulatione, grumescentiâ, & putredine conservatur. A coagulatione præservatur, dum partes homogeneæ continuo motu ab unionem frustrantur, & perpetuò separantur. Atq; hoc vel mulierculis notum est, quæ ut sanguinem suillum à concretionem præservent, crebrâ agitatione, vel manu vel bacillo illum concutunt, fibratq; dissipant, donec refrixerit, ne ingrumescat. Sed hic ex Fernelio aliisque fortasse urgeant, Sanguinem dum in proprio loco continetur non concrecere, cum verò sit effusus, statim, extra locum proprium positus, grumescit. Quod verò venæ sanguinem à concretionem conservare possint, Fernelius ex sanguine in emortuorum venis non concreto illustrare conatur; idque non à calore venarum fieri (uti voluit Aristoteles) sed ingenitâ quadam vi: Sanguis enim in mortuorum venis refrigeratus est, non concretus tamen; quem tamen in viventium intestina, aut ventriculum, aut extra venas irrudentem, seorsum à concretionem non præservat.

Sanguis jam refrigeratus non concrefcit, tepidus verò fi à motu privetur, ftatim ingrumelcit; primum ex muliercularum praxi, cum fanguinem fuillum præparant, probatur: illum enim concutiunt donec refriguerit, refrigeratus verò fluidus femper manet. Secundum verò ex Fernelii obfervatione omniumque teftimonio conceditur: cum extra vafa in ventriculum vel inteflina effluxerit fanguis, licet tepidus fit, ftatim concrefcit; non vero quia extra venarum tutelam fit pofitus, fed quia non movetur. Si enim venarum ftructuram & naturam examinemus; illas non multò à cæteris partibus, tunicas ac membranas habentibus, differre videbimus: Venas enim ex tunicis duabus membranofis conflari invenimus; membranarum verò omnium natura ubique eadem eft, & fi tanta in venarum membranis feu tunicis membranofis invenitur potentia, cur non eandem Inteflinorum tunicis membranofis etiam, eandem etiam ventriculo, pleuræ, membranis capitis, cæterisque: Natura non concefferit? At fi virtute ingenitâ venæ fanguinem à cōcretionē non præferrent; unde accidit, quod fanguis extra vafa effufus ftatim ingrumelcat, in venis verò emortuorum, licet quietus & frigidus, liquidus femper maneat? In mortuorum venis plerumque non concretum inveniri fatemur; grumos tamen nonnullos in corde vifcerumque plexibus fæpiſſimè invenitis. In venis verò calentibus adhuc fæpè etiam concretum habemus, & in Apoplexiâ adeò fuiſſe concretum obſervavit Socer noſter pater memoriæ inſigniffimus Haydokus, ut cum venam phleboto-mando divilerat, divifum etiam fanguinem concretum in illâ invenerit; fic & in Hyſtericis, omnibusque aliis quibus cordis motus subito ceſſaverit. Atque hujus ratio talis eſt. In apoplexiâ aut hyſtericis affectionibus, aliisque ejuſmodi emortuis, subito proſternuntur, ablatisque ſpiritus cor ftatim à motu deſiſtit: Quiſcente verò corde, fanguis ulterius non movetur, fed ftatim dum adhuc calidus fit, uniuntur partes ejus homogeneæ, fibræque unitæ ftatim concreſcunt, ſerumque ſeparatur: In aliis verò qui lenſim moriuntur, cordis pulſus lenſim etiam languent, adeò ut fanguis in emorientibus, licet non tam præcipiti agitetur curſu ut in ſanis, ſemper tamen concutiatur; & ut calor lenſim in corpore debilitatur, ſic & pulſus lenſim languent, motuſque in ſanguine lenſim diminuitur, donec tandem planè nullus fit. Atque hoc modo fibræ diſſipantur & diſiunguntur, non aliter ac in ſanguinis fuilli præparatione ſuperius dictum eſt, & à concretionē conſervantur.

Secundo, Motu hoc fanguis à putredine conſervatur: Omnis enim putrefactio (docente Magno Verulamio) in congregatione homogeneorum fundatur, hoc eſt, cum elementa (in omni miſto variè diſpoſita & miſta) adeò unionis & miſtionis leges negligentia, illorumque vincula diſrumpentia, ſe uniant; ut jam intra contrariorum cancellos contineri nequeant: Sed unione jam fortiora & valentiora facta, illa, quibus, cum miſta fuerint, eſſent ſubordinata & vinſta ſuperant, diſſipant, & tandem effugiunt; atque ſic Miſti diſſolutionem & putredinem conciliant. Quod ſi verò agitatio frequens fiat per motum, tum motus iſte coitionis & unionis, qui delicatus eſt & mollis, & quiete ab externis indiget, deturbatur & ceſſat, ut in innumeris fieri videmus. Veluti, cum quotidiana agitatio & profluencia aquæ, illius putrefactionem arceat: Frequens etiam ventorum commotio aëris putredinem & peſti-

pestilentiam fugat; grana in granariis versa, & agitata, pura manent: omnia denique agitata exterius, non putrescunt interius; è contra stagnantes aquæ statim putrescunt; ærque inclusus auras pestilentes & fœtidas è cavernis emittit; & sic de cæteris.

Idem de sanguine meritò dici poterit; cùm ex variis & dissonantibus particulis sit compositus, totusque sit fluidus, majus à putrefactione privilegium, quàm alia multa corpora, vendicare nequit. Atque hujus exemplum in omni sanguine quieto quotidie invenimus: extra vasa enim effusus, motuque hoc destitutus, non solum concrevit, sed & statim putrescit, variolæque inde excitat tumores & inflammationes.

In viscèribus etiam ubi frequentes sunt vasorum plexus, sæpè ab obstructionibus à motu inhibitus sanguis concrevit & putrescit, licet intra vasa (obstructa tamen) contineatur.

Tertiò, Motu hoc circulari Medicamenta exterius applicata vires intro exercent suas, ac si intro fuissent sumpta: Sic Colocynthis & Aloe ventri applicata, aut manibus detenta, ventrem solvunt: sic à venenato istu serpentum, aut vulnere à morsu canum rabidorum facto, licet unica tantum particula lædatur, contagium toti, quasi in momento, communicatur corpori; quod fieri nullo modo poterit nisi mediante sanguine circulante, qui in parte læsa infectus, cordique rursus recurrens, illud etiam inficiat; atque sic toti massæ statim qualitates illæ communicentur, & per totum distribuuntur, corpus. Hujus rei historiam narrat Galenus 5. de loc. aff. cap. 7. de serpo quodam Imperiali, qui cùm à viperâ esset morsus, universi corporis color adeò fuerat mutatus, ut porri colorem referret. Marcellus Donatus idem refert de quodam colore flavo, & planè isticidio à morsu serpentis tincto. Hoc modo etiam alimenta ab extremâ corporis superficie, ad interiorum nutritionem transferri poterunt; uti docet Hippocrates lib. de alimentis num. 4. & Zacutus Lusitanus lib. 1. hist. obser. 11. refert, se vidisse septimestrem diebus septem sine ullo cibo assumpto, nutrientibus solummodo emplastris umbilico assidue admotis, ad octavum diem, sevitiam morbi subterfugientem, vitam produxisse. Tenuiores enim emplastrorum partes calore corporis elicitæ, per poros in venas capillares raptæ, unâ cum sanguine recurrente ad Hepar, atque inde ad cor, & exinde singulis corporis particulis pro alimento distribuuntur.

Quarto, Deinde (uti optimè illustravit Harveius) cùm pars aliqua corporis frigore maximo teneatur, & sanguis in venis penè concreverit; quomodo calor pristinus induci poterit? nisi sanguine à corde affluente, qui calore novo ac spiritibus indutus sanguinem illum effortum & penè coagulatum propellat, partemque illam calore illo benigno foveat & reservecat: sanguis verò ille frigidus & penè concretus, cordi, caloris ac vitæ fonti redit, ubi liquatus spiritibusque rursus donatus, partibus iterum communicatur, & calor iterum parti penè emortua conceditur.

Quinto, Sine motu hoc partes corporis nutriri nequeunt: Illud enim partium solummodo nutritioni aptum est, quod particulas illarum naturæ convenientes continet: Et cum partes ex diversis & heterogeneis substantiis conficiantur, necesse est ut in sanguine easdem heterogeneas particulas, quas eliciant & apponant, inveniant: Has verò particulas

ticulas ut eliciant, necesse est ut plurimo irrigentur sanguine, & plus illis offeratur, quàm illarum nutritioni inserviret, ut ex toto proventu illas quæ cognatæ sunt, earumque naturis convenientes, sibi attrahant & apponant; quæ verò cognatæ non sunt, respuunt, & pro aliarum particularum nutritione reservantur. Quod verò tanta sanguinis copia partibus afferi debuit, illarum natura suadere poterit: Ille enim animalium ritu huc & illuc divagari nequeunt, ut alimentum cognatum, quodque appetitui placeat, acquirant; Sed Natura quasi e fonte perennis perpetuos emittit effluxus, sanguinemque benignum particulis diversis ac heterogeneis ditissimum, partibus singulis elargiatur; & non aliter succis irrigantur cognatis & propriis, quàm a fluminibus præterlabentibus plantæ illorum ripis infixæ, unde cum terræ succo homogeneo, quælibet suam exhauriit madorem & nutritivam.

Atque sic de motus hujus necessitate satis prolixe disquisivimus, & attulimus, quæ ingeniosis, animisque veritatis potius avidis, quàm peritrix Inhiantibus satisfacere possint, nisi inter illos veritatis oppugnatres recenseri velint, qui disputare malint quàm vivere, aut *veritas* ad ingenii exercitium chartam perdunt.

Sed jam quomodo doctrina pulsuum cum circulatione hæc quadam possit, non minus à Doctore Primerosio expugnatam, examinemus.

CAPVT VII

De pulsu cordis & arteriarum.

EX Motu Cordis etiam pulsus dependere superius diximus de quibus Authores dissertationibus non minimis multum vexantur. Dogma non minus commune quàm antiquum, cor & arterias eodem tempore dilatari, & simul etiam constringi debet, atque hoc demonstratione satis evidenti, si diis placeat, confirmatur. Eodem enim tempore arteriæ in carpo, & cor ad pectus pulsare percipiuntur.

At sententia hæc plus habet annorum quàm veritatis, uti doctissimus Harveius quàm optimè demonstravit. Contrario enim motu demonstratur, & arteriarum Diastolem, dilatationem seu pulsus eodem tempore quo cordis systole, contractio scilicet, & sanguinis expulsio perficitur, fieri animadvertimus; Arteriasque repleti & distendi proprio sanguinis, à constrictione cordis factam immixtionem & protrusionem, easque descendere, quia replentur ut Vires, non autem repleri, quia descendunt ut sales facile docebit Autopsia. Atque motus hic non solum in arteria magnâ, quæ sanguinis impulsu primo tentatur; sed & singulæ uniuscuiusque corporis arteriæ impetum illum primum à corde in sanguinem impressum sentientes, eodem modo moventur; eodemque penè tempore Aortam sanguine a cordis sinistro sinu distendi, & arteriam in carpo & extremis digitis pulsare videmus. Motum verò hunc non æque videndum fuisse in arteriis minoribus, ac in Aorta dicimus, licet ad extremitatem venarum ora continuatur; sed ut ceteri motus violenti, in fine frigescit,

frigescit, & ad quamlibet arteriarum divisionem frangitur & immittitur.

Sit itaque pulsus arteriarum distensio violenta ab impulsu sanguinis à corde in arterias facta. Quam definitionem à Doct: Harveio argumentis plurimis confirmatam, multisque illustratam experimentis in proœmio ad librum de motu cordis videre licet, contra illos qui pulsus à facultate propriâ & naturali in arteriis existente fieri crediderunt. Argumentum unum vel alterum hic urgere libet, quibus veritatem hujus sententiæ Lector abundè percipiat.

Pulsus non fit à facultate propriâ arteriarum, nec à virtute à corde influente per arteriarum tunicas dispensatâ, quæ illas ita distendit ut pulsare & micare videantur. Utraque opinio suos obtinuit patronos. Primò, Arteriæ à seipsis non moventur; Quia impossibile est ut arteria, aut cor, aut aliud quidquam seipsum ita distendat, ut suâ dilatatione in seipsum quicquam attrahere possit, nisi ut spongia vi prius compressâ, quæ dum ad naturalem constitutionem redit, seipsam aliquo modo distendere videtur: Distendi enim est pati, & distendere est agere, sed idem non potest simul & agere & pati respectu ejusdem actionis, ignis non potest simul calefacere & frigidare.

Deinde omnis motus locomotivus, qualis est pulsus, super immobile fundari debet: sic muscoli in corpore ut partem aliquam moveant, particulæ alicui, scilicet ossi, immobili affiguntur, atq; sic ubi sese contrahunt, partem illam mobilem, quam movere ipsi destinantur & aggrediuntur, ad partem illam immobilem retrahunt. Si enim pars utraque foret mobilis, nullus certus, sed vagus & inconstans inde conciliaretur motus. Hoc etiam in arteriis contingere debuit; ut se distendant & tunicas ultra naturalem situm expandant; necesse est ut parti alicui fixæ & immobili, musculosis quibusdam fibris circumquaque nexis, quibus se attollant & distendant, connectantur: Aliter, licet spiritus potentiam movendi in se comprehendant, movere & locum mutare nequeunt, quia organa, quibus illa loci mutatio perfici debuit, desiderantur.

Neque motum hunc in arteriis eundem esse cum tremore illo, qui à chordis instrumenti Musici percussis editur, existimare debemus; ubi chordam percussam insilire & moveri videmus, servatis tamen semper suis dimensionibus: Cùm enim arteria moveatur, non tantum fursum exilit, sed & dimensiones mutat, undiquaque ampliatur, distenditur; & tam interiora, quàm externè objectum digitum pulsât.

Sed & hoc gratis concedamus, quod singulis arteriis fibræ quædam musculosæ undiquaque adnectuntur, quibus parti alicui immobili connectæ se elevare possint arteriæ; non tamen pulsare aut digitum ferire queunt, quia ultra immobile, versùs quod moveantur, transgredi nequeunt. Tales verò fibras arteriis affixas non admittit natura, nec in Anatomicorum scriptis invenire licet: Ergo à seipsis moveri arterias non posse constat: Neque certè hic arteriarum motus minus impossibilis est aut ridiculus, quàm si quis lapidem magnum, super quem utrisque pedibus insisteret, supra caput elevare conaretur: Actio sanè non minus feliciter incepta, quàm Archimedis terræ remotio sine loco, in quem insistat pes instrumenti. Da ubi insistam & terram movebo.

Præterea in arteriæ sectione sanguis saliendo, & cum impetu profunditur, idque in arteriæ Dyastole seu dilatatione, & cum pulsū facit; ut ex vivorum dissectionibus clarè patet; eodemque penè momento quo cor se undique constringit, Arteriæ distenduntur, sanguinemque cum impetu effundunt: At si motus hic in sanguine à virtute propriâ membranarum Arteriarum fieret, sanguis tunc solum propelleretur, & impetuosè efflueret cum Arteriæ se constringant, & sanguinem receptum comprimant. Hisce itaque constat arterias solummodo impulsu sanguinis distendi, & in motu illo potius pati, quàm innatâ nescio quâ facultate seipsas distendere ac movere.

Nec in contrarium valet illud Galeni argumentum, multum à Doct. Primerosio decantatum, & (uti asserit) probatum.

Si (inquit) fistulam in Arteriam apertam imponas, vivo adhuc animali, & illam laqueis vel filis contrahas, ira arteriæ tunicas calamo obstringit, ut sanguis non per insictum vulnus exiliat, sed per canalem transeat, arteriam ultra ligaturam. licet sanguine plenam, non amplius palpitare videbis. Atque hoc sequenti figura illustratur.



Sit Arteria aperta A. A. B. in quam calamus C. C. C. sit impositus; laqueisque ita tunice Arteriæ constringantur, ut per vulnus insictum, ubi calamus imponitur ad C. sanguis non effluat; sed per canalem usque ad B. transeat. Arteriam ad primum A, & supra ligaturam pulsare & micare videbis, infra verò ligaturam infimam ad B, quæta est; nec ullam edit pulsationem: Ergo pulsus non fit à sanguine tunicas impellente & distendente, uti assertum est, sed à virtute quâdam in tunicis arteriarum à corde communicatâ; quia si sanguis illas implendo distendisset, tunc &que infra ligaturam distenderentur & pulsarent, ac supra versus cor; quia sanguinis transitus ligaturâ istâ non impeditur, sed liberè per canalem ad partes inferiores descendit, ac illas distendit, ut in figurâ ostenditur.

De argumento hoc si D. Harveium consulas, de experimento, vivo adhuc corpore, dubitantem videbis. Et ipse quidem sæpè periculum facturus, ab impetuosâ sanguinis eruptione impeditus, destitit. Sed experimento hoc concessò, non multum doctrinæ huic adversatur.

Omnis enim motus violentus (qualis est ille sanguinis) licet ab extra non resistatur, in fine frigescit, & quo magis in medio resistitur, eo citius desinit. Motus enim projectorum (inquit Philosophus) fit à vi impressâ & Continuatâ à projiciente; cum itaque vis illa continuari nequeat, necesse est ut tandem illud in quod vis imprimatur, in motu tadescat, & tandem planè quiescat. Docetque Harveius pulsū in quavis arteriarum divisione minui, adeò ut in furculis minoribus vix motum ullum percipere liceat. Si itaque à divisione furculorum motus ille impe-

impediatur, ubi arteriarum tunicæ ab externis omnibus liberæ sunt, & per quas facile vis illa usque ad extrema continuari poterit, mirum ne videatur si a dilatatione & pulsu impediatur, cum à ligaturis virtutis illius diffusivæ continuatio tollatur, ita ut licet sanguis ultra profluat, impetuose tamen & violenter non effluat, quia vis illa à corde in impulsu è dextro sinu impressa, non continuatur, sed per calamus impostum & ligaturas frangitur.

Atque motus hic quam optime per motum sonus à percussâ virgulâ ferreâ editi illustratur. Si enim virgam ferream oblongam in uno extremo percutias, sonus particularumque motus ad alterum extremum statim in momento penè temporis continuatur: Si verò digitum medio virgæ admoveas; statim cessat illa particularum commotio, & sonus illic tantum continuatur. Idem in chordis musicis accidit. De motu itaque pulsus, illum per arteriarum tunicas potius continuari, cum à nullo externo impediatur, quam ab ipsis aut à spiritibus à corde communicatis fieri, dicendum est: quia nullus talis motus circularis est, nec esse poterit absque fibris aut musculis parti alicui immobili adnascenscentibus, quibus illa dilatio perficiatur. Dilatantur itaque arteriæ quia implentur, non implentur quia dilatantur. Alia plurima sunt argumenta quæ contra hanc sententiam proferunt adversarii, facile tamen ex his quæ attulimus, & ex D. Harvei præmio solvi possunt: Nulla itaque facilius, & jam quomodo pulsuum differentiarum huic sanguinis circulationi convenire possint, videbimus.

CAPVT VIII.

De Causis differentiarum Pulsus à circulatione sanguinis sumptis.

Pulsus omnes dividunt Medici in Absolutos & Relativos; ex comparatione scilicet pulsuum inter se. Absoluti etiam duplices sunt, compositi & simplices; ad simplicem pulsuum quinque dicunt requiri.

Primo, Movens, facultatem scilicet in corde illud contrahentem; constringentem & sanguinem cum impetu effundentem, non facultatem in arteriis, ut supra. Secundo, Spacium per quod fit motus. Tertio, Tempus in quo fit. Quarto, Quietem motum immediate sequentem. Quinto, Instrumentum quo motus perficitur, scilicet Arteriam. Et ex his pulsuum simplicium differentiarum oriuntur.

Respectu enim Moventis, seu facultatis in corde sanguinem impellentis; Pulsus dicitur alius *Vehemens*, alius *Debilis*.

Vehemens dicitur, cum Arteria magno impetu renititur, & vi magnâ ^{Pulsus re-} digitum ferit, ac quasi tactum evertit. Hic ex virtutis robore in corde, ^{bent.} fibrisq; musculosis, (quæ in ventriculorum parietibus & septo reconditæ, tanquam muscoli parvi ad motum auxiliares sunt) oritur. Hic enim cor se validè constringens, magno impetu sanguinem in arterias effun-

effundit, illasque quam maximè attollit. In torosis itaque & musculosis agrestibus corporibus ac habitus durioris, pulsus hic *Vehemens* naturalis est. Ex motu etiam passionum, ut in iratis & validè commotis sæpius contingit.

Pulsus debilis.

Debilis pulsus est qui debiliter digitos percutit, hic e contra à virtute in corde quasi enervatà sit, sanguinem languidè propellente, idque vel à facultatis, aut nativi caloris debilitate accidentè. Si etiam lacertuli illi carnosì in corde vel desint, aut non tam multi, aut tam validi reperiuntur, ut in tenellis & foeminis, pulsus naturaliter sunt *debiles*.

Pulsus magnus & parvus.

Secundo, Respectu *spatii seu quantitatis distensionis*, Pulsus dicitur alius *Magnus*, alius *Parvus*. Cuique arteriæ suum & definitum in quo naturaliter moveatur, & ad quod distendatur, spatium attributum est: quod si arteria occupet, *Moderatus* pulsus dicitur, si excedat, *Magnus*, si illud non totum pervadat, *Parvus*.

Magni causa est virtus fortis & robusta in corde, quæ tantum sanguinem emittere possit ut arteriam ultra naturalem distensionem dilatet. Inde huic accedit *Usus*, seu necessitas, & *Calor auctus*, qui facultatem in corde ad magnæ quantitatis æstuantis sanguinis expulsionem irritat. Tandem arteriæ aptitudo superaddi potest, quæ ob mollietatem sanguini impellenti & dilatanti facile cedit.

Parvus Pulsus e contra à debilitate virtutis expellentis in corde accidit. Nonnunquam tamen à parvitate usus seu necessitatis, cum scilicet sanguis paucus sit aut frigidior, ut spiritus in illo quasi figantur, fieri potest. Atque tunc cor nec quantitate, nec qualitate sanguinis offensum, ad illum expellendum non excitatur. Quod in naturis frigidioribus, Hystericis, Apoplecticis, iisque morbis quibus calor nimium obtunditur, idque vel à frigore externo, aut medicamentis anodynis extra vel intus applicatis contingit. Idem in foeminis, frigidioribus, ac insectis hyeme dormientibus, seu potius frigore stupefactis, quorum spiritus figuntur, neque calor tantus sit ut ventilatione multà indigeat.

Pulsus celer & tardus.

Respectu *Temporis*, quod arteria in motu consumit, alius Pulsus dicitur *Celer*, alius *Tardus*. Celer est cum Arteria cito & brevi tempore spatium suum percurrit, digitumque festinanter percutit. Tardus est cum Arteria longum tempus ut assurgat, requirit, & ignavè movet. Inter hos intervenit moderatus qui se inter utrumque habet.

Pulsus moderatus.

Celeris causæ sunt *Usus auctus* in corde, *Virtus fortis*, *sanguinis tenuitas*, unde vi impressæ à Virtute forti cordis, facile (præcipuè si calor ejus augeatur) obedire poterit: Hisce adjungitur arteriæ mollietis, quæ vi illi facile cedat. Tardi causa est celeri contraria.

Quarto, Respectu *Quietis*, cujus quantitati respondet *Crebritas* & *Raritas*, & prout parum vel diu in quiete moratur arteria, dicitur Pulsus *Creber* vel *Rarus*. In Pulsibus duplicem quietem statuit Galenus, Externam, scilicet terminum motus ad extra, & internam, terminum motus ad intra, scilicet contractionis. Sed talem motum in Arteriis invenire non licet. At libro de Pulsibus ad Tyron. cap. 4. consultius fieri monet (cum contractio sit omnino imperceptibilis) si pulsum in istum & intervallum dividamus. Istum nominat Arteriæ motum tactui occurrentem; Intervallum verò, interpositum tempus inter duos istos; quod quò brevius vel longius sit, eò Pulsus dicitur frequentior vel rarior.

Pulsus

Pulsus itaque *Frequens* seu *Creber*, cùm inter motus arteriæ intervalla sunt breviora: *Rarus* verò cùm longiora sunt.

Pulsus frequens. Rarus.

Frequens Pulsus causa præcipua est *Ufus auctus*, seu necessitas movendi in corde, cum scilicet sanguis nimium incalcescit, cordique ob calorem maximè est molestus; creberrimè tunc se contrahit, ut illud quod est molestum, immittat, & quod unico pulsû exonerare nequit, frequentij ejus motu, multisquè superadditis pulsibus liberare conetur. Hic motus cordis in Anhelosorum respiratione percipi potest: Cum enim corpus violenter nimium sit commotum, ut vapores calidi expellantur, frigidusquè aër ad caloris accensi extinctionem introsumatur, respiratio celer & frequens fit: similiter & in corde, ut frigidior sanguis ferventis locum in ejus sinubus occupet, ad hujus expulsionem festinat, istusquè crebros excitat. A debilitate etiam virtutis in corde pulsus esse frequentes consentaneum est, atque sic cùm quantitatem sufficientem semel & unico pulsû effundere non valeat, frequenti suo motu illud compensare conatur. His adjungamus sanguinis crassiciem, quæ vi impellenti non facilè cedit.

Pulsus frequentis causa.

Rarus fit ob *Usum imminutum*, ut in frigidioribus, vel ob debilitatem maximam virtutis penè emorientis in corde, ut in emorituris, lipothymia, aut Syncopè, & ejusmodi cordis affectibus.

Pulsus rari causa.

Quinto, Respectu *Instrumenti*, scilicet Arteriæ quæ nunc mollior, nunc durior est, & inde Pulsus nunc *Durus* nunc *Mollis* dicitur. *Durus* est qui tactui resistit, non tamen vi & vehementiâ agit, per quam quasi tactum evertit, & præmentis digitos rejicit, ut pulsus vehemens, sed digitorum pulpas quasi ingreditur, & durus sentitur. *Mollis* contra est flaccidus & tactui cedit. Hujus causa est Arteriæ mollietis: Duri verò ejus durities, seu propter tensionem illa fiat, ut in inflammatione, aut causâ convellente, seu ob siccitatem & humidi absorptionem, ut in Hæticis. Atque hæc sunt pulsuum simplicium differentiarum, nullo modo circulationem & motum sanguinis impugnantes; sed amicè admodum concurrentes, utraqûe alteram explicare videntur. Iam ad Respectivas nos accingamus.

Pulsus durus & mollis.

Respectivæ pulsuum differentiarum tres sunt. Primo, Respectu æqualitatis aut inæqualitatis. Secundo, Respectu Ordinis. Tertio, Respectu Rythmi seu proportionis. *Æquales* vel *inæquales* tales sunt simpliciter, vel secundum quid; *Simpliciter inæquales* dicuntur qui secundum omnes pulsuum simplicium differentias immutantur, & inæquales sunt in omnibus. *Simpliciter* verò *æquales* sunt quando in omnibus æqualitas servatur. *Æqualitas* vel *inæqualitas* secundum quid, est quando in quodam servatur æqualitas vel inæqualitas, denominationem ab eò desumens, in quo æqualitatem servat, vel non, Ex. gr. Pulsus inæqualis esse poterit in magnitudine, æqualis verò in cæteris.

Pulsuum differentiarum respectiva.

Horum pulsuum causarum ex facultate vel debili, vel nimis onerata; vel ex arteriâ obstructâ compressâ aut exiccata petuntur. Ex *Uso aucto* solo inæqualitas nequit provenire; quia impossibile est ut tam subito & in momento temporis necessitas mutetur, ut cor jam unâ fruatur temperie, in instanti altera inducatur. Motus non fit in instanti, neque ad extremum, nisi per media pervenire poterit. Et ob hanc rationem in febribus ephemeris & tertianis, quibus nihil præter usum mutatur, pulsus

inæquales non percipimus; sed in putridis & pestilentialibus febribus; in quibus cordis facultas aut sopitur, aut debilitatur & obruitur, frequentiores sunt; & præcipuè *Intermittentes*, quando ob malignitatem facultas vitalis gravatur: In emorituris verò quando vires fatiscunt, pulsus *Tremuli*, *Indosi*, &c. percipiuntur.

Pulsus inæqualitas
systematica
& singularis.

Hæc inæqualitas est vel *Systematica*, quæ in pluribus pulsibus, ad primum pulsuum comparatis observatur: vel *Singularis*, quæ in uno pulsu percipitur. *Systematica* ulterius dividitur in Inæquales æqualiter, vel inæquales Inæqualiter: Illi æquales semper mutationes à principio ad finem servant: hi inæquales observant inæqualitates.

Mægor.

Deficientes.

Recurrentes.

Intermittentes.

Deficientes.

Pulsus deficiens reciprocus.

Intercurrentes.

Mægor & Deficientes unde fiunt.

Inæquales æqualiter *Mægor* dicuntur, à similitudine caudæ muris vel foricis, quæ sensim & æqualiter usque ad apicem minuitur, sic dicti. Sic Pulsus hi æqualiter minuuntur donec planè a motu cessant, & *Deficientes* dicuntur. Vel minuuntur & non planè desinunt, vel iterum recurrunt, & ad magnitudinem vel priorem, vel illà majorem redeunt, & *Recurrentes* dicuntur.

Inæqualiter inæquales sunt vel in *Raritate*, & vocantur *Intermittentes*; quando scilicet unus, duo, vel tres pulsus omittuntur, postea cor motum rursus aggreditur. Vel *Parvitate* sunt inæquales inæqualiter, & *Deficientes* nominantur, qui post aliquot inæquales pulsus planè quiescunt; cùm verò arteria iterum ad motum redeat, & micare incipiat, Pulsus dicitur *Deficiens Reciprocus*. *Intermittens* ad summum post tres vel quinque pulsus intermissos redit, aut si diutius moretur, mortis est prænuntius. Inæqualitas hæc, etiam in *frequentia* percipitur; cùm inter pulsus quosdam unus vel plures interveniunt, & dicuntur *Intercurrentes*. Sed horum omnium causas jam quæramus.

Mægor & *Deficientes*, à facultate cordis languescente efficiuntur: facultas enim jam jam emoritura & debilior reddita, semper minori vi & impetu languinem è cordis sinubus propellit; & ut vires gradatim deficient, ita minore cum impetu sanguis in arteriis effunditur, minusque illarum tunicarum distenduntur, donec tandem impetus planè deficiat, nullusque edatur pulsus.

Quandoque tamen post defectum hunc & cessationem, cor ad motum pristinum redit; cum scilicet inimicum, facultatem ligantem, vitat, & humores noxios ac vapores venenatos destruit. Quibus evictis statim vel ad motum consuetum (ut dictum est) vel aliquando concitatiorem paulò regreditur, idque vel ob usum auctum, à defectu pulsuum intermissorum, aut quia vis sopita, ab inimicis maxime oppressa, ut liberetur, omnes intendens vires expulsiōnem rursus aggreditur, & ab unitis viribus major & concitator redditur pulsus, arietum instar, qui à se invicem recedunt, ut majori cum violentia iterum congregiantur. Atque hos pulsus *Recurrentes* nominant, ac *Deficientes Reciprocos*.

Pulsus intermittens causa.

Intermittentia causa est eadem penè cum deficiente, sed in intermittente major ac violentior cernitur, non tamen tam diu durat. Ideoque ob magnitudinem motum planè tollit in corde, nullusque pro tempore efficitur pulsus; quasi facultas sopita fuisset, munerisque quasi oblita oneri succubuisse; donec tandem ab illis, quibus gravabatur (quia facile dissipantur) levata, vel à necessitate spiritibus suscitatis, ad motum iterum insurgit, & sanguinem cum inimicis humoribus expellit, pulsusque rursus in arteriis edit.

Inter-

Intercurrentens pulsus efficitur, cum molestum quid cordis ventriculos ingreditur, quod ob virulentiam ad celeriores ejectionem irritat, quàm motu statò & ordinario fieri non poterit; Itaque post inceptam unam contractionem, alteram statim aggreditur; quasi illud quod primo impulsu in ventriculis relictum fuerat, illic ad tempus pulsus ordinatum continere nec voluit nec valuit, alium itaque statim interponit.

Pulsus intercurrentens unde fiat.

Inæqualitas singularis in unico pulsù, vel sub pluribus digitis appareret. Atque pulsus hi *capræzanti* etiam dicuntur. Quando scilicet arteriam quatuor digitis tangentibus, pulsus qui sub primo digito, cordi viciniore, cæteris major, sub secundo illi minor, sub tertio adhuc minor, sub quarto minimus percipitur: Vel sub unico tantum digito ista inæqualitas efficitur. Pulsusque hic in *Capræzantem* & *Dicrotum* dividitur. *Capræzans* (à saltu caprarum dictus) fit cum cordis Systole, contractio scilicet, & arteriarum dilatatio mediâ quasi quiete interruptitur, ita tamen ut post quietem, facultas cordis fortius inturgat, motumque perficiendo sanguinem impetuosè magis effundat, digitumque arteria ferociùs feriat. Hujus causa est cum cor humorum vel copiâ gravatum, vel qualitate maxime offensus, ad aliam insurgit contractionem, antequam priorem concluderat, & insultura secunda præcedentem magnitudine superat.

Pulsus Capræzans & Dicrotus.

Pulsus Capræzans causa.

Dicrotus & *Impar citatus* eundem penè efficiunt motum cum *Capræzante*, & ex iisdem causis originem petunt.

Qui sub pluribus digitis percipiuntur, sunt primo *Undosus*, qui ex duabus inæqualitatibus, in magnitudine scilicet & frequentia diastoles arteriæ cernitur, dum motu continuo non interrupto movetur, sed inæqualiter, adeò ut magnitudo primò sub digito priori, dein sub secundo, deinde sub tertio sentiat. Hujus causa est facultas imbecillis, sed præcipuè sanguinis crassities & penè concretio, cum ab omnibus destituatur spiritibus. ineptusque à facultate tam debili moveri reddatur: Ideoq; cum à corde languidè propellatur, lentè & pedetentim per arterias egreditur, tanquam circuli in aquâ commotâ facti alium alter lentè insequitur & urget. Sic in sanguine pœnè grumescente pars una aliam passibus lentis instat, ita ut progressus ejus & distendendi modus facilè digitis percipiatur; non enim tanquam fulgur, ut in sanis se habet, omnes partes arteriæ simul, sed partem post partem movet.

Pulsus Undosus.

Hujus causa.

Ab *Undoso* solâ magnitudine differunt *Vermicularis* pulsus & *Formicans*. *Vermicularis* dicitur quia motum edit, speciem vermium perreptantium exhibentem, ac minus ac tardius quàm in undoso arteria attollitur, *Formicans* adhuc *Vermiculari* minor est, sed frequentissimus, qui à formicæ gressu, (quæ quidem crebros gradus facit, sed parvos; crebroque pedes movet, sed parum promovet, & parvum spatium longo tempore emittit) ita dicitur.

Pulsus Vermicularis.

Formicans.

Hicce similis est pulsus *Tremulus*, qui omnes ab eadem causâ cum *Undoso* oriuntur, sed in his sanguis non est adeò concretus, & necessitas magis urget, itaque sunt frequentiores, omnesque facultatis emoriontis signa æstimantur, & in morituris semper penè aut unus, aut singuli inveniuntur.

Tremulus.

Serratus pulsus est, quando una pars arteriæ magis, digitosque ferociùs ferit, altera pars minùs attollitur, digitosque minus pulsat. Hujus causa

Serratus.

causa est arteriæ durities inæqualis ab inflammatione ortâ; Cùm una pars exiccet, ideoq; ad distensionem minus apta sit, altera mollis, quæ facile distendi & attonsi poterit, ideoque ferræ dentes quàm proximè æmulatur, unde nomen suum desumpsit.

Et jam satis in doctrinâ pulsum digressi sumus, quæ forsitan aliquibus anatomicam solum partium descriptionem expectantibus, hic minus necessaria videatur; cum in parte Medicinæ Semeioticâ locum vendicare soleat. Miraberis forsitan (dico) quomodò in Anatomiam irreplebit, rationem habebis si tibi metipsi respondere nequeas. De circulatione sanguinis tractaturus, omnia, quæ ad ejus confirmationem, aut ornatum quocunque modo conducere possunt, huc reduci per necessarium fuisse putavimus, præcipue quia circulationem hanc sanguinis pulsum doctrinam subvertere urgent adversarii. Si itaque amicè convenientes utrasque constituimus, exoptatum quiddam nos fecisse arbitramur.

CAPUT IX.

De Venâ & Arteriâ Pulmonum.

IN prioribus sanguinem à ventriculo dextro cordis ad sinistrum, per arteriam & venam pulmonis transferri diximus, quarum historiam breviter hic recensebimus. Licet verò partes pulmonis sint, nec rectè sine illorum descriptione præcedente designari possint; tamen quia cordi famulantur, ac sanguinis transmissioni è ventriculo in ventriculum inserviunt, non multum aberrare videar, si prædictis vasorum horum descriptionem adjungeremus.

Vasa Pulmonum quibus cordi adjunguntur, & per quæ & sanguinem pro nutritione recipiunt, & contemperatum rursus cordis sinui sinistro reddunt, sunt Arteria & Vena; cætera autem illorum vasa in sequentibus descripturi sumus. Hæc verò ab Anatomicis aliis insigniuntur nominibus, naturam illorum & officium (uti putarunt) illustrantibus. Atque Venam quæ in sinistrum cordis thalamum inhiat, *Arteriam Venosam* nominarunt; arteriam quia aërem inducit, venosam quia substantiam & constitutionem venarum habet. Illud verò vas quod sinum cordis dextrum in pulmones egreditur, venam vocarunt *arteriosam*, venam quia sanguinem pulmonibus communicat, arteriosam quia tunicas & substantiam arteriæ obtinuit. Sed nomina hæc licet usitata & approbata, variis inducti rationibus retinere non possumus. Licet enim illa nominum imponendi libertas negari non possit, ad mutationem tamen hanc rei veritas præcipue induxit; cum enim naturâ & officio arteriis venisque cæteris respondeant, cur & nomina etiam negamus?

Et primò de Venâ seu (secundum illorum placita) *Arteriâ Venosâ*, quæ in cordis ventriculum sinistrum fertur, & à Galeno 7. de administ. anatom. cap. 4. *Arteria venosa* dicitur, tum ab officio, quod aërem contineat, & ad spirituum generationem cordi communicet, tum à motu, quia pulset. Illam etiam pulsare statuit Bauhinus, licet sensu (inquit) nemo evidenter illud deprehendere possit: sed

*Arteria
venosa.*

*Vena arterio-
sa.*

quia

quia sinistro ventriculo est continua, illam pulsare maximè est probabile. Egregium sanè argumentum! Annon in vivorum dissectionibus pulsus, si quem habuisset, percipere potuimus? Immo illam quiescere, cæteris omnibus impetuosè micantibus, discernamus. Quod ad officium illud à Galeno prolatum spectat, aërem non continere sed sanguinem, statim demonstrabimus. Quod ad substantiam illius attinet, confitentes habemus, illam à cæteris venis non discrepare; Merito itaque illi Venæ nomen attribuendum esse statuimus.

Neque veram esse illam Galeni assumptionem lib. 7. *administ. anat. de Arteriâ pulmonum* è dextro sinu emergente, quam *Venam Arteriosam* nominat, asserimus. Nam *pulsar* (inquit) ergo non est *Arteria*, sanguinem devehit, ergo est *vena*. De hoc Argumento iudex sit Autopsia: In vivorum enim dissectionibus illam pullantem perindè ac cæteras arterias semper habemus, ergo est arteria. Sanguine etiam esse repletam Arteriam Magnam facile docebit Autopsia, sicuti & ipse lib. *an sanguis contineatur in arteriis, contra Erasistratum* probare conatur, ergo æque arteriæ nomen ac cætera, meretur. Deinde si substantiam spectes, tunicas crassas ut cætera arteriæ obtinuit, si situm consideres, ad eò ventriculo dextro apponitur, ut extra spectet, & propulsus sanguinem è ventriculo immixtum capiat; ita ut distendi & pulsare sit necesse, ut Aorta, cum in illam è sinistro sinu sanguis effundatur. Merito itaque illi Arteriæ nomen tribuimus. Nomina autem hæc & officia hisce assignarunt veteres, sibiq; sinxerunt, quia verum illarum usum ignorarunt: sed venam hanc solummodo aëris inductioni, & arteriam, quam venam appellarunt, pulmonum ductatæ nutritioni inservire cogitarunt. Sed jam ad vasa ipsa transcamus.

Arteria Pulmonum è dextro cordis ventriculo ad basim post cavæ *Arteria Pulmonum* infertionem oritur Tab. XIII. F. & ad divisionem Asperæ Arteriæ per lationem ejus dextrum, pulmonum substantiam ingressa Tab. XII. fig. 1 a. c. per totum eorum parenchyma disseminatur.

In exortu ejus in ipso orificio tres apponuntur Valvulæ, Semilunares dictæ Tab. XIII. O. †. †. †. quæ foras spectantes, janitores sunt, qui emissio sanguini facilè cedunt; regressum verò in ventriculum penitus obstruunt. Hinc autem ascendens quamprimum parenchyma pulmonum attigerit, in duos ramos, dextrum & sinistrum, eorum latus petentes, dividitur Tab. XII. fig. 1 a. c. c. Qui bifariam etiam scissi in innumeros minutissimos furculos per totam pulmonum substantiam disperguntur. [c. c. c. c.] Qui Asperæ arteriæ bronchiis se applicantes, per illarum latus antèrè perreptant, utrobique suos emittentes ramulos, sed præcipue versùs partes posticas, ubi cum venæ propaginibus unitur, plurimà luxuriat sobole, Ut Tab. XII. fig. 2 a. optime delineatum est.

Non bronchias solummodò pulmonum superjacet, ut dictum est, sed ubique furculos circumambientes pene emittit; qui in illarum partes posticas reflexi, & cum furculis venarum congressi, bronchiarum latera etiam perreptantes) per anastomoses conjunguntur, & in illos parenti ore inhiant. Tab. XII. fig. 1 a. †. †. †. †.

Vasculi hujus officium Anatomici ad pulmonum solum nutritionem fuisse assignatum unanimi statuerunt. Sed hic in limine dubium obstat

satis difficile: si nutritioni duntaxat partis privatæ destinetur, cur tantam obtinuit amplitudinem? Et quare cum venarum furculis per anastomases patentes ubique unitur? Magnitudo ejus multò major est quàm pulmones requirere videntur. At hoc fit (inquiunt) quia ob perpetuum & indefinentem motum pulmones plus alimenti, quam cæteræ partes, licet majores, dissipant. Fiat hoc, sed cur furculi ejus in venas inhiant, quæ se in sinistrum cordis ventriculum exonerant? Annon multum sanguinis in arteriam hanc impulsus, per anastomases illas venis communicatur? Ita sanè in sequentibus demonstrabimus. Officium itaque magis publicum obtinuit; sanguinemque è dextro cordis sinu effulum, mediantibus venis in sinistrum transmittit: In transitu verò, dum per bronchiarum latera (aëre frigidissimo continuâ respiratione turgentium) perrepat, fervidissimus sanguinis calor, in cordis ventriculo contractus, ob vicinitatem aëris inspirati in bronchiis, quas circumambiunt furculi prædicti, temperatur & mitigatur. Vena Pulmonum sinistrum cordis ventriculum egressa, in orificio valvulas tricuspides, quasi janitores appostas habet; quæ contrarium prioribus situm obtinentes, ingressum sanguinis è pulmonibus facile admittunt, è corde verò ad pulmones nihil effluit. Tab. XIV. H. H.

Officium
arteriæ
pulmonariæ.

Vena pul-
monaria.
Valvule
tricuspides.

Orificium ejus amplissimum est [Tab. XIV. W.] Auriculæ sinistrae. [O. K.] continuum, atque hinc ascendens [W. D.] pulmonum parenchyma ingreditur, & ad eundem modum quo Arteria in ramos dextros & sinistros dividitur, & sic bronchiarum latera perreptans furculos emittit, sed in parte bronchiarum postica incedit. Tab. XII. b. b. b. b.

Vena pul-
monaria
nsur.

Vsum huic Venæ sub nomine Arteriæ Venosæ tribuerunt Anatomici satis dubium. Illam enim aëris transportationi ex pulmonibus in sinistrum cordis sinum, ad spirituum generationem interservire asserunt; quam sic descripserunt. Inspiratione (inquiunt) ambiens aër per os & nares in Asperam arteriam insiliens, non modò ejus ramos per pulmonis substantiam diffusos, sed totam pulmonis molem implet, adeò ut inflati spirituque turgentes pulmones totam thoracis capacitatem occupent; haustus aër primò in pulmonibus elaboratus, & vi carnis ejus præparatus, tenuiorque factus in sinistrum cordis ventriculum per arteriam hanc venosam arripitur; ex quo accedente etiam sanguinis vapore, qui è cordis dextro sinu in sinistrum per Septum permanavit; Cordis innato spiritu & ingenito caloris incendio haud secus ac in fornace, vitalis spiritus procreatur; qui tandem in totum corpus per arterias effunditur. Et hoc est quod voluit Galenus, Fernelius & omnes, cum Respirationem ideo necessariam fuisse attestentur, ut pabulum ad spirituum vitalium generationem subministraret, & ob hanc solùm rationem vas hoc efformatum esse autement; Cujus sententiæ veritatem, liceat paulo altius examinare, cum dogma sit antiquum, nec sine ratione rejiciendum.

Dubium.

Quæsitum hic oriri poterit, an scilicet aëris substantia cor & arterias ingrediatur, an sola qualitas ejus? Vetustissimum esse dubium ex Aristotele juxta ac Galeno patet. Arist. 1. de hist. animal. 16. 17. substantiam ingredi, esse manifestum indicat. cap. vero 6. ejusdem libri, idipsum

idipsum negat, & qualitate solum nos indigere asserit. Nec magis sibi constans est Galenus: Contra Erasistratum enim disputans, nullam nos cogere necessitatem, ut aëris substantiam ingredi concedamus, fateatur. Cum totus qui inspirando admissus sit aër, foras iterum remitti possit; & cor non aëris substantiam, sed frigiditatem solum exposcere asserit. Aliis verò in locis aëris substantiam ingredi. & pabulum spiritibus subministrare dicit. Hanc illorum inconstantiam excusat Hofmannus distinctione ex Galeno assumptâ. Duo (inquit) sunt usus aëris attracti, refrigeratio ac ventilatio calidi innati, & spirituum generatio; ad illud officium solâ qualitate opus est. ad hoc substantiâ. Sed hæc sententia non minus rationi contrariatur quàm experientiæ, quæ absurdissimo innitur fundamento, sanguinem scilicet in vase hoc non contineri, sed solummodo aërem, quem ab Asperæ Arteris ramulis susceperat, & cordi communicat. Experientiæ contrarietas hæc plurimis illustratur argumentis.

Primo, Aëris substantiam cordis sinum ingredi, magna sanguinis *Respons.* copia in vase illo perpetuò decurrens non admittit, nullamque aliam communionem cum Asperæ arteriæ bronchiis invenire possumus; quâ aër inspiratus per venam hanc cordi transferatur. Sed dicant forsitan, licet nulla sit vasorum communio, tamen aër qui in parenchyma extra bronchias sit effusus, vasis hujus sînculos penetrare poterit, atque sic cordis sinum petet. At hoc falsum esse, sequens demonstrabit experimentum. In vivorum dissectionibus pulmones adhuc calidi spiritibus fequentes eximantur; dissecatis utrisque vasis, arteriâ scilicet & venâ; & pulmones solibus vel ejusmodi inflentur, & inflatis Aspera arteria arctissimè circumligetur, ita ut aër inflatus per illam nequaquam exeat; si per vas hoc venosum expiret aër, pulmonesque decidant, tunc ut cordis sinum ingrediatur, necesse est ut fateamur. Sed si pulmones inflatos per spatium horæ & amplius conservavimus, nec aër affatim, aut sensim per vasis hujus orificium irruerat, evidenti demonstratione patebit, aërem per illud nullo modo transire posse. Quod sanguinem contineat, ejus sectio in vivorum dissectionibus abundè demonstrabit.

Secundo, Si cor aërem attrahat, vel in diastole ejus, vel Systole efficitur. Non in Systole, quia tunc ad expulsionem se accingit, sanguinemque ac spiritus effundit, & contrarias ejusmodi actiones simul non admittit natura. Neque in Diastole fieri poterit, nisi & pulmonum inflatio & inspiratio, ac cordis dilatatio eodem contingeret momento. Si enim cor parietes suos extenderet, eodemque tempore pulmones deciderent & aër expiraret, frustranea foret illa cordis dilatatio, quia aërem à pulmonibus non reciperet. Si pulmones aërem attrahant, fiatque inspiratio dum cor se contrahat, frustranea foret inspiratio, quia cor nullum admittit aërem. Atque sic cor & pulmones simul semper moveri & dilatari, ac motum ab aliquo dependentem utrumque habere sit necesse. Sed hoc falsum esse quisque attestari poterit, & pulsus motum naturalem fuisse, & extra nostram potestatem; respirationem verò voluntariam, & ad arbitrii nostri judicium exerceri fatebitur.

Tertiò, Si aër ad spirituum generationem sit necessarius, tunc sine illius admittione generari non possunt, sed hoc falsum est: Spiritibus enim hisce non destituuntur pisces, qui aquam vice aëris hauriunt; Si quidem & infantes in utero inclusi aërem non ducunt, spiritibus tamen vigent; licet sanguinem piscibus denegavit Aristoteles, utroque tamen sine respiratione habere, uniuscujusque oculi confirmare poterunt.

Quarto, Præterea Aristoteles lib. de respir. cap. 6. *Figmento simile esse, spiritum qui calidus est, posse augeri ab aëre qui frigidus est*, asserit. Deinde vapor ille sanguinis, altera spirituum materia, oleosa est; nec facile cum aëre, aqua scilicet rarefacta, commisceri potest: Ex quibus omnibus aëris subitantiā nequaquam cordis thalamo ingredi posse abundè demonstravimus. Qualitatem verò gratis admitemus, dùm sanguis vasa hæc percurrrens, à circumambiente aëre refrigeretur & temperetur.

*Vnde hæ-
moptosis.*

Ex vasis hisce sanguis in sputis sanguineis, & qui per tussim ejicitur, effluit. Nonnunquam enim per anatomicales aperiuntur, hoc est, cum illorum ora, scilicet extremitates, vel medicamentis, aut humoribus acrioribus, vel sanguinis copiâ, aut caliditate dilatantur, adeò ut sanguis inde effundatur, qui non rarò copiosè irruit, atque inde ulcera aliaque mala ortum petunt. Aliquando verò copiâ illâ extenuatâ, humoribusque evacuatis, sponte iterum se occludunt, & fluxus sistitur. Imò in febribus materiam & morbi fomitem, sic & in pleuritide per tussim ejici observatum est. In narium etiam, hæmorrhoidum, aut mensium fluxu consueto suppresso, sanguinis superabundantem copiam sine damno è pulmonibus, osculis horum vasorum reclusis, evacuatam fuisse quotidianæ testantur observationes. Quod etiam Ferne- lius lib. 5. de partium morbis cap. 10. annotavit. Idem Duretus de scipso scripsit in comment. coac. Hip. aph. 46. cùm olim familiaris narium hæmorrhagia fuisset, eaque post annum ætatis quinquagesimum suppressâ, sanguinem per ora vasorum pulmonis proruisse. Nota nobis etiam est virgo generosa, quæ intermedio spatio inter mensium fluxus, cum sanguis abundare inceperat, sanguinem expuere solebat, præcipuè si ira aut aliis passionibus perturbaretur, aut si odores suavescen- tes naribus admoveret, statim sanguinis effluxus tussim movebat cum sputo sanguineo: erumpentibus vero mensibus, debita tempora semper observantibus, sedabatur statim sanguinis sputum.

Nonnunquam sanguis in hisce vasibus tantam acquirit tenuitatem ab exercitiis nimis, vini potu immodico, balnei etiam æstu (uti nobis in balneo semper contigit) ut per illorum vasa sanguis transudet. Nonnunquam à violentis externis rumpuntur, aliquando humoribus acris corroduntur sanguinemque effundunt.

*Asthma
unde indu-
citur.*

Vasorum horum obstructio à crassis viscidisque humoribus respiratio- nem difficilem & Asthma inducere potest. Si enim magnâ copiâ in illis colligantur, adeò ut vel bronchias comprimant, vel angustiam ac gravitatem pulmonibus inducant, ut liberè thoracis motum sequi nequeant, inde respirationis difficultas oriri poterit.

Per venam hanc humores hi pulmonibus infarcti, aut purulenta ma- teria in pulmonum ulceribus ad renes deducitur: atque sic per urinas expur-

expurgantur. A pulmonibus enim descendentes in cordis sinistrum ventriculum inde in Aortam, atque hinc ad arterias Emulgeates emanantur, via facilis est & frequentissimè ad humores holce expurgandos à naturâ perperam usurpata. Atque hic elucet imprimis naturæ industria, toties à Galeno decantata, quâ solet aliquid facere propter usum, ita tamen ut idem sit aptum præstando abusui alicui. Hujus exemplum refert Zechius conf. 18. in Cardinale Paliotto Asthmatico, ac simul urinæ ardore & difficultate laborante; Et ita quidem ut cùm urinæ ardor & difficultas maximè urgeret, spirandi difficultas interim evidenter imminueretur, & rursus cum majori impetu, stranguriâ cessante, repeteret. (Idem Doctori reverendissimo eodem malo laboranti sub nostra curâ contigit.) Cum scilicet humores vitiosi & crudi in pulmonum vasibus colligerentur, illic gravitatem & Asthma efficiebant, postea vero per cor & arterias ad renes & vesicam transmissi, difficultatem & ardorem urinæ excitarunt, atque inde spirandi difficultas & gravitas illa in pulmonibus levarentur. Licet etiam Asthmaticis omnibus urinæ ardor & difficultas non adsit, durante tamen accessione ægri urinas turbidas & crassas mingunt, quia scilicet crudorum humorum pars in venis agitatorum, ad renes & vesicam ruit. Et ob hanc rationem aliquando citra tussim Asthma desinere posse observatum est. Hæc ut Asthmatis naturam & causam quam optimè illustrent, ita prædicta evidenter ac præclarè demonstrarunt.

*Historia de
Asthmate
& Dysuria.*

LIBRI SECVNDI PARTIS TERTIÆ.

CAPVT I.

De iis quæ Respirationi inserviunt, de Asperâ Arteriâ.

ASpera Arteria unica est, vas nulli corpori præter pulmones commune. A Veteribus Arteriz nomine solummodo nota, ab officio sic dicta, quia τὸν αἶρα πρὸν quod ærem trahat. Vñ illa quæ hodiè arterias vocamus, venarum nomine complecterentur; quia sine dubio autopsiæ experti illas sanguine repletas semper invenerunt.

Hæc Posteriores *Ασπρίαν τραχείαν* Arteriam asperam nominarunt, ab inæquali sua substantia sic dicta, & ut ab arteriis levibus, pullantibus scilicet distingueretur. Fistula est oblonga ex cartilaginibus membranisque invicem connexis efformata. Tab. XIII. & XIV. A. semper patens, ex humiliore faucium sede incipiens, Gulzque incumbens, in pulmones multiplici ramorum serie dispergitur. Tab. XII. fig. 1 a. a. a. a. In duas dividitur partes, superiorem, Laryngem scilicet Tab. XIII. I. παρὰ τὸ λαρυγγίζου, quod vociferari significat, dictam; & inferiorem quam βρόγχου vocant.

Larynx caput est arteriz asperæ in medio colli positus, figuram penè teretem habens, anteriùs nonnihil extuberans, posteriùs depressus subsistit. Ex pluribus partibus constituitur, cartilaginibus scilicet, musculis, membranis, vasibus & glandulis. De quibus vique ad satietatem abundè dictum ubivis habetis, adeò ut nostro non indigeat labore. Sic autem constructam invenietis, ut ærem è pulmonibus immissum, in sonos formet vocemque reddat.

Arterias habet à Carotidis ramo majore & profundo, fauces accedente: quibus sanguis ad nutritionem deferretur. Venas similiter habet quæ sanguinem superfluum recipiunt, & in venas jugulares externas, & in ramum inferiorem, qui os subit, exonerant.

Nervos etiam à sexto nervorum pari, Recurrentes dictos, Tab. XIV. Q. Q. accipit; quorum læsione vox prorsus aufertur. Alii item à quinto nervorum pari auribus famulante offeruntur. Atque ob hanc communionem, in profundâ aurium purgatione levis oritur tussicula; cujus rei historiam satis insignem in Guil. Fabricii observ. cent. 1. habetis. Glandularum etiam duo sunt paria Laryngi adjacentia, primum par ad linguæ radicem in ore ad ejus superiorem partem collocatur, & *Tonsillæ* vocant.

vocant. Atque hæc humiditatem à cerebro decidentem conservant, quæ os & laryngis fistula seu rimula superior irrigatur. Aliud Par ad laryngis sedem inferiorem cartilagini scutiformi, utrinque una incumbens, ponitur: hæc in feminis quia majore abundant humiditate majores sunt, atque inde collum teres & æquale reddunt; in quibus minor invenitur humiditas minores sunt, & Laryngis extuberantia poma Adami dicta, magis eminet.

Fistula ejus Tab. XIII. A. Oesophago incumbens. [S.] à larynge recta deorsum per collum in pulmones fertur. Substantia ejus partim membranacea est, partim cartilaginea, quæ tunicis duabus velitur. Quarum alia exterior est, tenuis & cartilaginibus pertinacissime adhærens: altera interna est, à tunica palatum succingente enata, & communis est cum Oesophagi & ventriculi tunica internâ; hæc totam fistulam internè succingit, & ob hanc communionem in pulmonum & fistulæ hujus inflammatione, sitis magna sentitur, & in tulli & catarrho violentiore stomachus etiam subvertitur, & vomitus excitantur. Exteriore multo crassior est, quod cartilagineas ab injuriis humorum acris descendentium, aërisque attracti defendat. Vinctuoso semper humore perfusa est, nè aëre externo, aut fuliginibus calidis emissis exiccetur, quod voci & spiritus transmissiioni valde obesset. Ideoque in febribus cum tunica hæc nimium exiccetur, voces redduntur clangoræ: sicut ex humoris abundantia, ut in catarrhis, vox rauca efficitur. Maxime sensibilis est, quo ea quæ molesta sunt quam citissimè sentiat, & pulmones ad excretionem sollicitet. Atque hinc Tussis; quæ est vehementissima quædam aëris efflatio, quæ animalibus naturalibusque instrumentis concurrentibus accidit; in quâ plurimus aër celerimè & concitatissimè erumpit, ut id ex asperâ arteria ejiciatur quod ipsius interiorem tunicam lacescit: Et ob hanc rationem ulcera asperæ arteriæ, & Phtisis tam difficiles sunt curatu, quia sanies & pus, si ibi manerent, pulmones magis corrumpere, & non nisi tussi ejici poterunt, ob cujus vehementiam lacerantur partes magis, & ulcera augentur.

*Vnde voces
mutatio in
febribus
& catarrho.*

Inter tunicas has cartilagineas consistunt, quæ annuli formam expriment; circulum tamen integrum non perficiunt: sed paulatim attenuata; in membranam per quartam illarum partem abeunt. Hæc ductu toto æqualiter à se invicem distant, ac interventu membranæ tanquam ligamento connectuntur. Atque hæc illius constitutio respirationi ac voci optimè inservire videtur: si enim ex solâ membranâ, ut oesophagus, esset conflata, ob molliem semper concidens, ad respirationem & vocem inepta foret, si ex cartilagine unica fuisset conflata, vocis modulationi non inserviret. Neque ex perfectis cartilaginibus annularibus constare debuit, quia, inquiunt Anatomici, Oesophagus illi subternitur, & facile cum membranofus sit à duris cartilaginibus ladi poterit. Sed rectius forsan dicamus, ideò deficere cartilagineas, ut vox & soni feliciter modulentur: Cum enim ad vocis variationem & cantationem suaviorem sit necesse, ut nunc graves edantur soni, nunc acutiores; quod in Musicis instrumentis, diversis exprimitur fistulis, & magnæ majores, & parvæ fistulæ, ut sonos diversos edant, inveniuntur. Sed in unâ Asperâ arteriâ omnia hæc efficiuntur, ideoque ut talem ha-

*Cum carti-
lagines aspe-
ra arteria
perfectis
annulares
non sint.*

beat

beat constructionem, quâ dilatari, atque sic sonos graves; & constringi, atque sic acutos resonare queat, oportuit; sed hoc fieri nullo modo potuit si ex unicâ constitueretur cartilagine, aut si cartilagine integre fuissent, & perfectum annulum constituisent. Respirationi quidem sufficeret, sed non vocis modulationi; ubi non solum ut aperta maneat, sed etiam ut dilatetur & constringatur, prout necessitas ad majorem vel minorem vocem reddendam postulat, requiritur.

Vbi ad quartam Thoracis vertebra pervenerit, in duos dividitur truncos, quorum dexter dextram, sinister sinistram pulmonis partem accedit; qui pulmones ingressi, utrinque per illos ad extremas usque partes disseminantur: adeo ut in membranam pulmones succingentem etiam fistulæ minimæ, ut in quamlibet eorum partem aërem effundant, terminentur Tab. XII. fig. 1 a. a. a. a. In posteriore verò parte vertebra respiciente plures emittit surculos, sicuti & arteria & vena illos amplectentes, ut Tab. XII. fig. 2 a. videre licet.

Bronchiæ hæc cum in ramos minimos dividantur, nonnunquam ita angustantur, ut aërem in pulmones non sine difficultate admittant, atque hinc Asthma & tussis oriantur; Cujus angustie causam ponunt in obstructione ab humoribus crasis, à compressione, item à tuberculis, aut venis & arteriis obstructis; aut à calculis in illis genitis, aut Hydropse pulmonum & pectoris, aut empyemate. Quandoque exiccatione angustiores redduntur: quam siccitatem imprimis auras malignas & vapores metallicos inducere posse notum est; atque ideò Chymicis & aurifabris, qui metalla tractant, aut effodiunt, familiaris est hic affectus, & curatu latius difficilis. Heurnius de Typographo quodam, cujus pulmones adeo exiccati fuerunt ut aridum pomum retulerint, mentionem facit.

CAPVT II.

De Pulmonibus.

DE pulmonum vasculis dictum est, jam ipsorum parenchyma & naturam examinemus. Originem illorum in genere sic descripsit Hippocrates lib. de carnibus. *Pulmo juxta cor sic existit. Quod in humido glutinosum erat, cor calefaciens celeriter exiccavit veluti spumam; & fistulosum reddidit, multisq; venulis repperse.*

Pulmo pars est organica vitæque maximè necessaria, à Græcis *πνεύμων* *νεμα* *τὸ πνεῖν* dicitur, quod respirando suum obit officium. In latus dextrum & sinistram dividitur, quod in duos etiam lobos (sic enim dicuntur) utrinque inferiorem scilicet & superiorem dividitur: qui singuli interventu bronchiarum & vasorum à corde connectuntur. Bronchiæ enim in ramos dextros & sinistros, & hi in superiores & inferiores; similiter & venæ & arteriæ à corde, ut Tab. XII. fig. 1 a. dividuntur. Quibus lobi illi prædicti uniuntur & conjunguntur.

In medio per *Mediastinum* distinguuntur, cujus ope anteriùs sterno; posterius vertebris, inferius Diaphragmati, superius beneficio asperæ arteriæ collo & dorso connectuntur. Spigelius illos Diaphragmati nexibus quibusdam fibrosis, à membranâ quâ teguntur ortis annexi refert, eorumque superficiem posticam ejusmodi fibris costis & pleuræ adjungi; ut facilius motum thoracis sequantur. Fibrae autem hæc si breviores fuerint (inquit Spigelius) Dyspnœa incurabilis insequitur. In dissectionibus bis tantum fibræ hæc conspectui nostro offerebantur, in quibus pulmones pleuræ quàm strictè alligavit natura, idque ab ortu, & perpetuâ Dyspnœâ laboraverunt. Naturales autem non fuisse fibras hasce, sed vel à viciosa in utero conformatione, si ab ortu fuerint, vel à morbo contigisse constat, quia si naturales fuissent, semper in omnibus invenirentur; sed hoc fallum est, ergo naturæ errorem fuisse potius quam institutum judicamus. A morbo fieri possunt, si post ulcus materia purulenta aut pituita viscida & tenax membranæ pulmonum adhaerens (præcipuè iis quæ semper pleuram attingunt) à calore exiccantur, & tandem ob materiæ tenacitatem vinculorum naturam induant. Hicce causis Hipp. de loc. in hom. exiccationem à site addit, dum Lateralem morbum (sic enim hunc affectum denominat) sicum citra fluxionem oriri scribit: Cum ex vehemēti site pulmo admodum resiccatus, gracili evadit & impotens redditur, & ad latus præ impotentiâ inclinat, ipsūque contingens, cum humidum sit, ei adhaerescit, & morbum lateralem efficit. Cum scilicet ob debilitatem flaccidè semper in pleuram incumbat, nec motum thoracis sequi possit, tunc viscidī humores qui à vehemēti calore, & dispositione illorum hecticā colliquati & condensati fuerint, à nimio æstu in fibrosas quasdam membranas exiccantur; & à calore hoc & dispositione hecticā sitis illa vehemens & perpetua oritur, sitimque calor ille & impotentia pulmonum præcedit, vel indivi duè comitatur.

Pulmonum sinistram & dextram pars è regione quartæ thoracis vertebræ in duas alias partes, superiorem scilicet & inferiorem, quas Lobos, (ut supra diximus) nominarunt, dividuntur; adeo ut in homine quatuor solum reperiantur lobi, in cæteris animalibus, quibus thorax longior est, alius accedit qui quintum constituit, & cavitatem illam à membranarum Mediastini divortio & separatione ad Diaphragma facta, replet.

Magnitudo Pulmonum varia est pro magnitudine thoracis; tanta autem esse debuit, ut in viventibus, cum respirant, totam cavitatem repleant, dum expirant verò flaccidi concidunt, & thoracis constrictioni cedunt.

Substantia ejus *παχύρρυπα* dicitur, quia sanguinis circa vasa affluxu efficitur. Carnosa est, sed mollis & laxa. Ideoque (inquit Hipp.) *quicunq;* à pleuritide Empyrici redduntur, si intra quadraginta dies, à quo rupta fuit pleuritidis vomica, tota materia non expuatur, in phthisin degenerant. Mollis enim & rara pulmonum substantia purulentam materiam erodentem diù sustinere nequit, sed facile effusio pure corrumpitur. Spongiosa est etiam, ut inspiratum aërem facilius recipiat, admodumque levis, unde in aquam projecta, si adutorum fuerit, immergi nequit. Contra vero sætus pulmo durior est & gravior, statimque submergitur, ob copiam inquit sanguinis, quo conformatur & nutritur in utero. Sed adutorum pulmones idèo leviores fuisse verius dicamus, ob aërem in partibus illorum

Scilicet.
aph. 15.

spongiosis contentum & inclusum: Cùm enim expiretur aër, ob levitatem & raritatem ita in se concidere nequeunt, ut totum inclusum aërem extrudant, sed inter porosas illorum partes multum adhuc contineatur & maneat. In fœtu ubi nunquam aere distenduntur, partes illorum in se concidenter compactiones sunt & densiores: adeo ut in aquam injecti, gravitatem aliis carnibus æqualem penè habentes, demergantur: Et ob hanc rationem colore floridiore quàm in adultis, quorum color ex pallido flavescit, ornantur.

Membranâ cinguntur à communi vasorum pulmones ingredientium tunicâ enata, quæ tenuis, mollis & maxime porosa est: Ita ut mirum non sit, si ex thoracis cavitate in Emphyemate aut Hydroke per hanc in pulmonum substantiam, atque inde in asperam arteriam humores rapiantur, & postea expuantur. Quod præter quotidianam in praxi experientiam, experimento sequenti chirurgico probari solet; scilicet si aqua mullâ in cavitationem thoracis per vulnera ejus infundatur, tussiendo rejicitur, & æger multum saporem in ore deprehendit.

Hanc membranâ licet immediatè à vasorum tunicis receperunt, primariò tamen à pleurâ sunt mutuati, atque inde in Pleuritide malum his communicari potest & solet: Sed an per materiam metastasin, an per consensum solum, dubitatur. Platerus semper simul pulmones inflammari existimat, ut ex dissectione in pleuritide mortuorum se deprehendisse scribit. Et Zechius rarò ad pleuram pertingere putat. Et reverà multum me conturbat, quomodo sanguis, quem tam citò ad primum penè morbi insultum exsereant, per pleuram tam subito ad pulmones perveniat, & illorum vasa, ut expuatur, tam citò permeet? Et postea pus densum (suppuratione perfectâ) & tenax transiit sibi per pleuram & membranam pulmones cingentem faciat: cur non potius in thoracis cavitationem decideret? Et sic omnes pleuritici essent emphyematici.

Verum enim verò per membranam quandoque aliquid exudare negandum non est; facile tamen concedemus, illud in tantâ copîâ non expui, ac cùm pulmones simul sint affecti. Et quod ad sanguinis expuitionem spectat in ipso primo penè insultu eam contigisse existimamus à copîâ & raritate sanguinis in ipsis vasis pulmonum, eorum ora distendentis, & in parenchyma illorum effusi: ubi si in magnâ ejiciatur quantitate, sanguinis sputum usque ad concoctionem continuatur, & tunc album & concoctum expuitur. Sæpissimè itaque primariò per consensum afficiuntur, ut à calore vicino partis inflammatae accendatur sanguis in illorum venis & arteriis contentus; tandem verò & ipsi simul inflammantur, & inde materia ejicitur purulenta. Atque hoc præcipuè fit cùm pleuræ superior pars sit inflammata, ubi pulmonum vasa illi adnectuntur. Et hoc modo affectus ille qui primo per consensum ingruerat, jam per humoris metastasin morbus sit per idiopathiam.

Materia hæc à Pleurâ etiam pulmonibus communicari poterit, cùm ab acrimoniâ puris pleura exesâ & perforatâ, pulmonum item membrana succingens ab eodem exedatur & perforetur; atque sic foramine factò, pus ex pleurâ in pulmones facile attrahi & expui poterit, ut ex observatione dilectissimi nostri amici & Medici Oxoniensis in puero pleuritico dissecto manifestum apparuit, qui in morbi initio Medicos

non

non vocavit, donec ad suppurationem perfectam pervenerat, ac tandem Medicorum opem implorans pus foetidum maximè magnâque quantitate expuens, paucos post dies vitam morte commutavit, in cuius thorace dissecto puris foetidi copia grandis fluctuavit, in latere verò affecto in pleurâ foramen digitum medium magnitudine superans apparuit, in pulmonis verò lobo, foramini huic in pleurâ opposito, exesum etiam foramen, quod in pulmonum substantiam ducebat, inveniebatur, per quod pus illud foetidum, quod ex thorace in pulmones ferebatur, per cullim ejiciebatur.

Purulenta hæc materia non rarò per urinas evacuatur. Viam per venam sine pari, quæ in venam Emulgentem terminatur, esse docuit Fallopius, sed hæc via nobis non arridet, idque ob rationes sequentes. Primo, A Pulmonibus ad venam sine pari non alius datur ductus, quam per arteriam pulmonis, id est, secundum vulgares Anatomicos, per venam arteriosam, in sinum cordis dextrum, atque inde in venam cavam, & hinc in venam sine pari. Sed quàm difficilis, imò impossibilis sit hic alicujus materiæ transitus, judicet vel minimus in Anatomia: Cum non solum valvulas arteriæ pulmonis orificio appositas, ventriculi dextri janitores versus pulmones violare, sed & valvulas ad cavæ orificium, dum dextrum sinus egrediatur in cavam, valvulas etiam in venâ sine pari, & in principio Emulgentium, omnes contrario situ motum hunc opposcentes transgredi debuit.

Facilior itaque magilque naturæ & sanguinis cursui convenit via illa per venam pulmonis in cordis sinistrum ventriculum, atque inde in arteriam magnam, à quâ viâ satis facili ad arterias emulgentes deducitur nullis obstantibus valvulis, nullisque adversis fluctibus è cordis sinu sinistro impellitur, & cum sero per renes expurgatur. Neque est quod hic quis vereatur, ne à pravis humoribus spiritus contaminentur, & cor gravissima symptomata incurrat, cum lubentes id & æquo animo largiamur, quod & experientia frequentissimè docebit, atque ideo viam brevissimam expetit Natura, ut quàm citissimè ab inimico tantoperè offensivo liberetur, & ad Renes, cloacam cordi proximam, vias ad intestina non expectans, emittit.

Nervum etiam habere exiguum à sexta nervorum conjugatione constat, qui tamen ad membranam tantum extenditur; ideoque in Peripneumoniâ, si inflammatio partes tantum parenchymatis occupet, dolor adest gravis, seu potius sensus gravitatis percipitur; Si verò in membranâ investiente reperiatur, dolor adest acutus.

CAPVT III

De Usu & Motu Pulmonum.

Officium
pulmonum.

Pulmonum officium est respirationi inservire: quam ut felicius efficiant, in illis raritas quædam & spongiarum instar mollicies invenitur, aëris attractioni aptissima; hinc dum lobi illorum attolluntur, motum thoracis sequentes, faciliè spiritu dilatantur, & compressi rursus & flaccidi aërem etiam faciliè emittunt: eaque vicissitudine reciproca recipiendi reddendique anhelitus, vita in adultis sustinetur; Calor scilicet in corde & sanguine fervescente, frigidi aëris inspirati contactu, temperatur & æquali conservatur temperie; in cujus æquali libratione vita conservatur. In adultis dicimus, quia in fœtu, in utero adhuc existente, necessitas illa spirandi non urget; sed cor sanguinem benè temperatum à matre recipit, nec in fœtu ulteriori ventilatione indiget. Præterea tota sanguinis massa sinus cordis & pulmones infantum non percurrit, sed per vasa appropriata in Aortam à Cavâ transmittitur, adeo ut tantum in corde incendium à copiâ sanguinis calefacti excitatum non inveniatur, sed faciliè pulsû calor ejus ventiletur.

Respiratio
quid.

Sit itaque *Αναπνοή* seu Respiratio frigidi aëris in pulmones attractio, quo calor sanguinis & cordis mitigetur; & tandem fuliginosorum vaporum unâ cum aëre expirato fiat expulsio. Hujus duæ sunt partes; Inspiratio, quæ aëris attractione à pulmonibus elevatis & distensis fit. Altera Expiratio, quando scilicet in se decidunt pulmones, & aër expellitur.

Sed primò de necessitate hujus actionis inquiremus. In corde fontem caloris situm esse ostendimus; sine quo neque ali neque crescere possumus; hoc enim partes calorem suum naturalem conservant, alimenta concoquuntur & perficiuntur; eoque fixus & torpidus penè in membris fovetur calor inlitis; qui inter animantia, quorum quàm stirpium, perfectius futurum esset vitæ genus, uberior invenitur. Inter hæc rursùm quò magis sanguine prædita sunt, eò hoc ipso amplius circumfluunt & abundant, cujus temperatione vitæ status conservatur: ut verò temperiem aptam & corporibus idoneam obtineat, frigidi aëris attractio & ventilatio perpetua requiritur, cujus defectu statim extinguitur. Hujus exemplum in medicis cucurbitulis & conclavi angusto, ubi flamma coercita, & à libera aëris communione conclusa marcescit statim, & extinguitur, videmus: ita cùm animantium fauces præcludantur, mox penè caloris nativi sequitur extinctio.

Hujus extinctionis causam triplicem assignant. Primo, Quod denegata sit refrigeratio. Secundo, Quod idoneum deficiat pabulum. Tertio, Quod fumosa caloris excrementa retineantur.

A denegatione refrigerii calor extinguitur, vel à nimia caloris ac spirituum rarefactione, quâ faciliè evolare possunt, ut in balneis & æstu nimio, ubi externus calor primò humiditatem, calidi vinculum resol-

vendo

vendo, evocans, & se insinuando, cum particulis caloris nostri, jam liberi & ad fugam parati, unit, illatque in furorem agens, frænum non habentes, è corpore simul evolant, illudque prorsus destitutum nativam sedem deferunt. Idem à calore ipso sine externi adjunctione effici poterit; Intercepta enim consuetà refrigeratione, æstare, & humiditatem (ejus vinculum) depradari & vincere incipit, donec tandem abrupto carcere, unitisque caloris particulis vim majorem quam ut vinculis disruptis coerceri queat, obtinet. Atque hoc in laqueo suffocatis, & iis qui summa montium fastigia petunt manifestè patet, ubi aer adeò subtilis ac tenuis fit, vaporibus nempe frigidis minimè repletus, (uti Iosephus Acofta de sciplo Peruvix montes pertransiente refert) ut suffocationis metum inducat, nisi per spongas aquâ repletas aërem attraxerint, quo modo aer exhaustus refrigeratur & condensatur. Ob eandem etiam causam paucò & clauso aëre diu & continenter versati suffocamur; quia aer fuliginibus calidis è corporibus exhalantibus, ab extra non ventilatus, repletus simul incalescit, adeò ut refrigerii auxilium præstare nequeat.

Secundam hujus extinctionis causam ponunt in defectu pabuli, quo spiritus generantur. Sed hanc everfam fuisse, supra, ubi aërem cor nequaquam ingredi monstravimus, videatis.

Tertia est fuliginum retentio; à fumosis enim calidi insiti exhalationibus retentis, fit caloris compressio, ut particulæ liberè se unire nequeant; terrestres scilicet illæ & aquosæ partes cum spiritalibus illis calidi igniculis confusæ, non solum unionem impediverunt; sed & contrariis inimicisque qualitatibus impugnantes, minutillas illas caloris particulas obruunt & extinguunt. Sic ignem in laboratorii chymicis ad placitum extinguimus spiracula occludendo, & fuligines reprimendo: Reclusis verò ostiis & spiraculis ut fuligines excant, particulæ ignis se rursus uniunt, & excitatur flamma.

Hactenus Refrigerii usum ostendimus, jam quo modo perficiatur inquiramus. Animalia (diximus) quæ copiosiori sanguine sunt prædita refrigerio hoc magis indigent, quæ verò sanguinis minore copiâ fruuntur, diu transpiratione solum refrigerantur. His itaque sub septo transverso dissectum est corpus, ut per subtiliorem membranam fuligines expirent, & à calore externo calor insitus ventiletur, ac refrigeretur. Hujusmodi sunt apes, muscæ, & quæcunque bombum edunt, uti Aristoteles cap. 9. lib. de resp. Atque hæc succum quandam sanguini analogum habent; sanguine vero rubente uti cætera animalia non fruuntur; atque ideo ab Aristotele animalia dicuntur exanguia. Alia verò, quæ licet sanguinea sint, & ut plurimum respirent, diu tamen solum transpiratione refrigerantur; uti animalia hyeme latentia, formicæ item hystericæ, quæ ob debilitatem caloris ac tenacitatem, ac viscosissimam humidi naturam refrigerio isto non tantum indigent, quantum calidiora animalia. Atque horum animalium calor cum sit languidior, ideo refrigerio minore opus est, adeò ut diu sine respiratione incolumis conservari possit.

Hæc Refrigeratio in sanguineis & calidioribus animalibus, vel Pulmonibus perficitur, quæ aere degentibus convenit, & Respiratio dicitur: vel Bronchiis, aquæ habitatoribus appropriatis, quam, licet

improprie, Respirationem etiam denominare possumus. Aquam enim per bronchias tranſientem attrahentes, ferventem in illarum vasculis sanguinem contemperant & refrigerant. Atque hæc piscibus & aquotis animalibus minus calidis convenit.

Ubi verò calor est intensior, & refrigeratio celerior postulat, conceduntur illis Pulmones, ut aer frigidus circumambiens, qui ductu facilis, motuique pulmonum magis obediens est, ad incendium illud caloris ventilandum attrahatur. Aer enim cum sit aqua multò tenuior, facilis & citius cuncta pulmonum spiracula permeat, & fervescentem sanguinem temperat. Ad Aeris itaque attractionem conficiuntur pulmones, sed attractio hæc quomodo à pulmonibus efficiatur ab auctoribus variè & incertè statuitur.

Respirationis causas Galenus in tres classes redegit. Prima est Facultas Motiva, actio voluntaria. Secunda, Instrumenta voluntati subservientia, atque horum quædam ad vecturam aeris sunt destinata, quædam illum suscipiunt, & quædam ea quæ moventur movent. Quæ aerem ducunt, sunt Aspera Arteria, *Trachea* dicta, & ejus bronchiæ, quæ prolatum suscipiunt aerem, sunt Pulmonum substantia & bronchiæ minores *Tracheæ*, quæ movent sunt diaphragma & musculi Thoracis, ad quorum motum pulmones ordinatè moventur & attolluntur. Tertia, est ipsa utilitas, ob quam facultas omniaque priora organa insituntur; Inde enim caloris Symmetria conservatur.

Dum enim cor perpetuo caloris incendio flagret, nec satis per pulsum, sanguinem calentem effundendo, refrigerationem consequi valeat, calore stimulatam, facultati primò naturali necessitatem indicat, quæ, ob communionem & necessitatem utraq; æque compellentem, voluntariam suscitans, illam Thoracis musculos, huic actioni destinatos, movere irritat. Hisce autem motis, cavitatis Thoracis extensio sequitur, quem thoracis motum (ne daretur vacuum) excipiunt Pulmones, ad quorum dilatationem aer externus per os vel nares irruit, & non solum bronchias, sed & totum parenchyma spongiosum & rarum implet, adeò ut sanguis è cordis ventriculo dextro summè incallescens, in Arteriam pulmonis impulsus, circumambiente aere frigido in parenchymate undique & bronchiis arterias hæc ac venas interjectis concluso, per contactum refrigeretur. Hoc verò peracto, ut aer jam calefactus, & fuliginibus plurimis à sanguine emissis inquinatus non minus facultatem extimulans emittatur & expiretur, flaccescunt musculi, decidunt pulmones, & aer cum fuliginibus exprimitur. *Διὰ τὴν ἀφ᾽ οὗ*, per contactum solummodo hoc modo refrigerari diximus, non substantiæ permixtione; uti supra fusius probavimus.

Hunc autem Refrigerationis modum cyathi & pocula Magnatum & delicatulorum, quibus æstate vina cibere solent, quam optimè illustrent. Qui in tali construuntur modo, ut in illorum medio vasculum quoddam sphericum & apertile habeant, quo nive, glacie, aut aqua nivali repleto, vinum in circumambiens vas infusum per contactum vasculi interioris nive frigidæ, maxime licet generosissimum, refrigeratur.

Et sic instrumenta Respirationis, & modum calorem cordis seu sanguinis contemperandi ac refrigerandi absolvimus, sequitur causæ hujus actionis efficientis examinatio.

An

An verò à facultate Naturali aut Animali perficiatur, multum inter autores dubitatur. Alii enim motum esse Animalem, alii Naturalem voluerunt: suosque patronos insignes utraque opinio obtinuit. Quorum opiniones in utramque partem à Laurentio traditas habetis. Veritati verò & majori Authorum numero consonum est, actionem esse militam, motumque partim animale, & partim naturalem esse patebit. Animalis est ratione Organorum, musculorum scilicet Thoracem distendentium voluntati semper inservientium. Naturalis autem ratione causæ finalis, & necessitatis, ob quam motus hic instituitur, ad caloris scilicet refrigerium.

Qui motum hunc voluntarium constituunt, illum à Thoracis motu dependere existimant; siquidem & illorum nonnulli qui militam esse actionem fatentur. Controversia enim, de modo movendi, non minor exoritur, quam de ipso motu explicaretur. Alii enim pulmones à propriis viribus moveri; alii iterum alterius motum insequi voluerunt; variisque argumentis suas defendunt opiniones.

Aristoteles 3. de part. animalium, Pulmonem motus sui principium à corde derivare putat. Calor enim cordis auctus pulmonem vi suâ attollit, hinc aër ingreditur, ne detur vacuum; aëris autem frigidi appulsu calor exstinguitur, & pulmo rursus residet. Ut ergo diffuso calore pulmo dilatatur, ita residente calore contrahitur, unde aëris fit expellio: Atque sic pulmonum motum aquæ rarefactæ extumescientiam æmulari existimavit.

Averrhois cor Respirationis quidem autorem agnoscit, sed Pulmonem propriâ vi moveri contendit, non autem Thoracis motum sequi, quia motus violentus tunc daretur perpetuus. Esse autem mirabilem thoracis & pulmonis consensum, ideoque alterum sine altero moveri non posse concedit: Neutrum tamen alteri principium & causam actionis tribuere voluit.

Hofmannus in Comment. in Galen. de us. partium, horum vestigiis lib. 6. cap. 10. insistit. Quid (inquit) est quod nos thoracem movere cogit? Profecto tumor pulmonis. Quid porro est illud quod facit tumorem pulmonis? Profecto motus cordis sanguinem propellens in pulmones, ab ipsis refrigerandum. Ergo cor est causa princeps motus pulmonum, quatenus in illo est focus calidi nativi, quod absque refrigerio consistere nequit. Iam igitur hic sit Ordo. Cor est causa princeps motus, pulmo sequitur motum cordis, pulmonis motum sequitur thorax: Ergo ratione thoracis est motus animalis, ratione cordis & pulmonum est naturalis; atque sic pulmones à sanguine calefacto, & in illos à corde detruso inflari: distendi & attolli contendunt.

Contra pulmones motu voluntario non moveri, quia non habent musculos aut fibras, arguit. Quod verò illos per fibras, quibus pleuræ in homine adnectuntur, moveri suadent nonnulli; illà ipsâ ad hominem scilicet restrictione prodi rem attestatur; & quidem verè concludit: Si enim fibræ illæ solummodo in homine inveniuntur, quomodo voluntario motu in cæteris animalibus, quibus desiderantur, moveantur pulmones.

Inde eundem pulsus & Respirationis esse usum; ergo ab eadem causâ oriri debere allerit: Calor enim auctus facit ut pulsus & respiratio

ratio augeantur. Si itaque calor efficiat utrumque motum, celeriores & tardiores, cur non efficit simpliciter? Quod calor auctus mutat pulsum, hoc experimento constat: cohibe spiritum quantum potes, videbis pulsum subito mutari, unde hoc, nisi ab eadem causa, quæ respicit rationem etiam mutat, scilicet à calore aucto, oriatur. Ita dum in irâ fervet sanguis, mutatur pulsus & Respiratio. Unde intelligitur in quâ parte exactè sit motus principium, scilicet in corde; quod Pulmones inflat, & consequenter nos cogit Thoracem movere, non secus ac folles. Hæc Hofmannus.

Sennertus in Averrhois sententiam jurasse videtur, ac pulmones propriâ vi movere statuit. Licet enim (inquit) Thorax non moveatur, aut quiescat, quin pulmo quoque moveatur; tamen neutrum alteri principium motus est: ubi enim pulmo attrahendi aëris necessitatem percipit, mox vis ejus naturalis attractrix excitatur, & aërem attrahere conatur; ut verò id commodè præstare possit, & locum inveniat in quo dilatetur; facultas animalis simul, cùm pulmo movetur, thoracem movet; Neque solum simul fiunt, sed & proportionem quandam inter se servant; tantum enim dilatatur pulmo, quantum thorax distenditur, & e contra, thorax plus vel minus dilatatur, prout plus vel minus aëris attrahendum est: Sed non fit ejus dilatatio, quia thorax extenditur, sed propriâ virtute pulmo dilatatur. Unde in vivorum dissectione videmus, non solum vulnerato thorace omnino motum pulmonis durare, sed per vulnus etiam extra thoracem lobos ejus extendi, & quidem suo motu moveri.

Æmylius Parisanus in nobil. exercit. cùm omnium Anatomicorum repudiavit sententias, suâ opinione maximè sibi placere videtur, & Diaphragma totius motus causam esse asserit.

Diaphragmatis (inquit) motus est sese versus medium contrahere; cujus potissima & germana actio est, ut per se inspirationem pariat, utpote unicum & adæquatum illius instrumentum, ex accidenti verò expirationi conducatur: Etenim dum decumbit & otiaitur, ac fit flaccidum, decidunt pulmones, at surgens ad munus suum, seseque versus suum medium seu principium colligens, pulmonum super se elapsos lobos attollit, & ita dilatationis eorundem & cavitatum; ac proinde aëris attractionis, illorum repletionis, & deinceps per se eorundem elationis, ac proinde dilatationis thoracis est causa.

Sed quam malè hæc ejus sententia præclaris Anatomicis observationibus conveniat, statim suo loco videbitis; sed ut priores expendamus opiniones paulo liceat.

Primo, Quod cor hujus motus causa esse non potest, contra Hofmannum facile evinci poterit. Si enim cor sit adæquata motus hujus causa, semper est, semperque debuit talem effectum producere: at hoc non semper agit: In vivorum enim dissectione, thorace aperto, movente semper corde & sanguinem propellente, flaccidè decidunt pulmones, nulloque incitantur motu; quod non fieret, si à cordis nutu moverentur. In foetu etiam adhuc in utero existente cor palpitare & pulsare certum est, pulmones verò nequaquam movere posse.

At ex Duno lib. de respiratione forsitan telum hoc divertere tentabunt, & aperto thorace temperiem cordis & pulmonum externo aëre corruptum

corrumpi respondebunt, adeò ut rebus suis præesse non possint. Hui! tam subito vero corrumpi! quot in pectore vulnerati restituti fuerunt? An in fortu etiam, non moventibus pulmonibus, corrumpatur cordis temperies, ut pulmones elevare nequeat, aut (uti Cæsalpinus) non insurgunt pulmones, quia aër aperto thorace per vulnus ingressus, sanguinem & cordis incendium, non secùs ac cùm respirando aërem atrahimus, contemperat & refrigerat. atque idèò detumescunt pulmones? Sed hæc sententia non est majoris veritatis conscia priore: In omni enim thoracis apertione pulmones non detumescunt, sed sæpè extra vulnus inflatum exiliit pulmonis lobus, ergo non à refrigerio ab extra motus hic frustratur? Neque certè refrigeratio illa, nisi & pulmonum vasa penetret, tam citò incendium illud temperare poterit, præcipuè si in hypocausto aperiatur thorax, ubi aëris frigiditas ad talem effectum producendum non sufficeret: Statim tamen si totus aperiatur thorax detumescunt pulmones, incendio verò inde aucto.

Præterea non à corde motus hic pulmonum dependet adeò ut cùm tantum sanguinis è corde in arterias pulmonum influxerit, quantum illorum distensionem sufficiat, necessariò assurgant & distendantur; tunc enim æqualis semper foret respiratio, scilicet cùm arteriæ sanguine repleantur, pulmo attolleretur. Arteriæ autem repletio, æquali fit numero pulsuum, quibus completis æqualis pulmonum motus insequeretur: quod falsum esse, respiratio rarior & frequentior ad voluntatis arbitrium attestatur.

Quod contra Galenum urget Hofmannus, pulmones non moveri motu voluntario, quia musculos non habent, minimè Galeno contrariatur, sed Averrhoi: Galenus enim illos thoracis motum sequi contendit.

Quod Pulmones propriâ virtute contra Averrhoem & Sennertum non moveant, experimentum nobis frequentissimè tentatum abundè confirmavit. Si enim pectoris alterutrum latus, altero integro & inviolato manente, aperuissimus; lobi illi pulmonum in aperto thoracis latere statim flaccescere & decidere videremus; thorace interim, ut antea, cum integrum fuerit, movente & seipsum dilatante. Alteros verò pulmonum lobos in thoracis parte illasâ, intra Mediastini membranas inclusos, ad thoracis motum pulchrè per membranas moveri & attolli intuemur: utrisque verò lateribus simul & subito disiectis, statim in momento penè temporis, ad aëris ingressum singulos & integros pulmonum lobos detumescere & flaccidè decumbere; thoracem verò diu ipsius motum continuantem videmus. Quod nullo modo fieri posse trodimus, si pulmones facultate propriâ movendi donarentur. Neque thorax, si à pulmonum motu dependeat, quiescentibus illis, movere poterit.

Præterea omnis motus localis qualis est ille pulmonum, in quacunque corporis parte per musculos aut fibras efficitur. Sed Pulmones nec musculos nec fibras habent; ergo nec per se localiter moveri poterunt. A Parenchymate aut à vasis intertextis movendi hanc potestatem non obtinuerunt; quia aliis partibus; Hepati scilicet, Lieni & Renibus talem facultatem non communicarunt, quibus tamen abunde conceduntur; non itaque propriis viribus etiam pulmones moveri, satis luculenter demonstravimus.

Ad Æmylii Parisani figmentum de motu à diaphragmate conciliato, quo pulmones in altum tolluntur, cuilibet in vivorum simul ac mortuorum dissectione fabulosum esse facile patebit: Omnes enim pulmonum partes ad Septum usque non descendunt, extremitates solummodò inferiorum loborum illic attingunt: itaque illas duntaxat attollere potest diaphragma, non singulas loborum particulas.

Præterea in inspiratione (uti ex vivorum dissectionibus patet) diaphragma non ad superiora fertur, sed deorsum tendit, uti etiam ex ventris infimi distensione, cum spiritum exhaurimus à compressione partium intestinalium à diaphragmate facta, apparebit, & motum Septi deorsum fieri facile evincet; non itaque pulmonem sursum elevare poterit. Hoc ipsum ex situ & connectione ejus suaderi etiam potest, connectitur enim terminis costarum notharum, & sterni; quibus ejus fibræ annexæ, sese contrahentes versus partes illas immobiles quibus figuntur, se retrahunt, atque ex consequenti totum diaphragma deorsum versus terminos illos immotos pellunt. Cum autem laxantur fibræ (ut in omnibus cadaveribus videre licet) sursum fertur diaphragma, & fit expiratio, & infimi ventris retractio. Fieri autem expirationem in fibrarum hac laxatione & Septi retractione, ex mortuorum inspectione abundè probatur: Expirando enim omnes moriuntur, in quibus Septum laxum & sursum retractum semper invenire licet.

Quid ergo nos amplectimur, omnibus prædictis opinionibus rejectis? Et unde motus hujus causam eruemus? Causam certè aliam quam Galenus cæterique præclari Medici statuerunt, nullam reperire valimus.

A motu itaque Thoracis motum Pulmonum dependere statuendum est, quando scilicet Thorax dilatatur, pulmones ad implendam ejus cavitatem, ob vacui fugam, attolluntur, & internæ ejus superficiei undique se applicantes, illorum porosas cavitates etiam distendunt; in quas, ne daretur vacuum, per bronchias aer irruit. Laxatis verò musculorum thoracis fibris, & cavitate hoc modo contractâ, proprio gravati pondere pulmones spontè decidunt, aëremque spongiosis illorum poros comprimendo expirant.

Video tamen hanc sententiam hisce aut similibus telis ulterius oppugnari possè. Primo, Pulmones non movent ob fugam vacui, ut cavitatis thoracis distenti impleatur: Quia in extensione illâ parum est quod capacitati priori superadditur, quia non multum distenditur; & aer in pectore inclusus faciliè rarefieri, ad replendum tam minutulum spatium quod motu thoracis acquiritur, sine pulmonum elatione poterit: præcipuè cum aer ille inclusus sit vapor potius oleosus, non purus ac sincerus aer, rarefactioni magis aptus. Secundo, Ambiens aer & vapores continuò ascendentes à ventre infimo, qui duçiles sunt & faciliè attractioni cedunt, ad fugam vacui potius attraherentur (præcipuè cum totum corpus sit perspirabile, ut statuit Hippocrates) non pulmo qui corpus est solidum & rarefactioni, & consequenter huic instituto & actioni prorsus ineptum. Tertio, Supponatis tantam aëris copiam in pectore includi, quæ maximè ejus extensioni sufficiat, isque sit status aëris naturalis; Quid obstat, quin compressò rursus tho-

rare aër iste condensetur, & facile coarctationi huic cedat. Ad vacui fugam itaque non est necesse ut pulmones præter illorum naturam sursum attollerentur; ut cavitas illa thoracis ampliata repleretur; sed alia motus illius causa inquirenda est.

Hæc quidem difficilia videri possunt, sed non ob quæ veritatem deseramus. Ad argumenta itaque sic respondemus, & quod ad primum attinet dicimus, in Respiratione ordinariâ thoracem non multum distendi, sed per motum Diaphragmatis præcipue respirationem fieri, cuius motu consueto & ordinario maximè dilatatur thorax. In respiratione violentâ, ut in exsufflatione & anhelitu magno magis adhuc distenditur thoracis cavitas; quomodo tunc in extraordinariis illis distensionibus aër inclusus sufficit; præcipue dum vix ulterius rarefieri possit; cum ob vicinitatem intensi illarum partium caloris adeo tenuis sit, ut vix ad ulteriorem raritatis gradum extendi queat.

Et licet totum corpus sit *ἑὸς ὅριος καὶ ἑὸς περιόριος*, ut per poros ejus continuè fuliginosa expellantur excrementa; adeo ut Sanctorius quolibet die fuligines excretas unclas quinquaginta etiam in hyeme excedere referat; vix tamen huic motui instantaneo aërem aut vapores à parte, aut à toto suppeditare poterunt, ut cavitas distenta & capacior jam facta tam subito repleatur. Sed hoc concessio, & vapores ac aërem per poros in cavitatem intromissum supponamus, ubi in compressione thoracis vapores illi disponuntur? An condensantur rursus? nequaquam sane; hoc negat arx illa & fons caloris perpetuus in corde, hac regione residens. An per poros rursus propellitur? hoc certè cuiuslibet monstruosi apparebit, & perpetuam exsufflationem è cutaneis nostris meatibus sentiremus; non enim sensim sine sensu, sed confertim & violenter aër irrueret, præcipue in expirationibus subitaneis, ubi compressio thoracis sit quasi instantanea.

Præterea dicat mihi aliquis in Naturæ secretis subtilissimus, quare operculum ligneum illud mobile in foliis, quo foramen infimæ partis obturatur, dum exsufflando flammam accendimus, ad aëris intromissionem potius assurgeret & excitaretur, quàm aër inclusus ad cavitatis dilatationem rarefieret, aut quàm externus aër per rostri patentem ductum, ad cavitatem hanc implendam irrueret. Motus hujus rationem reddat & observet, & sibi met ipsi de pulmonum motu abundè satisfaciet. Si enim operculum illud ligneum & densum, ne vacuum in ampliata follium cavitare daretur, præter naturam assurgat; cur pulmonibus, quorum substantia mollis, fungosa, levis & quasi aëria, istud movendi denegetur privilegium.

Quod ad tertium spectat, aërem scilicet in thorace contentum ejus constrictione comprimi & condensari posse, insignis istius regionis calor, & partium perspirabilitas satis evincet; cum non à partium densitate, ut in alembico, constipari possint.

De motu itaque pulmonum sic statuendum esse censemus. Ad dilatationem thoracis, nè unio partium violaretur, illos attolli, ad constrictionem detumescere; Atque hanc methodum & movendi ordinem perpetuè ab illis observari agnoscimus, nisi errore aliquo vel externo vel naturali offendantur.

In dissectionibus quidem vivorum, cum thoracem vulneremus, pulmones non semper eodem modo invenire licet: Cum enim in medio thoracis instituitur sectio, violantur sæpè membranæ Mediastini, adeo ut aer externus in utramque partem libere ingressus, vacui metum tollat; ideoque cum thoracis cavitas distendatur, non assurgunt pulmones, demptâ necessitate illos ad motum cogente. Hoc ipsum accidit, cum utraque latera simul, magnis insidiis vulneribus ut aer confertim irruat, aperiuntur; Si verò unicum latus, inviolato altero, vulneretur, motus loborum pulmonum dissectionis partis statim pene fatiscit, in alterâ verò parte diu illos moveri observavimus, ut supra dictum est: atque ob hanc rationem, quia mediastinum exactè cavitatem illâsi lateris claudit, adeo ut aer externus necessitatem illam movendi in pulmonibus demere nequeat; quia omnino excluditur. Si verò vulnus institutum in latere non magnum sit, ita ut aer confertim irruere non possit, aliquandiu motus illorum loborum continuatur, imò sæpè tam violento agitantur motu, ut etiam extra vulnus evolare sæpè cernantur.

Atque hinc nonnulli ansam arripuerunt dubitandi; An pulmones motu naturali & proprio moverentur, ut supra denunciavimus. Non dissimulabo quid nos habeat sollicitum, inque hujus dubii solutione fateor nos multum insudasse, usque ad extirpationem penè totius speciei canum, quibus in vivorum dissectionibus semper uli fuimus; nos tamen maximè semper urgebat violenta illa pulmonum extra vulnus eruptio, adeo ut in illorum sententias jurare penè fueram persuasus: Nec sanè aliam post longam contemplationem frequentesque observationes, quàm hanc reperire valui; quod scilicet lobi pulmonum lateris illati & integri ob vacui fugam moventes, ut supra dictum est, aërem externum confertim arripiant: quam violentam attractionem, plus aeris sequitur quàm in illis contineri queat. Ideoque cum ad lobos utriusque lateris per eundem canalem aer feratur, & lobi lateris integri repleti sint, adeo ut totum illud aëris commoti, quod subsequitur, recipere non possint; ille verò incitatus non statim à motu desinit, sed quâ patet viâ ruit, sequensque priorem urget, & cum in parte attrahente spatium non invenit, in bronchias patentes loborum jam fatiscientium, qui à thorace non moventur, irrui, eosque ob laxitatem eximiam paululum attollit, & motum quendam languidum aliquandiu efficit.

Hujus motus exemplum in motu lapidis ab excelso descendens habemus; cujus progressus in aëre in fine velocior est quàm in principio; ob aërem scilicet illum subsequenter & promoventem, referente Pererio cap. de motu. Delabente enim lapide, partes aëris proximè inferiores prius à lapide pulsæ ac divulsæ, ut locum ab illo relictum occupent, magno impetu & celeritate ad terga lapidis concurrunt, ipsumque propellunt, ac ulterius promovent; & quò plures fuerint aëris particule, majorique nixu impulsæ, eò majori vi confluentes, lapidem à tergo vehementius urgent, & protrudunt, ac lapis velocius descendit. Sic à nautis observatum est, post magnas tempestates in mari sedatas, ventus quidam & motus in aëre & mari accidentaliter ad tempus continuatur, postquam originalis resederit, factus scilicet ex collisione & percussione aeris per fluctuum undulationem. Eodem modo in caminis, ubi quamprimum ignes accenduntur sursum evola-

lantes

lantes ignicula motum quendam in aëre vicino conciliant, qui igniculus sursum tendentes insequitur, tantique nonnunquam cum violentia, ut ventorum impetum non ineptè imitetur; uti igni adstantibus à tergo facile percipiatur. Sic cum pulmonum lobi in latere illafo & integro moveantur, ac in aëre motum quendam rapidum excitent; particula aeris quæ primo attrahuntur a subsequētib; etiam impelluntur, hæc ab aliis; illæ a sequētib; illas alix promovent; adeo ut lobos elatos copiosè infarcientes, ad flaccidam etiam & immotam pulmonum partem aer commotus per eandem canalem irruat, illamque paulò attollat & distendat, perinde ac vesica, quæ per tubulum inflatur. Quo vehementius itaque lobi lateris inviolati attrahunt, eo violentius aer insequitur, atque ideo magis in principio faciliscentes lobi attolluntur quam postea; cum illi in latere integro tunc forticius movere ac aerem attrahere valeant.

Et hoc modo dubium abfolvimus, quo diu multorum antea laborant ingenia; si veritatem assequuti sumus, est quod nobiscum sapientia datori gratias agatis; sin hallucinati fuimus, non multum mirabimur nos ignorasse, quæ tantis & doctrinâ tam insignibus tanquam enigmata visa fuere.

Habetis jam pulmonum constructionem, motum & movendi modum, nonnulla item de usu & officio. illosque ideo constari ac moveri diximus, ut calor sanguinis ritè temperetur, & fuligines, quibus abundat, expellantur, in febribus multatim adferens utilitatem, & ut se benè vel malè habeat respiratio, signa dæ bonæ vel malæ, vel ad salutem vel mortem petantur.

Aliud verò hujus motus officium, quod penè festinanti exciderat, deprehendo in manum, & priuquam hinc amolimur accipite.

Moveri & attolli pulmones scimus, non solum ut aërem externum attrahant, ut incendium cordis refrigeretur, sed ut sanguinem è cordis dextro ventriculo exhauriant & excipiant: Ubi pulmones idem officium eandemque movend rationem cum parte illâ in cochleis aquariis, quæ aquam haurit, quàm vulgò *Bucket* & *Sucker* vocamus, habere videantur. Pars enim ita elata & attracta aerem in fistulis usque ad aquam contentum exugit, atque sequentem aquam è profundissimis exhaurit puteis: Sic Pulmones, cum ad motum Thoracis attolluntur, ut aerem intra bronchis & parenchymatis particulas admittant, illorum etiam Arteria & Vena ad majorem extenduntur capacitatem, quam cum depressi & flaccidi in se conciderunt, habere possint; Capaciores autem factæ, ut repleatur vacuitas illa, sanguis quo impleri solent, necessariò truit; idque non solum impulsivè, gratiâ motus illius impellentis in corde, illum in arteriam propellentis, sed & sponte influit, nec vacuum in vasis illis distentis daretur. Cum verò pulmones rursus dumescunt, & in se decidunt, vasa hæc comprimuntur, & in ventriculum cordis sinistrum sanguinem refrigeratum & temperatum eprimunt & expellunt; Et hoc luculenter in vivorum dissectionibus patet. Dissecto enim Thorace, cum pulmo aliquantisper flaccidus & sine motu jacuerit, & cor penè emortuum pulsus suos decurrare, eosque parvos & frequentes edere inceperit, ob calorem insignem, & sanguinem in ejus ventriculis diutius contentum, & penè,

*Exigens ad hoc
comprobandum est
quod erit observare
post longa in pulmonis
quietem generante
ad hoc motu cordis
an a sinistro cordis
ventriculo easdē moles
sanguinis exeat, quā prius
et a dextro.*

*Unus ligatus Arterio
ut egressus sanguinis
de dextro impediatur, et
simul quiescent
pulmones non magis
turgidaque et rubundus
pulmo efficitur.*

quia à motu sive destitutus, coagulatum; Si tandem seclā Aspera arteria per folles aut fistulam infletur, ita ut pulmones attollantur; & hæc inflatio aliquantisper continuetur, cor vires suas denuò assumit, & pulsum differentias pulchrè evariat, & magnos rursus ac veloces edit: Atque hoc non solum ob calorem ventilatum accidit, sed quod motu pulmonum sanguis ille penè coagulatus, è ventriculis expromitur, & continuo novus ritè temperatus infunditur, quo ventriculus cordis sinister (antea exanguis & exiccatus ob frequentes quos edidit pulsus, totum illius proventum sanguinis in Aortam impellens) irrigatur & impregnatur, calorem & siccitatem ejus contemperando, humidumque renovando.

Habetis jam partes omnes & continentes & contentas hujus regionis: earumque actiones & officia, ac quomodo sanguinis circuitus in illis perficiatur. Sunt tamen alia quæ hic inseri soleant, quæque appendicis locum habent, ac ad transitum in alteram regionem inserviunt; partes nempe in collo, quas, quia in omnibus Anatomicorum scriptis reperiuntur, lubenter omittamus, quantum verò ad nostrum attinent institutum, in sequentibus nostrum non effugient laborem.

CAPIT IV.

De Natura Sanguinis.

Quia in prioribus sanguinem suam perfectionem & ultimum ornatum in mediâ hâc regione acquirere diximus; in naturam ejus hic liceat paulò altius inquirere, ut quid sit quod à tantis & tam mirificè constructis instrumentis constatur, tanto labore conservatur, & ad partes tanta cum diligentia deferatur, videamus.

Sanguis ab omnibus repurgatus excrementis, præter unicum serum; quod illi ad motum faciliorem conciliandum, æcenturiatur, hic aptum redditur pro toto corpore alimentum: Quod & scilicet fiat, ex particulis illi convenientibus, partibus scilicet heterogeneis, constare debuit: Simplex enim elementum (testante Philosopho) idoneum non est alimentum; Idque ob hanc rationem, quia partes corporis ut diversa obtinuerunt officia, sic & temperamenta; quacum ex simplici & unico elemento constari, sic & nutrirī non possunt, eandem missionis seu generationis & nutritionis regulam observantes. Partes itaque quæ omnimodò sunt heterogeneæ, ex diversis constructæ particulis, iisdem nutrirī, ex quibus immediatè constant, est necesse; quia ad nutritionem & conservationem unio particularum necessariam requiritur; at in dissimilibus & asymbolicis unionem & concordiam expectare non possumus, ideoque nec assimilationem & nutritionem. Sanguis itaque ut huius dissimilariū partibus alimentum præbeat, ex particulis heterogeneis constari oportet.

Hoc idem cibus, ex quo fit chylus, & inde Sanguis, arteletur; partes enim prorsus dissimiles & diversæ naturæ habet; quarum alia, calidiores,

lidiore, aliz frigidiores, aliz duriores, molliore aliz, aliz sicca, aliz humidz; & præter has alias etiam partes continet, quæ corporibus conveniunt, nec ab alimento deesse possunt: scilicet falsas, mercuriales, aliasque nobis adhuc nominibus ignotas, sed effectibus satis manifestas; ut olleas, membraneas, cartilaginolas, &c. quæ hisce partibus alimentum præbere sunt deligatz.

Sæpius etiam accidit ut partes aliquas in se cibus contineat, particulis corporis non solum non cognatas, sed & inimicas; adeo ut à naturâ nullo modo domari & concoqui possint, sed quocumque vagantur, & plurimas licet concoctiones subeant, nequaquam tamen mutantur, sed naturam suam perpetuò integram conservant. Atque hoc medicamentis intro assumptis manifestum est, ita & aliis in rebus, quarum essentiam inter multas mutationes integram, & sub alterius formæ dominio delitescentem videmus. Imò seminale rerum omnium principium in minimis etiam atomis, in diversis materiis, in terrâ & alibi diu latere poterit, nullumque vivens reperire liceat, è cuius cadaverè, excrementis alvi, urinâ, sudoribus, fuliginibus à corpore exeuntibus, & foridibus in cute & vestimentis collectis, vermium non genera varia producantur, ut recte dici pronuntiemus *animarum plena esse omnia*. Herbas etiam videmus, ubi putrescunt & corrumpuntur, reviviscere posse quotidiana testatur experientia; dum in agris & hortis fimo stercore eadem plantæ quæ in fimo putruerunt rursus generentur, seminali principio integro manente; quod ubi materiam aptam adeptum fuerit, sponte emergit denuò & revirescit planta. Atque hoc norunt omnes agricolæ, quod ex suillo stercore Sonchus generetur in agris, familiare autem alimentum Sonchus est suis, undè & nomen accepit & Sonchus suum vocatur. Alia huiusmodi exempla invenire liceat. Capra herbis purgantibus alatur, lac illius capræ bibat nutrix, fiet ut infans qui lac nutricis exugit, inde purgetur, quamvis tantas & tam varias subiverint mutationes, suas tamen qualitates integrè conservârunt.

Ad eundem modum in arboribus & plantis, quarum succi, qui illis cibi loco sunt, non simpliciter ex terrâ & aquâ misti sunt, succisve illarum naturis convenientibus; sed quandoque succum quendam planè alienum & alteri speciei proprium admittunt, quem licet in proprium usum & naturam convertere nequeant, illum tamen non separant, sed partibus nonnunquam appositus iis adhæret, non tamen assimilatur; Sed cum in magna quantitate colligatur & coacervetur, particulæque illius à succo nativo segregetur & uniantur; tandem peregrinus ille jugum & dominium formæ specificæ arboris discutiens, & idoneam dispositionem nactus, in animæ modum elevatur, & primum corporis sibi idonei fabricationem aggreditur, postea functiones proprias edit, & planta nova alterius speciei nascitur. Hoc manifestè cernitur in *Visco Quercino* planta quæ quercui aliisque siquidem arboribus quasi annectitur & adhæret, & ab illis alimentum suscipiens virescit, suosque extendit ramos: Seminale nempe huius plantæ principium cum arboris succo benigno ac proprio ex terrâ elicatum, eo, minimis particulis divisum, confunditur, & simul cum succo nativo apponitur, diuque inter arboris particulas effectum & vinctum latet. Tandem cum plures ejusmodi partes fuerint elicitz, prioribusque uniantur, adeo ut jam vires agnoscant.

agnoscant suas, ac forma sub dominio animæ specificæ arboris subjugata suas exerceat facultates, planta statim alterius speciei efflorescit. Quod seminalis hujus principii atomi diu lateant & subjugentur, ex surculorum illorum arborum, è quibus luxuriant hæ plantæ dissectione videri potest: In ramulis enim arborum hisce plantis virentium, particulæ quadam & quasi venulæ virides, colorem Visci referentes, sparsim ubique conspiciuntur; juxta partem verò ubi sese exserit & efflorescit, magna hujus succi concreti quantitas uniti & collecti, non ut antea cum arboris substantia confusi, cernitur, atque hinc exurgit planta. Ad eundem modum Cuscuta, fungi, epithymus, molchus & rapum, Genistæ nascuntur.

Sic ex animalibus varia etiam producuntur animalia, ex bobus apes, ex equis crabrones, ex mulis fucos, ex asinis vespas procreari docet Plinius.

In generatione calculi similiter in hominibus, succus lapidescens à terrâ per plantas unâ cum illarum succo exhaustus, & inde ab animalibus, quæ nobis alimentum præbent assumptus, nostris exinde communicatur corporibus; nondum tamen suam amisit naturam, sed corporis nostri partibus appositus, licet tot concoctiones subiverit, in lapidem concrevit, in iis præcipuè partibus, quæ naturæ sunt siccioris, aut nimium angustis, & humoribus viscosis refertis, collectus si fuerit.

Siquidem in *vermium* & *dracunculorum* generatione in partibus corporis nostri quamplurimis. Sic in *Dysenteria* inquinamenta *Antimonialia*, *Helleborina*, *Efulina*, vel *Alvèrica* cujuscunque sortis sint cum cibo ac potu assumpta, cum à corpore nostro sint aliena, aliquandiu quidem in eo latere, assimilari nunquam, & reliquos humores inficere possunt; donec tandem particulæ unitæ, & materia ita coacervata fuerit, ut Natura ab eâ stimulata per alvum venenum illud & humores vitiosos ejiciat, à quibus intestina exulcerantur. Atque sic partes in sanguine plures esse quam nominibus nobis notas ostendimus.

Sicut à cibis, sic & alterationis in ventriculo & Hepate diversitate, partes in Sanguine oriuntur diversæ. Sic partem chyli tenuiorem & calidiorem à ventriculo aut Hepate calido exustum, Bilem vocamus: Crudior verò & frigidior pars Pituita dicitur; atque ambo hi humores ex eodem cibo, in diversis tamen Organis, generari possunt, uti melle commesto explicare possumus: quod à calore in ventriculo aut Hepate nimio faciliè in bilem vertitur, in ninium frigido ventriculo aut hepate cruditates accumulare poterit; à calore moderatori in laudabilem sanguinem mutatur.

At verò licet in sanguine hæc partium diversitas, ut in humores excrementitios faciliè mutari possit; inveniatur, ubi intemperies aliqua concoctionem debitam impediat: humores tamen illi excrementitii in sanguine bono actu non reperiuntur, sed illum partes habere biliosas, hoc est, tenuiores, & melancholicas, hoc est, crassiores, pituitosas, hoc est, crudiores, dici poterit; ita ut quæ magis à mediocritate recedunt, in propinquo sint ut in alios humores mutantur; Quod fit cum in venis, aut hepate, aut corde calore naturali non rectè gubernentur, vel extra vasa segregentur; & tunc sanguis biliosus in bilem, pituitosus in pituitam, melancholicus in melancholiam degenerat.

Spigelius tres tantum partes in sanguine contineri voluit; Serum scilicet, liquorem rubrum & fibras. Partes hasce inesse fatemur, nec tamen alias deesse, licet sensui non tam facile appareant, ex effectibus scilicet concludere possumus. In fibris etiam multas & diversas esse partes, ossibus, membranis, cartilaginibus appropriatas, sic & in liquore illo rubro illarum omnium & singularum partium nutritio & augmentatio à sanguine profuens abundè testantur. In vino misto, aut medicamentis exquisitè confusis, ubi plures substantiæ sub unâ formâ liquidi comprehenduntur, oculis aut alio quovis sensu singulas illarum partes discernere nequimus. Idem in sanguine contingit, qui sub formâ liquidi omnes heterogeneas ejus partes continet, non tamen inde probatur, non alias adesse, quàm quas sensibus distinguere possumus. Nec valet illud exemplum, quod à plantarum nutritione ad positionem illam probandum adducit. Plantas enim aquâ solùm nutriri supponit, cujus suppositionis falsitatem statim videbitis. *Constat* (inquit) *non esse plures partes in sanguine; (quam tres illas scilicet prædictas) quia si plantas inspicias, licet ex diversis partibus constent, uno alimento resciantur, una eademq; pluviâ aquâ nutriuntur; & sæpè herba venenata pulcherrimo & suavolenti lilio adstat, utraq; luxuriante, etsi uno rore eademq; pluviâ irrigentur.* Quod plantæ aquâ solùm nutriantur nullo modò concedi potest, neque valet hæc Spigelii oculorum appellatio. Si enim ab aquâ duntaxat suum petant alimentum, cur terræ committuntur ut germinet & efflorescant? Cur non aquæ credite singulæ virescunt plantæ? Quod verò aliquandiu aquæ imposuere virorem conservent, accidit, non quod alimentum quo nutriuntur & augmentantur inde recipiant; sed quia per aquam exhaustam succus ille, quem prius ex terrâ elicuere, in illis contentus humectatur, & ab exiccatione ab externo calore præservatur; Nequaquam illa augmentantur vel nutriuntur. Quod etiam plantæ terræ commixtæ sine pluviâ aquæ adventu exarescant, hoc non quia illa nutriuntur accidit, sed quia deest vehiculum; & aquam idem præstare officium plantis, quod serum sanguinis partibus humani corporis dicimus; atque ideo necessaria est aqua ad plantarum nutritionem, ut succi terrestres dissolvantur, distinguantur, & à plantarum radicibus scilicet exugantur, & cum aqua pluviâ vel alia desit, idem accidit plantis, quod in humano corpore ratione febris denegato potu efficitur; totus à violento incendio absorbetur humor, nec aliquid quod vel calorem mitiget, aut humiditatem restauret, conceditur, tabem inde universalem sequi necesse est. E terrâ itaque quamvis plantam succum proprium & naturalem elicere statuendum est, hoc verò ut scilicet agat, humiditas aquea requiritur; neque hinc lilium aut rosâ plantis venenatis melius conveniunt, quia eadem nutriuntur aquâ, sed diversos elicientes succos, suum quilibet attrahit alimentum, neque alteram defraudaverit: & decantata illa veterum antipathia inter plantas (referente Magno Verulamio) non ad malam inter se convenientiam & discordiam attribui debuit, sed potius ad sympathiam, quod eandem habeant communem naturam, & eodem nutrantur succo; ideoque simul vivere nequeant, cum alia alteram à succo genuino & proprio privet: Melius itaque lilium & venenata planta convenient, simulque virescent, quàm duo lilia, duæ rosæ, duæ venenatæ, aut duæ alexiteriz

plantæ; quia succum talem è terrâ attrahunt venenatæ scilicet, quem respuunt alexiteriæ, & inde purius hujus alimentum redditur.

Fibras habere sanguinem concedunt omnes, & hoc præcipuè discrimine à cæteris humoribus sejungitur. Hisce mediantibus cum è venis sanguis excidat, aut in venis motu privetur, statim concrescit & grumescit. Harum ope sanguis partibus apponitur & adhæret, sitq; nutritio & augmentatio.

In omnium animalium sanguine inveniuntur, neque damas nec cervos excludimus (uti Aristoteles). Si fibrarum, ac consequenter concretionis, sanguis sit expers, nec corporis alendi, aut in solidiorem ejus substantiam convertendi vim aut potestatem haberet: Ex his partes spermaticæ corporis refarciuntur; fibræ scilicet & solidiores ejus particule, sicuti & carnosæ, à liquore illo rubro inter fibras hæcæ disperso & concreto, enascuntur.

Hæ fibræ in sanguine (referente Fernelio) opus sunt primæ concoctionis in ventriculo, qui cum ferè totus sit nervolus, suam illis substantiam quadantenus impertit. Ventriculi igitur vitio omne corpus quasi atrophîa extabescit, sanguine fibris destituto, appositio & nutritio fieri nequit. Cujuscunque partis opus sunt, ita accuratè in sanguine adhuc calido esse confusas constat, ut distingui non possint, si verò in aquam calentem injiciatur sanguis, fibræ omnes statim coherentes & albæ ad fundum vasis delabuntur.

De Sero alterâ sanguinis parte aliquid in priore libro dictum est, ex materiâ aquosa & potulentâ cum parte cibi falsâ permixtâ confici declaravimus; Quod nequaquam corpori alimentum præbet, sed ut aqua pluvialis plantis pro alimenti vehiculo conceditur.

Atque sic ut sanguinis progressum & circuitum in inferioribus regionibus, sic & naturam abundè demonstravimus. Ut verò per ramum Aortæ ascendentem in caput, regionem superiorem, & animalium sedem deferatur, libro proximo dicendum est.

CAPVT V.

De Vasorum unione in fœtu.

VT historiam hujus regionis perfectam & absolutam concludamus; De Vasorum in corde fœtus unione aliquid addendum esse existimamus.

In fœtu, uti diximus, natura aliter quàm ut per pulmones sanguis derivetur provisâ est: In utero enim adhuc degente fœtu pulmones desides sunt, neque dum opere accinæti publico moventur, quia aëris transitus ad cavitatem illam & dilatationem implendam denegatur; sanguinem itaque è cordis ventriculo dextro & cavâ exhaurire nequeunt, (cum officium illud solum ab illorum dilatatione dependeat) ideoque natura aliam molitur viam, quâ sanguis à matre deductus, è cavâ per cor in Arterias sine pulmonum interventu, qui illum admittere ob denegatam dilatationem nequeunt, transiret.

Vena

Vena itaque cava priusquam in dextrum cordis sinum se aperiat, ad venæ coronalis ostium scilicet, cum venâ pulmonaria, per foramen utrique commune (ad eod enim se mutuo contingunt, ut unicum vas esse putes) amplum & ovalis figuræ conjungitur, cui operculi instar membrana quadam tenuis, dura ac pellucida, foramine major, ad radicem solum in venâ pulmonaria firmata, præfecta est, quæ à cavâ sanguini impetuosè affluenti cedit quidem, at ne rursus in cavam resuat, impedit: Per quod foramen tota penè sanguinis massa (illam solum excipe partem quæ dextri sinus cordis ac pulmonum nutritioni inservit) per pulmonariam venam in sinistram cordis ventriculum transfertur, atque per arterias singulis corporis particulis propellitur; abundantem verò & recusatum sanguinem, Arteriæ ex ramo iliaco pronatæ reddunt, de quibus Libro primo fusius docuimus.

Communione verò hæc venarum totus à dextro cordis sinu & pulmonibus non eripitur sanguis, sed pars etiam per cavæ orificium in dextrum cordis ventriculum irruit; atque inde in cordis contractione, cum è sinistro sinu in Arteriam magnam effundatur, per arteriam pulmonariam in pulmones, ad illorum confirmationem & nutritionem impellitur.

Sed nè pulmones, nondum adhuc confirmati & flaccidi vasa compressa habentes, copiâ sanguinis à dextro sinu effusi obruantur, sed illum solum elicerent, quem pro nutritione reservant, ab arteriâ pulmonariâ aliam naturâ excogitavit viam, quâ tali periculo liberetur, & tubulum quendam arteriosum ab arteriâ pulmonaria ad Aortam ducentem composuit. Tab. XIII. f. In illam Aortæ sedem implantatur tubulus hic, quâ Nervus Recurrens sinistri lateris reflectitur. A pulmonaria arteriâ circa ejus bifurcationem egreditur, & oblique tendens, sanguinem è dextro cordis sinu propulsum in Arteriam magnam ducit.

Unio hæc vasorum fortè in lucem edito confestim aboletur, & membrana quæ foramini in cavâ apponitur, coalescit & foramen occludit: Tubulus verò post paucos dies non secus ac vasa umbilicalia primum cavitatem amittit, & in ligamentum abit, mox prorsus, quandoque annis ferè tribus aut quatuor interjectis evanescit.

Usus hujus Unionis duplicis in fortè, in gratiam esse pulmonum posuerunt Anatomici, quos in fortè, crasso & venoso sanguine, nec tamen arterioso destitui conveniebat: Crasso nutriri ajunt, ut cum nondum cordi respirandi præstarent officium, ad quod levitas ipsorum requirebatur, *Aspera Arteria* tenera adhuc & flexibilis, ab eorum pondere comprimeretur, nè vacuum in eâ esset; quod aërem traheret; qui in utero concedi non poterit. Hæc Spigelius Anatomicus insignis, hic tamen veritatem non attigisse videtur. Si enim aspera arteria à pulmonum pondere comprimeretur, eandem semper figuram, scilicet compressam non rotundam, quam in utero habuit, servaret, se enim sponte dilataret nequit; neque vacui metus compressionem hanc suaderet, an Thorax comprimitur ne daretur vacuum, aut nares occludantur? an non nativis evaporationibus vacuitates illæ replentur? & eodem sanguine in adultis ac in fortè aluntur? Cur Tracheam aque non comprimant in adultis ac in fortè? aliud itaque officium ut perquiramus necesse est.

Unionis itaque hujus usum esse dicimus, ut sanguis, (qui ob venarum & arteriarum à pulmonibus flaccidis compressionem per illos liberè pertransire nequit,) sinistro cordis ventriculo, & inde arteriis communicetur & transferatur. Cùm enim flaccidi jaceant pulmones, vasa illa compressa sanguinem recipere & continere nequeunt, breviorẽ itaque viam perquisivit natura. Quàm primum verò editus est fœtus, & sanguine materno temperato destituitur, calor cordis auctus facultates omnes irritat, & Thoracis ac diaphragmatis motum sollicitat; Pulmones inde elati in vasa illorum distenta, arteriam scilicet, sanguinem è dextro cordis ventriculo copiose admittunt & exhauriunt, unde sanguis ille qui per foramen in cavà ad venam pulmonariam transferri solet, jam motis pulmonibus in dextrum sinum cordis, atque inde in arteriam pulmonis eripitur; unde per anastomoses venis pulmonum, ut superius dictum est, communicatur; & per venam illam in cordis sinum sinistram impetuosè descendens, membranam foraminis è cavà in illam ducentis operculum, ad vasis, scilicet venæ hujus, latera comprimit, atque sic fluxu per hanc viam denegato foramen statim prorsus occluditur & coalescit membrana; atque hinc venarum unio perit. Illa verò inter arterias per tubulum, cum totus sanguis sursum ad pulmones exhauriatur, fatiscit, quia nihil cavitatem ejus percurrit, faciliè itaque exarescit & prorsus aboletur.

Atque sic pensum secundum absolvimus, in quo si quid (benevolè Lector) nondum tibi notum, aut utile te ad legendum invitet, tibi placeat, laboris nostri non pœnitebit, si ad tertium descendamus; quod jam bonis avibus persequemur.

LIBRI SECVNDI FINIS.





CORPORIS HUMANI
DISQUISITIONIS
ANATOMICÆ
LIBER TERTIVS.

CAPVT I.

De Regione supremâ, seu de Capite.

Regiones duas inferiores longâ ac indefessâ peregrinatione perambulavimus, illasque succulentiori, proprio, optimeque concocto alimento rigatas oculis vestris exhibuimus. Restat jam (ut omnibus numeris absolutum opus hoc nostrum efficiamus) ut superior etiam *Venter* à nobis studiosius animadvertatur: Et cum in Microcosmi hujus curias luserimus minores, nunc altius ascendere placet, & Palatium ipsum regale jam liceat examinare.

Venter hic seu regio superior, Caput dicitur, à Græcis κεφαλή, ἀπὸ τοῦ κεκυφῶσθαι, à cavitare, est humanæ fabricæ culmen atque fastigium, Orbi simile, sensuum arx, quo lumen illud divinum Ratio & Mens, acris & vicens tanquam cœlo tegitur, in quo totius animantis regimen instituitur; hic secundum Platonicos Animæ Sedes est & Metropolis, atque inde in reliquum corpus derivatur ac influat; quæ ita ratione moderatur universum, nutuque regit, ut in qualibet regione præsens esse videatur: In quo religionem & quoddam inesse Numen crediderunt Antiqui, eâ propter honorum insignia & Diademata Regum capiti fuisse imposita voluere. In quo Spiritus Animales elaborantur, atque hinc in sensuum externorum, & motus organa, utpote sine horum influxibus otiosa, per nervos distribuuntur, quibus devastatis & absumptis, Sol & Stellæ duo luminaria obscurabuntur, Custodes domus trepidabunt, & curvabuntur viri fortes, Molares desinent molere, & videntes obscuri erunt per fenestras oclusis portis extrinsecus, timebunt se à rebus altis, & marcescet Capparîs, extendetur funiculus argenteus, & Aquarium aureum rumpetur: Si influxus prorsus denegetur, attonitum & quasi fulmine tactum tota concidit Moles.

Hujus Regionis Provincie sunt plurimæ, quæ communiter ab Anatomicis in partes faciei & calvæ dividuntur, quorum Methodum in nostris perambulationibus retinere non displicuit. Calva præter communia integumenta, cuticulam, cutem & pinguedinem, alias proprias habet, pilos scilicet, membranam tenuem Cranion immediatè investientem, quæ *Pericranion* dicitur, ac Cranion ipsum, quod est pars ossæ Meninges immediatè, atque indè partes contentas, (quæ sunt Cerebrum, Cerebellum & Medulla partim in calvâ, partim in spina existens) circumscribens.

Partes in facie plurimæ etiam sunt, sed quia Calvæ partes illas dignitate præcedunt, etiam in tractatione prioritatem vendicant; & quia vi sui prius occurrunt Capilli, cum illis incipiemus.

CAPVT II.

De Pilis seu Capillis.

Pili licet corporis partes, ut partes strictè sumuntur pro illis solùm quæ anima specificâ informantur, non sint: tamen quia in omnibus Anatomiz Scriptoribus inveniuntur, & è corpore suum eliciunt alimentum, tanquam corporis appendices, hic etiam disquisitionem nostram postulant: & talem vendicant descriptionem.

Pili quid.

Pili sunt corpora oblonga, teretia è poris cutis erumpentia, ex materiâ propriâ cognatâ è sanguine elicitâ, genita: quæ ad corporis ornatum & calvæ præcipuè integumentum, inserviunt.

Eorum figura.

A Græcis *τριχ* dicuntur, à Latinis capilli, quasi capitis pili, figuram habere teretem creduntur, sed reverâ (ut ex instrumentis Opticis, quibus rerum magnitudo multum ampliatur, observare licet) figuram habent quadrangularem, in morem caulium quorundam plantarum, in quarum numero forsân merito recenferi possunt, ut postea patebit.

Pili (uti meminit Aristoteles) in animalibus ferè omnibus intra se animal generantibus reperiuntur, quorum vicem in avibus suppleant pennæ, in piscibus squammæ, in erinaceo aculei oblongi.

Quomodo generentur.

Eosque sic generari docent Philosophi; à calore scilicet corporis fuliginosi crassique vapores à tertia concoctione in habitu corporis generati elewantur, & ad poros cutis pelluntur, in quorum angustiis dum hærent conglutinantur, donec tandem poro repleto alius atque alius vapor subiens hunc impellat, quem vicissim alius, atque alius, atque ita è poro exporrigitur & pilus formatur, qui postea similibus vaporibus succedentibus, & radici adjunctis prolongatur.

De hoc verò generationis modo non sine ratione dubitare possumus: Si enim à poris formentur, ut dictum est, cur non in singulis corporis particulis illos pullulare videmus? Cur non toti quadrupedum more hirsuti horripilamus? dum pori singulis corporis partibus abundè communicentur, calorque vapores æque per trunci, colli, faciei, volarum manuum, plantarumque pedum poros, ac per capitis meatus expellit; ex

hisce

hisce tamen prolixiores magis luxuriant, in illis nulli inveniuntur. Præterea caput totum est osseum, adeo ut vapores non tam facile hinc erumpant. Sed dicant forsitan Cranion vapores tanquam cucurbitula aut alembicus attrahere. Itane! illos à Cranio colligi posse gratis concedimus, illique condensari, nequaquam verò extra ad pilorum generationem emitti arbitramur, sed per infundibulum in palatum descendentes. spūto ac per nares excernuntur. Si verò per futuras illos exspirare urgeant, non contradicemus; sed an vapores illi per futuras exscentes materiam pilorum generationi subministrant, multum dubitatur: Sic enim promissiores ac copiosiores, vel solum circa futuras cernemus, quod ipsum falsum esse testatur experientia; circa futuras enim, præcipue coronalem & sagittalem, primò decidunt, & calvitie incipit: in occipite vero & circa tempora ubi futuræ non sunt, ut vapores emittantur diu crescunt: Quibus verò futuræ prorsus desiderantur, perpetuà calvitie exornantur.

Deinde à calore corporis nostri fuliginosos illos vapores elevari asserunt: At verò hoc esse falsum, crines post mortem luxuriantes, (ut in suspensis & aliis), cum calor omnis extinguatur, facile suadent. Cum itaque ficta hæc pilorum generatio repudiatur, quomodo illorum naturam depingere possimus videbitis.

Primò itaque Pilorum materiam, à quâ generantur, non esse vaporem fuliginosum, (uti asseritur) dicimus, sed succum quendam in sanguine & corpore dispersum, nobis quidem nomine ignotum; cuiusmodi sunt succi illi ex quibus ossa, cartilagine, nervi, in sanguine; aut in terrâ, Cichorea, Oliva, Rosa immediatè conficiuntur: atque hoc inde patebit; Illorum enim alimentum, cum cæterarum partium nutritione augetur ac diminuitur; quod fieri non poterit nisi ex eodem principio originem petiverint: unus enim idemque febrilis calor pilorum defluvium, ac carnosarum partium tabem efficit; succos scilicet omnes in sanguine cognatos, ac partibus singulis proprios absorbendo & dissipando: Defluvium verò hoc pilorum non à fuliginum inopiâ in febribus excitatur, plures enim tunc suscitantur & generantur vapores à calore illo febrili, quàm à benigno illo & naturali fieri possint. Neque repudianda statim est hæc nostra assertio, quia nominum impositionem recusavimus, & capillorum generationem ex succo ignoto constitui-
Pilorum
materia,
mus; Ideo enim succum illum ignotum vocavimus, quia sensibus nostris destitute non apparet. Sanguinem succum communem esse & pabulum generale notum, quo particule omnes nutriuntur agnoscimus, sed quia ex illo variz configurantur partes, & diversæ formæ diversæ & dissimilia construunt ædificia; ideo etiam & materiam ex quâ conficiuntur illa dissimilantia corpuscula, esse heterogeneam, & diversas habere particulas facile concludimus; Idque assentiente Aristotele qui quamlibet formam *οὐκ ἐκ τῆς ὁμοιοῦς*, propriam materiam requirere statuit.

Causa efficiens illorum non adeo accidentalis est ut vulgò recensetur, sed est vis pilifica animæ specificæ effectus proprius, à quâ, tanquam à plantarum animâ, succus ille cognatus elicitur, formatur, gubernatur, & postea à sanguine alimentum attrahitur, & non solum in parte infimâ quâ cuti inseruntur, sed & summitate, cæteris vero partibus non neglectis apponitur. Abscissi enim capilli elongantur rursus
cum

cum apice acuto, nonnunquam duplici, aliquando triplici instar plantæ germinantes; Non immerito itaque pilos plantis analogos esse dicimus, & illarum ramificationes in summitate, caules in quadrangularibus quasi stipitibus cernimus; radices etiam in parte horum infimâ, albâ quadam & mucoſâ ſubſtantiâ obſitâ, filamenta undique porrigente, quibus succum illis appropriatum attrahunt & concoquunt.

Neque aliter pili in corporibus noſtris enaſcuntur, quàm muſcus ſuper arborum truncos: Illorum pars non eſt, ſicuti nec pili corporis, nec à ſemine aut formâ ejus cui adhæret, efficitur aut dependet, ſed à formâ propriâ, quæ in plantâ nobiliore cui adnaſcitur, loco materiæ proximæ & ſubjecti animæ illi ſpecificæ adſuit, generatur. Cùm ſcilicet Atomî illa materiales (quæ collectæ formam conſtituere) uniuntur, & dominium ſuperioris formæ, cui ſubigarentur, diſcutiunt; conſimilem materiam elicientes illam ſecundum methodum propriam diſponunt, & in plantam illi formæ propriam conformant. Hoc verò in arboribus non efficitur niſi cùm vel ab ætate, vel aliquo externo afficiente forma propria arboris debilitetur, aut materia hæc pro muſci generatione apta copioſe accumuletur. Ideoque in arboribus ſenſcentibus, aut perpetuis irrigatis ſtillicidiis, aut umbrâ continuo teſtis, ubi vigorem ſuum amittit ſpecifica anima, invenitur muſcus; Sic & Pili in ſuſpenſorum capitibus magis luxuriant quàm vivorum, quia ſcilicet illorum formæ ab alterâ dominante jam non impediuntur, ſed ſuccum copioſiorem inveniunt.

Ut in muſco etiam figuræ, coloris ac prolixitatis varietatem invenire licet, ſic in crinibus alii ſunt criſpi, alii recti, alii promiſſi, alii breves, alii flavi, albi alii, alii nigri, à quibus & humorum totius corporis dominium dignoſcitur.

Nec ineptè quidem ratione affectuum arborum foliis aſſimilari poterunt: Affectus enim ille qui capillorum deſluvium & calvities dicitur, idem eſt qualis in arboribus foliorum decidentia, & hominibus penè appropriata eſt, calvities: Vnde Ariſtoteles 5. de gen. animal. cap. 3. *Calvi omnium maximè animalium homines aperte efficiuntur*, ſcripſit. Hæc plerumque ſenſcentium comes eſt individua, nonnullis tamen præmaturè ex cauſa aliquâ accidentali contigit, ſic & foliorum caſus Autumni & penè expirantis anni inſeparabile fit indicium. Accidit tamen nonnunquam ut ſolis æſtu torrenti ſuccus alimentarius abſumatur, & frondes naturali cibo deſtituti, exiccati decidunt. Quid aliud capillis efficit febrile incendium? Quid Venus immodica & intempeſtiva? atque ideo Hipp. 6. aph. 28. Eunuchos & alios ante Veneris ulum calvitiem non pati ſcribit; Quid curæ edaces, vigilæ nimix, ſtudia inordinata, cerebrum totumque corpus immodicè exiccantia? Niſi ſuccum hunc abſumendo pilos aridos ac deſuentes relinquunt. Quandoque exuruntur folia ab *Vredine*, rubigine, ſuccis ſcilicet pravis & æruginofis, vel à cœlo decidentibus, vel cum nativo ſucco è terrâ elicitis. Humores etiam pravi capillorum radices erodentes, illorum deſluvium cauſantur, idque vel univerſim, ut in Lue Venereâ, vel in locis particularibus, ut in *Αλωπεκία*, affectus hic vulpibus familiaris eſt, & in morbo qui *ὀφθαλμὶς* dicitur, quod partes pilis deſtitutæ tortuoſæ, inſtar progreſſionis ſerpentum, videntur. Aliquando à vermiculis virentia excedun-

exeduntur folia. Capilli etiam quandoque particulatim & frustulatim, à minimis vermiculorum erosi & absumpti, decidunt. Affectus in Germaniâ Vulgo notus, & à Latinis Tinea vocatur, quod sicut vestes tineâ, ita & hisce capilli, in quibus generantur, eroduntur. Quale genus vermiculorum vix visu obviorem, & quos vivere non nisi ex motu cognoscitur, in caseis, melle, prunis, fructibusque aliis exiccatis nascuntur. Estque proculdubio illorum Species quorum mentionem facit Aristoteles 5. hist. animal. 32. & Ἀσπερς vocat, in cerâ vetustâ, & lignis natos, omnium animalium minimos esse dijudicat; Atque hi, ut frondium illi helluones, cum succo alimentario & cognato pilis communicantur, non integri & perfecti, sed illorum atomi minutillæ, cum succo confusæ, postea cognatum elicitur alimentum, capillisque apponitur, se congregantes minimum illud animalium effingunt, quod frustulatini capillos exedit.

Inter Pilorum vitia non prætereundum est illud quod *Plica* dicitur, *plica, unde dicta.* Polonis familiaris affectus, & penè Endemius. *Plica* dicitur quod capilli planè inter se complicantur, & ex multis pilis unus fit Cirrus digiti sæpe crassitieci, quem ex reliquo capitis & barbæ capillitio, ad humeros, pectus, aliquando ad umbilicum usque demissum propendere videas, aspectu planè horrifico, & Gorgoneum caput referente. Cirros hujusmodi binos è pilis ad magnitudinem brachii affabrè contextos, à vertice feminae vetustioris luxuriantes, longitudine verò unas binas ad minimum æquantes vidimus. In Poloniâ si Cirros hosce deraferint, sanguinem pili effundebant, & humor & virus in corpus relabens, affectus gravissimos afferebat. Infringit ossa, laxat artus, vertebrae infectat, membra retorquet, gibbos efficit, pediculos fundit, varios capitis cruciatus & sæpè cæcitatem attulit.

Mali hujus causa est virulentus quidam humor, qui pilis copiosum *Exjux causa.* suppeditat alimentum, reliquis verò partibus inutile, imò noxium; quod cum Natura ad superficiem expellat, reliquum corpus ab omni molestiâ liberatur, Pili verò saltem fiunt vitiosi. Atque hanc sententiam symptomata illa truculenta abunde quidem sicuti & cura; quæ balnei usu perficitur, confirmârunt; quo primis septem diebus ægri planè hirsuti toto corpore evadunt, pilis undique erumpentibus, qui ejusdem balnei usu adhuc septem diebus continuato, iterum decidebant, & ægri pristinam sanitatem recuperabant, calore scilicet balnei evocati virulenti illi humores, partes internas incolumes reliquere; at quia copiosum pilis præbuere alimentum assatim per totum corpus luxuraverunt.

Solum in quo capilli implantantur esse cutem diximus, quæ in capite pilorum gratiâ crassior est, eaque solum differentiâ, ab illâ quæ cæteras obteggit partes discrepat. In hac disseminantur arteriæ & venæ, quæ alimentum ipsis communicant.

CAP V, T III.

De Pericranio.

Hisce omnibus substernitur membrana quædam capiti peculiaris, Cranion immediatè investiens, ut membranula illa cætera ossa amplectens *periostion* dicta, & *περιστεριον* appellatur. Est membrana tenuis & alba, super capitis ossa superiora, lyncipitis scilicet, frontis & Occipitii tensa. Illam duplicem esse contendunt Bauhinus, Bartholinus & alii, duplexque nomen illi assignarunt. Spigelius verò simplicem esse asserit, etsi in dissectione geminam mentiatur naturam: id enim cæteris omnibus membranis contigillè potest, quæ quantulamcunque crassitiem obtinent.

Crassior est aliis membranis ossa investientibus, præcipuè circa suturas; Sensum verò habet acutissimum, quem gratiâ primæ secundæque conjugationis nervorum cervicis obtinuit; à tertio pari nervorum cerebri nervulos etiam aliquos accepit, qui foramina ossium frontis egredientes illi sensum largiuntur: Ideo in vulneribus capitis cautè est agendum, ne scilicet aliquo modo lædatur hæc membrana, quæ ob sensum acutum dolores gravissimos, & Symptomata graviora inferre solet: Cum durâ Matre enim Cerebrum investiente fibris quibusdam nerveis ad Cranii interiora per suturas & foraminula alia quædam in ossibus cranii, eo nomine constituta, penetrantibus connectitur, ob quam connectionem suam originem à durâ matre duxissè crediderunt Anatomici. Spigelius verò illam solum neci meningi, non oriri asserit. Quicquid verò sit maximum esse inter utramque consensum per fibras hæcæ communicatum facillè constabit; adeò ut levis quæcunque hujus inflammationiuncula crassæ meningi & cerebro statim communicetur. Hinc vulnera capitis & contusiones, præcipuè circa musculos temporales, ubi frequentiores sunt nexus illi, habentur lethales.

Arterias obtinuit à Carotidum ramo exteriori Tab. XVIII. fig. 12. k. k. k. k. i. i. i. i. quæ sanguinem illi ad nutritionem adducunt, & cum venis suis sociis ubivis per anastomoses connectuntur. †. †. †. †. †. †. †. & in illas superfium & reculatum emittentes, per venas u. u. u. u. & t. t. t. t. in exteriorem jugularem venam O. N. N. F. F. F. emandant. Neque cum exterioribus hisce solum venis jugularis ramusculus connectuntur, sed & Cranion per foraminula illa prædicta ingredientes, cum furculis quibusdam venarum Tab. XVIII. fig. 12. m. m. m. in crassâ Meninge Sinum tertium adeuntium, per anastomoses uniuntur. Tab. XVIII. fig. 12. k. k. l. l. l. l. m. m. m. n. n. n. n. n. Quibus sanguis etiam reducitur, & in sinum tertium exoneratur; unde accidit ut inflammato sanguine in exterioribus hisce vasculis, statim etiam cerebro communicetur.

CAPUT IV.

De Cranio.

Regionem hanc superiorem, cùm viscerum omnium nobilissimum in se contineat, Natura ut adversus injurias irruentes liberum conservet, munitum ossæ tegumento circumscipit, non tamen ex uno solidoque ossæ, sed ex pluribus, peculiari articulationis genere inter se conjunctis construxit.

Totam hanc ossæ partem *κρανίον* quasi *κρανίον* galea, quod militaris galeæ formam referat, & usum præstet, osseum autem communiūras inter se Sutures nominarunt. Substantia ejus & crassities pro ratione ætatis & loci plurimum variat: In nuper natis enim tenuis & penè membranacea est, in senibus crassior & densior quàm in juvenibus, aut foeminis. Sic in Occipicio & fronte crassior est quàm circa tempora aut in Vertice.

Figuram habet Sphæricam, secundùm figuram Cerebri quod continet, & ejus gratiâ efficitur; superficies ejus tam exterior quàm interior levis est, nisi quod internè sculpturas quasdam obtinuit, quæ vasorum crassæ Meningis vestigia referunt.

Ex duabus laminis, quarum exterior est interiore crassior, constat, substantiâque quâdam levi, pumici non absimili, sanguine & medulla plenâ connectuntur. Atque hæc est illa *διπλας* de quâ mentionem facit Hippocrates lib. de vulneribus.

Ex ossibus sex Cranion constare est manifestum, uno frontis, aliquando autem duobus, occipitis etiam uno, duobus Syncipitis, totidemque temporum, quæ omnia inter se suturarum beneficio connectuntur. In quorum descriptione non est nostri instituti laborare, cùm ab omnibus tam abundè describantur; solum in ossæ frontis cavernulam observandam inter utramque laminam ad nasi radicem sitam, interdum unam, Tab. XVI. fig. 3^a. C. & Tab. XV. fig. 1^a. n. n. maximâ autem ex parte geminam non præterimus. In puellis aut quibus frons depressa, vel frontis os cum futurâ est divisum, illam non inveniri asserit Bartholinus: Nos verò ad eundem modum & situm in dissectione Cranii semper non invenimus; Nunc enim unam amplam ad latus alterutrum inclinantem, cùm multum minore in alio latere; Tab. XVI. fig. 4^a. c. c. In fronte futurâ sagittali divisâ, binas, utrinque unam aequalis magnitudinis, Tab. XV. fig. 2^a. b. b. à quibus utrinque ad narium cavitatem foramina expanduntur, sæpius reperimus. In aliis verò, quibus scilicet frons multum depressa fuerat, ut in foeminâ quam nuperrimè dissecuimus, nulla illius vestigia invenire licet.

Cavernula hæc, simplex sit an gemina, meatus binos obtinuit, quorum uno à cerebro per ossis cribriformis foramen in illam ducitur pituita, Tab. XVI. fig. 3^a. c. atque hinc per alterum. c. ad nares descendit.

*Ufus cavernulae
in osse
frontis.*

De Ufu harum cavitatum maximè dubitatur: suas quisque habet conjecturas. Alii (ut Placentinus,) mucosum humorem, qui in nares destillat, continere, alii illas voci inservire, ut magis sit canora, quia in illis qui malè loquuntur non inveniuntur: alii, ut in illis elaboretur aër ad generationem spirituum animalium, contendunt. Spigelius ad odores hauriendos facere existimat; cum ibi aër odore prægnans excipiat, paulumque conservetur nè nares tam subito præterlabatur, unde odor per integrum diem in narium summitate perferatur. Alii illas humorem, quo oculi humectantur & lubricantur continere putant. Nos verò illas à Natura primario institutas arbitramur, ut protuberantiam illam & eminentiam superciliorum extendant, quæ aliter adeo feliciter fieri vix poterit. Si enim ex osse solido extuberet frons & supercilium, onus nimis grave ac naturæ molestum effingeretur. Hisce verò cavernulis processus seu prominentia superciliorum, ad faciei gratiam & oculorum propugnaculum, tenditur, neque gravitas offensiva inde conciliatur. Atque hanc in omnibus procellibus & prominentiis, (ad quodcunque officium designatis,) methodum observavit Natura; ut nulli parti inutile pondus designaret, quo officium damno inevitabili compensetur. Sic os maxillæ superioris magnum est, maximeque protuberat, cavum tamen est, adeò ut Natura non solum robur, sed & utile quandoque ac conveniens excogitare videatur.

Hanc nostram de cavitatum harum usu sententiam abundè illustravit illud Bartholini, asserentis cavernulas hæc in frontibus depressis non inveniri; scilicet ubi nulla est superciliorum prominentia; atque talem faciei formationem in ancillâ à nobis dissectâ anno 1640. fuisse, in quâ nullum invenimus cavernulæ hujus vestigium. Hoc itaque officium esse à Natura primario excogitatum existimamus; alios verò usus secundarios habere negare nolumus.

Cranii ossa per Sutures committi diximus, quæ articulationis species solis capitis ossibus convenit, ut per illas (inquit Spigelius) fibræ quibus cerebrum cranio annectitur exeant. Officium verò magis requisitum in vaporum emissionem præstant, & ut distensionem à vaporum copiâ factæ aliquantulum cedant, & capacitatem paulò ampliorem, usque dum expirent, dilatent. Hinc illud est quòd illos qui Sutura hisce carent, continuò capitis dolore affici, facillimeque ab internis causis oblati videamus. Celsus capita talia firmissima & à dolore tutissima fore, & quo Suture sunt pauciores, eò valetudinem esse firmiorem scribit. Doctissimorum verò observationes contrarium indicant, ut testantur Columbus, nonnullos diuturno & incurabili capitis dolore fuisse vexatos, non aliâ de causâ quàm à futurarum defectu: Et Galenus illos qui fasciis nimis strictè capita constrinxerunt, tali dolore vexari, ut ferè in inflammationis periculum inciderint, denotat; Ob strictam scilicet futurarum compressionem, adeò ut vapores nequaquam expirare possint.

Inter utraq; laminas diffunduntur Arteriæ quæ sanguine benigno illas irrigant; quibus venæ associantur, ut sanguinem superfluum & effæctum reducant.

CAPVT V.

De Meningibus.

CRanio immediatè substernuntur membranæ quas Meninges peculiari appellatione Galenus vocat. Arabes illas Matres, quia (uti somniarunt nonnulli) ab his cæteræ membranæ suam petunt originem, nominarunt. A differenti illarum substantiâ nomen aliud adeptæ sunt; & exterior quia crassior & durior sit Crassa Meninx, interior verò quia tenuior & mollior, pia Mater dicitur.

Exterior membrana crassior est, cæteris omnibus membranis toti corpori datis, substantiamque habet duriores, cranio immediatè substernitur, cui validissimè præsertim circa futuras per quas fibras enittit alligatur. Introrsum tenui membranæ beneficio vasorum, quæ hinc illi conceduntur, annectitur. Superficies cranion respiciens, ob fibras adnæscentes aspera est, interior æqualis & humida, ex vaporibus condensatis, omnique adipe destituta est: plurimis pertusa foraminibus; ut venis, arteriis & nervis exitum præbeat. In basi etiam infundibulo & spinali medullæ vertebrae ingredienti cedit; ubi os spongiosum ob tendit, cribri instar perforata est.

Hæc reflexa in vertice capitis & in parte anticâ reduplicatur, & duos processus efficit: Superior reduplicatio cerebrum dividit in partem dextram & sinistram, & per capitis longitudinem ad summas naves excurrit; in itinere autem angustior redditur, & quo longius à principio fertur, eò in apicem tenuiorem desinit; qui tandem in processum superiorem ossis spongiosi, quem Cristam Galli vocant Tab. XV. fig. 12. c. & fig. 22. V. alligatur. Hæc reduplicatio quia aptè falcem messoriam exprimit *Falx* dicitur: à posteriore enim sede quæ cerebello contigua est, in priora delatus, sensim falcis in morem stringitur & angustatur. Tab. XV. fig. 12. C. C. Cerebrum dividere diximus, non tamen ad basin usque; ubi mediante *Corpore Calloso* Tab. XV. fig. 1. B. B. utraq; latera sunt continua. Posterior reduplicatio brevior est & crassior, quo interfinium cerebri & cerebelli in postica sede, sub Lambdoeide Sutura constituitur.

Ad superiorem processum Hemicranix causam, sed malè, referunt nonnulli, cum hæmicrania non internas subit capitis partes, sed foris temporales musculos obsidet, humoribus biliosis irruentibus.

In hisce duobus processibus canales quidam quos Galenus Meningis *divulsi*, aliquando ventriculos vocat, occurrunt. Vulgò Sinus appellantur, quos non, ut cætera vasa, teretes esse, sed latiores nonnulli descripserunt Anatomici. Bini laterales sunt qui in processu posteriori inveniuntur: ad latus foraminis primi ossis Occipitii oriuntur, & per posteriora oblique ascendentes sub Occipite feruntur, usque dum ad Cerebelli apicem perveniunt, ubi cum tertio & quarto coalescunt. Tab. XV III. A. A. R. R. S. S. V. V. V. Horum *συνδερμῶν* sive

coalitus ab Anatomicis Torcular vocatur. Tab. XVII. T. In hos sub illorum principio juxta cerebri basin venæ jugularis internæ major E. K. Et arteriæ Carotidis minor ramus, I. I. inseruntur, qui sanguinem & spiritus vitales illis adducunt. Ab hisce Sinubus primo scilicet, Tab. XVIII. fig. 1^a. R. R. & secundo A. A. ad latera utrinque ramuli venarum instar i. i. i. i. i. i. excurrunt, qui in vicinas membranas, crassam & tenuem quæ cerebellum operiunt, dispergi ajunt.

Ex duorum horum primorum concursu duo alii educuntur, quorum alter sursum extenditur. Tab. XVIII. fig. 1^a. V. V. V. qui tertius dicitur; alter deorsum labitur, qui quartus est S. S. Tertius omnium longissimus totam superiorem sedem elatioris crassæ membranæ processus perrepat, recta secundum capitis longitudinem sub sagittali suturâ delatus; sub frontis ossis medio septo ossico quod Cristam vocant connecitur. Tab. XV. fig. 1^a. e. A Sinu hoc etiam plures propagines variatim sparguntur, partim sursum ad Crani Meditullium, quod inter laminas ejus duplices intercluditur; tum pericranion contententes; Tab. XVIII. fig. 1^a. m. m. m. partim deorsum, quæ per Falcem distribuuntur; partim versus latera ubi in crassam ac tenuem membranam plurimæ propagantur. Tab. XVIII. fig. 1^a. d. d. d. d.

Quartus Sinus deorsum vergit, omniumque est brevissimus, inter cerebrum & cerebellum ad nates glandulamque pinealem sub cerebri basi recta fertur. In itinere furculos plurimos spargit præter minores alios in crassâ membranâ absumptos Tab. XVIII. p. p. unum & alterum majorem, qui ad Callosi corporis sedem sublimiorem tendit. w. w. Y. Y. Ab inferiori parte alios ad cerebellum. u. u. u. Versus finem ubi ad ventriculos secedit, ipse truncus juxta Testes divisus ad Glandulam pinealem fertur, & bifariam scissus ventriculos anteriores subintrat, utrisque ranum dispensans; Et talem esse vasorum horum structuram ubivis apud Anatomicos invenire licet, officium verò & connexiones non adeò clarè assignarunt. Illorum enim usum esse docent ut sanguinem à venis & spiritus ab arteriis (quia ab utrisque vasorum communionem acceperunt) pro cerebri nutritione & spirituum generatione recipiant & conservent.

Verumenimverò Sinus hosce alio credi officio nobis consentaneum esse videtur: Vasa enim illa quæ à Sinubus in membranas & cerebrum emanare asserunt, reverà è sinubus non exeunt, neque sanguinem ab illis & spiritus ad membranas & cerebrum non dispensant, sed potius ab arteriarum anastomosibus in membranis & cerebro frequentibus Tab. XVIII. fig. 1^a. l. l. l. n. n. n. t. t. t. t. t. 3. 3. 3. p. p. p. p. sanguinem superfluum à nutritione & à partibus recusatam recipiunt, & in sinus hosce exonerant, adeò ut sinus illi idem præstare officium videantur, quale in regionibus inferioribus suppeditat Vena Cava; nempe ut sint receptacula quædam & quasi Mare Magnum quod minores rivulos, venas scilicet sanguinem ab arteriis adducentes, recipiant. Neque cuivis officium hoc vanum aut difficile videatur, quod cerebri medium (ut in thorace & ventre infuso Vena Cava) non percurrant; Ideò enim ad confinia Cerebri ultima ablegavit illos Natura; nè, dum in medio existerent, si sanguine nimium distenderentur, tenerimas cere-

bri partes vel distensione lædant, aut nimium calefacto sanguine spiritus accenderent, & à naturali & necessario suo officio impedirent. Hancque nostram opinionem confirmavit Arterix furculi minoris, & venæ majoris rami insertio. Si enim ad missionem & conservationem sanguinis & spirituum Vitalium pro cerebri nutritione & spirituum animalium generatione ordinarentur, cur non Arterix portio major in illos implantatur? ut major spirituum copia indè cerebro præbeatur, majorque pro animalium spirituum generatione proventus reservetur. Præterea in Iugularibus venis (quas sanguinem hisce adducere asserunt) valvulæ insignes deorsum versus cor spectantes, omnem sanguinis ascensum denegantes, quasi ex instituto ut opinionem hanc veterum diluat, apposuit Natura. Deinde sanguinem non spiritus in arteriis contineri infra probavimus. Quod verò Arterix furculus minor statim penè ante distributionem in sinus implantatur, ex sequentibus audietis. Sanguinem suprà heterogeneousum esse, & particulas corporis illas solum ex sanguine elicere partes, quas sibi cognatas & benevolas sensere, reliquum verò recusare demonstravimus. Ut verò sanguinis copiâ nimia ac inutili partes, quibus plurimæ offeruntur arteriæ, non offendantur, ita à natura ubivis constitutum est, ut pars sanguinis minus cognata & necessaria, particulis cognatis aliquo modo separatis, (statim penè ad introitum in partem aliquam, priusquam in parte illâ distribuantur vasa) separetur & ad venas rursus remandetur, ut partes illo solum sanguine à quo alimentum recipiunt, gravarentur, atque idè in ramum splenicum ad Lienis portas, (antequam illum ingrediuntur,) ramus insignis arteriæ corliacæ implantatur. Ad eundem modum & furculi hi arteriæ Carotidis in Sinum primum & secundum inferuntur; ut pars sanguinis minus necessaria statim ad receptacula majora redeat, nec copia ejus vasa cerebri nimium distendens, tenerimas illius particulas læderet. Et ad hunc modum in singulis partibus ordinantur vasa.

Præterea vasa illa quæ à Sinu tertio cranion penetrare docent, sanguinem ab Arteriis Cranio & pericranio dispersis recipiunt, & in Sinum exonerant; illudque illorum valvulæ frequentes versus Sinum spectantes abundè demonstrarunt.

Membrana hæc Crassa præter Sinus hosce alia habet vasa; Arterias scilicet quæ à majore & anteriore ramo Carotidis internæ illi offeruntur. Tab. XV III. fig. 1^a. a. a. a. a. Q. Ubi enim anterior hic ramus [Q.] per foramen proprium in osse temporum exculptum, cranii cavitatem sit ingressus, atque ad ossis Cunei formis sedem pervenerit, ubique sub durâ membranâ incedens, utrinque ramum in latus ejus dispensat; qui postea in plurimos dividitur furculos minores totam ejus substantiam percurrentes, qui sanguinem illi pro nutritione deferunt. Hisce adjunguntur venæ Tab. XV III. fig. 1^a. β. β. β. ad eundem modum propè illam discurrentes, & ab arteriis quibus per anastomoses ubivis conjunguntur, sanguinem excipientes, illum ad Iugularem internam L. E. emandarunt, quarum vestigia in ossium Syn-cipitis interna superficie impressa egregiè conspiciuntur. Tab. XVI. fig. 3^a. L. L. L. Diligenter itaque in Cranii terebratione à Chirurgis est animadvertendum, nè hic terebram nimis imprimant, & vasa hæc violent.

Crassæ

Craſſæ Membranæ immediatè ſubſternitur *Tenuis* quæ cerebrum immediatè contegit, & figuram ejus æmulatur, cerebrique anfractus ingreditur. Summè tenuis eſt & exquisiti ſenſus, quæ non ſolùm cerebrum continet & conſtringit, nè mollis illius ſubſtantia diſſuat, ſed etiam in profundum ejus ſe inſinuat, & ad ventriculos uſque eos undique ſuccingendo ſe extendit. Inſinitas vaſorum propagines à craſſâ derivatas ſuſcepit, illaſque rurfus cerebro diſpenſavit. quæ ut tutius progrediantur, & citra ruptionis periculum cerebri ſubſtantiam pervadant, uſquequaque variis anfractibus, eo nomine cerebro inciſis, membrana hæc ſe inſinuat.

Extra Vaſa hæc nonnunquam ſanguis profluat, illis vel perruptis vel exeliſis, & inflammationem & tumores ſæpè parit, unde Delirium, ſenſuum omnium depravatio, & quàm ſæpiſſimè mors ipſa inſequitur. Immo Affectus illi qui à tenui Meninge originè petunt multo ſunt acerbiores & periculoſiores, quàm, qui à dura Matre ſuboriuntur, tum quia acutiori ſenſu prædita ſit, tum quia majorem cum cerebro conſenſum habeat & cognitionem. Dura verò mater quoniam à cerebro paulatim ſeparata ſit, ſolâ affici poteſt auctore Galeno 4. de præſag. ex pulſ. cap. 9. ſi inflammatio parva ſit, citiſſimè tamen cerebro communicatur, per vaſa utriſque communia.

Uſus harum membranarum eſt cerebrum continere, nè variis motibus ejus ſubſtantia mollis nimium agitata diſſuat, & ut à cranii & oſſium duritie illud defendant. Et idem præſtare officium in hac regione, quale in inſimâ & mediâ peritonæum & pleura videntur. Galenus 8. de uſ. part. cap. 8. triplicem hujus membranæ uſum aſſignavit; Primus, *τηρίζειν τὸν ἰγνίφαλον*, firmare & ſtabilire cerebrum; ne ob ſubſtantie tenuitatem & molliſſimè protinùs dilaberetur & flueret. Secundus eſt *οικίπτει τὸν ἰγνίφαλον*, tegere & operire cerebrum. Tertius eſt *συνδέσμων ὅναι τῶν κατὰ τὴν ἰγνίφαλον ἀγγείων ἀπ' αὐτοῦ*, ligamentum eſſe & vinculum omnium cerebri vaſorum. Craſſæ Membranæ item duplicem attribuit uſum, alterum cum tenui communem, alterum proprium; communis, ut ſit cerebri tegumentum; proprius eſt, ut ſit deſenſorium propugnaculum, quod impetui irruentis cranii eſt expoſitum.

CAPVT VI.

De partibus contentis in Cranio.

DE partibus continentibus ſummi hujus ventris ſatis dictum eſt; Iam partes contentas ut ſe ordine ſequuntur examinemus.

In Membranis prædictis cerebri contineri diximus, quod à Græcis *ἰγνίφαλον* dicitur, à ſitu ſcilicet, quia in Capite, ſit locatum. A Veteribus pro medullâ quadam habebatur, eoque nomine illud ſemper inſigniverunt; partemque hanc Medullam Capitis, & illam in ſpinâ medullam ſpinæ appellarunt; Verumenimverò multum à Medullâ quæ

quæ in cæteris ossibus continetur differt cerebri substantia : Medulla enim est ejusdem naturæ cum pinguedine, quæ calida est, ut ex inflammabilitate colligere licet ; Cerebri verò natura frigida est, neque ullo modo inflammabilis.

Substantiam itaque peculiarem, qualis in toto corpore non invenitur, adipiscitur, (ideoque & peculiare officium secundum Galenum.) Crassam, albam & mollem ; non tamen ejusdem naturæ in quavis parte : Exterior enim ejus pars, quæ ab Anatomicis cortex dicitur, & a Bartholino cerebrum propriè dictum appellatur, & colore & substantiâ à parte interiore discriminatur. Hæc enim quæ cortex dicitur, coloris est subcineritii, & varios anfractus sulcosque complures leviter excavatos habet ; unde in ambitu cerebri spiræ quædam intestinorum circumvolutionibus similes efficiuntur, quibus vasa cerebro oblata tutò se insinuant. Indè consistentia hujus mollior est & magis fluida : Pars verò interior medulla cerebri vocatur, estque multo candidior, durior & compactior, quæque ab exteriori facili actu separari (referente Bauhino) in capite recens interlècto, potest.

Magnitudo ejus tanta est ut cætera omnia animalia facili superet : Ex omnibus enim maximam cerebri copiam adeptus est, ut testantur Arist. hist. animal. & Bauhinus, qui unius hominis cerebrum duorum boum magnitudinem superare, & in publicis dissectionibus libras quatuor, quandoque quinque æquare sæpillimè observavit. Non tamen semper eandem obtinet magnitudinem ; in plenilunio enim, ut ex vulneribus capitis patet, cerebrum turgere & totam cavitatem replere, imo extrà vulnus sæpe attolli visum est, decrescere verò lunâ usque, ad novilunium sublidere, & tunc minima ejus quantitas cernitur ; ut Ostrea piscisquæ testacei omnes in plenilunio turgentiores & meliores habentur, in novilunio è contra. Hinc ratio reddi poterit cur luna decrescere, præcipuè in novilunio, graviora ex ictu capitis incommoda eveniant ; quia scilicet ob intervallum cranio duræque matri interjectum (cerebro detumescere) vasa quæ interjiciuntur promptius abruptantur. Cur etiam in novilunio Epilepsia periodo quadam moveatur, facili hinc illustrari poterit, humores enim acres denegatâ humiditatis permixtione, (quâ cerebrum in plenilunio abundè scatet) acridinem majorem & malignam concipiunt, cerebrumque lacerant, motusque illos inordinatos causantur.

Figuram habet quæ Cranii formam æmuletur, in parte superiore rotundum est, circa basin aliquantulum depressum.

Cerebrum, ut largè sumitur, plures in se continet partes, sed vulgò in tres dividi solet, scilicet in cerebrum propriè sic dictum, cerebellum, & principium spinalis medullæ. Quæ etiam & alias partes intra se continent, nempe ventriculos, glandulas, Plexus chorocides & Retiformes, & nervos ; quarum historiam in sequentibus breviter transibimus.

Sed quia diversitas operationis Anatomicæ diversas inter Anatomicos methodos conciliavit, & sic à nonnullis partes aliquæ quæ primò tractari solent, vice versâ infimis suppositæ ultimò animadvertuntur, diversitatem hanc paulò examinemus. Veterum omnes Anatomici dissectionem à summis sunt aggressi, partes in vertice primò speculantes, ut ex Vesalio divino illo Anatomicæ restauratore patet. Obscurè verò

hoc modo nervorum principia, quæque in basi cerebri inveniuntur, de-
tegentur. Ingenue itaque Varolius Anatomicus oculatissimus à Basi
cerebri dissectionis initium tulit, atque sic nervos omnes ad originem
illorum primariam insequitur, ut fusi in libro ejus Anatomico admo-
dum docto videatis. Atque hunc Neoterici plurimi sequentes opera sua
similibus adornarunt observationibus; Sed quia & hæc dissectionis ad-
ministratio est aliquantulum perplexa, alteram à nobis sæpe usitatam
proponere liceat, quâ partes nonnullæ clariùs multò dilucidari ocu-
lisque proponi, (ut ex sequenti schemate ac partium descriptione pat-
ter) poterunt; Vbi exempto cranio secundum methodum antiquam
coronæ in modum partem cerebri dextram scilicet usque ad ventricu-
los & fornicem dissecando, sinistram integram oculis exhibuimus.

Ubi primò post Membranas, Falx, cerebrique corticem observa-
tioni opponitur corpus callosum, quod ex substantiâ duriori ac com-
pactiore quàm reliquum cerebrum consistit, calliq; naturam quodam-
modo refert. Ventriculis instratum illos quasi contrahit, nè humores
in illis contenti disfluant, & in laxam cerebri substantiam imbibere-
nt. Ventriculos circumdat Tab. XV. fig. 12. B. B. & sustentat, plu-
rimis arteriis & venis donatur, unde in dissectione guttulas sanguinis
copiosè illachrymavit.

Hoc diviso & cerebri dextra parte ad ventriculi superioris usque ba-
sim exemptâ, *Ventriculus Dexter* seu superiorum primus Tab. XV.
E. E. (sinister in latere integro est absconditus) sub aspectum cadit;
Estque amplus, anfractuosus, à parte posticâ cerebri ad anteriora ex-
currens: In parte anteriore & posteriore insigni amplitudine dilatatur,
& obtusâ rotunditate circular; in medio autem stringitur & angusta-
tur. Versus superiora à sinistro, (qui ad eundem modum conforma-
tur) septo quodam dirimitur. Tab. XV. fig. 12. D. D. Quod quia
substantiam habet tenuem, laxam, & transparentem, ideo *Septum Lu-
cidum* dicitur. Ad inferiora verò, juxta basim, declivitate quadam ambo
ad se contententes, sub Fornice, Tab. XV. fig. 12. F. F. m. m. in
cavitate unâ in medio posita, coeunt utrique, & Dexter & sinister:
Quam cavitatem *Ventriculum tertium* nominarunt; quæ fovea quædam in
medio cerebri est, ex utriusque superioribus ventriculis descendentem
materiam recipiens. Tab. XV. fig. 12. H. O. Y. L. Super me-
diam foveæ hujus partem, inter hanc & ventriculos superiores substan-
tia quædam crassa, alba, & corpori calloso non absimilis, in modum
arcus sita, illos determinat, & separat; nisi ubi ad latera utrinque laxa
& libera, solum in partes subjectas ventriculorum superiorum incum-
bens, non unita, delabentes humores admittit ventriculus inferior seu
tertius. Substantia hæc à Græcis *καυαίον* dicitur, *Fornix*, à formâ scili-
cet, quâ testudinis instar tertio ventriculo superstratur. Tab. XV.
fig. 12. F. F. m. m. sub corpore calloso latens, illi per substantiam,
quam *Septum lucidum* D. D. nominarunt connectitur. Quâ poste-
riorum ventriculorum sedem respicit, unde emanat, latus est Fornix
hic & amplus, ac mox in anteriora progressus; paulatim angustatus, in
tenuem apicem definit Tab. XII. fig. 12. P. P. Superna sede se
quodammodo attollit. Fig. 12. F. F. Inferna cavus sinuatur & fornicis
in modum arcuatur, quo superstructam cerebri molem feliciter susten-
ret.

Verum-

TAB. XV

fig. 1^a




fig. 2^a



Tabulæ XV. Explicatio.

Quæ cerebri lateralem dissectionem in figurâ prima indicat. In secunda spinalis medulla ortum ac nervorum principium delineavimus.

- A. A. A. Cranion, ut in communi dissectione apparet, cum corpore medulloso inter binas ejus lamellas.
- B. B. Corpus callosum, ut in laterali capitis dissectione, cum vasorum sinibus punctis quibusdam expressis, cernitur.
- C. C. C. Falx in proprio suo situ, cum cerebri parte sinistra inviolatâ.
- D. D. Septum lucidum in proprio loco ventriculorum dextrum à sinistro determinans.
- E. E. Fundus ventriculi dexteri, ut abscissa dextra cerebri parte, usq; ad primam & majoris meningum reduplicationis terminos, apparet.
- F. F. Fornix in situ proprio super ventriculorum tertium superjacentem, illumq; à superioribus distinguens.
- G. G. Latus cerebri sinistrum cranio denudatum, & durâ matre adhuc involutum.
- H. H. Cerebrum seu medulla cerebri, ut in dissectione cum terminis vasorum abscissis cernatur.
- I. I. I. Cortex cerebri ut gyrus varius se in medullam insinuet.
- K. Plexus choroides in proprio loco, ut in fundo ventriculi superioris ad ostia (ut sic dicam) ventriculi tertii jaceat.
- L. L. Ventriculus tertius sub Fornice descendens vix conspicuus.
- M. M. N. Facies & nasus. M. Occiput. N.
- O. O. PP. Ventriculi dexteri latera. O. Sinus tertius in proprio situ. P. P.
- a. a. a. Vasa à meninge ad sinum tertium ducentia in dextro latere abscissa.
- b. b. b. Vbi ventriculus dexter superior versus tertium paululum inclinat.
- c. c. c. c. Sinus inferior & minor Falcis.

- d. d. d. d. Vasa sinistri lateris sinum tertium petentia.
- e. c. Crista galli cui amectitur Falx.
- f. Arteria sanguinem Plexui Choroidi adducens Tab. XVIII. fig. 1^a. literis λ. λ. signata.
- g. Vena sanguinem à Plexu reducens, ad sinum quartum emandans Tab. XVIII. fig. 1^a. literis x. x. notata.
- h. h. h. Vena sanguinem à substantiâ cerebri recipientes, & in plexum choroidem exonerantes.
- i. i. i. Anastomoses harum venarum cum arteriis k k. quibus sanguis à plexu cerebro communicatus, in venas ut reducatur emandatur.
- k. k. k. Arteria ab arteriâ plexui oblata, cerebro concessa.
- m. m. Crassities Fornicis.
- n. n. Cavernula in osse frontis.
- o. o. o. Vasa in Falce disseminata, se in sinum inferiorem exonerantia.

Figuræ Secundæ Declaratio.

- A. A. Cranion.
- B. B. B. Cerebri pars sinistra etiam usq; ad basin ventriculi tertii abscissa.
- C. C. Duo corpora rotunda à cerebro enata, quæ ab Anatomicis Testes nominantur, Spinali Medulla principium præbentia; quæ invicem tanguntur, & duobus aliis à cerebello egressis unitis, ventriculorum illorum cerebri quartum, tantum elegit ab Anatomicis celebratum, consuevit.
- D. D. Corpora illa à cerebello prodeuntia Nates dicta cum superioribus unita.
- E. Spinalis Medulla adhuc intra Cranion contenta, ex quatuor hisce corporibus constata.
- F. Pars Cerebri in dextro latere abscissa, usq; ad Meninges, ut processus ejus

- ejus C. & nervorum derivatio clarius cernatur.
- G. Cavitas illa qua ventriculus quartus nominatur.
- H. Infima ventriculi tertii sedes dextra, cui in sinistro latere responder O. defalcata ut glandula pituitaria & infundibulum melius videantur, pars hujus anterior usq; ad infundibulum auferitur, litera N. signata.
- I. Infundibulum in proprio situ.
- K. Glandula pituitaria Infundibulo annexa & in Sella propria in osse Sphenoeide sita.
- L. Foramen anterius ventriculi tertii ad Infundibulum ducens.
- M. Sella osis Sphenoeides.
- N. Pars cerebri abscissa.
- O. Sinistra ventriculi tertii pars versus Infundibulum declinans.
- P. Fornix extra situm positus ut tertius ventriculus clarius elucescat.
- Q. Sinistra Cerebelli pars integra in suo loco.
- R. Dextra ejus pars abscissa.
- S. Os petrosum dextris lateris.
- T. Foramen primum osis occipitii, per quod descendit Spina Medullaris.
- V. Crista Galli.
- W. Protuberantia osis frontis superiorem orbicularem oculi sedem in dextro latere constituens.
- X. Os Cribrosum cum nervo Olfactorio. G.
- Y. Foramen posterius tertii ventriculi.
- Z. Ductus prior à sella ad foramen secundum osis Cunei formis tendens. Es Ductus posterior à sella ad palatum ducens.

- a. Foramen quintum osis Cunei formis per quod arteria Carotidis ramus major in caput ascendit.
- b. Cavernula bina in osse frontis.
- c. Nervus olfactorius.
- d. d. Secundum & tertium osis occipitii foramen, per quod Vena Jugularis interna ramus major, & Carotidis minor cerebrum intrant, & sextum nervorum par egreditur.
- e. Foramen septimum osis Cunei formis, Vena Jugularis interna ramo minori viam prabens, cujus vestigia in Cranio impressa semper conspiciuntur.
- f. Foramen primum ejusdem osis nervorum opticorum egressui dicatum.
- g. i. Secundum & tertium par nervorum per secundum foramen ejusdem osis exeunt.
- h. Glandula Pinealis.
- k. Secundum foramen osis temporum per quod vena Jugularis externa ramus transsit.
4. Quartum Par Nervorum.
5. Quintum Par Nervorum per os Petrosum egressum.
6. Sextum Nervorum Par per tertium occipitii foramen elabitur.
7. Septimum Nervorum Par per quartum ejusdem osis foramen descendens.
1. Ramus minor quinti partis nervorum ad musculos oris & temporum transmittitur.
- m. Surculi tertii & quarti paris nervorum.

Verumenimverò non ad sustentationem esse conflatum, vel substantia ejus mollis & laxa, cui libet compressioni cedens, suadere poterit. Ideo verò cavum sphaeraeque portionem quodammodo æmulantem Naturam fabricasse arbitramur: ut cavitas ejus amplior ac capacior reddatur. Officium itaque Fornicis est præter ventriculorum separationem, ut excrementa in cavitatem illam inferiorem delabentia, foramen parvum per quod in Infundibulum excernuntur, affatim & præcipitanter defluentia non obstruant.

Officium
Fornicis.

Plexus
Choroideus.

In ventriculis hisce dextro & sinistro, plexus quidam, qui à Græcis *χοροειδὴς πλέγματα*, plexus Choroicides dicuntur, à similitudine cum Chorio Membranâ fortum involvente, ex infinitis arteriarum & venarum furculis invicem complicatis conflantur. Tab. XV. fig. 12. K. Arteriz f. à carotidis ramo majori proveniunt, Tab. XVIII. θ. x. λ. quæ sanguinem huc ad cerebri nutritionem adducunt; Ubi ob infinitos hosce Meandros & complicationes retardatur sanguis in motu ejus circulari; donec cerebrum alimentum sibi idoneum, particulasque pro spirituum generatione copiosas per vasa penè infinita, Tab. XV. fig. 12. k. k. k. Tab. XVIII. γ. γ. γ. à plexu hoc excuntia, ac per substantiam cerebri disseminata. Partes verò sanguinæ à cerebri nutritione repudiatæ per venas. Tab. XV. fig. 12. h. h. h. quibus arteriz per Anastomoses i. i. i. ubivis conjunguntur ad sinum quartum per vas venale (g.) in quod reliquæ minores & penè capillares venæ in plexu disperzæ exonerantur, deferuntur.

Inde sequitur cavitas illa quam tertium ventriculum nominarunt, quem si rectè intuearis, superiorum potius concursum quàm peculiarem & distinctum ventriculum dixeris. Ubi enim dicti ventriculi sub Fornice in unum coeunt, in basi cerebri vallem oblongam acutum angulum ad inferiora efformantem, ut cavitas inde constituatur, exprimunt. Tab. XV. fig. 22. H. O. Y. Meatus duos obtinet, alium in mediâ ipsius sede recta deorsum ad infundibulum ducentem. Tab. XV. fig. 22. L. per quem cerebri excrementa ad glandulam pituitalem, atque inde in palatum ac os deferuntur; Alterum, qui posterior est, non autem ut prior rotundus, quia ex fissurâ duorum corporum à cerebri basi ad spinalem medullam tendentium conficitur; Atque hic in ventriculum quartum quo spiritus animales (inquit Bauhinus) transire possint, permeat. Fig. 22. Y.

παραπνευ-
στική
glandula.

Substantia
γλαυ.

Ad foraminis hujus exitum, Glandula, figuræ oblongioris, nucleo pini similis, adponitur. Fig. 22. h. *παραπνευστική* glandula pinealis nominatur, duobus illis corporibus à cerebro prodeuntibus, quæ ab Anatomicis Testes vocantur, innitens. Substantia ejus duriuscula membranâ tenui obtecta est, vasi illi venoso in Sinum quartum tendenti, fig. 12. g. & 22. Y. in quod omnia plexuum Choroicidum vasa suum sanguinem effundunt, supponitur; Eundemque habere usum, quem & reliquæ glandulæ venis appositæ, ut earum scilicet divisiones firment, testatur Bauhinus. Verumenimverò meatum hunc ad venæ egressum fieri facile concedimus; Glandula autem ideo ductui huic conceditur, ut foramen per quod vena exiverit obturetur; ne excrementa cerebri in prædictis ventriculis collecta, per foramen, seu ductum hunc in cavitatem illam, quam abusivè quartum ventriculum nominarunt, effluent, ac spinalis medullæ originem comprimant, ac partibus inferioribus spirituum denegetur influxus.

Indè oculis Spinalis Medullæ principium objicitur. Quod (abscissâ cerebri parte dextrâ usque ad membranas ad F. in fig. 22, Tab. XV.) Ex quatuor quasi radicibus rotundis exoriri videtur; Quorum duo à cerebro majores & anteriores, C. C. posteriores verò duo à cerebelli parte inferiore enascuntur D. D. qui anterioribus versùs posteriora reflexis, occurrentes, conjunguntur unumque constituent corpus,

corpus, medullam dictum Spinalem; Ex quâ ut uno, sic vero principio omnes educuntur nervi.

*Nervorum
principium
& ortus.*

Trunci hi tam à cerebro quam cerebello à divisis cerebri cerebellique lateribus, à dextro scilicet & sinistro ortum petunt, ut una parte affecta, altera inviolata suum præstaret officium.

Ex quatuor harum radicum conventu processus quidam seu extuberatio occurrit; qui per transversum in anteriora & inferiora fertur, sicque spinalem medullam, ut musculorum gulam constringentium primum par, Oesophagi principium ambit. A Varolio Pons cerebri dicitur Tab. XV. fig. 2^a. E. à quo penè omnes enascuntur nervi in cerebro intra Cranion educi.

Principia horum corporum, ob formam, quam adepta sunt, sphericam, & effigiem quandam duarum natium commillarum fig. 2^a. D. D. ac Testium C. C. referunt, γαστήρ & δίδυμα, parvas Nates ac Testes vocârunt Anatomici; In quorum usu & descriptione multum sudârunt. Bauhinus illa esse cerebri sustentacula, ejus molem columnarum instar sustinere contendit; ne ventriculus tertius, seu meatus ex tertio quartum accedens comprinatur, sicque spiritus animalis transitus prohibeatur. At reverà tale officium præstare omnimodo sunt inepta; substantiam enim mollem, & ejusdem naturæ cum ipso cerebro, nequaquam ad firmitudinem aptam, habent; nec alio usui inservire, aut à natura fuisse instituta arbitramur, quàm ut spinali medullæ ab utroque cerebri latere spiritus animales transmittant.

Ex contiguo corporum horum rotundorum versùs spinam progressu; cavitas illa quam quartum ventriculum appellârunt, efficitur. Tab. XV. fig. 2^a. G. Quæ verò nihil aliud est quàm intervallum, quod ex concursu quatuor horum corporum rotundorum, ob figuræ necessitatem sequitur & formatur.

Atque hoc modo ventriculorum cerebri officium ad excrementa ejus recipienda nobis depingitur. Cerebrum enim cum sit membrum humidissimum, molle, laxum, & frigidum respectivè; altissimaque parte locatum, cranio duro ac denso contactum, velut operculo quodam ebullienti vasi superpositum; unde testum domus calidæ à Galeno 9. de Usu partium part. 2. appellatur; necesse est ut multa illic accumulentur excrementa; dum continuò ex inferioribus partibus cucurbitulæ ritu attrahat, exhauriatque vapores; tum etiam quia excrementa plurima illud ipsum ob frigiditatem & humiditatem congreget. Multa itaque excrementorum indiget evacuatione, insignesque exitus & receptacula capacia habere debuit. Ne itaque hisce obrueretur excrementis & vaporibus, provida natura & Sutures in Cranio, quibus fuliginum partes tenuiores expirare possint; & ventriculos hosce fabricavit: quibus partes crassiores & expirationi ineptas, præcipuè quæ in medullâ cerebri generantur, recipiantur, ac per infundibulum ad palatum transmitti possint. Quæ verò in Cortice Cerebri & Membranis contegentibus colliguntur excrementa, per os cribrosum atque inde per nares evacuantur. Officium autem hoc Ventriculorum ex Varolii, aliorumque Anatomicorum observationibus confirmatur: Qui humore lento & pituitoso sæpissimè illos repletos invenerunt. Præterea ductus ille ad infundibulum & glandulam pituitalem à tertio ventriculo,

excre-

excrementorum separationi potius inservire docet, neque sanè ullum cum nervis, partibus corporis communicatis, commercium habere videmus; Quod per quartum ventriculum assignarunt, structura ejus abundè evincit. Quid obstat enim quin (cum in spatium illud inane à ventriculo tertio emittantur spiritus) per membranas corporumque Tab. XV. fig. 2a. C. C. D. D. filluras evolarent? Ut fusiùs postea illustrabitur. Galenus verò 8. de usu partium cap. 10. anteriorum ventriculorum officium voluit facere expirationem & inspirationem illam, quæ prodit ex cerebro: hanc alibi toti cerebro ob fabricationem spirituum animalium ascribit. De quarto verò ventriculo illum ait spiritus in superioribus elaboratos recipere, & ad cerebellum deducere. Sed quicunque hujus ventriculi structuram examina-verit, faciliè concedet posse & Galenum errare.

His indagatis, remota cerebri parte dextrâ usque ad tertii ventriculi divisionem, occurrunt Infundibulum, Glandula pituitalis, & Rete mirabile. Infundibulum est cavitas orbicularis ex tenui membranâ ubi cerebri basin succingit, facta. Ad foramen anterius quod ex ventriculo tertio ducit situm & connexum est; ubi amplum habet principium; sensim verò, ad modum infundibuli, quo utimur ad transfundenda liquida in vasa strictioris orificii, donec in glandulam pituitalem definit, angustatur. Tab. XV. fig. 2a. L. I. Hujus usus est ut excrementa crassiora quæ à cerebro separantur, ad Glandulam pituitalem ablegentur.

In fine hujus infundibuli angustiore sita est Glandula pituitalis, quæ orificium ejus exactè claudit, quæque eadem tenui membranâ obvelatur. Tab. XV. fig. 2a. K. Substantia ejus durior est & compaciore quàm aliarum glandularum. Sita est in sinu ossis Cuneiformis quadrato, qui in Sellâ medio excelsus est Tab. XVI. fig. 3a. G. A quo quatuor alii sinus excurrunt; partim versùs anteriora, ad secundum ejusdem ossis foramen in oculi sedis radice positum. Tab. XV. fig. 2a. Z. Ideoque cum caput humoribus pituitosis & aquosis repleatur, oculi etiam humoribus distenduntur & intumescunt. Partim versus posteriora ad palatum ducentes Tab. XVI. fig. 3a. H. In tali autem ossis Sellâ absconditur, ut cerebri superstrata moles humores attractos non continuò exprimat, sed in illâ retineantur, donec nimia ejus copiâ gravata & distenta, sensim exstillare sinat.

Circa Glandulam à lateribus dictorum sinuum in osse Sphenocide plexus quidam consistit, infinitis arteriarum furculis ex ramo majori carotidis ortis & venarum, instar retis complicatis, exstructus. Rete mirabile seu δικτυοειδὲς πλέγμα plexus retiformis dicitur; ab artificiosa partis figurâ nomen accepit. Hujus officium ad spirituum animalium præparationem fuisse asserunt Anatomici. Verùm ad moram & retardationem sanguinis fieri potius dicendum est. Ut scilicet partes vicinæ, quæ ad vasa majora recipienda prorsus sunt ineptæ, succo appropriato & cognato irrigentur. Sanguis enim dum plexus hosce & Mixendros percurrat, non tam præcipiti cursu rapitur, ut in aliis partibus; sed diutius ibi retentus, partes adjacentes satis habent otii, ut ab illo alimentum eliciant cognatum & appropriatum. In cæteris etiam partibus nullas penè particulas per vasa majora, ubi sanguinis præceps fertur,

Rete mirabile.
εξ ους οφθαλμ.

fertur, nuttiri videmus : sed ex illis alia ducuntur capillaria penè infinita ; per quæ sanguis lentè serpens & protrusus, particule corporis satis feliciter cognatas sibi attrahunt atomos. Idèd verò circa Glandulam hanc repositum fuissè dicamus ; ut serosa & cruda sanguinis pars, dum in plexu hoc moram faciat, à Glandulâ eliciatur. Atque hoc modo, sanguinem ad generationem spirituum animalium præparari in rete hoc prouenticiemus.

Hiscæ absolutis, quæ in basi cerebri inveniuntur, scilicet exitus spinalis medullæ è cranii confiniis, & nervorum ortus ac progressus occurrunt. De Nervorum origine copiosè satis disputavit insignis Varolius ; illorumque penè omnium exortum, à productione spinæ medullaris accepissè ostendit. Tabula præposita & ortum & exitum illorum quàm optime illustravit.

Arteriz & venæ cerebro communicatæ insignes sunt, à carotidis ramo majori, & Iugularis internæ minori propagatæ. Quæ copiosè sanguinis magnam quantitatem illi adducunt, & in minutissimos divisè furculos, per totam cerebri substantiam abundè disseminatæ, illam irrigant & nutriunt. Quæ verò si nimium fuerint repleta ac distenta ; adèd particulas cerebri, quas permeant, comprimunt & constringunt, ut liberum spirituum indè denegetur effluvium, atque indè sæpè Apoplexia enascitur.

CAPUT VII.

De Cerebello.

Post Cerebri descriptionem sequitur Cerebellum, *μεγίστη Φαλξ, & ὑποκρινίς* sive posterius Cerebrum, quasi privatum & parvum cerebrum, cerebro tanquam appendix, dicitur. In Occipitii parte inferiori locum tenet, Cerebro Meningum interventu, quibus etiam involvitur, cohaeret & distinguitur. In canibus verò præter membranas Septum quoddam ossæum illa dirimit. *Cerebelli sunt.*

Formam habet latioris Globi imaginem exprimentem, Substantiâ non multùm à cerebro differt, nisi quod paulò durior sit ac magnitudine ei multum cedat, vix tertiam ejus partem conficiens. Tab. XV. fig. 22. Q. Q. R. Intrinsecus nullas cavitates, uti cerebrum obtinuit : Ob temperaturam enim sicciorem pauciora accumulatur excrementa, S. Substantiam obtinuit duriorẽ ac firmiorem quam Cerebrum, variegatam tamen ac duplicis consistenciæ, ubi substantia durior & alba à cineritiâ illâ & corticali (ut sic dicam) adèd dirimitur, ut arborum brachiatos referat ramusculos ; qui per totam ejus substantiam divaricati, versus processus illos binos Spinalem Medullam constituentes concentrantur ; Quasi canales pro spirituum adductione ad Spinam forent instituti. *Forma, Substantia, Quantitas.*

De Ufû hujus partis non multùm apud Anatomicos extat : Varolius *1^{us} ejus.* illud ad specierum soni receptionem esse constatum voluit : Cerebrum

FF

verò

verò quod humidius est & mollius, in gratiam visibilium fieri; quia facilius species visibiles debiliores admittit. Soni verò species à cerebello, quod durius est & ad recipiendum & repellendum magis aptum, percipiuntur; quia ubi sola adest humiditas, ibi nulla aut exilis fit resonantia. Bauhinus propter quartum ventriculum fuisse creatum existimat. At hic potius ineffabilem Naturæ providentiam decantare debemus; Quæ cæteras partes penè omnes gemellas constituens, ut læsa una altera totum præstet officium, hic non solum bina, ut sic dicam, cerebra fabricavit, cerebrum scilicet atque cerebellum; verum etiam utrumque ita divisit, ut vel unica quarta pars sana ac integra existens, spiritus ad vitam sufficientes effingerentur; atque ideò à productionibus illis quatuor spinam constituentibus nervi omnes emanant.

Nervorum
origines.

CAPVT VIII

De Spinali Medulla.

EX duabus hisce partibus, ut dictum est, cerebri pars tertia procedit, quæ à Græcis *μυελὸς ὀπίσθιος* dicitur: Vulgariter *Spinalis Medulla*, quia ab antiquioribus Anatomicis, à Medullâ Ossali nullâ propinquitum in re distare seu differre credebatur. Bifariam dividi solet; in partem scilicet quæ Cranio comprehenditur, & illam quæ Cranio jam excidit, & vertebri includitur: Et hæc propriè Spinalis Medulla vocatur, quamvis totam oblongatam cerebri partem, quæ cranio etiam continetur, Medullam *Spinalem* nominarunt.

Spinalis
medulla.

§. V. f. part.
10.

Exus Otini.

Hæc secundum Galenum ex quarto cerebri ventriculo tanquam principio suo digreditur. Qui verò & ventriculi istius structuram, & medullæ hujus processum perpenderit, illam non ventriculi gratiâ factam fuisse, sed ventriculum illum ex rotundis illis quatuor processibus à Cerebro & Cerebello formatum esse, ut supra docuimus.

Corpora hæc rotunda in unum corpus unita, ad magnum Occipitii foramen deferuntur, unde recto tramite per spinam, usque ad extremum ossis Sacri descendunt. Atque hæc vertebrarum cavitas medullam hanc includens, in Sacra Scripturâ *Sacra* vocatur *Fistula*, & medulla ipsa ob præstantiam & nobilitatem *Funis* dicitur *Argentens*.

Sacra Fi-
stula.
Funnis Ar-
gentens.

A parte illâ in Cranio contenta, quæ quatuor digitos transversos longitudine æquat, Nervi penè omnes qui sensuum organis famulantur ortum petunt. Quamprimum verò Cranio excidit medulla hæc oblongata, nervi ad musculos in singulis partibus emanant, adeò ut sensum omnem à spiritibus ex cerebro effusis, motum verò ex Spinâ medullari profluere dicamus; non quod diversi effingantur spiritus ex binis illis quasi principii effluentibus; sed ob diversitatem organorum, & partium distantiam, quibus spiritus hi emandantur, ex eodem fonte omnes nervi aptè emanare non possint. Alii itaque à cerebri productione intra cranion contentâ, ad sensuum organa vicina largiuntur. Alii qui spiritus copiosiores Musculis communicare debuerint, à cerebro

Motus unde
profluat.

producto

producto & ad spinam continuato, membranis firmioribus obtekti, ne in itinere spiritus evolarent, ut facilius cuivis parti è longinquo emittantur, oriuntur.

De origine hujus differens Bartholinus perillustis, ex Antiquorum cineribus veterem fuscitavit errorem, quem Galenus libro de usu partium abundè refutavit. Medullam scilicet spinalem cerebri esse principium, & ipsum cerebrum esse tantum *ὁ πρᾶνξμα καὶ βλάστημα* superexcrecentiam & propaginem spinalis medullæ; quasi ex angusto illo spinæ canale in amplum calvariæ spatium mollis illa cerebri substantia exprimeretur, quam expressionem gyrorum & involutionum causam fuisse autumat. Hanc verò sententiam ex Anatomia piscium confirmat; Cerebrumque idèò medullæ hujus esse processum voluit; quia in piscibus medullæ caput & cauda insignis est magnitudinis, processus verò ejus, seu ipsum cerebrum admodum exiguum est: Opinionem hanc in Galeno refutam videatis; Pisces verò ideo grandiorum obtinuerunt medullam quàm cerebrum, quia cùm motu magis, quàm sensu utantur, pluribus indigerent nervis, qui motus organis distribuerentur; qui à cerebro, ob longitudinem illorum eximiam, singulis scilicet dispensari non potuerunt; sed à productione hâc cerebri, usque ad caudam in Spinâ elongatâ emanantes, abbreviatur via, prompteq; & sine periculo singulis communicantur musculis.

Originem itaque (ut supra diximus) à quatuor illis corporibus à *Medulla spinalis* *ex* *III.* cerebello & cerebro productis petit. Tab. XV. fig. 2a. C. C. D. D. Quorum mutuo contactu cavitas quædam efficitur, quæ ab Anatomicis quartus nominatur ventriculus, fig. 2a. G. In quem à tertio ventriculo, per glandulam pinealem, facile (si nimium excrementis repleatur) humores pituitosi distillant, atque tenerrimas hæc productiones comprimendo, effluxum spirituum ad Spinam, & sic ad cæteras partes inferiores denegare poterunt, & fit Paralysis universalis seu Apoplexia. Si verò in productiones unius lateris dextri vel sinistri incumbant humores, paralysis fit illius lateris. Atque sic paralyticos causam quàm optimè explicare possumus sine continuata illâ divisione per membranam tenuem, quæ vix à compressione alteram partem, in quam impacti non sint humores, præservare potest.

Substantiam habet ejusdem naturæ cum cerebri parte interiore seu medullâ; non tamen ita mollem seu duriusculam, albam & compactam, nec tamen sibi ipsi ubique similis est, cum in progressu semper indurascit usque ad os Sacrum. *Substantia medullæ spinalis.*

Hanc immediatè succingit membrana tenuis à piâ matre; per quam vasa, quæ nutritioni ipsius prospiciunt, excurrunt; alteram quæ hanc obtendit, obtinuit membranam, à crassâ meninge derivatam; priorem immediatè circumambientem; nullo inter se, quemadmodum ubi adhuc in calvariâ sunt, intervallo distinguuntur; sed ubique sese contingunt. Alteram referente Galeno habet tunicam; à ligamento, vertebrarum corpora connectente, enatam.

Figuram habet teretem, ex principio ampliori sensim in progressu attenuatam; circa finem in funiculos, caudæ equinæ speciem referentes, dividitur: qui nervi sunt per vertebrarum foramina disseminati, toti corpori infra caput spiritus animales pro sensu & motu dispensantes. *Figura ejus.*

Huic nullo modo motum sensibilem, uti cerebro assignarunt, alique tamen Bauhinus, quia cerebro est continua, in illà inveniri voluit; de quo cum de cerebri motu statim didicimus nostram audietis opinionem.

V. f. 16.

Ulius Spinalis Medullæ itaque est spiritus animales à cerebro partibus derivare, atque ideo ut dictum est in longum porrigitur, ut facilius nervos suos cuivis parti emittat: Si enim à cerebro immediatè nervi omnes exirent; illorum progressus nullo modo tutus foret; nec sine metu ruptionis ad extremum pedis divagarentur.

CAPVT IX.

De officio, & actione Cerebri.

Cum cerebri particulas omnes supra descripserimus; ut cui bono tantas, tam admirandæ structuræ partes Natura excogitavit, ex omni parte perfectè dignoscamus, nihil restat quin ut aliquid de usu hujus corporis tam insignis reponamus.

Cerebri
infat.

Cerebrum ab Aristotele ad cordis refrigerium assignatum legimus; à Galeno pro spirituum animalium generatione fabricatum esse accipimus. Repugnantes hæc opiniones reconciliârunt Hofmannus in Comment. in Galen, de us. part. Et Spigelius in Anat. lib. 10. cap. 8. quorum sententias ex propriis petatis autoribus. Post hosce consentiunt omnes Anatomici, quod intra Cerebri cancellos spiritus generentur Animales, quibus animæ facultates sensitivæ & motivæ toti corpori per nervos communicantur. De generationis loco verò utrum in substantiâ, an Ventriculis, aut Plexibus? Utrum temperamentum, illud sit quod agit, an structura? Authores maximè dissentientes invenimus. Galenus in rete mirabili Spiritus generari aliquando contendit. 9. de us. partium cap. 4. Spiritum Vitalem docet è corde in Arteriis Soporalibus dictis sursum latum, in Rete mirabili, *ἐν αὐτῷ χρόνῳ παραπλάττειται μίσηι καταγαγίειν δὲ ἐνθὺς ἐμπίπτει πῆς κοιλίας τῷ ἡγεφάλλῳ*, morari ibi longo tempore ibique elaborari, elaboratum deinde in ventriculos cerebri statim incidere. Et alibi, sanguinem è corde prolatum in Rete mirabili fieri animale affert, è quo effundatur in ventriculos. Hinc fieri ut vulneratum animal usque ad ventriculos, subito concidat stupidum, neque ad se redeat, priusquam alii in ventriculis colligantur spiritus. In ventriculis etiam anterioribus aliquando; nunc in ipsâ substantia generari affirmat, uti lib. 9. Spiritus, inquit, *animalis sensum in ventriculo cerebri non fieri debebat, in corpore autem fieri prorsus non debebat; immo verò & in corpore nihilominus fieri debebat*. Ita parum sibi constare videtur Galenus de loco generationis.

Arteria
superior.

Quod ad generationem in Rete mirabili spectat; cum & alios præter Galenum assertatores obtinuit, dicimus quod Plexus ille parvus non sufficeret ad spirituum generationem pro toto corpore. Præterea ab illo si effundantur in ventriculos, vasa per quæ transferri debuerunt ostenduntur.

ostendant. Si verò in ventriculos excidunt, statim peribunt. Cùm enim de naturâ spirituum sit, se diffundere & dilatare, si semel in ventriculos delapsi fuerint, quid cogit reditum ad nervos, cum ab illis principium non ducant, neque ullum inter illos inveniatur commercium; Cur non potius per patentes illos meatus ex tertio ventriculo evanescant?

Ulterius, in ventriculis non generari spiritus vel inde constat; Qui enim fieri potest ut homo superstes sit si vulnus illi infligatur, quod ad ventriculos penetret? uti Galenus de adolescente scribit 8. de us. part. & 6, Aphor. 18. Annon statim dissipantur spiritus qui in ventriculis inveniuntur, & actio illa generationis protinus deturbatur & evertitur?

Deinde, in dissectione ut plurimum excrementis viscosis ac pituitosis referti inveniuntur: atque hoc verba ipsa Galeni manifestum docuerunt 8. de us. part. cap. 6. *Duos esse canales (inquit) qui per palatum in os eruantur cerebri excrementa.* Item lib. 9. cap. 3. de iisdem duobus canalibus differens, & cap. 4. *Venas (inquit) in Cerebri Ventriculos excernere superflua.* Adcò ut ventriculos hosce cloacam potius, & sentinam cerebri meritò dicamus; nequaquam pro spirituum generatione, corpora cum sint purissima ac divinitati proxima, inservire.

In omni præterea concoctione datur excrementorum separatio; quæ cùm distinguantur, vel in receptaculis quibusdam seponuntur, vel per vasa quædam statim excernuntur, ut in Hepate Meatus Biliaris, in Pancreate ductus alter excrementa separata, ut & in Renibus statim penè excernunt. In Cerebro autem concoctione peractâ excrementa separata nequaquam excerni possunt, nisi per ventriculos hosce, in quibus stilitantia excrementa colliguntur, ac per palatum denuò evacuantur.

Sennerto doctissimo etiam minime assentire possumus, qui in Plexu Chorocide illos generari voluit. *Asstratum (inquit) per nares aërem, & leviter in anterioribus Cerebri Ventriculis alteratum & purificatum, Plexus ille attrahit, attenuat, subtiliorem & puriorem reddit, eundemque ad vasa cerebri, hinc inde discurrentia transmittit.* A naribus enim ad Plexum hunc nulli adsunt meatus quibus aër introducatur. Præterea Plexus hic ex variis venarum & arteriarum surculis conflatur; semper sanguine, non aëre, nec spiritibus refertus. De cuius usu supra satis dictum est. Restat jam ut inquiramus an substantia cerebri opus illud tam insigne perficiat.

Cerebrum ex substantiâ ab omni aliâ in corpore diversa consistit, & peculiare obtinuit parenchyma. Ideoque (fatente Galeno) peculiare illi convenit officium. At quid præstantius, aut quid aliud illi meritò assignari poterit, quàm spirituum generatio? In substantiam effluunt spiritus vitales, & ex substantiâ defluunt Animales. Arterix in substantiam effundunt, & à substantiâ omnes disseminantur nervi, per quos spiritus, tanquam à fonte, singulis derivantur particulis. Spiritus itaque animales omnes in ipso Cerebri corpore generari, atque actionem hanc fieri & pendere à temperie & totâ substantiâ, non à structurâ aut figurâ concludamus.

Et hæc de loco generationis spirituum animalium. De illorum materiâ, à Galeno propositâ, non minus dubitare possumus. Non solum enim ex sanguinis benigni exhalatione quadam, ex arteriis fuscata, generari;

Cerebri
OfficiumSpiritus
animales
ubi gene-
rentur.Spirituum
animalium
materia.

rari; sed & Aëre, motu Cerebri per Nares attracto, in ventriculis elaborato, atque exhalationi illi sanguinis exquisitè commisso, fieri docet.

De sanguine extra dubium esse arbitramur; de aëre verò an & hic etiam ad spirituum generationem requiratur; nondum nobis constat. Cerebrum enim undique ab externo aëre defenditur, & qui per nares attrahitur, non ad Cerebrum sed pulmones deferitur. Sed dicant forsitan, licet maxima aëris pars ad pulmones delegatur, aliquantulum tamen deerrare poterit; ut ad Cerebrum per cribrosa ossis Ethmoidis spiracula ascendat. Concedatur & hoc, aërem scilicet unâ cum odoribus per os illud ascendere; in Cerebri substantiam aut ventriculos tamen non pervenit; præter membranam enim tenuem quâ involvitur undique, multâ cerebri substantiâ interjicitur, adeo ut si membranam penetret, ventriculos tamen adire nequeat. Præterea omnes per nares non inspirant, (iisdemque sensus odoratus perit) sed sæpissimè per os tantummodò, ubi narium meatus pituitâ aut corizâ obstruitur: quomodo tunc aër cerebro communicatur? Nullusne tunc spirituum generatio? Continua sanè illorum deperditio perpetuâ restauratione compensatur. Ulteriùs urgeri poterit; Si aër necessaria ad spirituum generationem sit materia, semper requiritur, nec fieri possunt sine aëre. Entia non sunt multiplicanda sine manifestâ necessitate. Sed si sine aëre spiritus aliquando generantur, meritò de necessitate hujus ad illorum compositionem dubitare possumus. Quod aliquando sine aëre spiritus animales generentur faciliè probare possumus. Quæcunque animalia motum habent & sensum, spiritus etiam habent animales, omnia tamen non respirant, aut saltem aërem respirando non attrahunt. Pisces quàm celeriter ac rapidissimè sese movent, sensu tactus & visus acutissimè pollent; atque harum authores sunt spiritus animales: qui tamen ab aëre non efficiuntur, quia illum non attrahunt. Idem de infante in utero adhuc degente dici poterit, in utero motum ejus spirituum copiam latentem inveniemus; non tamen respirat, nec à matre spiritus illos recipit. Organa enim quibus spiritus animales communicentur sunt nervi, sed nulli à matre ad sortum offeruntur nervi; Ergo quod erat demonstrandum, spiritus animales aliquando sine aëre generari possunt: meritoque aëris substantiam omninò à spiritibus excludere debemus.

Præterea spirituum causam materiam.

Spiritus animalis.

Unicam ergò spirituum causam materialem assignare possumus, partem scilicet sanguinis tenuissimam; quæ per minutissimarum arteriarum ora quasi percolata, ab ipsâ cerebri substantiâ elaboratur, & in spirituosam quandam substantiam convertitur. Quæ quia animæ nutum tam promptè & perspicuè persequitur; quia puritate etiam ac simplicitate animæ naturam tam proximè amulatur, & quia per illam omnes ejus actiones efficiuntur, *Animalis* dicitur.

Hoc agit Cerebri propria substantia, præcipuè calidum ejus innatum, ac temperies ingenita. Atque pro harum variatione etiam spiritus animales non minus quam ex materiæ diversitate variantur. Hinc accedit, quòd in eodem aëre habitantes, eadem utentes victus ratione, diversa planè enascantur ingenia. Si enim humida nimium sit cerebri temperies, spiritus generantur hebetiores & crassius suntque illi stupidi, & se-

gnes,

gnes, & ad omnem penè actionem inepti. Si sicca & calida adsit temperies, tenuiores & calidi generantur, hominesque illi agiliores sunt, gnavi, vivaces, omniaque dextrè agunt.

Hæc autem spirituum puritas vel impuritas non à temperie cerebri solummodo dependet, sed & à materiâ à quâ generantur. Ob sanguinis itaque crassitiem spiritus fiunt vel crassiores vel puriores: sanguinem enim imitantur omnes corporis partes & actiones, adeò ut si sanguis sit pituitosus vel melancholicus, spiritus impuriore & torpidi generentur: si laudabilis sit sanguis & tenuis, puri, tenuiores & agiles fiant. Hinc fit ut rustici & tenuioris fortunæ homunciones, præter educationis privilegium, ingenia habeant torpidiora & segniora generosè natis ac lautioribus victitantibus cibus; quia cum alimentum illis non sit tam boni succi, sanguis æque bonus non generatur, ideoque nec spiritus adeò subtiles ac puri.

Spirituum puritas vel impuritas unde dependeat.

Ut spiritus in generatione à temperie cerebri, & materiâ à quâ generantur, puri vel impuri redduntur: sic post generationem, si cum vaporibus crassis & aere impuro immisceantur, torpidi & impuri fiunt: Ut temporibus pluviosis ac regionibus paludosis, ubi ob aërem crassum ac humidum vapores ac fuligines retinentur, & cum iis commiscantur illosque inquinant; atque naturalis cerebri temperies præterea inde obtunditur, ut sanguinis vaporem ritè attenuare & præparare nequeat. Atque inde accidit, quod ob aëris subtilitatem, & à crassis vaporibus immunitatem nonnullarum regionum Incolæ ingeniosiores sunt, ut in regionibus Australibus; alii hebetiores & stupidiore, quales olim recenscebantur Bæoti:

Bæotum in crasso jurares aëre natum.

Non quod aër quid ad spirituum generationem tribuat, sed quia aër crassus ac humidus fuligines reprimens, & illas cum tenuiore sanguinis vapore commiscet, & calidum cerebri naturale obruit ac debilitat, ita ut materiam rectè præparare nequeat; sed crassos generet spiritus, atque inde actiones omnes torpidæ sunt ac segnæ, quasi spirituum planè fuissent destitutæ.

Et hæc dicta satis sunt de spirituum generatione & materiâ, sicuti & de Usu & Officio Cerebri. Restat adhuc ut decantatum illum Cerebri motum, qui ab Antiquis simul & recentioribus amplectitur, paulò examinemus. Galenus Cerebrum movere docet, ut inde aër attrahatur ad spirituum generationem; Hunc motum varia allata experimenta confirmant. In recens natis (ajunt) Cerebrum anteriore sui parte, quâ futura Coronalis est, tam apertè pulsare, ut inde pars illa vocata sit *Fons pulsans*. In vulneribus capitis quæ ad duram matrem penetrant motum esse tam evidentem; ut non nisi amens illud negaverit, uti loquitur Laurentius. 4. anat. q. 11. Idem Gulielmus Fabricius Cent. 1. observat.

Fons pulsans.

De motu hoc quia sensus docuit, dubitare nemo poterit; de qualitate autem istius meritò inquirere possumus; an motus sit totius substantiæ Cerebri? Uti vult Galenus; an potius membranarum? Et an membranarum per accidens, non per se? Quatenus scilicet innexas habent arterias.

*Cerebri
substantia
non movet.*

arterias. De motu Cerebri per se, quem Galenus ipsissima Cerebri substantia assignavit, multum dubitamus; ac rectè quidem talem nullum inveniri pronuciare possumus. Cum ad dilatationem & constrictionem, motum localem necessariò requiruntur muscoli vel fibræ; sed in Cerebro nulli sunt muscoli, nullæ fibræ. Neque sanè ad motum magis idoneum videtur Cerebrum, quam Hepar, quod nec musculis nec fibris donatur. De quaestione hac insignem & doctum Galeni Interpretem petatis Hofman. comm. in Gal. de usupartium; ubi motum hunc per accidens esse docet, & eum quidem arteriarum membranarum Cerebri præcipuè duræ innexarum, ubi arteriæ sunt plurimæ, satisque magnæ stylum magnum in homine admittentes, quæ ita cum substantiâ duræ matris confunduntur, ut impossibile sit pulsus illarum non sentiri. Motum autem pulsantem hunc, non alium esse docet Spinalis Medullæ immobilitas, quæ nullo modo pulsare cernitur: quod certè accideret, si Cerebri substantia motum aliquem ederet; cum substantiam habeant eandem, eandemque penè temperiem, Medulla spinalis pulsare non videtur, quia arteriæ illæ magnæ quæ in dura matre inveniuntur, desiderantur. Neque sanè in vivorum dissectione motum alium invenire potuimus.

In Vulneribus Capitis fatemur Chirurgorum observationes sapissimè de motu quodam in Cerebro mentionem facere. Cum scilicet substantia Cerebri secundum lunæ *phases* intumescat, ac rursus detumescat: sicuti & in spiritus retentione aut violenta exufflatione. Qui quidem motus illi non dissimilis est, qui in fermento cervisæ cernitur, ubi particula humidæ rarefactæ & attenuatæ, spatium grandius occupant, atque sic ubi in vasculo aliquo includuntur, quasi sursum movere videntur. Ad eundem modum Cerebri substantia humidior, ab influentiis lunaribus incitata & quasi rarefacta, intumescit, ac Cranion replet: semotis verò istis influxibus, detumescit rursus, & magnum inter Cranion & Cerebrum invenitur intervallum, uti in novilunio. In spiritus retentione, magna ferventioris sanguinis copia Cerebrum petit, illudque rarefacit ac distendit, atque sic ascendere ac quasi ebullire videtur, ac sæpè etiam extra insiduum vulnus effluit. Quid itaque Artem jam longam producemus, vanas contextentes disputationes, easque inutiles de non ente, cum graviora multa majoris momenti desiderantur.

LIBRI TERTII

PARTIS SECUNDÆ.

CAPVT I.

De Partibus Faciei.

DE Calvâ seu Capitis parte pilis ornata; cum particulis omnibus in ea contentis satis esse dictum arbitramur; Nunc ad alteram quæ glabra est, & *Facies*, à Græcis *πρόσωπον* *Faciu*. dicta, descendemus.

Hæc partes alias etiam plurimas sub se continet, cuticulam ejusdem naturæ cum illâ totum corpus investiente, & cutem; sed hæc in Malis præcipuè tenuissima est, & plerumque rubet, propter venarum & articularum frequentiam, sanguine ferventiore infarctarum. Qui ob cutis etiam tenuitatem, rubore gratioso totas depingit malas, præsertim in pudore, aut à vini generosioris fumis caput tentantibus. Nonnunquam rubedo præternaturalis in genis & totâ facie ante hæmorrhagiam criticam futuram efflorescit; cum sanguis fervidus & incallescens superiora petat, venasque in facie distendat, paulò antequam è naribus erumpat. Aliquando ita rubore diffunditur facies, ut illam vultuosam & aspectu terribilem faciat; quàm pestiferam & calamitosam pronunciavit Hippocrates; eò quod phrenitidem imminentem, aut convulsionem arguat: ob incendium Cerebri sanguinem adeò attenuans ut venas in facie quam maximè distendat, ut ruborem per totam faciem effundat. Color hic præternaturalis est. & horrorem incutit; rubedo verò illa naturalis stabilis nec refluxa, cum decore ac venustate est laudabilis.

A facie ex Hippocratis veterumque doctrinâ varia desumuntur prognostica. Ex illâ animi affectuum, humorumque in corpore dominantium indicia petebant. Qui vultu tristes sunt ac coloris fulci, melancholicos tales pronuntiabant. Si quem vultu hilarem coloris rosei ac rubicundi aspexerunt, illum sanguineum; austeram faciem & torvam colore flavo imbutam, biliosis regi humoribus judicabant. De salute etiam & morte in facie indicia elucere scribunt. Quare Hippocrates in prognosticis Medicos faciem spectare vult; utrum suæ similis sit, aut plurimum immutata in colore, figurâ & mole. In prognosticis item faciem cadaverosam, ex quâ mortem legere liceat, describit; quæ itaque facies dicitur Hippocratica.

Passiones etiam in hac optimè perspiciuntur. In timore quando spiritus ad cor partesque intimas refugiunt facies pallet. sic nonnunquam in ira, sed cum timore conjuncta. In irâ læpissimè rubet, sanguine incalcescente & rarefacto superiora petente venasque faciei distendente.

GG

Pudore

voluntario prædita est, & totum oculi quod apparet integrare potest. Inferior à genâ sursum ad mediam oculi partem ascendit, fixaque & immobilis quiescit. Harum extremis & supernè & infernè pili innascuntur, qui certum & præfixum longitudinis terminum non transgrediuntur. Hi oculos ab injuriis externis defendunt, circumcirca oculos circumdant, ut undiquaque tam à sursum vergentibus, quam à deorsum prolabantibus muniantur. In Cartilaginea palpebræ partem inferuntur; quæ *Tarsus* dicitur. Substantia quædam est inter membranam & cartilagineam, ut ob mollitiem motui non resistat, ac ob duritiem pilos erectos & aequales conservet, nè ante oculos penduli, visum impedi-
Tarsus.

Præter has partes habet & musculos, superior duos, inferior unum tantum. In superiore palpebra primus musculus cum oculi musculis principium sumit, angustum valdè donec ad palpebram pervenit, ubi dilatarur & in cilium inferitur. Totus hic musculus membranosus est & tenuissimas fibras rectas habens, palpebram attollit. Alter ex majori oculi angulo ortum ducens, super extremitatem prioris, versus minorem angulum progreditur, & ob fibras quas habet transversas, palpebram deorsum ducit. Inferioris palpebræ musculus huic oppositus est, & ad eundem modum construitur, qui cum superiore ita oculum ambiunt, ut unus esse musculus videatur. Hi palpebras constringunt & oculos claudunt.

Ex malâ horum affectione affectus ille quem *Tarum* appellarunt, palpebrarum instabilitatem; cum inordinato motu continuo claudantur & aperiantur.

Ex Palpebrarum partium enumeratione officium luculenter satis demonstratur. Oculus enim plurimis licet nuniatur obvolvcris; Cum tamen ex membranâ sit constatus, sensum acutissimum obtinuit, & facile ab extrinsecus occurrentibus læditur: Optimo itaque consilio illum Natura reclusit palpebris, quæ ab omni injuriâ defendant ac conservent. Quando vigiliis etiam aut labore nimio dissipantur spiritus, aut labefacta sit videndi facultas, clausis fenestris, obductis palpebris omnes excluduntur species ac perturbationes, quæ spiritus ad motum & dissipationem sollicitare possunt; atque inde dispersi recolliguntur, novique abundè generantur, & facultates omnes renovantur. Super hæcæ conspiciuntur supercilia, ut sudorem & delabentes humores ab oculis divertant.

Præter hæcæ alix enumerantur partes, quæ oculis inserviunt. Ossa scilicet, sic excavata, ut oculus totus intra cavitatem abscondatur, quæ crassissima, dura ac protuberantia sunt, ut ab injuriis tutò muniatur; plurimis perforata poris in superiore cavitatis superficie; ut humore ex cerebro affluente oculus rigari possit, ne continuo motu tunice ejus exsiccetur.

Foramen utrinque ad nasum in angulo majore satis insigne reperitur, cui incumbit Glandula quædam lachrymalis dicta: eò quod hinc lachrymæ prodeant. Ex quo tenuis humor à cerebro perpetuò extillat, quo oculus humectatur. Per quod etiam arteriæ & venæ parvule excurrunt, quibus nasus benigno nutriatur sanguine; è quibus etiam in narium hæmorrhagiâ effluit sanguis; immò aliquando obtu-

Palpebra musculus.

Atmusculus primus

superioris palpebrae

atmus processus sub-

stantia & natus.

Atmusculus secundus

inferioris palpebrae

atmus processus & natus.

Atmusculus tertius

superioris palpebrae

atmus processus & natus.

Atmusculus quartus

inferioris palpebrae

atmus processus & natus.

Atmusculus quintus

superioris palpebrae

atmus processus & natus.

Atmusculus sextus

inferioris palpebrae

atmus processus & natus.

Atmusculus septimus

superioris palpebrae

atmus processus & natus.

Atmusculus octavus

inferioris palpebrae

atmus processus & natus.

Atmusculus nonus

superioris palpebrae

atmus processus & natus.

Atmusculus decimus

inferioris palpebrae

atmus processus & natus.

Atmusculus undecimus

superioris palpebrae

atmus processus & natus.

Atmusculus duodecimus

inferioris palpebrae

atmus processus & natus.

Atmusculus trigesimus

superioris palpebrae

atmus processus & natus.

Atmusculus quadragesimus

inferioris palpebrae

atmus processus & natus.

Atmusculus quinquagesimus

superioris palpebrae

atmus processus & natus.

Atmusculus sexagesimus

inferioris palpebrae

atmus processus & natus.

Atmusculus septuagesimus

superioris palpebrae

atmus processus & natus.

Atmusculus octogagesimus

inferioris palpebrae

atmus processus & natus.

ratis nasi meatibus per punctum hoc exilire, ac per genas defluere observavimus.

CAPVT III.

De Tunicis Oculi.

*Annulli
Oculi, co-
vunque
usui & nu-
meri.
Septimi
mense in
brui usui.*

*Membrana
innomina-
ta.*

*Tunica ad
visionem
necessaria
quæ.*

*Adnata
ante disca.
Ejus artus,
pressus &
fian.*

*Ejus Ar-
tia & te-
na capilla-
ri.*

*πτερό-
γιοι.
Fingia.*

*σκληρό-
της.*

PArtes ad Oculi conservationem enarravimus, ipsum constituentes jam sequuntur: Quæ vel ad motum vel ad visibilibus receptionem inserviunt. Ad motum assignantur muscoli, quorum numerus incertè ab autoribus enumeratur. Alii quinque tantum volunt, ut Columbus, alii septem, quibus antesignanus est Galenus: Communis autem Anatomicorum sententia autopsia confirmata tantum sex admittit in homine: In brutis verò, quorum dissectione occupatus Galenus, septimus invenitur; qui integrum nervum opticum circumdans, oculum retrahit: nè cum prona semper incedant, nimium decendant oculi. Cæteri ita in terminationibus sunt dispositi & affixi, ut quaquaversus oculum moveant. Ex quorum tendinibus attenuatis membrana quædam oculum involvens constituitur, quam Columbus innominatam vocat. Inter hosce adeps copiosus circumjicitur, tum ut oculo, musculis, nervoque Optico, contra ossis duritiem aliasque injurias sit propugnaculum; tum ut musculorum intercapedines unctuosæ ejus humiditate impleantur, ut inde lubriciores ad motumque paratiores reddantur.

Ad Visibilibus receptionem assignantur tunicæ, & humores qui inter tunicas includuntur. Tunica ad visionem necessariz tres sunt, plures autem aliz ab Anatomicis recensentur: Et primò Adnatam, quia ejus subsidio vicinis partibus oculi adnascuntur, nominant; Græcis *ἐπιπρωκωσ* dicitur. Quæ universum oculum circumambiens nisi in parte anteriore, initium à Pericranio sumens, nervum totamque penè oculi sphaeram complectens, ad Iridis orbem desinit. Anteriorem partem, scilicet Corneam non tegit, nè ob crassitiem illam obumbraret & visum impediret. Arterias & venas capillares plurimas habet visum penè fugientes, nisi ubi plethorâ totum gravatur corpus, aut ab humorum affluxu distenduntur, ut in Ophthalmiâ. Ex hac membranulâ, substantia quædam primò tenuis, mox crassescens & carnosior reddita, à majori oculi angulo, aliquando totam corneam obtegens, atque visibilibus speciebus aditum intercludens, enascitur; à Græcis *πτερόγιοι*, à Latinis unguis dicitur.

Alteram Columbus innominatam vocans, inter oculi tunicas enumerat; quæ referente Placentino membranæ nomen non meretur. Nichil enim est quàm corpus tendinosum, ex ipsis nervis enatum.

Hiscè desumptis occurrit *σκληρότης* à duritie sic dicta, densa enim ac dura est ut humiores melius defendat ac contineat. Ortum habet à durâ meninge, quæ cum nervo egressâ, illum investiens, ad oculum in membranam carnosam expanditur. Posterior pars usque ad oculi iridem alba & opaca est, in quam omnes inferuntur musculi. Anterior

ejus

TABXVI



ejus pars perspicua est, & omnis coloris experta: Ut visibilia specibus non modo transitum concedat, sed ut puras etiam nullo calore alieno infectas admittat. In Ictericis autem adeo bile exundante sæpe tincta est, ut omnes species visibiles eo inficiat colore. Nomen proprium pars hæc adepta est. & Cornea nominatur, quia est sicut eburni politum ac pellucidum, & ab Anatomicis sæpè pro distinctis tunicis, sed improprie habentur. Polita est & probè extensa, line rugis ut species per illam ordinatè procedant. Ideoque in senibus cum humores exiccantur, flaccescit, corrugatur & densior fit, ut in mortuis spiritibus evanescentibus. Et hoc vitium senibus familiare, Caligo dicitur.

Cornea
tunica.

Caligo.

Extrorsum manifestè protuberat, ut longè à Crystallino distet, ne ipsum atterendo offendat, referente Galeno. Quod vero ultra Sclerotidis peripheriam instar hypæbolis vergat, & arcum minoris circuli constituat, manifestum est: non autem ut crystallinum minus offendat, sed ut species quæ à lateribus proveniunt, facilius in oculum admittantur; ut Doct. Shinerus abundè demonstravit.

Corneam sequitur tunica oculi secundæ quæ nunc *ὑαλοειδής*, uvealis, *ὑαλοειδής*, nunc *ὑαλοειδής*, quod vavulis plurimis referta Chorio membranæ non absimilis sit) vocatur. Hæc ortum habet à tenui meninge, & cum nervo optico ad anteriora procedens dilatatur, & tunicæ Scleroticz, usque ad Iidem oculi, venis, arteriis, aliisque ligamentis connectitur, anteriori autem parte undiquaque libera est ac perforata ut species admittat, in medio humoris aquei innatans. Corneam multò mollior est ejusque superficies interna externam mollior superat, magis enim spongiosa est ut minus Retinam offendat.

Variis coloribus donata est præcipue in parte anteriore, quæ libera est, & nunc nigro, nunc fusco, ceruleo, viridi, Cyaneo extrinsecè variegatur, adeo ut per Corneam perfectè Iridis speciem referat, atque pars illa Iris appellatur. Intus verò nigro colore circumquaque tingitur, adeo ut totum oculum internè nigrum & tenebrosum efficiat. Atque hoc idè à naturâ est institutum, ut species, quæ coloribus lucidioribus aliis dissiparentur, fortificentur, & in propriis naturis facultati visivæ offerantur. Neque dubitet quispiam visionem Cymmeriis hisce tenebris in oculo oblectari: Species enim rerum omnium liberatæ & emissæ, ob luculantiorem a luce excitante acquisivèrè; sine aliâ mediâ illuminatione per densissimas tenebras feruntur. Cujus rei exemplum in Cameris Opticis videre liceat, ubi Camera ita undiquaque luce privatur, ut nullibi nisi per foramen unum minutum vel minimum lucis admittatur; per quod foramen Species visibiles rerum externè existentium, ingrediuntur, & in opposito muro secundam figuram, distantiam & colores objectorum videndorum, depinguntur. Sic in oculo nigrâ undiquaque (nisi ubi perforatur,) hæc tunica cinctâ Species ingressæ, se in oppositam oculi partem, eo ordine iisdemque coloribus quibus res ipsæ prædictæ fuerunt, disponunt; nisi deturbentur & a splendidiore objecto, simul cum speciebus ingrediente, & tenebras hæc illuminante obscurentur. Quod ipsum illis qui diu solem aspexerunt, accidit, aut sub dio, sole maximè splendente, aut in nive diutius occupati fuerunt. Hisce specie lucis copiosè per pupillam irrumpentes, tenebras hæc illuminant, ac ceteras debiliores objectorum species, corpora tenuissima,

Iris;

con-

confundunt & obscurant; uti minora lumina ad majoris adventum diminuuntur & obscurantur. Sic quando ex tenebris subito in lucem prodimus, aut ex luce in tenebras; caliginem quandam ante oculos cernimus, ac obscuriores & uliginosa visui redduntur imagines.

Pupilla.
Κόρη.

Pars anterior, ut diximus, hujus tunicae libera est, & in medio perforata, quod foramen *Pupillam* denominant, Graecis *κόρη* dicitur, orbiculus quidam nigricans est in medio Iridis situs, qui ideò à Naturà instituitur, ut per illum species visibiles intromittantur. Motum quandam obscurum obtinuit quo sese dilatare & constringere possit, prout lux major vel minor oculo offertur. In humore enim aquo innatans, nunc versus Corneam se porrigit, & tunc ampliatur foramen illud: Atque hoc agit in locis tenebrosos, sicut & in temporibus matutinis & vespertinis; Nunc versus interiora se colligit; atque tunc angustatur foramen, & quo magis splendida oculo offeruntur, eò magis arctior fit, & species illae lucis nimium fulgentes oculo offensa excluduntur. Motum hunc pupillae contractionis & dilatationis, praeter lucis admissionem ac exclusionem, ad Species recipiendas, quae situ differunt, esse necessarium facile patebit. Quando enim duo objecta in eadem linea collocata aspexeris, remotum unum, alterum vicinum; dum vicinum intuearis, coarctabitur pupilla: dum remotum, dilatabitur. Atque hoc fit, quia vicina in cono majori nobis offeruntur, & ne radii hujus cono ponè oculum in punctum inciderent, quod ob magnitudinem facile contingeret, angustatur pupilla, ut conus oculo proportionetur, & in loco debito visionis coincideret. Quando remotum intuemur, dilatatur pupilla, quia ipsa distantia conum acutiorem reddit, adeò ut opus non sit ut à pupilla minoretur.

Dilatatio haec & contractio Pupillae sensim & moderatè fieri debet; repentina enim & subita mutatio saepe dolorem, imò saepius cecitatem inducit: quod manifestè in iis apparet qui diù in tenebris sunt commorati, ac subito soli ac luci obijciuntur; qui ob lumen copiosius per pupillam amplam irruens, nihil videre poterunt; ideoque pupilla subito se contrahens, ut inimicum excludat, dolores inde magni excitantur.

Quo autem angustior sit pupilla à naturà, eò visus est acutior. Species enim per foramen angustum penetrantes, colliguntur magis ac uniuntur: Si amplior sit confusè magis ingrediuntur. Atque sic ex diversitate dilatationis & constrictionis pupillae, prout major vel minor externi splendoris ac luminis quantitas in oculum recipitur, per amplam vel angustam pupillam, diversa in visione accidunt symptomata. Qui latam enim & amplam naturaliter habent pupillam, noctu & in loco obscuriore melius, interdiu & in loco lucidiore hebetius vident. De die enim multo lumine quod per pupillam amplam ingreditur, offenduntur; noctu verò cum lumen minus sit, obscurior & nigrior redditur Camera illa tenebrosa in oculo, & rerum simulacra rectius percipiuntur. Qui verò angustam habent pupillam lumine diurno ac splendente non ita offenduntur, & propterea acutius vident, quia minus splendoris externi per pupillam intromittitur, ideoque species ordinate magis se in oculo disponunt.

Periculis
Περικλ.

Tertia jam sequitur Tunica Reticularis dicta: quam Galenus inter Tunicas locari non vult. 10. de us. partium. 2. quod neque colore neque substantia

substantia tunicam referat: nam si exemptam ipsam seposueris, ac in unum acervum conjeceris, tibi planè videberis cerebri portionem quandam exemptam videre. At revera Tunica est vitreum humorem circundans & conservans.

A Græcis ἀμφιβλεστρον dicitur, παρὰ τὴν ἀμφιβάλλω, amplectendo, Ἀμφι-
 à Latinis Reticularis, quia figuram retis cujusdam refert. Initium su-
 mit à medullari Nervi Optici substantiâ dilatatâ, & in membranam
 expansâ. Humorem vitreum undique amplectitur, usque dum ad Cri-
 stallini dimidium pervenerit, ubi alteri annectitur, quæ quia humorem
 Crystallinum solum investit & includit, Crystallocides & ἀρχυροειδής
 dicitur.

Reticulari
 unde dicta.

Crystallo-
 cides &

ἀρχυρο-
 ειδής.

Tunica Re-
 tina species
 visibiles
 recipit.

Præter ubi
 fiat.

Retina tunica mollis est & densa, species recipere ac retinere apta. Atque ideo officium nobile illud quod ab Anatomicis Crystallino hu-
 mori assignatur, huic meritò attribui poterit: licet Galenus 10. us. par.
 humori vitreo & conservationem, & tactus sensum, illam solum largi-
 ri existimet. In hac recipiuntur, terminantur, & dijudicantur species
 objectorum visibilibum, & in hac visio fit, uti doctè quidem Christopho-
 rus Schinerus Opticis experimentis fusius probavit, quem petat qui ul-
 teriorem hujus sententiæ demonstrationem cupit. Nonnulla tamen hic
 addere libet, quæ hujus rei veritatem suadere possint. Primo, In omni
 sensatione est pars quædam spiritibus animalibus turgens, Cerebro per
 nervum unita, quo spiritus illi communicantur; qui objectis externis
 agitati, illa in partem recepta & retenta dijudicant; ut in aure internâ,
 pars illa quæ forum & cochlea dicitur, membranâ à nervo auditorio
 expansa circumcingitur, quæ species soni recipit: sic Os Cibo sum
 membranâ quam expandunt nervi olfactorii cingitur; In palato etiam
 & linguâ membranâ à nervis dilata de saporibus dijudicat. Similiter
 & totum corpus cutis, Tactus organon, cingit, quæ ex nervis expansis
 conflatur. Et cur alium in oculo sentiendi modum fingamus; cum si
 structuram animadvertamus, diversam ab aliis sensuum organis nullo
 modo inveniamus. Post humores enim qui ad Specierum refractionem
 requiruntur) ut à Schinero demonstratum est) tunica Retina spiritibus
 repleta ad species omnes recipiendas aptissima adstat.

Secundò, Præterea visio ibi fit ubi radii omnes ejusdem puncti in
 punctum recidentes & recurrentes sistuntur, & spiritum movent, quod
 in humoribus fieri nequit, quia cum sint perspicui; radii illos faciliè pe-
 netrare possunt, & post illos in punctum concurrere. In Retinâ itaque
 solum rerum imagines pinguntur, quæ spiritibus imbuta, specierum tin-
 cturam recipit ac dijudicat. Et licet Galenus tunicæ nomen illi vix
 concedit, ut antea dictum est. 7. de placit. tamen hujus fabricæ excel-
 lentiam admiratur, quod scilicet organo huic Cerebrum propriam ejus
 substantiam concesserit, id quod nulli alij contingit. In hac itaque vi-
 sionem fieri, non in Crystallino, ut putarunt penè omnes, certum est.

Visio fit in
 tunica Re-
 tina.

Arterias & venas plurimas ab uveâ fortitur, quibus sanguis ad ipsius
 & humorum nutritionem adducitur, per venas verò quod superfluum
 est, & pro illarum partium nutritione ineptum, respuitur ac ad venas
 majores reducitur, ut in cæteris partibus; in his enim per anastomoses
 etiam arteriæ cum venis conjunguntur.

Septum
ciliare.

Infus Septi
ciliaris in
oculo.

Integrum porè humorem vitreum ambit, & in terminos majoris Sphæræ humoris Cristallini in vitreo innatantis inseritur; tum ut Vitreum, nè ulterius progrediatur, inhiberet; tum ut Cristallinum in suo loco contineret. Cum uvea etiam hic firmissimè circumquaque conjungitur, & interstitium quoddam ac Septum, inter uveam & Cristallinum medium porè oculi & humoris Cristallini succinctu suo in duos semiglobos dividens, efficit: quorum anterior posteriore quadruplo minor est. Interstitio hoc humor Aqueus & Vitreus disparantur, totaque membrana radiatim ab uvea plurimis referta est fibris, nigris, tenuibus, & medio Cristallini affixis. Quod Septum ciliare dicitur, quoniam ex fibris, ab uvea ciliorum more, quasi radiatione quadam procedentibus, conficitur. Quæ fibræ musculorum usum habere videntur, ut Cristallinum huc & illuc, sursum deorsum, dextrorsum, sinistrorsum, ut necessitas requirit, moverent. Objecta enim quæ visui offeruntur alia remota sunt, alia viciniora, alia supra oculum, alia ad latus: ita ut radii inde emanantes, in diversis locis & punctis concurrentes, diversas requirunt refractiones, ut in modo debito in Retinâ imprimantur. Fibræ itaque hæ musculorum more sese contrahendo & laxando, Cristallinum cui inseruntur attollunt aut deprimunt, donec radii ita refringantur, ut illorum concursus sit in eadem parallelâ in Retina, cum illis in oculum incidentibus. Ideò autem nigro tinguntur colore, ut interior oculi pars intra retinam magis obscuretur; ac ut radii speciesque lucis exterorumque objectorum, non nisi per Cristallinum, vitreum humorem atque Retinam tunicam adeant. Atque hoc officium esse Ciliaris hujus processus arbitramur; pars ab autoribus porè neglecta, quasi nullius esset usus, ita ut Placentinus illum nihil aliud esse asserat, quam vestigia in separatione Chorocidis in Retinâ relicta.

CAPVT IV.

De Humoribus Oculi.

Humores
oculi quos.
vdatos
quos.
sive aqueus.

Humores qui in oculo inveniuntur tres sunt, quorum primus vdatos dicitur, Aqueus, quia suo termino instar aquæ contineri nequit, ejusque pelluciditatem ac tenuitatem æmuletur. In parte oculi anteriore positus est, in cavitate illâ inter Corneam & Cristallinum, nullâ tunicâ propriâ (ut alii) contentus. In quo uveæ pars anterior innatat, copiosus admodum est vitreo minor, Cristallino verò major, ita ut spaciū inter Corneam & Cristallinum, pupillamque impleat: Corneam verò, nè rugosa sit atque inde opaca, specierum transitum impediens, distendit. Quibus autem humor hic vel morbis diuturnis, aut extremo senio diminuitur, ut in morituris videre licet, cornea flaccescit & oculi hebetes apparent. Humor hic pellucidus est colorisque omnis expers, ut speciebus Visibilibus aditum permittat; atque transeuntes nullo colore inficiat. A naturali hac constitutione si discedat, variè visus læditur. Crassus enim si evadat, fit visus hebetior, & omnia quasi

quasi per nubem videntur; quia plus justo radios refrangit. Interdum tam crassius ipse redditur ut pupillæ foramen claudat, quod nialum *ὑπόχυμα* suffusio, vulgò Cataracta dicitur. Aliquando corpuscula opa- *ὑπό- χυμα* ca, parva, divulsa in illo innatant; atque tunc Culices, Muleæ, aranea- *ἢν* rum telæ, & umbræ quædam in aëre apparere videntur; eodẽ effectus *ἢν* producere possunt vapores ex aliis partibus per venas & arterias simul cum sanguine ad oculos delati, ut inebriis, in quibus vapores ex vino geniti, humores oculi perturbantes, caliginem & quasi nubeculam ante oculos efficiunt; idem fit in febrium ardentium vigore, præcipuè in- *Cataracta.* stante Crisi.

Hujus officium, assignante Galeo, est, ut sit Cristallino propugna- *Aquei hu-* culum, quo splendorem externum sine periculo sustineat, unde Avi- *moris offi-* cenna Clypeum Cristallini vocavit; qui verò officium tale illi tribue- *cium* runt non aliud illum esse voluerunt quàm Cristallini excrementum. *Clypeus* Sed tale non esse faciliè evincat ratio, si enim excrementum sit alterius *Cristallini.* partis, vias per quas excernitur ostendant: Si in spatio illo accumu- lari, & usque ad extremum vitæ terminum contineri ajunt, tunc quò diutius vivimus, eò in majore quantitate abundaret, & infantium oculi minus, extremè senum verò magis turgescerent, quod falsum est. Unà itaque cum cæteris oculi partibus conformatur, nec officium minus no- bile ipso Cristallini aut Vitrei humore obtinuit. Omnes enim ad varias specierum refractiones inserviunt, & in humore hoc aqueo radii per Corneam admissi, & versus perpendicularare refracti, rursus à perpen- diculari in medio tenuiori refranguntur, ut per pupillam rectius humori Cristallino dirigantur, ut fusius postea ostendemus.

Humor Cristallinus est ut Cristallum densus, pellucidus, propria tuni- cā scilicet Arachnoeide vestitus, non ut illa conservetur ne disfluat, durus enim est, & propriis terminis facile contineri potest, sed ut illi infigantur fibræ illæ ciliares ut in proprio loco conservetur.

Figuram obtinuit orbicularem, non tamen exactè rotundam, sed *Figura* *ejus.* lentis sphæroidalis speciem referentem, ita ut rotunditas ejus ex seg- mentis duorum Circularum fieri videatur; quorum antica superficies portionem minoris Circuli, Cornex paralleli refert: Postica verò est portio major minoris hyperbolis: cujus superficierum diversitas ad ra- diorum refractionem inservit, ut in lentis opticeis qui Telescopiis ada- ptantur, quibus in constructione Cristallinus humor non est multum dissimilis, videre possumus; de quibus & structura ratione passim in op- ticeis videre liceat.

Hunc, oculi partem esse principalem, in quā fit visio, propter quam cæteræ omnes fabricantur, præter unum Doctorem Schinerum, omnes uno ore asserunt, ut laboriosè probavit Placentinus, 5. de oculi fabri- cā, cap. 38. 39. Nos verò ad radiorū refractionem inservire solum existimamus; ut infra ostendemus; & copiosè demonstravit Schine- rus. Qui tamen licet visionis non sit præcipuum instrumentum, consti- tutionis ejus naturalis mutatio varias visus læsiones inducit. Et si soli- dior nonnihil & obscurior fiat, evenit ut non nisi plenā luce perfectè ac integrè homo videat; Cùm verò lumen illud desit, minus rectè vel ni- hil videat; quem oculi affectum *νυκταλονία* nocturnam cæcitatem no- minant, quā qui laborant, interdiu quidem satis clare, occidente verò

Γλαυ-
κωμα.

Μυω-
πια,
ληψις.

sole obscurius vident, noctu nihil. Interdum ita naturalem pelluciditatem amittit, ut glaucum quasi colorem acquirat, qui affectus γλαυκωμα dicitur, in quo in initio quasi per fumum & nebulas videre existimant. Deinde si situs mutetur, & si versus centrum oculi recedat, propinqua rectè, remotiora objecta non satis videntur, quod radii pupillam penetrantes, antea uniuntur quàm ad Cristallinum pervenerint: ideoque ea quæ cernere cupiunt oculis quàm proximè adhibent; quod vitium μυωπια & luscitas dicitur. Huic autem affectui contrarium est, ubi Cristallinus versus anteriora magis & pupillam situs sit; & tunc res propinquas minùs vident, remotas easdem rectiùs discernunt. Quod vitium senescentibus familiare est, quia humor aqueus ætate diminutus, cornea tunica magis ad Cristallinum inclinatur ac recedit; ita ut spatium inter utrumque minus sit, quo objecti cujusvis vicinioris radii ponè Retinam coirent, nisi ab oculo removerentur objecta, ut conus hoc modo minor factus, rectiùs à cristallino refringatur, & Retinæ deducatur.

Quibus etiam humor hic ultra modum pupillæ approximatur, ipsaq; pupilla naturaliter est ampla, noctu sæpissimè lumen quoddam ex oculis ac fulgoris species emicare videtur, quod medium aliquo modo illuminatur; ut in felium & Tiberii Cæsaris oculis; qui referente Suetonio prægrandes fuerunt, conspicuum est; utpote quorum oculi noctu coruscant. Idem in animantibus aliis noctu visum venantibus invenitur. Quæ singula pupillas oculorum amplissimas habent, ut nocturæ, atque ideo lucem pleniorē ac splendidiōra omnia studiosè fugiunt. Luminis ac coruscationis hujus causam & ortum à lumine ingenito ducunt autores: quasi in omni oculo lumen quoddam innatum ac naturale foret insitum. Quod autem quàm malè oculo ac visioni conveniat, ex prædictis liquet, ubi tenebras omnisque luminis privationem potius huic actioni necessariam demonstravimus. Coruscationis itaque hujus causam ex luminis (quod vel in tenebris, licet paucillum, invenitur: Tenebras enim quomodolibet densissimas, aliquid luminis perpetuò obtinere credimus) in humore hoc cristallino collectione ac reflectione desumi putamus. Ut de Adamante bene polito observatum est, quem noctu & obscuriore luce fulgere testantur; atque ideo illi lumen quoddam ingenitum concessere nonnulli, cum reverà nihil aliud sit quàm radiorum luminis sparsorum congregatio ac unio, & ad oculum reflexio. Radii autem cum in tenebris forent dispersi, & pauci fuerint, imperceptibiles negliguntur: Cum verò in adamante (an ratione figuræ, an summx perspicuitatis, hic disputare nolumus) collecti sint, uniti medium quodammodo illuminant, & oculos spectantium petunt. Ad eundem modum in humore cristallino, qui & perspicuitate & figurâ ad radiorum collectionem aptus est, colliguntur & uniuntur radii, & postea reflexi, medium & objecta illuminant, ita ut de Tiberio dicitur illum in tenebris ad breve videre. Quod verò singuli homines alixque animantium species præter selem, noctuam, & visum noctu venantia, tali non donantur facultate, causam ex diversâ oculi structurâ petimus. Illisque solum contingere putamus, quibus pupilla naturaliter sit ampla, ut debiliores sparsique luminis radii copiosius admittantur. Quibus etiam Cristallinus humor altè in oculo non absconditur,

tur, sed eminentior statim ponè pupillam situs, radios faciliè congregat, & ob vicinitatem ad corneam tunicam, faciliè etiam reflexos emittit.

Post Crystallinum immediatè sequitur humor *Vitreus* in quo innatat posterius Crystallini segmentum, Græcis *υαλουιδης* dicitur, siquidem vitro igne liquefacto simillimum esse asserunt. Crystallino multò est liquidior, aqueo tamen crassior, magisq̃ue lentus ac viscidus existit. Omnium maximus est, Crystallinum quadruplo, aqueum duplo superans. Figuram talem obtinet, qualem corpora quibus continetur ipsi tribuunt, totamq̃ue oculi posteriorem partem à fibris ciliaribus ad nervum implet.

Hujus usum & officium ad Crystallini nutritionem & munimentum esse asserunt. Verumenimverò non aliud murus quàm aqueus est adeptus; sicut enim radii in cornea versus perpendicularem, & in aqueo rursus à perpendiculari refranguntur; sic & in vitreo radii qui in Crystallino ad axim inclinavère, in hoc ab illo recesserunt, ut in Retinà feliciter depingantur.

Humorem hunc, ut antea diximus, includit tunica Retina, membrana ex nervo expansa facta. Nervus autem ille est ex primo nervorum pari, quod à parte cerebri posteriore ortum, juxta sellam ossis sphenocidis coit, ac tandem binos rursus emittit nervos, qui decussatim excurrentes, literam *x* aptè exprimunt; atque indè per foramina prima ossis prædicti vagantes, in oculos utrinque terminantur, & in parte illorum posteriori ad latus paulò anguli majoris inseruntur. Per quos spiritus animales tunicæ Retinæ communicantur.

Arteriæ autem plurimæ unâ cum tunicis à cerebri membranis interioribus oculi partibus interioribus ipsis humoribus non exceptis, derivantur. Venæ etiam quæ licet exiguæ sint, ut sensum ferè effugiant, illis sunt concessæ, quæ in inflammationibus oculorum conspicuæ sunt. Atque hæc sanguis ad partium harum nutritionem adducitur, & quod restat per venas rursus venis meningum refertur. Et hinc consensus illius inter cerebrum & oculos insignis, causa peti poterit. Cum scilicet in meningum inflammationibus oculi maximè rubescant; sanguine scilicet ab arteriis meningum summè attenuato, harum particularum arterias replente & distendente: atque hinc sæpè rubores illi sunt, hæmorrhagiæ criticæ prænuncii. Inflammationes etiam oculorum per sanguinem in venis recurrentem, membranis cerebri sæpè communicantur.

Vitreus humor.
υαλουιδης
δεις.

Vfus ejus.

Retina tunica quid.

Consensus cerebri cum oculis.

CAPVT V.

De modo videndi.

P Artes singulas oculi jam explicavimus, restat ut illarum officia quatenus visui inserviant, breviter percurramus, ac videndi modum illustrenus.

Primo itaque concedendum est quodlibet objecti punctum radios emittere hemisphaericaliter; qui totam pupillam occupant; quorum alii oblique in corneam incidentes, variè secundum media per quæ transeunt, refranguntur. Solus radius directus a. b. in 1^a figurâ, seu perpendicularis, qui cum axe optico ita concurrit, ut unam lineam constituere possint, (per quem solùm de oppositione dijudicatur, quia hic solum ab objecto dirigitur directò,) non refrangitur. Reliqui verò omnes prout magis vel minus à recto distant, plus minusve refranguntur: ita ut refractio ubiq; sit inclinationi proportionata.



Cujus refractionis necessitatem obliqua radiorum nonnullorum incidentia poscit. Si enim nulli objectorum radii præter directos oculum penetrarent ac cernerentur; qui à latere offeruntur corneam solùm pertransirent, & inter illam ac uvæam perderentur, ut fig. 2^a. c. f. Refractione autem efficitur ut radii oblique incidentes, in corneâ, medium cum sit multò aëre densius, refracti ob densitatem rectè progredi nequeant, sed versùs axim seu perpendiculare invertantur, hoc est, perpendiculari lineæ magis paralleli efficiantur ut fig. 1^a. c. d. In Crystallino adhuc magis ad axim convergant, propter medii densitatem, ut in 1^a figurâ (c. l.) Atque hoc modo radii qui Retinam, ac proinde visionem effugerent, si rectò semper ducerentur, ad intimam ejus perducuntur. Nonnulli tamen aded oblique in corneam incidunt, ut refractio in illâ non sufficiat, ut Crystallino per pupillam deducatur.

ducatur. ut fig. 2^a. g. h. Radii itaque obliqui in Corneâ refracti, versus axim inclinant, cum verò illam pertransierint, & in humorem aqueum inciderint, ob medii diversitatem rursus refranguntur, sed quia tenuius & magis rarum sit, non ad perpendicularare, sed ab illo prorsus avertuntur & diffunduntur, ut fig. 1^a. c. c. donec Cristallino occurrunt, ubi ad axem iterum ob medii densitatem refranguntur (c. l.) Et in vitreum emittuntur; ubi ob medii raritatem ab axe rursus diffusi Retinam adeunt, in cujus superficie, quia medium densius sit humore vitreo, ad axim iterum refranguntur & colliguntur, eandemque lineam seu illi parallelam constituunt, qualem ab objecto provenientes ad corneam effecerunt. Ut in figuris præpositis videtis. a. f. f. puncta sunt irradiantia. a. Directè in corneam incidit, idè sine refractione Retinam petit in b. Ubi de directâ istius puncti oppositione dijudicatur, quia lineam in Retinâ efficit perpendiculararem seu axi parallelam. f. f. Radii oblique incidentes, quia non tam vlidè corneam feriant, ob densitatis in medio illo scilicet in corneâ, differentiam, refranguntur versus axim ad c. fig. 1^a. (d. c.) In humore autem aqueo, ob tenuitatem, transitum liberiores rursus obtinuerunt, atque idè à perpendiculari divagantur, pupillamque (k) transeuntes, in humorem cristallinum ad c. incidunt (c. c.) Ubi ad axim refranguntur usque dum vitreum attigerint, ad. l. Atque inde vitreum pertransientes & ob medii tenuitatem, respectu Cristallini, à perpendiculari inclinant. m. l. Et inde in Retinâ medio densiori versus perpendicularare refracti lineam efficiunt. n. m. quæ lineæ f. d. parallela est, linea n. m. o. parallela est f. d. Atque hoc modo res in eodem loco quo sunt, conspiciuntur. Si enim linea in Retinâ n. m, parallela non sit cum lineâ in corneam incidente f. d: locus in quo objectum irradians situm est variaretur, verbi gratiâ, Si n. m. linea Retinæ impressa in secundâ figurâ parallela foret i. o. lineæ in corneam incidenti, non lineæ f. x. tunc punctum f. quod visui objicitur, & quod videre cupimus, non in f. loco proprio, sed in o. cerneretur; itaque sic falsa foret objecti representatio.

Radii hoc modo in Retinâ depicti, ultra progredi nequeunt ob vix tunicæ densitatem & opacitatem; sed hic per spiritus animæ instrumenta dijudicantur. Atque sic quæ ad visum spectant absolvimus, cetera cum hujus loci non sint Opticis relinquimus.

De cæteris sensuum Organis partibusque quæ facie & ore conspiciuntur, cum ab omnibus Anatomicis, præcipuè à Julio Casserio Placentino, abundè satis describantur; nec novi aliquid quo illarum augeatur notitia, nobis intervenit: satis nostro officio nos facere existimamus. si partium historiam prolixiorē aliis relinquentes, illas summam duntaxat recensamus, ut sanguinis circulationem in illis etiam prosequamur.

CAPVT VI.

De Aure, Naso, & Lingua.

AVis est vel interna, ubi partes ad auditum necessariz reconduntur; vel externa, auricula dicta, quæ ad auditionem perfectam faciendam inservit. Pars tortuosa ac prominens, quæ vanni instar expansa est, ut soni species per aërem vagantes, si fortè meatum auditorium præterlapsi fuerint, intercipiat, & sinu colligat, ac infundibuli latioris instar excipiat; per quos anfractus ad auris meatum ducit. Hinc bruta animantia aures ad sonos circumagunt, ut feliciùs meatui auditorio adducantur.

Vasà quibus benevolo alimento nutritur, sunt arteriæ à Carotidis ramo & interiore & exteriorè; à quo furculus quidam, qui dentibus in maxillà superiori sanguinem suppeditat, luxuriat. Per quem (inquit Bauhinus) humores acres haud dubiè in dentes quandoque delabuntur, & insignem odontalgiam causantur. Si verò sectæ sanguinem effundant, mirabiliter (inquit) humore delabente intercepto, dentium dolor sedatus est. De materiæ interceptione meritò dubitare possumus; cum humores à capite non descendant per arterias sed per venas; quas circumforanei ancipiti successu urere soliti sunt. At si ex arterià hæc, quæ in auris *Antirago* disseminatur, sanguinem mittamus, per materiæ derivationem forsàn dolorem dentium aliquo modo sedari possit facile concedemus. Admodum religiosè etiam vena, arteriæ hujus socia, in Cachexià puerorum scorbutica, vulgò *Ricken* dicta, non satis manifestè ratione, à mulierculis secatur; sanguinisque guttulas paucas, duas vel tres exhauriunt. Quomodo verò sanguinis tam minutila quantitas prodesse possit, nobis nondum liquet. Caput humoribus sanguineque seroso plurimùm abundare verissimùm est, sanguinisque è vasis capitis detractionem multùm profuisse, indubitata veritas est, sed quantitas illa parva è venà etiam neglecta, nil nisi superstitionem muliercularum redolet.

Venas item obtinuit, quæ ab arteriis depositum sanguinem excipientes, in furculos Iugularis externæ ac internæ deponunt, ob quam rationem aurium præcipuè internarum inflammationes cerebro per sanguinem accensum in internæ Iugularis furculos decurrentem, faciliè communicari possunt. Quæ in parte auriculæ posteriore vagantur, in coxendicium dolore secari jubet Hippocrates; quod à Scythis didicit; qui continuâ & laboriosâ sine stapedibus equitatione, ischiadici omnes evasere. Ad cujus medelam venas ponè aures utrinque inciderunt; sanguine multo promanante, usque dum somnus præ imbecillitate illos corripuit, atque sic à dolore liberati, simul steriles facti fuerunt. In eodem affectu Arabes Phlebotomiam ex intervallo annularis & parvi digiti maximè laudant. Ex quo rationem hujus curationis faciliè petere possumus. Arthritis enim doloresque ischiadici ex sanguine seroso, acri ac tenuiore à talibus humoribus admistis, ut plurimum excitantur, qui ob

tenui-

Antirago
gus.

tenuitatem in habitum corporis, artus præcipuè & in venas capillares propellitur: unde inter membranas & in articulos extillans, partes membranofas vellicat & erodit. E Venis itaque hæc capillaribus & cutaneis felicius exhauritur materia illa peccans, quàm si majores dividantur, à quibus sanguis laudabilis emittitur, serofusque ad extrema propullus rursus revocatur, totamque inquinat massam sanguineam. Non sine ratione itaque ista venarum ponè aures divisio ab Hippocrate, aut inter digitos ab Arabibus instituitur, cum ab arteriis sanguinem calentem ac acrem immediatè depromat; hepatisque incendium, præcipuè inter annularem & minimum digitum emissio sanguine, quàm optimè reprimat. Quò autem magis à fonte caloris, scilicet corde, remota sit pars, minusque calida, eò major serosi ac tenuioris sanguinis portio in illà accumulatur; venisque ejus dissectis copiosius talis emittitur, quam ab aliis. Ex aurium itaque venis feliciter satis ad *néphrata* serofus ille exhauritur sanguis. Sed unde sterilitas? an à feminis à capite descendens interceptione? nequaquam, sed ob nimiam laboriosamque equitationem partes seminales nimium læserunt ac debilitarunt, ut nec semen rectè concoquere nec retinere potuerint.

Ratio curandi dolores ischiaticos per venas scilicet apud Symplicium.

Sterilitas illorum venarum causa.

In internà aure foramina seu ductus quinque, quibus sonus introducit, nervusque à quarto & quinto pari antra, seu cavernulas investiens, intrat, per quos venæ etiam & arteriæ admittuntur, inveniuntur. Ductus externus seu *πρόσθιον ἀκυστικόν* obliquus est & flexuosus, quo sonus vehementior appulsus infringatur; sensim ex amplo orificio angustatur, ut àer percussus in angustum colligatur, quò tanto distinctius audiamus. Solidus quoque est ac durus, ut sonus in transitu ad illius ossis parietes vehementius impulsus, magis intendatur, quàm si cartilagineus vel mollis esset; Cartilagine intermedia seu circulo osseo, cui membranula *Tympanum* dicta annectitur, distinctus. Alterum verò ductum obtinuit, in terminum, naribus & palato communem, desinentem, per quem excrementa cerebri auriumque crassiora, quæ per tympanum exudare nequeunt, in palatum excernuntur. Præter ductus hosce habet & cavernulas in *Osse petroso* contentas, quarum prima membranulâ tympani ablata conspicitur, Concha dicta, quæ suâ membranâ testâ, tympanum militare refert. Hæc ossis petrosi principio insculpta, & à meatu auditorio sola membranula separata est. In hac instrumenta pulsationi inservientia, *tria oscula*; *Chorda* tympano attensa, & muscoli illa moventes hic inveniuntur; sonorum imagines delationi item conducentia, fenestellæ duæ, ad cochleam & labyrinthum ducentes; aëreque implantatus, qui omnes externas impressiones ad tympanum factas recipit, & membranulæ, quæ antra seu cavernulæ investitur, à nervo expansæ & diductæ communicat, hic continentur. Sub Auribus utrinque glandulæ insignes quas *Parotides* vocant, inveniuntur, in quas sæpissimè humores decumbunt, & Critica sit evacuatio.

Ductus auditorii.

πρόσθιον ἀκυστικόν.

Tympanum.

Os petrosum.

Concha.

Oscula meatus auditorii.

Parotides.

Nasus.

Nasum etiam dividunt Anatomici in externum & internum. Externus ex partibus ossis, cartilagineis, & membranosis, cute ac cuticula tectis, arteriis à carotidibus, & venis à Iugularibus externis refertis quæ inter duas ejus alas, in nasi affectibus secantur, constat. Intrinsecus septi beneficio in duos sinus dividitur, qui in parte nasi mediâ quasi in duos

meatus dividitur; quorum alter supra palatum fertur in oris intima & fauces: alter sursum ad os spongiosum ascendit. Narium amplitudo seu cavitates tunicâ, à crassâ meninge per foramina ossis Ethmoeidis erumpente orta, succinguntur, & tunicæ oris, palati, linguz, laryngis, œsophagi & ventriculi communis est; & hic exquisito sensu donatur, ita ut vel levissimis irritata, sternutatio statim fiat. Nasus internus ex duabus partibus constat, ex ossæ ethmoeide seu spongioso, quod nares à cerebro dividit, quodque multis foraminibus est pervium, ut species odoris ascendant, & externarum partium Cerebri excrementa descendant. Altera nasi pars processus sunt mammillares, qui à Cerebro prodeuntes sunt nervi, qui intra Cranion supra sinus ossis ethmoeidis sedem habent, quibus odoris species recipiuntur & dijudicantur.


*Resina
Fene.*

De ceteris partibus quæ in facie conspiciuntur, de genis scilicet, malis, labiis, ac ore, dentibus etiam, palato, gargarione, & tonsillis, ipsaque lingua abundè satis ab aliis dictum est. Quæ Arteriis à Carotidibus donata, sanguinem pro nutritione copiosè inde exhauriunt. Venas item non minoris notæ obtinuerunt; quæ in Iugulares sanguinem ab arteriis emissum exonerant. Harum autem nonnullæ in praxi medicâ observabiles sunt, quarum illæ sub linguâ. *Resina* dictæ; sæpius in oris, linguz, palati ac cervicis affectibus ad derivationem, præmissâ prius revulsione in brachio, non infeliciter dividuntur. Atque sic totam Circulationis Historiam absolvimus, quæ ut fortius memoriæ imprimatur, Anachephalzofin totius accipe bonique consule.

FINIS LIBRI TERTII.



TAB. XVII




Tabulæ XVII. Eucleatio succincta.

- A. A. *Vena bina Hepati in Cavam inbiantes.*
 B. *Cava orificium in cordis dextrum ventriculum ducens.*
 C. *Portio Arteria pulmonum è dextro cordis suu in pulmones tendens.*
 D. *Vena Pulmonaris portio, in sinistru Cordis Ventriculum è pulmonibus sanguinem deducens.*
 E. *Arteria magna orificium cordis sinistro ventriculo annexum.*
 F. *Aorta ramus ascendens.*
 G. G. *Ramus arteria magne descendens.*
 H. H. H. *Arteria intercostales costis porrecta, ab aorta trunco derivata.*
 I. I. I. *Vena intercostales arteriarum socia.*
 K. K. *Illarum insertio in venam sine pari.*
 L. L. *Vena azgyos, sine pari, Cava soboles.*
 M. M. *Arteria Phrenica diaphragmati oblata.*
 N. *Vena è cava trunco diaphragmati concessa, & ejusdem nominis cum arteriis.*
 O. *Arteria caliacæ.*
 P. P. *Arteria Mesenterica superior.*
 Q. Q. *Arteria Emulgentes.*
 R. R. *Vena Emulgemes.*
 S. S. *Arteria Spermatice.*
 T. *Illarum insertio in testem humanum.*
 V. *Testis sæmineus.*
 X. *Arteria Mesenterica inferior.*
 Y, Y. *Arteria Iliacæ.*
 Z. Z. *Arteria Iliacæ exteriores.*
 a. *Vena Coronalis in Cavam implantatio.*
- bb. *Arteria Coronalis divaricatio.*
 c. c. c. *Illarum per Cordis substantiam disseminatio.*
 d. d. *Arteria Coronalis superius ventriculi orificium cingens, à caliacâ orta.*
 c. c. c. *Arteria Hepatica ab eodem principio ducta.*
 f. *Arteria Epiploica, Omento, Sejuno, & duodeno concessa.*
 g. g. g. *Arteria Splenica, Lienis & Pancreati communicata.*
 h. h. h. *Vena Spermatice.*
 i. i. i. *Portio arteria spermatice ad testes in sæminis porrecta.*
 k. k. k. *Alterâ hujus portio quæ uterû fundum irrigat.*
 l. l. l. *Vena è spermaticâ venâ hujus arteria socia, cum quâ per anastomoses unitur.*
 m. m. *Vena quæ cum surculo i. i. arteria spermatice conjungitur.*
 n. n. n. *Arteria Lumbares.*
 w. w. w. *Vena Lumbares.*
 o. o. o. *Arteria & vena sacræ.*
 p. p. p. *Arteria Glutea, natibus exserta.*
 q. q. q. *Vena ejusdem nominis illarum socia ab internis Iliacis transmissa.*
 r. r. r. *Ramus Iliacæ arteria interioris, arteria Hypogastrica dicta, ad vesicam, uteri cervicem tendens, & Hamorrhoidalem.*
 t. t. *Arteriam externam constituit.*
 f. f. *Iliacæ arteria interior.*
 u. u. u. *Vena Hypogastrica surculorum r. r. socia, ab internis Iliacis nata.*
 z. z. z. *Arteria Umbilicales.*
 i. i. i. *Arterie Epigastricæ per costas Abdominis musculos ascendentes, venis mammariis unite.*

3. 3. 3. *Vene Epigastrica cum arteriis ascendentes, & arteriis mammariis per anastomosen copulatae.*
 *. *. *. *Anastomoses prædictorum vasorum.**
 4. 5. *Arteriae & Vene Musculæ interiores, Femoris dictæ.*
 6. 7. *Musculæ exteriores.*
 8. 9. *Venæ & Arteriae Pudendæ nominatæ, scroto in maribus concessæ.*
 θ. θ. 19. 19. *Arteriae & Venæ Musculæ lumbales dictæ.*
 α. α. α. *Arteriae Subclaviæ.*
 6. 6. 6. *Intercostalis arteria superior.*
 7. 7. 7. *Venæ intercostales superiores.*
 δ. δ. δ. *Arteria Mammaria cum venâ Epigastricâ unita.*
 ε. ε. ε. *Vena Mammaria arteriæ sociæ.*
 ζ. ζ. *Venæ Subclaviculares.*
 η. η. *Arteriae Cervicales.*
 θ. θ. *Venæ ejusdem nominis.*
 ι. ι. ι. *Thoracica Arteria superiores.*
 κ. κ. κ. *Thoracica inferiores, secundum thoracis latera descendentes, & in aniscliptorem musculum inseruntur.*

- λ. λ. *Scapularis externa in musculos scapulae digesta.*
 μ. μ. μ. *Venæ Thoracicae superiores.*
 ν. ν. ν. *Venæ Thoracicae inferiores.*
 Δ. Δ. *Subclaviæ ad Alam eductæ Axillares dicuntur.*
 ο. ο. ο. *Anastomoses vasorum in brachio.*
 π. π. *Vasa vertebralia dicta, venæ & arteriæ ad cervicis vertebrae dilatae.*
 ρ. ρ. ρ. *Venæ Jugulares & arteriæ Carotides.*
 σ. σ. σ. *Anastomosis arteriarum thoracicarum ι. ι. ι. cum venis mammariis. ε. ε. ε.*
 τ. τ. τ. *Anastomosis venæ thoracicae cum arteria mammaria. δ. δ.*
 υ. υ. *Ramulus arteriæ & venæ inter thoracicas occurrit, qui in alæ glandulas disseminat.*
 ω. ω. *Anastomoses thoracicarum superiorum cum intercostalibus vasis.*
 χ. *Vena Cephalica.*
 φ. *Mediana.*
 ψ. *Basilica.*
 Ω. *Arteria Brachialis.*

TAB: XVIII.



Tabulæ XVIII. Explicatio.

A. A. Truncus Aorta ascendens.

A. A. Carotides binæ à subclavio ascendentes.

B. B. Arteria Subclavia.

C. Vena Cava portio.

D. D. Vena Subclavia.

E. E. Jugulares interna.

F. F. F. Jugulares externa.

G. G. Carotis externa.

H. H. Carotis interna.

I. I. I. Ramus minor Carotidis interna Sinum primum potens, in dextro capitis latere designatus.

K. Jugularis interna eidem sinui communicata.

L. L. Ramus Jugularis externa foramen osis temporis ingressus, & per duram matrem disseminatus.

M. Jugularis externa ramus internus, ramulos diffundens lingua g. g. & dentibus superioris maxilla. h. h. n. n.

N. N. Ramus Jugularis externa per faciem excurrent, & ad nasi radicem vena utriusq; lateris. N. N. cum O. unita.

O. Venam Frontalem O. constitutum.

P. Bifurcatio Jugularis externa ad radicem auris.

Q. Ramus Carotidis interioris duram matrem petens, per Cuneiformis ossis foramen, cum Jugularis ramulo minori L. ductus.

R. R. Sinus primus.

S. S. Sinus quartus.

T. Torcular, seu unio Sinuum.

V. V. V. Sinus tertius.

W. W. W. Inferior Sinus Falci.

X. X. Ramus Sinus quarti in la-

tere dextro à plexu Choroide deductus.

Y. Y. Y. Vena, Corporis Callosi superiora petentibus, & in sinum quartum se exonerant.

Z. Plexus Choroideus in dextro ventriculo.

a. a. a. a. Surculi Carotidis interioris per collum vagantes.

b. b. b. b. Vena minores sanguinem ab illis superfluum reducentes.

c. c. c. c. Surculi Carotidis exterioris ad fauces & mentum percurrentes.

d. d. d. Ramuli ejusdem surculi per fauces ascendens, faciem & nasum irrigans.

e. e. c. c. Surculus vena Jugularis, sanguinem à labiis & maxilla inferiore reducens.

f. f. f. f. Carotidis interna surculus linguam petens, Ramulus ductus.

g. g. g. Vena ejusdem nominis in ramum externum Jugularis externa M. se exonerantes.

h. h. h. Ramus ejusdem surculi à dentibus superioris maxilla sanguinem superfluum reducens.

i. i. i. i. Surculus Carotidis exterioris sub aurem divisus, capitis posteriora irrigans.

k. k. k. Alter hujus divisi surculi ramulus, anteriora capitis & faciei petens.

l. l. l. l. Unio harum artieriarum que per anteriora capitis disseminantur, per anastomoses cum.

m. m. m. Venis m. m. Cranion penetrantibus & in Sinum tertium se exonerantibus.

n. n. n. n. Unio artieriarum posteriora capitis

capitis irrigantium, cum venis sinus
tertii. m. m. m.

o. o. o. o. Arteriola à posteriore
hoc ramulo luxurians, ac deinde In-
ferioris maxilla alimentum mini-
strans.

p. p. p. Vena sanguinem superfluum
ab hisce reducens, & in Iugularem ex-
ternam se exonerans.

q. q. q. Ramuli venarum & arte-
riarum radices dentium ingredien-
tes.

r. r. r. r. Anterior ramus Iugula-
ris externæ, divisa ad auri radicem.
P. per tempora ascendens, ac ante-
riora capitis ac faciei petens.

f. f. Vena per naves à venâ N. de-
scendens, cum arteria d. d. d.
unita. *. *. *.

t. t. t. t. Vena posteriora capitis cum
arteria i. i. i. percurrents.

u. u. u. Vena frontalis, ad crinium
radicem divisa, ramus infi-
gnis, exteriora dextræ lateris
capitis percurrents, & unitus
cum arteria i. i. i. k. k.

x. x. x. per anastomoses. ad x. x. &
arteria.

a. a. a. Etiam internâ a. a. a. à
ramo insigni Q. per Me-
ninges divagante, qui ramu-
los quosdam extra Cranium
emittit, & connectitur cum
vena prædicta ad y. y. y.

G. G. G. Vena cum arteria a. a. in
Meninge percurrentes ac sanguinem
reducens ad Iugularem Internum
ad L.

T. Ramus vena à sinistro Chorocide ad
Sinum quartum tendens.

Δ. Δ. Rete Mirabile.

d. d. d. Vena in Meninge durâ in
Sinum tertium se exoneran-
tes: quibus uniuntur Arte-
ria a. a. a. per anastomo-
ses t. t. t. t.

e. i. i. Arteria Vertebralis per basin
Cerebri currens ad Sellam in
esse Sphenocide s.

z. z. z. Arteria ad dentes superioris
maxilla tendens, qua ad illo-
rum radices sunculos y. y. y.
porrigit.

o. Ramus Iugularis externa in sinistro
latere faciei excurrents.

0. Ramus Carotidis majoris reflexus,
ad plexum Chorocidem tendens.

1. 1. 1. Alter illius ramus per substan-
tiam Cerebri excurrents, illi, sangui-
nem pro nutritione & spirituum gene-
ratione tribuens.

κ. Vnio arteria θ. cum ramo dextræ
arteria Vertebralis s. s.

λ. λ. Arteria hujus unita progressus ad
plexum Chorocidem z. z.

μ. μ. μ. Surculi à venâ Y. cum arte-
riis 1. 1. 1. uniti ad g. g. g.
sanguinem superfluum ab il-
lis reducens ad sinum quar-
tum.

ν. ν. ν. Ramuli arteriarum à plexu
Chorocide sanguinem in Cerebri sub-
stantiam educens.

Λ. Λ. Sinus secundus.

ω. ω. Vena sanguinem à Falce ad
Sinum quartum S. S. reducen-
tes.

Ξ. E. Arteriarum Vertebraliū per
septem colli vertebra, qua punctū di-
stinguuntur, progressus.

Ξ. Ramus Vena Frontalis per sinu-
stra capitis distributus.

σ. σ. Sinister ramus arteria Verte-
bralis ad Sellam divisus & absis-
sus.

υ. υ. υ. Arteria à ramo majore Car-
otidis ad oculum tendens.

φ. Arteria Vertebralis ad Cerebellum
progressus.

φ. Vnio arteriarum Vertebraliū ad
primum Cranii foramen.

Ω. Ω. Orius

- Q. Q. Q. *Oritus arteriarum Vertebraliū*
 à Subclaviis arteriis.
 W. W. W. *Vena sanguinem à Cerebel-
 lo reducentes ad Sinum quartum.*
 I. I. I. I. *Vena à pia matre sangui-
 nem ad Sinum primum reducentes.*
 2. 2. 2. *Venarum W. W. progressus in
 Cerebello, qua unita cum
 Arteriis 4. 4. per substan-
 tiam Cerebelli dispersa, à
 Vertebrali ϕ . ad Venas
 3. 3. 3. sanguinem reducunt,
 atque hæc ad Sinum quartum
 S. S. emendant.*

*Figura Secunda orium Arteria Ma-
 gna & principiorum ejus ramorum osten-
 dit.*

- A. *Aorta quamprimum se à Cordis si-
 nistro Sinu erigit.*
 B. *Truncus descendens reflexus.*
 C. *Truncus ascendens.*
 D. D. *Subclavia dextra.*
 E. *Subclavia Sinistra.*
 F. F. *Bina Carotides à dextrâ subcla-
 viâ orta.*
 1. 1. 1. *Valvula tres in orificio ejus po-
 sita à Cordis Ventrículo spectantes.*



ANACEPHALAEOSIS TOTIVS CIRCVLATIONIS SANGVINIS PER TOTVM CORPVS.

CVM cibus ore manducatus & præparatus per *Oesophagum* deorsum ad *Ventriculum* deducatur, ibique calore ejus ingenito, nativo Hepatis adjuto, concoquatur, & in *Chylum* vertatur; hinc postea in *Intestina* excluditur; à quibus per *Venas Lacteas* ad *Pancreas*, ubi humiditatem crudam & aquosam deponens, exinde per vascula quædam *Lactea* majora per *Portam Venam* ascendente, ad *Hepar* deferretur. Ubi alteram subit concoctionem, & ab excremento bilioso separatus, colorem hic rubrum est adeptus, & *Sanguis* vocatur. Hinc ab Hepatis parenchymate, per furculos quosdam Tab. XVII. A. A. *Venz Cavæ*, in *Cavam* eripitur, quâ unâ cum sanguine sursum in illâ profluente, ad *Cordis dextrum Ventriculum* deducitur. Atque hinc in *Arteriam Pulmonis*, quæ cum *Venâ* ejusdem per Anastomoses unita, in illam refrigeratum & temperatum deponit, per quam in *sinistrum Cordis Sinum* transmittitur. Vbi ulterius elaboratus, & ultimam perfectionem nactus, in *Arteriam Magnam* impellitur: In cujus orificio ad ostium ventriculi, tres adstantes *Valvulæ* omnem regressum denegant. Et hinc incipit omnis alimenti distributio, nec antequam hanc in Corde subivit concoctionem, alicujus particulæ nutritioni inservire poterit; ita ut ne ventriculus, aut hepar, aut ipsum Cor eo alatur; sed ab arteriis prolatum quævis Corporis pars alimentum suum recepit.

Priusquam itaque Sanguis *Arteriâ Magnâ* à pericardio excidit, furculo uno [Tab. XVII. b. c. c.] quandoque binis ad cor rursus redit, & arteriam percurrit, quæ ejus basim *Coronæ* in modum, cum *venâ* sibi adjunctâ *Coronali* [Tab. XVII. l. c. c. c.] diâ& amplectitur; & usque ad apicem furculos emittens, Cor benigno hoc liquore irrigat totum. Quod verò sanguinis restat, & à nutritione illius abundat, *venæ* ejus *Comiti*, per anastomoses emandatur, & ad *Cavam* [Tab. XVII. B. a. a.] juxta dextri Cordis ventriculi orificium deferretur.

Hoc furculo emissò, & Corde alito; *Aorta* [Tab. XVII. E.] sub trunco *Venæ pulmonariæ* [D.] ascendit nonnihil, & pericardium perforat; quod ubi superaverit, in duos truncos dividitur, quorum alter ascendit Tab. XVII. F. alter descendit. G. G. De

ascendente trunco statim, de Descendente verò nunc dicturi sumus; quo Sanguis ad partes inferiores pro nutritione defertur. & Cavæ truncum ascendentem Tab. XVII. B. N. P. ad cordis ventriculum dextrum ubique comitatur.

Truncus descendens Tab. XVII. G. G. sinistrorsum declinans, Vertebrarum sinistro lateri adhæret, sicque sensim descendit, versùs Diaphragma. In itinere verò, à posteriore ejus parte, ramulos utrinque octo ad costas transmittit. Tab. XVII. H. H. H. qui venas I. I. I. K. K. K. à Venâ sine pari. L. Comitantur; in quas arteriæ hæ intercostales per anastomoses se exonerant; rectà secundum humiliorem costarum partem, ubi ipsarum gratiâ sinus peculiare sunt exculpi, progredientes, inter costas legitimas cartilagineas tantum costarum attingunt; in spaciis ulterius nonnihil, uti & venæ provehuntur. Ex his arteriarum furculis, quosdam per vertebrarum foramina, à quibus nervi prodeunt, ad spinalem Medullam transmissos invenietis, quibus etiam venulæ associantur; quæ abundantem à nutritione Spinz sanguinem ad venas Intercostales reducunt. Et per hanc vasorum distributionem, optimè explicatur aphorismus Hippocratis in Coacis prænotionibus. Ubi inquit. *Quod si torus pulmo inflammatus fuerit, unâ cum Corde, ut ad latum allabatur, torus statim resolvitur, & jacet frigidus, sensus exori, moriturq; secundâ aut terciâ die. Si verò etiam sine Corde contigerit, idq; minus, diutius vivunt; quidam autem etiam feruntur.* Ad cur resolvuntur? Quia ob inflammatum à Cordis & pulmonum incendio sanguinem, Aorta, & consequenter arteriæ intercostales hæ multum distenduntur; atque ideo cum minutilla hæc Vertebrarum foramina penetrent, ultra naturalem statum elatz, exeuntes nervos ut comprimant est necesse: Spirituumque inde influxus denegatur, atque hinc partium resolutio. Ex horum vasorum distensione etiam dolorem illum tensivum in dorso inter Scapulas, in Variolarum & accessionum febrilium initio oriri statuamus; cum ob calorem insignem nimiumque rarefactum sanguinem, vasa hæ præter naturam distendantur.

Postquam Costas & musculos intercostales, benigno sanguine suis emissis rivulis irrigavit Arteria Magna; statim atque è Thoracis cavo fit egressa, in humiliorem Diaphragmatis sedem binas, utrinque unam emittit, Tab. XVII. M. Venas N. ex cavâ emissas comitantes; quæ in plures ramos dissecat, per totam ejus substantiam disseminantur, quibus Sanguis ad Septi nutritionem transfertur. Venæ quas hisce adjunctas esse modò diximus, & cum illis per anastomoses ubique conjunctæ sunt, sanguinem ab illis recipiunt, & in Cavæ truncum per ostiola duo Tab. XVII. N. quibus valvulæ apponuntur, ne à cavâ rursus refluat, exonerant. Vasa hæc tam venæ quàm arteriæ Phrenica dicuntur.

Ubi Diaphragma superavit, ramus insignis luxuriat, qui quia ex majori parte ad ventriculum delegatur, *Celiacæ* dicitur. Tab. XVII. O. à *celiâ*, ventriculo. quem præcipuè sanguine irrigavit, ramos tamen Hepati Tab. XVIII. c. & vesiculæ felle; Omento, Duodeno intestino, Jejuni initio, Coli parti, ut Tab. XVII. f. Pancreati & Lienis, [g. g. g.] ramum insignem impertit, quibus omnibus sanguinem defert: & venæ quæ hisce adjunguntur, superfluum à nutri-

Lib. 2. cap.
16. apud.
32.

tionem

tione sanguinem spiritibus destitutum recipiunt, & per Portam in Cavam reducunt.

Paulò infra Cœliacam prodiit Mesenterica superior, Tab. XVII. P. P. Quæ in modum melaraicarum venarum, numerosis propaginibus in Jejunum & Ileum intestinum, tñm eam Coli regionem, quæ à cavo Hepatis ad renem dextrum usque pertingit, sicque in superiorem Mesenterii partem distribuitur, & per hanc sanguis illorum nutritioni adducitur: cum Venis Mesaraicis per anastomoses uniuntur, quibus sanguis Mediante Porta Hepati rursus offertur. Adeò ut mirum non est, humorem illum in venis hîsce contentum, quem Chylum esse supposuerunt Antiqui, instar sanguinis rubescere.

Per Arteriam hanc & cœliacam, humores vitiosi à toto Corpore per secessum deturbantur; per vomitum etiam nonnunquam educuntur, gratiæ ramulorum illorum ventriculum adeuntium.

In Arteriis hîsce si venas, quibus associantur, addatis, Melancholiz Hypochondriacæ sedem esse arbitratus est Spigelius. Illas autem hoc morbo affectas esse, continuillarum pulsatio vehemens, calorque inde insignis facillè suadere potest. Sed an Materia vnde status illi suscitantur, in vasis hîsce retineatur, non immeritò dubitamus, cum à perpetuo sanguinis profluvio proluerentur & agitentur. Sed à vasis hîsce rectius proculdubiò humores illos in spongiosum Lienis parenchyma & Pancreatis effluere pronuntiemus. Quæ duo viscera sanguinis sunt Colatoria, ubi Crassæ & Viscosæ partes detinentur; primæque concoctionis vitiosi humores in Pancreate separantur, quod in affectu hoc præcipuè laborare animaduerimus. (Idque partim à situ doloris, & partim ab arteriarum harum pulsatione vitiosâ, per Medium Pancreatis transcuntium, colligimus.) Secundæ verò & ultimæ in Corde concoctionis viscosæ partes in Lienedeponuntur; quem etiam hoc in morbo non minus laborare cruciatus laterales abundè testantur. Per Arteriarum harum furculos, humores etiam hosce evacuari posse non dubitamus, viamque per secessum, vomitum, & urinas non incongruam fuisse, ipsa arteriarum origo & progressus facillè doceat.

Sub hîsce enim statim penè prodeunt *Emulgentes*. Tab. XVII. Q. Q. quibus sanguis serosus ac tenuior Melancholiz pars sæpissimè ad Renes emandatur. Quorum perfectam historiam unâ cum Venis Emulgentibus. R. R. in primo habetis.

Infra hanc Emulgentium germinationem *Spermatice* sive *Seminales*, ex truncul arteriæ parte anteriori duæ, sed contiguus principis enascuntur. Tab. XVII. S. Postea descendentes venis sui lateris attenduntur. h. h. h. h. In viris per Peritonzi processum ad Testes deferuntur Tab. XVII. S. S. T. in latere dextro, quibus Venæ h. h. sanguinem qui à testium nutritione & seminis generatione abundat, in Cavam & Venam Emulgentem sinistram refundunt.

In feminis in duas partes scinduntur Tab. XVII. i. i. i. i. prior ad illarum testes (V.) tendens; alter verò hujus furculus ad fundum uteri deferitur. k. k. k. Prioribus sanguis ad Testium nutritionem, & seminis generationem conceditur; & superfluum revehit Venæ furculus m. m. m. h. Posterioribus irrigatur uteri fundus, & abundantem sanguinem reponit ramus. l. l. l. h. Quas fusius libro primo expos-

suimus. Ex origine & situ harum arteriarum aph. 32. sect. 5. Hipp. explicari poterit, *Mulieri sanguinem vomenti erumpentibus mensibus, vomendi finis est.* Hoc fit revulsione per arterias hasce factâ; quarum exortus ab arteriâ celiacâ non tam multum distat, sed qui errore naturæ per de-vas errasset fœmitas facillè per viam magis naturalem revocatur.

Inde Arteriæ Lumbares quatuor, à posteriori trunci Aortæ sède, secundum ipsius longitudinem, dum circa lumborum regionem progrediatur, exoriuntur. Tab. XVII. n. n. n. n. Hasce muscoli lumbares, partelque adjacentes irrigantur. Et in lumborum vertebrae, per foramina ex quibus prodeunt nervi penetrantes, ad spinalem medullam surculos largiuntur; per cujus latera utrinque etiam ad Cerebrum usque unâ cum venis lumbaribus associantibus, ascendunt. Harum duæ cæteris sunt majores, quæ non solum medullam spinæ & musculos adjacentes irrigant, sed transversim etiam per Peritonæum & musculos Abdominis transmittuntur. Posteriores duæ harum arteriarum ab Anatomicis *Musculæ* dicuntur.

Ex Arteriarum hac digressionem, & cum spinali medullâ, per foramina Vertebrarum, è quibus exeunt nervi ad inferiores partes, communicatione, dubium illud insigne ex observatione Pauli Æginetæ lib. 3. cap. 4. suscitatum. *Quomodo, scilicet, Colici dolores in Paralyfin aut Epilepsiam terminentur*; facillimè solvi poterit. Spigelius hoc per materiam per arterias Mesentericas translationem fieri voluit: Quasi Materia in Intestinis dolorem faciens in tenuissima arteriarum Mesentericarum ora se insinuaret, atque in arteriæ Magnæ truncum regressa, ad lumbares hasce perveniret; quæ turgescerent vicinos compellerent nervos, ex quibus crurum paralyfis.

Verum materiæ hic refluxus per arterias, motu quodam sanguinis cursui in illis contrario, omnimodo impossibilis videtur: quomodo enim humores spontè contra impetum sanguinis violento cordis impulsu transmissi, contrarii possint, rationi consentaneum non est. Nihil enim illos fortiori impetu attrahit, cum naturæ prorsus sint inimici; Nec impellit, dum motus illorum per intestina, & per sedem evacuationis non minus levaminis naturæ attulerit, quàm translatio hæc inordinata & non naturalis.

Commutationem itaque hanc affectuum, doloris scilicet Colici in Paralyfin, aut Epilepsiam, humorum metastasi fieri arbitramur. Non verò illorum qui jam in intestinis, illorum membranas lacefferunt, sed qui per arteriam Mesentericam inferiorem Tab. XVII. X. ad Colici doloris continuationem, in intestinis fluxuri erant, in arterias hasce Lumbares (quarum origo priori quàm proxima est) cum sanguine ad spinam tendente, impelluntur. Quæ verò crasso hoc humore turgescerent, nervos ex Spinâ prodeuntes comprimunt: unde spiritus liberè ad partes inferiores transmitti nequeunt, atque inde crurum paralyfis. Idem enim commune foramen utrilque, arteriarum scilicet ingressui, & exitui nervorum inservit. Si itaque unus vel alter præter naturam distendatur, alterius compressio necessariò insequitur. Epilepsia verò vel Lethargus dolori colico superveniunt, si humores illi in Lumbares arterias impacti, per arterias ad Spinæ latus, ad Cerebrum usque ascendunt, ad quod vasa hæc transigrare ostendimus. Tab. XVIII. fig. 12. z. z. n. n. Ob

Ob Vasa hæc lumbaria, quorum exortus tam vicinus sit illorum origini, quæ ad Uterum feruntur; de quibus supra; in mulieribus menstrualibus dolores magni in dorso & ad lumbos percipiuntur. Et tales dolores vel sunt menstruorum, viam ad *καθαρὴν* affectantium prænuntii, aut interclulorum confectarii. A micantium arteriarum, ob repletionem nimiam, appulsi, & muscutorum lumbis adjacentium oppressione enascuntur. Cum enim natura evacuationem illam sit molitura, onus illud sanguinis ad arterias, utero oblatis emittit, quæ cùm ob copiam, totum continere nequeant, partem illius, vicinitatis gratiâ, lumbaribus hæc communicant, adeò ut omnes præter naturam distentæ, dolores hosce gravativos efficiant; donec in utero illarum ora nimium distenta aperiantur, quantitas illa vasa distendens evacuetur. Dolores hi gravius percipiuntur, faciliusque ac periculosius ægrotant steriles, aut partus inexpertes à menstruorum suppressione; gravidis enim & quibus menstruorum suppressio consuecta sit, vasa Uterina illisque contermina majorem distensionem acquisivère; atque ideò ob capacitatem insigniorem dolores minus percipiuntur.

In parte anteriore trunci Aortæ, priusquam in ramos Iliacos dividatur, juxta sacrum os, Mesenterica inferior enascitur. Tab. XVII. X. Et in Coli intestini sinistram partem, Rectumque, cum venis hæmorrhoidalibus, ad extremum usque anum descendens, arterias hæmorrhoidales internas constituens extenditur. Tab. X. d. c. c. e.

Usus hujus insignis furculi, præter nutritionem partium quibus feruntur, multiplicem largita est natura. Atque primò in mensium suppressione, (ob vicinitatem cum arteriis uterum potentibus, mensisque evacuantibus) Hæmorrhoidalibus Venis, quibus hujus arteriæ furculi per anastomosin adjunguntur, Hirudines rectè multoque cum emolumento applicantur, uti Zacutus Lusitanus plurimis testatur experimentis. Neque quemquam à veritatis hujus amplexu cogat, quòd Venæ hæc nullam cum Utero habeant communionem, sed à ramo Portæ descendant, sufficiat unio hæc cum arteriis, quæ ob originis vicinitatem, æque sanguinis copiâ gravantur in mensium evacuatione, ac illæ Uterum immediatè petentes. Atque ideo si in hæc sanguinis motus concitator concilietur, ad arterias Uterinas conterminas copiosius etiam affluere est necesse. Talem inter arterias hæc communionem fuisse, præter doctissimorum observationes, mensium revulsio, tempore evacuationis nondum peracto, abundè demonstravit. Cùm enim à Clynicis satis imperitis admoveantur Hirudines cùm ad *καθαρὴν* moverunt menses; aut fluentibus illis, si natura à motu naturali per Uterum fuerit impedita; adeò ut arterias hæc hæmorrhoidales, vel distendat vel aperiat; fluxus ille per Uteri vasa statim divertitur; & quasi semita antiquæ & consueta fuisset oblita, novas petit vias, illasque periculosas & inordinatas.

Per arteriam hanc, apertis Venis Hæmorrhoidalibus vel arte vel natura, humores Melancholici ac serosi evacuantur; atque sic Lien, Renes, totumque Mesenterium à cænosia ac vitiosis humoribus liberantur. Hujus enim exortus ab arteriis emulgentibus, & ramo lieni oblato non multum distat, adeò ut ab utrisque faciliè ruentes derivet humores.

Vasa autem Hæmorrhoidalia duplicia recteque statuerunt Anatomici; eaque vel interna fuisse, vel externa. Interna Vasa sunt arteria hæc Mesenterica, quæ in posteriora Recti intestini implantatur, & Vena ejus sociæ, quæ frequentibus anastomosibus cum illâ unitâ, per Mesenterium repens, sanguinem ab arteriâ hæc prolatum, in Portam exonerat. Quæ si à naturâ vel arte sanguinem effundant; consuetis multum inde levamen accrescit; suppressâ verò ista evacuatione, gravia inde exoriuntur symptomata. Atque hoc in loco aphorismum Hippocratis sect. 6. aph. 12. optime explicare possumus. *Vbi (inquit) à diuturnis sanato hæmorrhoidibus si una omnino non seruetur, periculum est, aquam intereantem, aut tabem supervenire.* Hoc est si humores, quos Natura per arteriam hanc, vel illam, quæ externam hæmorrhoidalem constituit, (de quâ statim dicturi sumus,) evacuare soleat, non excernantur, sanatis utrisque, tam internis quàm externis hæmorrhoidibus; periculum est quin humores illi regressi, idq; vel per venam Portæ furculum, in hepar effundantur; ejusque crassin naturalem subvertentes, *aquam intereantem*, hoc est Ascitem Hydropis speciem faciant. Vel si per externam arteriam evacuari consueverint, eaque suppressa fuerit evacuatio, & per venam hæmorrhoidalem externam in cavam exonerentur; quia statim unâ cum sanguine pulmonibus deferuntur; ob mollem ac teneram illorum substantiam, facile corumpuntur, atque sic tabes supervenire poterit. Et hoc est quod in observationibus Medicis ubivis reperitur. Quos, scilicet, *sistitis aut diu afflicti imprudenter Medici sanarunt, isti in sputum sanguinis, & inde in tabem inciderunt.* Ad præcautionem verò suadet Hippocrates, ut utraq; non sanentur; sed vel interna vel externa aperta seruetur, ut humores per illam evacuentur. Humorum verò per hæc effluvium, multorum morborum, testante Hippocrate, remedium est. sect. 6. aph. 11. *Melancholicis & Nephriticis, hæmorrhoides supervenientes boni sunt.* Et aph. 21. sect. ejusdem. *Insanientibus si varices, aut hæmorrhoides superveniant insaniam solvunt.*

Et jam ubi ad ultimam lumborum Vertebra truncus hic aortæ pervenerit; cum toto ductu quem enarravimus, sub venâ cavâ ad latus sinistrum iter habuerit; hic Venam conscendit, ne ab ossis sacri duritiæ, in continuo ejus motu atteratur. Hic non secus ac Vena Cava in duos ramos dividitur, Tab. XVII. Y. Y. & arteriz ac venæ Iliacæ nominantur. Ad divisionem in ipsa trunci bifurcatione enascuntur Sacrz. o. o. quæ deorsum sacro ossi innitentes delatæ. ipsius foramina ingrediuntur, & ad medullam, partesque sacri ossis posticas excurrunt: quibus venæ per anastomoses unitæ adjunguntur, sanguinem in Venas Ilicas reducentes.

Hinc paulò infra divisionem in alios duos furculos distribuitur utraq; Iliaca. In interiori scilicet Tab. XVII. f. f. & exteriore Z. Interior Iliaca duas propaggines educit priusquam peritonæo excidat. Ab exteriore sede Glutea. p. p. enascitur, quæ cum venâ ejusdem nominis in Sacrum, & Coxendicis os descendit: pluresque ramos ad musculos, Glutæos dictos, natium authores porrigit. A quibus sanguinem reducant in Ilicas venæ ejusdem nominis. q. q. q.

A sede autem interiori Iliacæ interioris vas amplum & insigne Hypogastricum dictum exoritur, quod vesicæ fundo & cervici, Recto, & Ano loboles in viris largitur, Tab. XVII. r. r. r. r. Hæmorrhoida-

Vena
Iliaca.
Interior
Iliaca.
Glutea.
Os sacrum
& coxendicis.
Musculi
Glutei.
Vas Hypo-
gastricum.

les arterias externas constituens. Tab. X. f. f. f. f. In Mulieribus præter dictas partes, inferiore etiam fundi uteri regionem, & cervicem pariter numerosis propaginibus irrigat. Hisce sicuti & à ramo arteriæ spermaticæ. k. k. k. sanguis ad uterum tam ad nutritionem quam ad mensium purgationem deducitur, & in venas uteri impellitur; quæ ideo maximè intumescunt. In dissectione septuplo illas esse majores observavit Spigelius. Per arteriæ hujus furculos sanguis venis in cervicem Uteri communicatur, unde in gravidis etiam menses emanare possunt. Carolus Piso & alii per has solas in omnibus sanguineas purgationes menstruatim effluere existimârunt. Illas etiam in uteri fundum digestas, in evacuationibus illis nequaquam fuisse otiosas, ex dissectione forinæ menstruatæ observavit Spigelius, Vidimus, inquit, *Hypogastricos ramos & vasa spermatica cum testibus sanguine repletos fuisse, ipsumq; uterum crassioris sanguinem apertis internæ uteri parte venarum osculis, & manifestè patentibus, sudisse. Vidi tamen his in aliis, ex vasis cervicis tantum uteri, non etiam ex utero, & in aliâ contrâ ex solo utero fluxisse: frequentissimum est tamen ut ex utrisq; purgentur, nec non nisi præter naturam ex alterutro, cum obstructions fluxum impedire videantur.*

Hæmorrhoidales arteria externa. Erym nsum. Arteria spermatica.

Hinc rationem petamus cur menses supprimantur, & dolores in imo ventre fiant; si uterus ad Coxam decubuerit. Sanguis enim qui ad uterum movet, ejus decubitu, arteriis compressis per ora vasorum illius deponi nequit: unde necessariò vasorum nimia distensio, & proinde dolores insequuntur.

Atensum suppressio & dolores ventris unde.

Præter hunc arteriarum usum, quem statim tantum temporibus utero suppeditant, Illi etiam alimentum ut in cæteris partibus deducunt, cujus exuperantem copiam venæ ejusdem nominis Tab. XVII. u. u. u. u. reducant, & in ramos Iliacos effundunt; ut inde in promptuarium illud magnum Venam Cavam deferatur.

Vena Cava.

Ab Iliacis hisce surculis internis *Arteria Umbilicales*, quæ validis ligamentis juxta vesicæ latera connectuntur, ascendunt. Tab. XVII. z. z. z. z. de quibus libro primo fufus plura videatis. Quæ ab Iliaco ramo hoc interiore enascuntur arteriæ, modò descriptæ, in abdomine ut plurimum dispensantur: postea verò cum Venâ Iliacâ interiore per foramen ossis pubis transit; à quo ubi discessit in musculos vicinos qui ab osse pubis enascuntur, absumitur: donec ad medium femoris per patentem anastomofin, in venam sui nominis, & in itinere comitem terminatur.

Arteria umbilicales.

Iliacus venter.

Vena Iliaca interior. Os pubis.

Ab Iliacâ arteriâ majori & externâ Epigastrica arteria Tab. XVII. 1. 1. sursum reflexa, ac per internum musculi recti abdominis latus ascendens exoritur. Quæ circa umbilicum cum Vena Mammaria descendente 1. 1. 1. per anastomoses *, *, *, *, *, multiplices conjunguntur; quarum historiam perfectiùs supra descriptam habetis.

Iliacâ arteria major.

Arteria epigastrica externa.

Vena mammaria descendens.

Arteria Pudente.

Ortus & progressus.

Inde altera *Pudenta* dicta enascitur, Tab. XVII. 2. quæ in penis cutem abit, cui vena in Iliacam externam se exonerans. Tab. XVII. 3. adjungitur. Quod reliquum est hujus arteriæ in Crus totum, usque ad extrema digitorum pedis, unâ cum venis absumitur. Venæ autem, cum particulæ quælibet suum attraxerunt alimentum, reliquum in Cavam exonerant; In quibus valvulæ plurimæ sursum spectantes omnes, ad faciliorem sanguinis ascensum, & ne vasa illa infe-

medium descendentes anastomizantur. x. x. x. x. Et non solum cum istis uniuntur, sed & cum arteriis per posticas partes repentibus, i. i. i. i. x. x. x. & arteriis per duram matrem vagantibus Tab. XVIII. fig. 12. a. a. a. Cranion per futuras aliaque foramina penetrantibus, per anastomosis junguntur. γ. γ. γ. γ. Ac insuper arteriaz prædictæ k. k. k. Exteriora capitis irrigantes, cum interioribus vasis, scilicet venis per futuras sinum tertium petentibus, m. m. m. per anastomoses quasdam conjunguntur. I. I. I. I. Venæ omnes illæ u. u. u. cum arteriis posticis & interioribus unitæ, ut dictum est, in fronte ad capillorum radicem conjunguntur, unamque constituunt venam, O. Quæ in Maniâ Cerebrique vel meningum inflammatione utiliter inciditur: sanguinem enim nimium calentem, immediatè à Cerebri Membranis exhaurit. Deinde medium frontis percurrens, ad radicem Nasi bifurcatur, & utrinque per oculorum Canthia majora, & sic per buccas N. N. N. usque ad auris radicem feruntur, ubi in Iugularem externam se exonerant.

Vena quænam in Maniâ Cerebrique vel Meningum inflammatione incidenda & quare.

Interior Carotidis ramus. H. H. H. cum venâ Iugulari internâ E. E. E. ascendens, in fauces desertur, ac Laryngi & linguæ parti inferiori propagines satis insignes largitur. f. f. f. f. Quibus distant venæ Raninæ dictæ, satis conspicuæ, à ramo interno Iugularis externæ, g. g. g. in quas per anastomoses unitas se exonerant. Atque ideò in oris affectibus, faucium ardore & Anginâ, post sanguinis emissionem, ad revulsionem, in brachio institutam, magno cum emolumento ad derivationem, venæ hæ Raninæ inciduntur. Arteriæ enim hæ quæ in hæc venas se exonerant, singulis istis partibus sanguinem communicant; quæ exhauri, hoc modo, partes à sanguine nimium calente liberantur.

Interior Carotidis ramus ejusque progressus.

Venæ Raninæ.

In quibus affectibus incidenda.

Inde interior hic Carotidum ramus circa calvariæ basin in duos inæquales ramos dividitur, Minorem scilicet & Majorem. Minor & posterior I. I. cum venâ Iugularis internæ ramo majore K. ad Cranii posteriora fertur, per Occipitii foramen secundum ingreditur, ac crassæ membranæ Sinum primum R. & secundum A. cum Iugulari subit. Major & interior ramus H. ubi per foramen proprium in osse temporum exsculptum, Cranii cavitatem est ingressus, atque ad ossis Cuneiformis sedem pervenerit; sub durâ matre utrinque ramum in latus crassæ membranæ impertit, Q. a. a. a. a. Quæ sanguinem superfluum venis illis δ. δ. δ. ad Sinum tertium tendentibus, & cum hujus ramulis unitis ad τ. τ. τ. τ. tradit. Inde ascendens ramos emittit, rete mirabile constituentes, Δ. Δ. Deinde Crassam Membranam perforans, ex quâ ubi emerferit, propaginem aliam, per Cuneiformis ossis foramen secundum ad oculos ejusque musculos propagavit. Tab. XVIII. fig. 12. v. v. v. Inde rectâ ascendens, ad latus Glandulæ pituitariæ, in duos ramos dividitur. Quorum interior in plurimas soboles germinantes, per tenuem membranam, Cerebrique substantiam absumentur.

Interioris rami Carotidum divisio.

Os Cuneiforme.

Rele mirabile.

Glandula Pituitaria.


1. 1. 1. 1. 1. 1. Exterior reflexus & tenui membranâ suffultus, in Cerebri priorem ventriculum abit, δ. x. λ. λ. qui aliis arteriis à Cerebro provenientes unitus, Plexum Chorocidem Z. Z. constituit. Arteriæ hæ sanguinem post nutritionem & spirituum generationem relictum, in Sinus Crassæ Membranæ exonerant, qui rursus in Iugulares internas, atque inde in Cavam deponunt. Atque hinc Cor rursus pe-

Plexus Chorocider.


tens, calorem novum aliosque spiritus inde recipiens, quasi redintegratur.

Epilogus.

Atque sic opus nostrum Anatomicum exegimus; ubi humorum transitum ad singulas partes monstravimus, vialque quibus alimentum distribuitur, & transmissum ad regenerationem & renovationem reducitur. Si quid Medica Reipub: inde accrescat boni, est quod gratias nobiscum agatis Sapientiae datori. Si quid rarum hic inveniatis, quod fides habeat suspectum; aut admirationem excitet; hoc vellemus, ut testatum fiat, quanta insit admirabilitas fabricationi corporis nostri, quantaque sit sapientia & ars incredibilis ipsius Conditoris, ut non sine admiratione fatetur vel ipse Galenus, lib. de factuum formatione. *Κατὰ κρῆν τὴ σῶμα τῶν ἡμῶν, αὐτὰν ἐνδεδυκτὰ τῇ ποιήσει. αὐτὸ σοφίαν τε ἀμὰ καὶ δύναμιν.* Fabricam corporis nostri summam opificii & sapientiam & potentiam praeseferre. Præter enim admirabilem illam in utero formationem, ubi partes singulae quasi sponte locos suos designatos petierunt, promptequæ Conditoris nutum observarunt, qualibet particula divinitatem suadet, ut à partium contemplatione numen agnoscat vel Cæli nescius. Quam hominis fabricam divinam non minus divinè exprimit Sanctus Iob. *Manus tua more siguli formârunt me Domine, atque architectatæ sunt: Nonne ut lac me mulsisti, & tanquam caseum coagulasti? Induisti me pelle & carnibus, deque ossibus & nervis compegisti. Vitam mihi pro immensâ tuâ misericordiâ largitus es, atq; etiamnum procuratione assiduâ spiritum mihi tueris meum.* Hæc omnia leviter decerpendo, non tam explicuimus, quam rudiore penicillo delineavimus: idque non eo ut Cornicum oculos, quemadmodum dicitur, hoc est, ut si quid apud Majores nostros fuerit supra admirationem, id reddere suspectum, aut Posteriorum verendam pietatem, & disciplinam censorio more sugillare cuperemus; (quid enim hoc aliud esset quàm *mingere in cineres patrios?*) Sed ut iis, qui nobis plus possunt, qualemcunque stimulum adderemus, ut experiri & ipsi aliquid, ac posteritati benignè vellent communicare.



F I N I S.



INDEX

A parte superiore harum arteriarum : subclavicularum scilicet, germinant *Mammaria* Tab. XVII. *d. d.*, quæ cum Venis Epigastricis sub rectis musculis junguntur ; ut in libro secundo fufius describimus. Hæcæ adjunguntur venæ *s. s. s.* quæ cum arteriis Epigastricis per Anastomoses unitæ, sanguinem ad venas subclavias deducunt.

Præter Mammarias, Arterix *Cervicales* Tab. XVII. *n. n.* musculis cervicis inferientes ac *Vertebrales* Tab. XVII. *w. w.* & Tab. XVIII. fig. 12. *o. o. z. z.* per transversos vertebrarum cervicis processus, ad Calvariam usque prorepentes, qui colli musculis, vertebriis, & spinali medullæ, in cervice, alimentum præbent ; Quibus venæ ejusdem nominis adstipulantur.

Subclavix hæ Thoracis cavitatem egredientes, *Axillares* dicuntur : à quibus in parte inferiore, *Thoracica Superior, & Inferior*, ac *Scapularis* ; Tab. XVII. *v. v.* à parte superiore *Humeraria. l. l.* partibus hæcæ, quas percurrunt, sanguinem deferentes, enascuntur. Quas comitantur Venæ ejusdem nominis, à Subclaviis ortæ, sanguinem redecentes. *µ. µ. v. v.* Thoracica hæ superior arteria *t. t. t.* & inferior *x. x.* præter communionem, quam cum venis, suis comitibus habent, etiam venis Mammariis & Intercostalibus *γ. γ. s. s.* per anastomoses ad *σ. σ.* & arterix Mammariæ *δ. δ.* cum venis Thoracicis *µ. µ.* ad *τ. τ.* & arterix intercostales venis thoracicis inferioribus & superioribus *ν. ν.* per anastomosen etiam ad *ω. ω. ω.* uniuntur, quibus redundantem sanguinem ad Subclavias Venas impellunt.

Ita ut præmissa Revulsione per latus oppositum in Pleuritide, venæ sectionem in eodem latere, ad derivationem rectè institui suadeat tam hæc vasorum unio, quam veterum experientia. Venæ enim Intercostales sanguine nimium extumescentes, extra quas in pleuram divagatus fuit ; hoc modo bifariam exinanitæ sunt : Venâ scilicet in brachio sectâ, arteria Brachialis *π. π.* ac proinde Subclavia celerrimè evacuantur ; sanguis enim ad datam portam, orificium scilicet in venâ tufum, affatim propellitur, & arterias illas Thoracicas *s. s. x. x.* aliquantulum quasi negligit, tantam illis copiam non communicando, ut solebat : quia patentiore & liberiore exitum per vulnus inflictum adeptus est. Et sic ex consequenti minus sanguinis ex arteriis Thoracicis ad Intercostales venas *γ. γ.* per anastomoses *σ. σ. σ.* traducitur, ergo minorem copiam continere necesse est. Secundò, Venæ Intercostales evacuantur, cum illis arterix Intercostales *H. H. l. l. l.* minorem jam quantitatem quam antea tradant ; hoc fit cum copiam illam extendentem, in Venas Thoracicas *µ. µ. v. v.* penè inanitas per anastomoses *ω. ω. ω.* effundant. Atque hæc thoracicarum vacuitas accidit, dum Medianâ *φ.* aut Hepaticâ *ψ.* sectâ, sanguis nullus in Axillarem *Δ.* excurrit ; sed Thoracicæ in vacuum illam facili & affatim exonerant ; adeò ut vasis hæc Intercostalibus inanitis, minus in pleuram effluat sanguinis, & sic dolores minorentur.

Reliquum ex Axillari utrinque Brachium accedit. Tab. XVII. *π. π.* quod cum venis per Anastomoses *σ. σ. σ.* ubivis unitur. Sanguis verò à nutritione reliquus, per venas cephalicam *ψ.* & Hepaticam *χ.* rursus ad Axillares transfertur.

Arteria
Mammaria.

Vena Epigastrica.
Musculi
villi.

Arteria
Cervicales
vertebrarum
nervi.

Vertebrales,
eorum
processus.

Arteria
Axillares.

Thoracica,
Scapularis.

Fluoracica.
nervi.

Eorum nervi
& omnia.

Arteriarum
Thoracicarum
communis.

In pleuritide in quo latere venæ sectæ infundenda.

Vena Axillaris
& Hepatica.

Vena Cephalica & Hepatica.

*Arteria
dextra sub-
clavia.*

*Rami Ca-
rotides.*

Septales.

Eorum

progressu.

Arteria

arteria.

Vene In-

terna.

Quod de Ascendente trunco restat, ad superiorem sterni partem, Dextra subclavia in duos ramos finditur, quos Carotides Tab. XVII. $\pi. \pi.$ & Tab. XVIII. fig. 12. A. A. & fig. 22. F. F. five Soporales appellant. His obstructis statim denegatur Cerebro alimentum vitale, à Corde defluens. Inæquales sunt magnitudine, cum dexter multò sit sinistro major. Ad colli latera rectè versus superiora tendunt; Asperæ Arterix & Venis Iugularibus internis, Tab. XVIII. E. E. E. Membranæ beneficio connectuntur, & furculos quosdam ad Cervicis & Laryngis Musculos emittunt. Tab. XVIII. fig. 12. a. a. a. & cum Iugularis externæ ramulis b. b. b. b. per anastomoses uniuntur; Ac ubi in fauces pervenerunt, in duos ramos dividuntur, quorum alter externus est. G. G. alter internus H. H. H. exterior minor est, & ad buccas, faciei musculos, & ossa, nasum labiaque soboles distribuit. Tab. XVIII. fig. 12. c. c. c. d. d. d. quibus partes hæ benigno optimeque concocto sanguine irrigantur ac nutriuntur, reliquum sanguinis, ne si in arteriis commoretur, partes tadio & nausæ afficerentur, venis fig. 12. e. e. e. e. per anastomosi unitis *. *. *. *. *. *. emanatur.

Exterior

arteriarum

Carotidum

ramus ejus-

que divisio

et progress-

us.

Arteria

dentium pe-

tenita.

Ubi exterior hic Carotidum arteriarum ramus ad aurem pervenerit; circa radicem ejus bifariam dividitur: quorum alter furculus Tab. XVIII. fig. 12. i. i. i. i. i. auris capitique posteriora petit, atque irrigat: reliquum furculis Iugularis externæ t. t. t. t. quibus uniuntur, transfertur, & ab his in Iugularem externam. P. F. A posteriore hoc Carotidis exterioris ramo, Arterix binæ sub aurem Maxillam inferiorem ingrediuntur; & secundum ejus longitudinem in omnium dentium inferiorum radices disseminantur. Tab. XVIII. fig. 12. o. o. o. q. q. q. q. quibus sanguis ad dentium nutritionem defertur. Quod restat sanguinis, venis p. p. p. e. e. quibus per anastomoses committuntur, emandatur. Hisce in vasis humores acres unà cum sanguine ad dentes perveniunt; quibus illorum membranula, exquisite sentiens, interiorem eorum medullam succingens, eroditur & vellicatur; unde dolores illi dentium exquisitissimi ortum petunt. Et ab hac arteriarum dentes petentium origine, adstringentia ponè vel sub aures, meliori cum successu in dentium dolore, applicari, quàm ad tempora, facile suaderi potest. Ex hisce etiam in dentium dolore, pulsatio quædam in illis percipitur, uti Galenus in seipso est expertus. Hinc etiam magna sanguinis lucidi copia ex dente perforato aut evulso emanat; & nonnunquam ad mortem usque; ut in quodam Shaftburienfi an. 1631. à Chirurgorum vel defectu, vel incurià miserè comprobatum est. Præter unionem hanc cum venis suis sociis, cùm totam capitis posteriorem partem perrepperit i. i. i. i. i. cum venis per Sutures exeuntibus, ad Sinum tertium duræ Matris tendentibus, m. m. m. conjunguntur. n. n. n. Alter hujus arterix ad aurem divisæ furculus anteriora petit, ramulumque quandam ad maxillam superiorem emittit $\zeta. \zeta. \zeta. \zeta.$ qui dentibus superioribus inservit $\eta. \eta. \eta. \eta.$ ac venæ h. h. h. à ramo interiore Iugularis externæ proveniente, conjungitur. Atque inde per tempora, ac frontem capitique anteriora in musculos ceterasque faciei partes superiores, usque ad capitis fastigium absumptus repit. k. k. k. k. k. k. cujus furculis venæ u. u. u. u. u. u. ramuli Iugularis externæ per frontis medium

Dolores

dentium

unde.

Atroci-

menta odon-

talgica ubi

applican-

da.

Arteria-

rum Caro-

tidum unde.

I N D E X C A P I T V M

hac. Disquisitione Anatomica contentorum.

Libri Primi Partis Primæ.

CAP. I. & II. <i>De natura & divisione partium corporis.</i>	Pag. 1. & 3.
CAP. III. <i>De Ventre.</i>	4.
CAP. IV. <i>De Cuticula.</i>	4.
CAP. V. <i>De Cane.</i>	5.
CAP. VI. <i>De Pinguetudine.</i>	9.
CAP. VII. <i>De Panniculo carnosæ.</i>	12.
CAP. VIII. <i>De partibus continentibus propriis in infimo ventre continentis. De muscui abdominali.</i>	13.
CAP. IX. <i>De Peritonæo.</i>	14.

Libri Primi Partis Secundæ.

CAP. I. <i>De Partibus continentibus.</i>	15.
CAP. II. <i>De Omento.</i>	15.
CAP. III. <i>De Partibus nutriti- ni dicatis. De Ventriculo.</i>	17.
CAP. IV. <i>De Intestinis.</i>	25.
CAP. V. <i>De Mesenterie.</i>	30.
CAP. VI. <i>De Venis Mesaraicis Vulgaribus, & Vena Porta.</i>	31.
CAP. VII. <i>De Venis Lacteis.</i>	36.
CAP. VIII. <i>De Pancreate.</i>	42.

Libri Primi Partis Tertiæ.

CAP. I. <i>De Organis sanguifi- cationi deditis.</i>	48.
CAP. II. <i>De Vesicula fellæ.</i>	57.
CAP. III. <i>De Liene.</i>	59.
CAP. IV. <i>De Renibus, & his suc- centuriatis.</i>	74.
CAP. V. <i>De Testiculis.</i>	84.
CAP. VI. <i>Vesica Urinaria.</i>	84.

Libri Primi Partis Quartæ.

CAP. I. <i>De Organis ad speciem conservacionem dicatis.</i>	86.
CAP. II. <i>De Testibus ac Para- stasis.</i>	90.
CAP. III. <i>De Pene ejusque parti- bus.</i>	95.
CAP. IV. <i>De Partibus genitali- bus masculinis propriis. De Pudendo & Viere.</i>	97.
CAP. V. <i>De Semine ejusque gena- rationis modo & natura.</i>	101.
CAP. VI. <i>De Membranis factum involvantibus.</i>	111.
CAP. VII. <i>De Vasis umbilicali- bus.</i>	113.

Libri Secundi Partis Primæ.

CAP. I. <i>De medio ventre seu Thorace.</i>	117.
CAP. II. <i>De Mamillis.</i>	118.
CAP. III. <i>De Thoracis musculis & ossibus.</i>	123.
CAP. IV. <i>De Pleura.</i>	125.
CAP. V. <i>De Mediastino.</i>	126.
CAP. VI. <i>De Pericardio seu Cor- dii capsula.</i>	127.
CAP. VII. <i>De Septo transversæ seu Diaphragmate.</i>	128.

Libri Secundi Partis Secundæ.

CAP. I. <i>De Vena Cava truncæ, & sine pari.</i>	131.
CAP. II. <i>De Arteria magna.</i>	133.
CAP. III. <i>De Corde ejusque parti- bus externis.</i>	135.
CAP.	

INDEX CAPITVM.

CAP. IV. De partibus Cordis internis.	140.
CAP. V. De Vsu & actione cordis ac circulatione sanguinis.	144.
CAP. VI. De Sanguinis circulationis necessitate.	157.
CAP. VII. De Pulsu cordis & arteriarum.	160.
CAP. VIII. De Causis differentiarum pulsus à circulatione sanguinis sumptis.	163.
CAP. IX. De Vena & arteria Pulmonum.	168.

Libri Secundi Partis Tertix.

CAP. I. De his quæ Respirationi inserviunt; De Aspera Arteria.	174.
CAP. II. De Pulmonibus.	176.
CAP. III. De Vsu & motu Pulmodum.	180.
CAP. IV. De Natura Sanguinis.	190.
CAP. V. De Vasorum unione in sætu.	194.

Libri Tertii Partis Primæ.

CAP. I. De Regione Suprema, seu de Capite.	197.
CAP. II. De Pilis seu capillis.	198.
CAP. III. De Pericranio.	202.
CAP. IV. De Cranio.	203.
CAP. V. De Meningibus.	205.
CAP. VI. De Partibus contentis in Cranio.	208.
CAP. VII. De Cerebello.	217.
CAP. VIII. De Spinali medulla.	218.
CAP. IX. De Officio & Actione Cerebri.	220.

Libri Tertii Partis Secundæ.

CAP. I. De Partibus faciei.	225.
CAP. II. De Oculo ejusq; partibus externis.	228.
CAP. III. De Tunicis Oculi.	230.
CAP. IV. De Humoribus Oculi.	234.
CAP. V. De Modo Videndi.	238.
CAP. VI. De Aures, Naso, & Lingua.	240.

FINIS INDICIS CAPITVM.



*Index Rerum & Verborum in hoc opere
Anatomico contentorum.*

A

Absinthium ventriculo prodest, quia
pauca crudas partes habet. p. 10
Acidi humores in ventriculo appeti-
tum excitant, sicuti & Acetum; tuni-
cas ejus pungendo & convellendo:
hinc Appetitus Caninus. p. 25
Adepi & calidas & frigidas partes ha-
bet. p. 10 quæ circa cor inve-
nitur non liquefcit, & ignis viribus
resistit. p. 11
Adnatæ tunica ortus, progressus &
finis, ejus Arteriarum et venarum. 139
Aer an ad spirituum generationem con-
ducatur. 171. 222
Allanroideæ membrana solum invol-
vens. 112
Alopecia. 200
Amnios membrana fortè includens. 111
Anastomasis venarum Postæ cum venâ cavâ
usui & descriptio. 50
Rami splenici cum arteriâ splenicâ
ejusque usus. 65
Aneurisma unde. 114
Animalium propagatio quomodo fiat. 106
Antitragi venæ, num rectè in dentium
dolore aut morbo vulgo Rickets à
circumforancis & mulcerulis sece-
tur. 249
Anterum maxillæ superius. 226
Aortæ hystoria, substantia, ortus, tunica
et Valvula. 134 ejus officium. 135
in eo nullæ inveniuntur valvula nisi
in initio. ibid.
Aquei humoris vitia visum laedunt. ejus
officium. 234 est clipeus cristalli-
ni. ibid.
Arachnoideis, tunica oculi. 211
Apoplexiæ causa quæ. 249
Ardoris linguae in febribus causa. 253
Araneas innoxie devorare solet studio-
sus Oxoniensis. 24
Arteriarum venosæ seu venarum pulmonis hi-
storia. 162 & usus. 170
Arteriarum à seipsum movere nequeunt. 161
Arteriarum Umbilicales. 211. verus illa-
rum usus. ibid.
Arteriarum mammariarum cum venis Epiga-
stricis connexio & usus. 120
Arteriarum Hepaticarum communicatio usus. 51
Hypogastricæ. 121 cur caro-
tides sinui primo & secundo unian-
zur. 720

Afcines ex pustularum sub hepatis tuni-
câ collectarum ruptione effeiciunt. 42
Assimulatio quid. 55
Asthma unde inducitur. 172. 176
Asthmatis & dysuriæ hystoria. 172 cur
chymicis & aurifabris familiaris. 176
Atrobilis non naturaliter generatur in
corpore. 22
Atrophia ex defectu spirituum anima-
lium. 137
Auriculæ partes & usus. 240

B

Bartholini error de origine cerebri. 219
Bilis exsudatio per tunicas vesiculæ sto-
machi membranas tingens, stomachi
ardores perpetui causare poterit. 58
Bilis retenta in vesiculâ & valibus hepa-
tis sæpe in calculos condensatur. ibid.

C

Calculosi cum timere ac pallefcere
sæpe cernuntur. 75
Calidi innari residentia ubi. 2 a paren-
tibus cum semine traducitur. 2 ejus
incrementum & propagatio. ibid.
ætatè non depravatur. ibid.
principatus hujus in corde residet. ibid.
in partibus similibus etiam post ani-
mæ secessum persistit. ibid.
Calidiores cur macilentis. 81
Calor moderatus in ventriculo chylifi-
cat, intensior adurit. 27
Camera nigræ seu optice usus. 231
Capitis concussio aut ictus cur pericu-
losior in novilunio. 109
Cæci quodammodo cur efficiuntur qui
solem aspiciunt aut in nive perambu-
lant. 211
Cartilaginee Asperæ auriculae cur perfecte
annulares non sint. 125
Cartilago Ensiformis depressus them
facit & vomitum. 214
Carunculi myrtiformes. 28
Carotidum arteriarum divisio, pro-
gressus, usus & Anastomasis. 260
Cataracta sive suffusio unde. 215
Caliactæ arteriarum humores è toto corpo-
re evacuant & per vomitum & per
secessum. 253
Cavernulae ossis, frontis descriptio, &
usus. 203. 204. Cerebri

INDEX RERVM.

Cerebri substantia qualis, magnitudo & figura. 209 officium. 220 221 eius Cortex. 270 Pons eius. ibid. motus eius ad lunam. *Phœbus* est solum intumescere ipsa fermenti. 224 substantia eius an proprio motu moveatur vel arteriarum motu vibret. ibid. consensus eius cum oculis unde. 237 eius substantia non sentit. 7

Cerebelli situs, forma, substantia, quantitas, usus & ramificationes. 217

Chorion membrana fetu involvens. 113

Circulatio sanguinis quid. 146 sanguinem a putredine & coagulatione præservat. 157 sine illa partes nutriri nequeunt. 159 Argumenta D. Primerosij contra circulationem examinantur. 147

Clavicula structura & figura. 124

Clitoris quid. 97

Colici doloris cum nephritico similitudo. 29 cur colici umbilicum magis cruciant. ibid. colici dolores quomodo in paralysem aut Epilepsiam terminantur. 254

Colon Intestinum cur in hominibus majus sit quam cæteris animalibus. 54

Concoctio est particularum comminutio & liberatio. 54 & eadem actio cum putrefactione. 55 in hepate & ventriculo cum chymicis digestionibus assimilatur. 56 57 & putrefactio & partium separatio. 22 In ventriculo hepate & corde Assimilationi subservit. 55 eius latio ex male affecto officio superiori ventriculi. 56

Concha auris quid, & officium. 241

Consensus inter Vesicam & Umbilicum unde. 88 Inter Pericranion & duram matrem unde. 202

Cor non nutritur nisi à sanguine & sinistro ejus ventriculo emissio. 145

Cor Germanici cur cremari nequeat. 111

Cordis situs, figura ac magnitudo. 133 substantia & connexio. 136 ejus nervi quales, eorumque usus. 137 ejus motus sit a spiritibus animalibus ut in musculis, sed non ad placitum voluntatis. ibid. ejus Auriculæ earumque usus. 138 Ventriculi ejus duo tantum. 140 quorum sinister magis fibrosus ac crassus est ut sanguis fortius propellatur in exteras partes. 141 ejus actio primaria. 144

Corneæ tunice descriptio, cur extra sclerotidis peripheriam extendatur. 211

Coronaræ Arteriæ & venæ circa cor circumque usus. 136 Valvula officio venarum appositæ qualis est, cui usus. ibid. cur copiosiores sine vasorum horum ramuli in sinistro cordis latere quam in dextero. ibid.

Corporis humani in administratione anatomica divisio. 4

Corporum fungosorum penis descriptio & usus. 96

Corpus callosum. 20

Costæ veræ & spuræ. 124 costæ fractæ repositio per cucurbitulas condemnatur. ibid.

Crani descriptio & partes. 203

Cremasteres musculi. 94

Cuticulæ definitio & modus generationis. 4 5 ex sanguineis & spermaticis partibus consistit. 6 est immobilis in homine, & quis motus ejus usus in brutis. ibid. Galeni de cute elogium. ibid. est præcipuum tactus organon, non adæquatum. 8 ex ejus densitate pustulæ varicæ oriuntur, est sensus expers. 9 est tactus medium. ibid. venarum ora regit. ibid.

D

Deglutitio difficilis in febris & Hystricis unde. 218

Dentium dolor unde, & ubi medicamenta externe applicanda sunt ad sedandos istos dolores. 260 ex dentis evulsionem sanguinis profluvium copiosum & mors. 260 ex dentis evulsionem parastri maxillæ superioris simul avelitur, & inde perpetua humorum destillatio. 226

Diaphragmatis situs, figura, canales ac tunica. 128 unde intestinorum retractio ab eius inflammatione. ibid. ejus Vasa ac usus. 129

Dolor capitis ex male affecto officio superiori ventriculi. 56

Dolor lumborum fluxum menstruales antecedens unde. 100. 255

Dolores dorsi in febris & variolis unde. 252

Ductus novus in Testibus semen eliciens & ad Parastatas ducens. 98

Ductus novus Pancreaticus, ejusque historia. 42 per quem etiam lienis & aliarum partium excrementa excernuntur. 46 47

Ductus auditorij quales. 241

Dureti sententia de sexus distinctione ejusque explanatio. 110

Diastræ quid & quomodo ab antiquis intelligebatur. 145

Dyspnœa à schyrra Hepatis unde. 49

E

Elementum purum non est alimentum et quare. 55

Emplastra in debilitatem orificij superiori ventriculi quo in loco applicari debeant. 19

Emplastræ aliæque extra appositæ aut injectæ quomodo vires suas interioribus communicent. 159

Emulgentium arteriarum & venarum usus & origo. 253

Epilepsia cur in novilunio gravius affligit. 209

F

Falx quid. 213

Fames in ventriculo quid & unde sit. 24. 25

Facies 213

ET VERBORVM.

R

Recti Intestini confectus cum utero & vesica unde. 30
Reduplicatione meningis duræ quæ. 205
Refrigerij usus in respiratione. 180 181
Renum situs, figura ac numerus. 76
Vasorum illorum descriptio. 79
D. Senectio opinio de illorum usu. 81
Renibus succenturiati seu Vesiculæ atrabiles Bartholini. 82 à liene melancholicam non lacuant. 84 humiditates superfluas à valibus maioribus quibus adnectuntur, absument. ibid.
Respiratio quid, ejus partes. 129
quomodo fiat. 128 131
Resolutio totius ab inflammatione pulmonum unde. 152
Rete mirabile ejusque officium. 216
Reticularis tunica. 213 species visibiles recipit. 213
Revulsio in Pleuride ubi rectè instituitur & quando. 219 revulsio rectè fit licet sanguis circuletur. 142 quomodo fiat. 150 Est intentio irrationalis non detur circulatorio, ibid.
Rigor quid & quomodo in febribus fiat. 12
Rubor faciei criticam hæmorrhagiam prænuñciat. 225

S

Sacra sîcula. 212
Sanguificatio an venis attribui debeat. 53
Sanguificationis perfectio Hepati attribuitur. 53
Sanguis tenuior & magis serosus in extremis invenitur. 221 ejus fibræ unde. 124 ex quibus partibus conficiatur 122 121 partes ejus variz 102 121
Sanguis cur non concrevit in venis. 152
Sanguis menstrualis per vasa cervicis vitri, æque ac fundi exemitur. 120
Sanguinis circulationis per testes accuratior descriptio. 1. 9
Sectio pro Empyemate ubi instituenda. 122
Sella ossis euneiformis. 212
Semen cur à violentiori catharsi, aut ab acrioribus clysteribus aut glandibus nonnunquam emittatur. 21
Seminis generationis modus & natura. 101 Semen quid sit, & quomodo à toto sit descriptum. 102
Semen Vegetabilium quomodo generetur. 103
Semen masculinum sit ex atomis spiritalibus, femininum ex magis corporalibus. 107
Senes cur objecta remotiora rectius vident. 216
Septum lucidum. 210 ciliare ejusque officium. 214
Serum quid ejusque officium. 74

Sitis cur ab inflammatione pulmonū. 173
Sinuum Meningis descriptio. 201 202
verum illorum officium.
Spirituum animalium puritas, vel impuritas unde dependat. 221
Spiritus animales ubi generantur. 210
211 Illorum materia quæ. 221
illorum triplex est motus. 212
Spirituum horum unica cā causa materialis. 222
Spina quid & ejus officium. 224
Spinalis medullæ principium. 214 215
218 ejus substantia & figura. 219
& usus. 220 cur non moveat. 224
Sperma quid. 224
Sterilitas à vitij orificij interni uteri. 22
Sterilitatis Scytharum causa. 241
Stupor femoris in calculosis unde. 76
Superciliosum usus. 229
Suture. 204
Σελήνη quid. 210
Syssile quid & quomodo ab Antiquis accipitur. 245

T

Taber & totius consumptio à schyro glandularum in mesenterio. 13
Tactilia quomodo percipiuntur. 7
Tactus organum inmedium est membrana. ibid.
Tæpæ quid. 222
Tenesmus causa abortus quare. 10
Testes utriusque sexus semen conficiunt. 107 102 temperamentum totius & mores alterant. 81 90
eorum substantia, magnitudo & figura. 90 officium. 24 102
Thoracicarum arteriarum communio & usus. 252
Thoracis termini. 127 partes. 122
musculi & ossa. 124
Tiberij Cæsaris oculi uti & felium cur nodu corrumpant. 216
Titillatio in coitu unde. 21
Tonsillarum usus. 124 125
Tortular. 206
Tubulorum renum Fallopij. 22
Tunica ad visionem necessaria. 210
Tussicula ex auri purgatione profunda quare. 174
Tussis quid. 175
Tympazum. 221

V


Valvularum orificiis fureulorum cavæ in hepate appositæ descriptio, & usus. 50
Valvularum usus in venis, cochleis artificialibus assimilatur. 51
Valvulæ Sigmoides & tricuspidæ in ventriculis cordis. 143 169 170
Valvularum descriptio in Ramo splenico nova. 24. 61
Vasicosum corpus. 26
Vasa

M m j

INDEX RERUM.

Vasa deferentia humana.	93	prio. 210 usus & officium.	215. 216
feminea.	100	ventriculus tertius. 214 ventriculus	
Vasa cholidocha. 30 Mammaria.	120	quartus non rite inter illos numerat-	
Epigastrica.	ibid.	tur.	ibid.
Vasa spermatica. 86 illorum distribu-		Vertebrae. 122 mala ex luxatione quæ.	ibid.
tionis per testes nova descriptio.	89		
Vasorum unio in sexu cui usui inservi-		Vesica urinaria. 35 ejus connexio &	
ant.	125. 126	consensus cum alijs partibus.	ibid.
Venæ cavæ ortus & historia.	131	ejus officium in feminis.	98
vena sine pari.	133	Vesiculæ biliaris situs & structura.	38
Venæ cur non pulsant ut arteriæ.	152	Vasa ejus bilem ab hepate ducen-	
Venæ arteriosæ seu arteriæ pulmonum,		tia. ibid. ejus verum officium.	59
usus & officium.	168. 169. 170	Vesiculæ atrabiles. 82 illarum	
Venarum sectio pone auris cui Scythas		usus.	84
ab arthritide liberavit.	249	Vesiculæ seminales.	93
Venæ Raninæ. 242 in quibus affecti-		Viscera cur non sentiunt.	7
bis incidenda.	261	Vitro fit in tunica retina.	833
Vena quæ in mania, cerebri & menin-		Vnguis oculi quid.	230
gum inflammatione incidenda.	261	Vocis mutatio in catarrho & febribus	
Venæ Portæ historia & anastomasis cum		unde.	175
cavâ.	50	Vomitus cur in tussi excitatur.	175
Venarum electio in venæ sectione in		cur in colica.	19
morbis cephalicis utilis.	134	Vomitiones acidæ unde.	23
Vena Umbilicalis.	113	Vrachus.	133
Venæ mammariæ cum arterijs Epiga-		Vrethra quid.	93
stricis unio.	120	Vreterum descriptio.	84
Venæ coeliacæ in portam inhiantes valvu-		Vrinæ excretio perpetua post partum	
las ad portam spectantes habent.	23	per Vrachum.	115
Venena non ideo nocent, quia ventri-		Vrinæ colores naturales unde accipi-	
culo solum adversantur.	24	ant.	74
Ventris divisio anatomica.	4	Vrinæ cruentæ unde.	75
Ventriculi repletio nimia dyspneam		Vteri cervix, & os internum.	98
causat.	19	fundus & ligamenta.	99
Ventriculus cur à vertebrarum luxatio-		ejus proidentia unde.	ibid.
ne aut concussione afficiatur.	ibid.	humores ejus excrementitij per liga-	
ejus magnitudo. Unde consensus ejus		menta inferiora commode excernun-	
cum corde, ibid. frequentior ejus		tur.	ibid.
dilatatio à crapula cum debilitat.	20	substantiæ ejus descriptio & arte-	
consensus cum cerebro, 22 ejus		riæ.	ibid.
actio quæ. ibid. partes potulentas		eius venæ, meatus cæci, tubæ ac	
vitri olacea qualitate tingit.	23	nervi.	100
an chylo alatur.	24	fundi ejus capacitas.	101
Ventriculorum cerebri vera descri-		Vvealis tunica seu choroides.	231

Finis Indicis Rerum.



ET VERBORVM

Facies temperamentum corporis, mores animi, vitam ac mortem etiam indicat. **225**
Felium oculi cur noctu coruscant. **239**
Fistulae an si male curantur cur in sanguinibus spurum ac tabem terminantur. **256**
Fistulae Asperae arteriae situs, substantia & usus. **173** **176**
Fortius geminus non est, licet ex duplici semine formetur, 108 cur nunc masculinus nunc feminus generetur, ibid masculini partes citius formantur, quā femineae. **109** partium similitudo in foetu unde oritur. ibid. unde partium defectus. **ibid.**
Fornix 110 ejus officium. **211**
Fons pulsans. **221**
Frigida cur pectori inimica, tussim & sanguinis profluvium crient, aph. **24** fecit. **5** Hip. explicatur. **253**

G

Galenus argumentum de pulsus arteriarum naturā examinatur & dirigitur. **162**
Glandula Pinealis ejus substantia & usus **216** Pituitalis descriptio & usus. **216** Lachrymalis historia. **220**
Γλαυκωμα quid. **256**

H

Hæmoptosis unde & quid. **122**
Hæmorrhoides apertæ debito tempore menses provocant, non debito tempore revellunt. 255 Illarum apertio hienem, ienes & Mesenterium lacunant.
Hæmorrhoidales arteriae & venae interit. 255 externae earumque usus. **257**
Hepatis situs & figura. 48 hominibus maximum conceditur **49** ejus ligamenta, substantia & modus generandi. ibid. vasa ejus. **50** officium. **11** sanguine per arterias delato nutritur, non illo quem conficit. **13** est primum sanguificationis organon non adaequatum. **ibid.**
Hernia Varicose causa. **82**
Hernia à laxitate peritonii. **14**
Hydrops aut tabes cur ex suppressione hæmorrhoidum fiant. **256**
 ex suppressione urinae fit. **75**
Humoris tenuioris in vasculis seminalibus contenti usus. **94**
Hymen & ejus descriptio. **93**
Hypostasis seu sedimentum urinae quid. **67**
Hypogastrica Vasa. **216**
Hysterica passio non ab ascensione uteri procedit. **22**

I

Ilei descensus Herniam causat. **27**
 Iliacæ arteriae. **216**
 Iliacæ passionis causa. **27**
 Imaginatione turbata sit mala formatio & quomodo. **110**

Intestinatorum longitudo & substantia 25 cur mucosa materia intus obducatur. **18**
Intestinatorum mucosa materia aliquando in membranæ naturam indurcescit. **26** Vasa illorum per quae circulantur sanguis enumerantur. **ibid.**
 differentia in situ tenuium & crassorum in hominibus & canibus, & inde antiquorum error. **ibid.** Illorum motus peristalticus qualis. **27** illorum usus. **30**
Intestini cæci officium verum. 23 est in Infantibus & canibus majus sit quam in adultis. **ibid.**
Innamatio partium externarum capitis quomodo tam cito cerebro communicetur. **222**
Insundibili descriptio & usus. **216**
Iris unde. **211**
Ischiaici doloris curandi ratio per venæ sectionem apud Scythas & Arabes. **241**

L

Lactis generatio ac partium diversitas. **122** ejus bonitas sit cognoscatur. **ibid.**
Lactantes raro mensium fluxum sentiunt. **120**
Lactearum venarum descriptio. **17**
 Antiqui non prorsus ignotæ. **18**
Laryngis descriptio & usus. **278**
Lienis substantia, color & forma. **60**
 vasorum ac librarum nova ac vera descriptio. **24** Valvularum in ramo ejus doctrina nova. **64** **65** argumenta diversa pro lienis sanguificatione refutantur. **73**
Lienis officium verum. 61 per quas vias ejus excrementa excernantur. 61 unde obstructions ejus & schyeri. **69** receptaculum melancholice esse probatur.
Lieni tensiones & tormina coli saepe ab imperitiis ascribuntur. **60**
Luscositas seu *μαρμα* quid & unde proveniat. **236**

M

Mammarum descriptio & substantia. **118**
 Illarum & uteri consensus unde. **121** Mammæ quare seminis conceduntur & nonnunquam viris, illarumque usus. **121** Ex Mammis uteri conditi in saepe produciuntur. **119**
Mearus biliaris insertio in jejunum intestinum. **126**
Medastinum. **126**
Mel in seniorum ventriculis concoquitur, in junioribus & calidis aduritur & amarescit. **21**
 Meatus per quos melancholia expurgatur declaratio elegantissima. **23**
Melancholice Hypochondriacæ sceleris. **233**
Membranarum beneficio omnes partes sentiunt. **2**
Membrana tenuis cerebri. **207**
 innominata nculi. **230**
Meninges cerebri. **205**

INDEX RERVM.

Mentha cur stomacho proſit. 10
 Meſaricarum vulgariuꝝ deſcriptio. 31
 illarum diſuiſio ac uſus apud veteres. 32
 33 illarum uſus. 34
 per illas humores expurgantur. 35
 valvulas non habent ut alia venæ. 35
 cur tantus illarum numerus inteſtinis
 concedatur. ibid.
 Meſenterij officium & natura. 31
 Menſium ſuppreſſio & dolor a decubitu
 uteri ad Coxam quare. 257
 Motus unde profluat. 218
 Mucoſi ac pituita humores in ventri-
 culo appetitum retundant unde. 25
 Mulieri ſanguinem vomenti erumpen-
 tibus Menſtruis vomendi finis eſt, aph.
 32 ſect. 5. Hip. explicatur. 254

N

Nafus, ejus deſcriptio. 241
 Nates cerebri quales. 214. 215
 Nauſea in ſtomacho ab humoribus in-
 gratis excitatur. 22
 Nephritici & colici doloris ſimilitudo
 unde. 76
 Nephritici cur pondus & dolores acu-
 tiſſimos in renibus ſentiant. 81. unde
 conſenſus ventriculi in iſtis doloribus
 excitatur. ibid.
 Nervi ſentiunt gratia membranarum. 7
 illorum medulla non ſentit. ibid.
 Nervorum principium & ortus. 215
 Nuxaradaria quid. 235
 Nympharum deſcriptio, origo & uſus. 97

O

Oculorum muſculi eorumque uſus
 & numerus. 230 illorum mem-
 branæ ſeu tunica. ibid. eorum hu-
 mor aqueus. 234 Criſtallinus ejusque
 figura & officium. 25 234 hu-
 mor Vitreus. 237.
 Oculorum rubor ſæpe hæmorrhagiæ cri-
 ticæ eſt pro dromus. 273
 Oeſophagi hiſtoria & uſus. 17 18 hu-
 jus anguſtiæ & relaxationis effectus
 varij. ibid.
 Omenti deſcriptio & uſus. 16 in ejus
 venis valvulæ verſus Portam ſpectant.
 ibid.
 Ophiasis. 200
 Ori ingrata cur nauleam & vomitum
 cient. 18. 21
 Os Petroſum. 241
 Officula meatus auditorij. ibid.

P

Palpebræ ſuperioris muſculi. 229. 231
 inferioris, eorumque uſus. ibid
 Palpitationis cordis in melancholicis
 cauſa eximia. 74
 Pancreatidis deſcriptio et Duſtus ejus no-
 vus. 42 vaſa & uſus antiquorum. 43
 verum ejus officium. 46

lien ſecundarius. ibid. totius
 abſumptio ejus morboſam affectionem
 ſequitur. ibid
 Panniculi carnoſi uſus. 15
 Papillarum deſcriptio. 119
 Papillæ muſculoſæ in ventriculis cordis
 quales, & cui uſui. 147
 Paraſtatarum uſus. 91 plexus illa-
 rum labyrinthini deſcriptio nova. 93
 Parotides. 241
 Partes ſimilares & organicae. 1. Si-
 milarium numerus & materia. ibid.
 Organicarum differentia à ſimilari-
 bus. 5
 Partes conſtituentes humani corporis
 ſunt ſemen et ſanguis. ibid.
 Paralyſis quomodo generatur. 219
 Penis cuſque partium deſcriptio. 25. 96
 erectionis cauſa & continuatio. 97
 Pericardium. 127
 Peritonæi uſus. 14
 Pilorum ſubſtantia, figura ac modus ge-
 nerationis. 198 vera illorum
 materia. 199
 Pinguedo quid & quomodo condenſe-
 tur. 9. cur in ventriculo diſ-
 ciliſ ſit concoctus. 10 ejus
 uſus. 11. 12. in inædijs ex-
 tremis in alimentum partium non
 cedit. 12
 Placenta quid & quomodo genere-
 tur. 112 hac male affecta ſit
 abortus. 113
 Pleura quid. 126
 Pleuritis ubi ſit. ibid. quo in lare-
 re vena eſt ſecanda. 259
 Plexuum uſus. 155
 Plexus Vaſorum in corpore varicoſo
 uſus. 89
 Plexus choreoides. 214
 Plica quid & generandi modus. 201
 Pororum conſtrictio febres generat &
 quare 6
 Proſtatae glandulae earumque uſus. 93
 Pthiſis cur diſſiciliter curatur. 175
 Pulmonum ſubſtantia, lobi & membra-
 na. 176. 177 an in pleuritide ſimul
 afficiantur. 178 per quas vias excre-
 menta illorum purulenta per urinas
 excreantur. 179. illorum offici-
 um verum. 180 & 180 an propria
 virtute moveant vel thoracis motum
 ſequantur. 184. 185
 Pulsus quid ſit. 161
 Pulſuum differentia bene cum circula-
 tione ſanguinis conveniunt, illa-
 rumque deſcriptio. 165
 Pulsus ubi examinandus. 134
 Pupilla quid. 231 ejus uſus & mo-
 tus. 232 pupilla anguſtior viſum
 acutiorem reddit. ibid.
 Purgatio cur cum torminibus & dolore
 fiat. 35
 Pylorus. 20 ſubſtantia quadam craſſa
 inſtar valvulae clauditur. 20 ejus
 officium verum. 21

Reſtæ



